



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

HARVARD LAW LIBRARY




3 2044 097 730 725

HARVARD
LAW
LIBRARY



HARVARD LAW SCHOOL
LIBRARY

Germany



IUSTINIANI INSTITUTIONES.



BEROLINI
APUD WEIDMANNOS
MDCCCVIII

F^{or} T X
C

Ex officina aulae Vimariensis typographica.

In retractanda Iustinianarum institutionum editione isdem subsidiis criticis usus sum, quas in prima editione anno 1868 emissa adhibui, quibusque meliora adhuc nulla inventa sunt. in contextu constituendo optimorum librorum fidem secutus sum, cum Bambergensis et Taurinensis saec. IX vel X, quorum ille integer, hic magna ex parte periit, tum legis Romanae canonice compatae saec. IX, quae plus minus quartam institutionum partem in se recepit, cuiusque capita duobus exceptis in collectionem anonymi Anselmo dedicatam transscripta sunt.

Quorum librorum ea condicio est, ut lex Romana, quam propter vetustatem emendationemque primo loco habui, proxime cognata sit libro Bambergensi, Taurinensis vero alius sit ordinis ad illius menda tollenda plurimum proficiens. atque cum ex collationibus deteriorum librorum collegisse mihi viderer in hos duos ordines discedere omnes, curandum erat, ut in iis partibus, in quibus Taurinensis deficit, alium eiusdem ordinis codicem subrogarem. sed nec in reliqua institutionum parte omnino abstinere licuit a recentioribus libris: in utrumque enim librum non ita raro inculcatae sunt et emendationes ex alterius ordinis libris petitae et interpolationes plerumque communes.

Quas ob causas quattuor praeterea adhibui libros Bambergensem saec. XI vel XII, qui alterius Bambergensis ordinem sequitur, Casinatem saec. XI et Parisiensem saec. XI et Wallraffianum saec. XII, qui Taurinensis ordini adscribendi videntur.

Constituto ex his libris contextu institutionum in ad-denda diversitate scripturae ita versatus sum, ut quae

veteribus libris communia essent, enotarem omnia, singularium graviora tantum, Bononiensium librorum scripturam ubi utile visum est indicarem.

Summae vero auctoritatis in eruenda vera lectione habui tam Theophili paraphrasin Graecam institutionum, quam ea quae supersunt librorum, ex quibus profecerunt tres viri, quibus cura componendarum institutionum iniuncta est. et quidem iuris consultorum libri hi exscripti sunt: Gaii libri institutionum et rerum cottidianarum, Marciani Florentini Ulpiani libri institutionum: his accesserunt Iustiniani codex prior et digesta. sed quae ex veterum auctorum libris exscripta sunt, exceptis iis quae exstant in Gaianis institutionibus non nisi ex digestis nobis innotuerunt. quare ut facilius dignoscatur, unde sumpta sint quae in digestis redeunt, in his laudandis addidi legis inscriptionem, ut uncinis includerem aut digestorum locum, ubi institutionum verba ex veteribus ipsis libris pendeant, aut librum iuris consulti, quando ea ex digestis profecta sint. quae vero ex Gaianis institutionibus, quas Iustinianarum fundamentum esse constat, transscripta sunt, intra ipsum contextum his signis [^] distinxī: contra quae Iustinianis debentur, ea quoad fieri potuit angulis his [<] [>] indicavi.

Citantur praeterea ad titulorum rubricas Gaii institutiones tituliue digestorum et codicis qui eiusdem argumenti sunt: nec minus suo quoque loco indicantur constitutiones, ad quas institutiones remittunt.

SIGNORUM EXPLICATIO

- V** = codex bibliothecae capitularis Veronensis XXXVIII (86), cui insunt varia opuscula Sulpicii Severi (v. Reifferscheid, bibliotheca patrum p. 110). ad supplendum huius libri hiatum postea adglutinata sunt tria folia rescripta, quorum scriptura antiquior continet ex Iustinianis institutionibus indicem titulorum usque ad 3, 5 (= *ind. V*), prooemii finem inde a verbis § 5 *ab imperiali*, libri primi titulum I et II inde a § 4 extr. scripta sunt litteris maiusculis. contuli Veronae 1868.
- R** = codex bibl. reg. Berolinensis, olim Rosnyanus, Lat. fol. n. 269 saec. IX, continens finem institutionum inde a verbis 4, 18, 5 in. *eos qui hominis*. contuli ipse.
- U** = Vercellensis 122 saec. IX vel X, qui continet prooemium. contuli Vercellis a. 1868.
- A** = lex Romana canonice compta (de qua cf. Maassen, Ueber eine lex Romana canonice compta. Wien 1860. 8.) una cum collectione Anselmo dedicata: illam continet codex Parisiensis 12448 (antea Harleianus 986) saec. X (= *A'*), quem habui Berolini, huius adhibui codices Vercellensem (= *Au*) et Bambergensem P I 12 saec. IX (= *A^{bs}*), quos ipse contuli. insunt huic collectioni institutionum tituli 1, 1..4. 8, 9, 10, 12; 2, 1, 2, 6 (titulos 2 et 6 om. Ans. ded.) 14 § 5..12; 3, 6 pr... § 9, 15, 19; 4, 1..4. 8, 9, 18.
- B** = codex bibliothecae publicae Bambergensis D II 3 saec. IX vel X, integrum institutionum corpus continens. contuli Berolini.
- T** = codex Taurinensis bibliothecae regiae Athenasi D III 18 (olim H VI 4) saec. IX vel X. habet haec: 1, 13, 8 *te in patris* .. 14, 8 *posse dari*, 19 med. *post obitum* .. 25, 18 *potest excusare*, 26, 3 *endum est quasi* .. 2, 7, 3 *nuptias appellabatur*, 2, 8 pr. *lex in soli* .. § 2 fin. *eandem summam*, 9, 2 *quod sui iuris* .. 16, 1 fin. *pupillaris sub*, 16, 8 *usque ad* .. 19, 6 *divus quidem*, 20, 2 fin. *cuius constitutionis* .. 8 in. *sive disiunctim*, 23, 5 med. *singulis quoque* .. 3, 24, 5 in. *omnia secundum*, 25, 9 *praevaluit* .. 4, 1, 16 med. *furem furti actionem*. inde a verbis 3, 23, 3 fin. *nondum emptor manus prima ob superinductionem* saec. XIV ut videtur factam saepe incerta est (conf. Zeitschrift für Rechtsgeschichte VII p. 45 sq.). contuli Berolini.
- C** = folia 21 libri institutionum saec. X vel XI, iam dispersa in codicibus monasterii montis Casini n. 160. 169. 175. 200. 270. 295. 326. 394, quibus teguminis loco addita sunt. continent 2, 5, 3 *potest ad* .. 6, 7 in. *autem ad*, 10, 12 *fiat* .. 16, 2 *testamenta alterum*, 22, 1 in. *si Titii pars* .. 23, 1 fin. *ius diceret*, 23, 9 med. *an expediat* .. 3, 1, 2 *existimantur ut*, 1, 18 in. *naturalis parentis* .. 15 fin. *patris sui*, 23, 1 med. *aestimaverit sub* .. 24 pr. *quidem locati*, 27, 7 in. *ex quibus causis* .. 29, 2 med. *res erit* (et secundum Bluhmium etiam 24 pr. .. 27, 7), 4, 1, 3 med. *furtum manifestum* .. 16 med. *concedatur et adversus*, 3, 9 *occiderit qui* .. 6, 5 *esset usu ceperit*. collata sunt Schraderi a Bluhmio, mihi maiore ex parte a vv. dd. R. Schoene et O. Hirschfeld.

VIII

P = codex bibliothecae publicae Parisiensis 4421 saec. XI. contuli Berolini a. 1869.

E = codex bibliothecae publicae Bambergensis D II 4 saec. XI vel XII. contuli ipse.

W = codex bibliothecae civitatis Coloniae Agrippinae X, 8, olim Wallraffianus, saec. XII. contuli ipse.

Θ = Theophili paraphrasis Graeca institutionum.

det. = libri deteriores, quorum lectiones laudantur in editione Schraderi.

inc. = incerta lectio.

ind. = index titulorum, qui extat in codicibus *V* et *B*.

Ubi librorum scriptura emendata est, siglis eorum ad indicandam emendationem litterulam ^b addidi: primitiva scriptura his locis litterula ^a significatur. ubi in ipsis libris notatur diversitas scripturae, hanc significavi litterula ^e, contextum libri litterula ^t. interrogationis signum librorum siglis additum semper ad proxime praecedens referendum est.

LIBER PRIMUS.

- I De iustitia et iure
- II De iure naturali et gentium et civili
- III De iure personarum
- IV De ingenuis
- V De libertinis
- VI Qui ex quibus causis manumittere non possunt
- VII De lege Fufia Caninia sublata
- VIII De his qui sui vel alieni iuris sunt
- IX De patria potestate
- X De nuptiis
- XI De adoptionibus.
- XII Quibus modis ius potestatis solvitur
- XIII De tutelis
- XIV Qui dari tutores testamento possunt
- XV De legitima adgnatorum tutela
- XVI De capitis minutione
- XVII De legitima patronorum tutela
- XVIII De legitima parentum tutela
- XIX De fiduciaria tutela
- XX De Atiliano tutore vel eo qui ex lege Iulia et Titia dabatur
- XXI De auctoritate tutorum
- XXII Quibus modis tutela finitur
- XXIII De curatoribus
- XXIV De satisfactione tutorum et curatorum
- XXV De excusationibus
- XXVI De suspectis tutoribus et curatoribus

LIBER SECUNDUS.

- I De rerum divisione
- II De rebus incorporalibus
- III De servitutibus
- IV De usu fructu
- V De usu et habitatione
- VI De usucapionibus et longi temporis possessionibus
- VII De donationibus
- VIII Quibus alienare licet vel non
- IX Per quas personas nobis acquiritur
- X De testamentis ordinandis
- XI De militari testamento
- XII Quibus non est permissum testamenta facere
- XIII De exheredatione liberorum
- XIV De heredibus instituendis
- XV De vulgari substitutione
- XVI De pupillari substitutione
- XVII Quibus modis testamenta infirmantur
- XVIII De inofficioso testamento
- XIX De heredum qualitate et differentia
- XX De legatis
- XXI De ademptione legatorum
- XXII De lege Falcidia
- XXIII De fideicommissariis hereditatibus
- XXIV De singulis rebus per fideicommissum relictis
- XXV De codicillis

LIBER TERTIUS.

- I De hereditatibus quae ab intestato deferuntur
- II De legitima adgnatorum successione
- III De senatus consulto Tertulliano
- IV De senatus consulto Orfitiano
- V De successione cognatorum
- VI De gradibus cognationis
- VII De successione libertorum
- VIII De adsignatione libertorum
- IX De bonorum possessionibus
- X De acquisitione per adrogationem
- XI De eo cui libertatis causa bona addicuntur
- XII De successionibus sublatis, quae fiebant per bonorum venditionem et ex senatus consulto Claudiano
- XIII De obligationibus
- XIV Quibus modis re contrahitur obligatio
- XV De verborum obligatione
- XVI De duobus reis stipulandi et promittendi
- XVII De stipulatione servorum
- XVIII De divisione stipulationum
- XIX De inutilibus stipulationibus
- XX De fideiussoribus
- XXI De litterarum obligatione
- XXII De consensu obligatione
- XXIII De emptione et venditione
- XXIV De locatione et conductione
- XXV De societate
- XXVI De mandato
- XXVII De obligationibus quasi ex contractu
- XXVIII Per quas personas nobis obligatio acquiritur
- XXIX Quibus modis obligatio tollitur

LIBER QUARTUS.

- I De obligationibus quae ex delicto nascuntur
- II Vi bonorum raptorum
- III De lege Aquilia
- IV De iniuriis
- V De obligationibus quae quasi ex delicto nascuntur
- VI De actionibus
- VII Quod cum eo, qui in aliena potestate est, negotium gestum esse dicitur
- VIII De noxalibus actionibus
- IX Si quadrupes pauperiem fecisse dicitur
- X De his per quos agere possumus
- XI De satisfactionibus
- XII De perpetuis et temporalibus actionibus et quae ad heredes vel in heredes transeunt
- XIII De exceptionibus
- XIV De replicationibus
- XV De interdictis
- XVI De poena temere litigantium
- XVII De officio iudicis
- XVIII De publicis iudiciis

IN NOMINE DOMINI NOSTRI IHESU CHRISTI

IMPERATOR CAESAR FLAVIUS IUSTINIANUS ALAMANNICUS GOTHICUS
FRANCICUS GERMANICUS ANTICUS ALANICUS VANDALICUS AFRICANUS
PIUS FELIX INCLITUS VICTOR AC TRIUMPHATOR SEMPER AUGUSTUS
CUPIDAE LEGUM IUVENTUTI

Imperatoriam maiestatem non solum armis decoratam, sed etiam legibus oportet esse armatam, ut utrumque tempus et bellorum et pacis recte possit gubernari et princeps Romanus victor existat non solum in hostilibus proeliis, sed etiam per legitimos tramites calumniantium iniquitates¹ expellens, et fiat tam iuris religiosissimus quam victis hostibus triumphator.

Quorum utramque viam cum summis vigiliis et summa 1 providentia² adnuente deo perfecimus. et bellicos quidem sudores nostros barbaricae gentes sub iuga nostra deductae cognoscunt et tam Africa quam aliae innumerosae³ provinciae post tanta temporum spatia nostris victoriis a caelesti numine praestitis⁴ iterum dicioni Romanae nostroque additae imperio protestantur. omnes vero populi legibus iam a nobis vel promulgatis vel compositis reguntur. Et cum sacratissimas con- 2 stitutiones antea confusas in luculentam ereximus consonantiam, tunc nostram extendimus curam et ad immensa prudentiae veteris volumina, et opus desperatum quasi per medium profundum euntes caelesti favore iam adimplevimus. Cumque hoc deo pro- 3 pitio peractum est, Triboniano viro magnifico magistro et exquaestore sacri palatii nostri nec non Theophilo et Dorotheo viris illustribus antecessoribus, quorum omnium⁵ sollertiam et legum scientiam et circa nostras iussiones fidem iam ex multis rerum argumentis accepimus, convocatis specialiter mandavimus, ut nostra auctoritate nostrisque suasionibus componant institutiones: ut liceat vobis prima legum cunabula non ab antiquis fabulis discere, sed ab imperiali splendore appetere et tam aures quam animae vestrae nihil inutile nihilque perperam positum, sed quod in ipsis rerum optinet argumentis accipiant: et quod in priore tempore vix post quadriennium⁶ prioribus contingebat,

¹ sic PW cum Θ, iniquitatem BU ² sic PEW cum Θ, diligentia BU ³ sic PE cum Θ, numerosae BU ⁴ praestitae B ⁵ sic UPW cum Θ, omnem BW^b ⁶ μετὰ τετραῖν Θ

ut tunc constitutiones imperatorias legerent, hoc vos a primordio ingrediamini digni tanto honore tantaque reperti¹ felicitate, ut et initium vobis et finis legum eruditionis a voce principali pro-
 4 cedat. Igitur post libros quinquaginta digestorum seu pandectarum, in quos omne ius antiquum collatum est (quos per eundem virum excelsum Tribonianum nec non ceteros viros illustres et facundissimos confecimus), in hos quattuor libros easdem institutiones partiri iussimus, ut sint totius legitimae scientiae
 5 prima elementa. Quibus breviter expositum est et quod antea optinebat et quod postea desuetudine inumbratum ab imperiali
 6 remedio illuminatum est. Quas ex omnibus antiquorum institutionibus et praecipue ex commentariis Gaii nostri tam institutionum quam rerum cottidianarum aliisque multis commentariis compositas cum tres praedicti viri prudentes nobis optulerunt², et legimus et cognovimus et plenissimumstrarum constitutionum robur eis accommodavimus.

7 Summa itaque ope et alacri studio has leges nostras accipite et vosmet ipsos sic eruditos ostendite, ut spes vos pulcherrima foveat toto legitimo opere perfecto posse etiam nostram rem publicam in partibus eius vobis credendis³ gubernare.

Data undecimo⁴ kalendas Decembres Constantinopoli domino nostro Iustiniano perpetuo Augusto tertium consule.

¹ reperti om. Ba contra Θ ² sic BU cum Θ, contulerunt V
³ sic VUP, credendam B ⁴ sic VPE, x BU

DOMINI NOSTRI IUSTINIANI PERPETUO AUGUSTI
INSTITUTIONUM SIVE ELEMENTORUM
 COMPOSITORUM PER TRIBONIANUM VIRUM EXCELSUM MAGISTRUM
 ET EX QUAESTORE SACRI PALATII IURISQUE DOCTISSIMUM ET
 THEOPHILUM VIRUM MAGNIFICUM IURIS PERITUM ET ANTECESSOREM
 HUIUS ALMAE URBIS ET DOROTHEUM VIRUM MAGNIFICUM QUAESTORIUM IURIS PERITUM ET ANTECESSOREM BERYTENSIMUM
 INCLITAE CIVITATIS¹
LIBER PRIMUS.

I²

DE IUSTITIA ET IURE.

³Iustitia est constans et perpetua voluntas ius suum cuique tribuens. ³Iuris prudentia est divinarum atque humanarum 1 rerum notitia, iusti atque iniusti scientia.

His generaliter cognitis et incipientibus nobis exponere iura ² populi Romani ita maxime videntur posse tradi commodissime, si primo levi ac simplici, post deinde diligentissima atque exactissima interpretatione singula tradantur. alioquin si statim ab initio rudem adhuc et infirmum animum studiosi multitudine ac varietate rerum oneraverimus, duorum alterum aut desertorem studiorum efficiemus aut cum magno labore eius, saepe etiam cum diffidentia, quae plerumque iuvenes avertit⁴, serius ad id perducamus⁵, ad quod leniore⁶ via ductus sine magno labore et sine ulla diffidentia maturius perducipotuisset.

⁷Iuris praecepta sunt haec: honeste vivere, alterum non ³ laedere, suum cuique tribuere. ⁸Huius studii duae sunt posi- ⁴ tiones, publicum et privatum. publicum ius est, quod ad statum rei Romanae spectat, privatum, quod ad singulorum utilitatem pertinet. dicendum est igitur de iure privato, quod est triper- titum⁹: collectum est enim ex naturalibus praeceptis aut gentium aut civilibus.

¹ Hanc inscriptionem restitui ex RA ² Cf. Dig. 1, 1 ³ pr. § 1 cf. Ulp. l. 1 reg. (Dig. 1, 1, 10 pr. § 2) ⁴ sic VAG, evertit B ⁵ sic VAB, perducemus B cum Θ ⁶ sic VA, leniori P, levior B ⁷ § 3 cf. Ulp. l. c. (Dig. 1, 1, 10 § 1) ⁸ § 4 ex Ulp. l. 1 inst. (Dig. 1, 1, 1 § 2) ⁹ sic Θ, est triperlitu V, est triperlite ABP, triperlitum est Dig.

II¹

DE IURE NATURALI ET GENTIUM ET CIVILI.

²Ius naturale est, quod natura omnia animalia docuit. nam ius istud non humani generis proprium est, sed omnium animalium, quae in caelo, quae in terra, quae in mari nascuntur³. hinc⁴ descendit maris atque feminae coniugatio, quam nos matrimonium appellamus, hinc liberorum procreatio et educatio: videmus etenim cetera quoque animalia istius iuris peritia censi.

Ius autem civile vel gentium ita dividitur: ⁵omnes populi, ¹qui legibus et moribus reguntur, partim suo proprio, partim communi omnium hominum iure utuntur: nam quod quisque populus ipse sibi ius constituit, id ipsius proprium civitatis est vocaturque ius civile, quasi ius proprium ipsius civitatis: quod vero naturalis ratio inter omnes homines constituit, id apud omnes populos peraeque custoditur vocaturque ius gentium, quasi quo iure omnes gentes utuntur. et populus itaque Romanus partim suo proprio, partim communi omnium hominum iure utitur. quae singula qualia sunt, suis locis proponemus.⁶ Sed ius quidem civile ex unaquaque civitate ²appellatur, veluti Atheniensium: nam si quis velit Solonis vel Draconis leges appellare ius civile Atheniensium, non erraverit. sic enim et ius, quo populus Romanus utitur, ius civile Romanorum appellamus: vel ius Quiritium, quo Quirites utuntur: Romani enim a Quirino Quirites appellantur⁶. sed quotiens non addimus, cuius sit civitatis, nostrum ius significamus: sicuti cum poetam dicimus nec addimus nomen, subauditur apud Graecos egregius Homerus, apud nos Vergilius. ius autem gentium omni humano generi commune est. nam usu exigente et humanis necessitatibus gentes humanae quaedam sibi constituerunt: bella etenim orta sunt et captivitates secutae et servitutes, quae sunt iuri naturali contrariae. iure enim naturali ab initio omnes homines liberi nascebantur. ex hoc iure gentium et omnes paene contractus introducti sunt, ut emptio venditio, locatio conductio, societas, depositum, mutuum et alii innumerabiles.

⁷Constat autem ius nostrum aut ex scripto aut ex non ³scripto, ut apud Graecos: τῶν νόμων οἱ μὲν ἔγγραφοι, οἱ δὲ

¹ Cf. Gai. 1, 1. 8 Dig. 1, 1 ² pr. ex Ulp. l. 1 inst. (Dig. 1, 1, 1 § 3) ³ animalium, quae in terra, quae in mari nascuntur, avium quoque commune est Dig. ⁴ hinc BP Dig., hinc enim A ⁵ Gai. 1, 1 (Dig. 1, 1, 9) ⁶ sic BΘ, appellabantur APE ⁷ § 3 in. ex Ulp. l. 1 inst. (Dig. 1, 1, 6 § 1)

¹ *ἀρχαῖοι*. Scriptum ius est lex², plebi scita, senatus consulta, principum placita, magistratuum edicta, responsa prudentium. Lex est, quod populus Romanus senatore magistratu interro- 4 gante, veluti consule, constituebat. plebi scitum est, quod plebs plebeio magistratu interrogante, veluti tribuno, constituebat. ³plebs autem a populo eo differt, quo species a genere: nam appellatione populi universi cives significantur connumeratis etiam patriciis et senatoribus: plebis autem appellatione sine patriciis et senatoribus ceteri cives significantur. sed et plebi scita lege Hortensia lata non minus valere quam leges coeperunt. ⁴Senatus consultum est, quod senatus iubet atque con- 5 stituit. nam cum auctus est populus Romanus in eum modum, ut difficile sit in unum eum convocare legis sancienda causa, aequum visum est senatum vice populi consuli. ⁵Sed et quod 6 principi placuit, legis habet vigorem, cum lege regia, quae de imperio eius lata est, populus ei et in eum omne suum imperium et potestatem concessit. quodcumque igitur imperator per epistulam constituit vel cognoscens decrevit vel edicto praecepit, legem esse constat: haec⁶ sunt, quae constitutiones appellantur. plane ex his quaedam sunt personales, quae nec ad exemplum trahuntur, quoniam non hoc princeps vult: nam quod alicui ob merita indulset, vel si cui poenam irrogavit, vel si cui sine exemplo subvenit, personam non egreditur. aliae autem, cum generales sunt, omnes procul dubio tenent. Prae- 7 torum quoque edicta non modicam iuris optinent auctoritatem. haec etiam ius honorarium solemus appellare, quod qui honores gerunt, id est magistratus, auctoritatem huic iuri dederunt. proponebant et aediles curules edictum de quibusdam casibus, quod edictum iuris honorarii portio est. ⁷Responsa prudentium 8 sunt sententiae et opiniones eorum, quibus permissum erat⁸ iura condere⁹. nam antiquitus institutum erat, ut essent qui iura publice interpretarentur, quibus a Caesare ius respondendi datum est, qui iuris consulti appellabantur. quorum omnium sententiae et opiniones eam auctoritatem tenent, ut iudici recedere a responso eorum non liceat, ut est constitutum. Ex non 9 scripto ius venit, quod usus comprobavit. nam diuturni mores consensu utentium comprobati legem imitantur. Et non in- 10 eleganter in duas species ius civile distributum videtur. nam

¹ *id est legum aliae scriptae aliae non scriptae* ² *lex*] *PEQ*, *leges AB* ³ *plebs... ceteri cives significantur simil.* *Gai*o 1, 3 ⁴ *Gai.* 1, 4
⁵ § 6 *ex Ulp.* l. 1 *inst.* (*Dig.* 1, 4, 1) ⁶ *haec*] *AB Dig.*, *haec V*, *haec P*
⁷ *Gai.* 1, 7 ⁸ *erat*] *VAP*, *est B Gai.* ⁹ *concedere VP*

origo eius ab institutis duarum civitatum, Athenarum scilicet et Lacedaemonis, fluxisse videtur: in his enim civitatibus ita agi solitum erat, ut Lacedaemonii quidem magis ea, quae pro legibus observarent, memoriae mandarent, Athenienses vero ea, quae in legibus scripta reprehendissent¹, custodirent.

- 11 Sed naturalia quidem iura, quae apud omnes gentes peraeque servantur, divina quadam providentia constituta semper firma atque immutabilia permanent: ea vero, quae ipsa sibi quaeque civitas constituit, saepe mutari solent vel tacito consensu populi vel alia postea lege lata.
- 12 ²Omne autem ius, quo utimur, vel ad personas pertinet vel ad res vel ad actiones. ac prius de personis videamus.³ nam parum est ius nosse, si personae, quarum causa statutum est, ignorentur.

III³

DE IURE PERSONARUM.

- ⁴Summa itaque⁵ divisio de iure personarum haec est
- 1 "quod omnes homines aut liberi sunt aut servi." ⁶Et libertas quidem est, ex qua etiam liberi vocantur, naturalis facultas eius quod cuique facere libet, nisi si quid aut vi aut iure prohibetur. ⁶Servitus autem est constitutio iuris gentium, qua quis
 - 3 dominio alieno contra naturam subicitur. ⁶Servi autem ex eo appellati sunt, quod imperatores captivos vendere iubent ac per hoc servare nec occidere solent. qui etiam Mancipia dicti sunt,
 - 4 quod ab hostibus manu capiuntur. Servi autem aut nascuntur aut fiunt. nascuntur ex ancillis nostris: fiunt aut iure gentium, id est ex captivitate, aut iure civili, cum homo liber maior viginti annis ad pretium participandum sese venumdari passus
 - 5 est. in servorum condicione nulla differentia est⁷. In liberis multae differentiae sunt. aut enim ingenui sunt aut libertini.

IV⁸

DE INGENUIS.

Ingenuus is est, qui statim ut natus est liber est, sive ex duobus ingenuis matrimonio editus, sive ex libertinis, sive ex

¹ sic VA, invenissent B, comprehendissent PE ² Gai. 1, 8
³ Cf. Dig. 1, 5 ⁴ Gai. 1, 9 (Dig. 1, 5, 3) ⁵ sic B Dig. Θ, itaque om. AP, et quidem summa Gai. ⁶ § 1..3 ex Flor. l. 9 inst. (Dig. 1, 5, 4)
⁷ sic BPE, nullae differentiae sunt A ⁸ Cf. Gai. 1, 11

altero libertino altero ingenuo. sed et si quis ex matre libera nascatur, patre servo, ingenuus nihilo minus nascitur: quemadmodum qui ex matre libera et incerto patre natus est, quoniam vulgo conceptus est. ¹sufficit autem liberam fuisse matrem eo tempore quo nascitur, licet ancilla conceperit. et ex contrario si libera conceperit, deinde ancilla facta pariat, placuit eum qui nascitur liberum nasci, quia non debet calamitas matris ei nocere, qui in utero est. ex his et illud quaesitum est, si ancilla praegnans manumissa sit, deinde ancilla postea facta peperit, liberum an servum pariat? et Marcellus probat liberum nasci: sufficit enim ei qui in ventre est liberam matrem vel medio tempore habuisse: quod et verum est. Cum autem ¹ingenuus aliquis natus sit, non officit illi in servitute fuisse et postea manumissum esse: saepissime enim constitutum est natalibus non officere manumissionem.

V²

DE LIBERTINIS.

³Libertini sunt, qui ex iusta servitute manumissi sunt. ⁴manumissio autem est datio ⁵libertatis: nam quamdiu quis in servitute est, manui et potestati suppositus est, et manumissus liberatur potestate. quae res a iure gentium originem sumpsit, utpote cum iure naturali omnes liberi nascerentur nec esset nota manumissio, cum servitus esset incognita: sed posteaquam iure gentium servitus invasit, secutum est beneficium manumissionis. et cum uno communi ⁶nomine homines appellaremur⁷, iure gentium tria genera hominum esse coeperunt, liberi et his contrarium servi et tertium genus libertini, qui desiderant esse servi. Multis autem modis manumissio pro ¹cedit: aut enim ex sacris constitutionibus in sacrosanctis ecclesiis aut vindicta ⁸aut inter amicos aut per epistulam aut per testamentum aut aliam quamlibet ultimam voluntatem. sed et aliis multis modis libertas servo competere potest, qui tam ex veteribus quam nostris constitutionibus introducti sunt. ⁹Servi ²vero a dominis semper manumitti solent: adeo ut vel in transitu manumittantur, veluti cum praetor aut proconsul aut praeses in balneum vel in theatrum eat.

¹ pr. fin. ex Marciiani l. 1 inst. (Dig. 1, 5, 5 § 2. 3) ² Cf. Gai. 1, 11. 34 Dig. 40, 1 seqq. Cod. 7, 1 seqq. ³ Gai. 1, 11 (Dig. 1, 5, 6)

⁴ pr. fin. ex Ulp. l. 1 inst. (Dig. 1, 1, 4)

⁶ communi] PE, naturali Dig. 6, om. B

vindicta] PE, vind. manumittuntur B

⁵ sic PE Dig., donatio B

⁷ sic PE Dig., appellemur B

⁸ Gai. 1, 20

- 3 Libertinorum autem status triperditus antea fuerat: nam qui manumittebantur, modo maiorem et iustam libertatem con-
 sequebantur et fiebant cives Romani, modo minorem et Latini
 ex lege Iunia Norbana fiebant, modo inferiorem et fiebant ex
 lege Aelia Sentia dediticiorum numero. sed dediticiorum qui-
 dem pessima condicio iam ex multis temporibus in desuetu-
 dinem abiit, Latinorum vero nomen non frequentabatur: ideo-
 que nostra pietas omnia augere et in meliorem statum reducere
 desiderans in duabus constitutionibus¹ hoc emendavit et in
 pristinum statum reduxit, quia et a primis urbis Romae cuna-
 bulis una atque simplex libertas competebat, id est eadem,
 quam habebat manumissor, nisi quod scilicet libertinus fit²
 qui manumittitur, licet manumissor ingenuus sit. et dediticios
 quidem per³ constitutionem expulimus, quam promulgavimus
 inter nostras decisiones, per quas suggerente nobis Triboniano
 viro excelso quaestore antiqui iuris altercationes placavimus:
 Latinos autem Iunianos et omnem quae circa eos fuerit ob-
 servantiam⁴ alia constitutione per eiusdem quaestoris suggestio-
 nem correximus, quae inter imperiales radiat sanctiones, et
 omnes liberos nullo nec aetatis manumissi nec domini⁵ manu-
 missoris nec in manumissionis modo discrimine habito, sicuti
 antea observabatur, civitate Romana donavimus: multis additis
 modis, per quos possit libertas servis cum civitate Romana,
 quae sola in praesenti est, praestari.⁶

VI⁶

QUI EX QUIBUS CAUSIS MANUMITTERE NON POSSUNT.

- ⁸ Non tamen cuicumque volenti manumittere licet. nam is
 qui in fraudem creditorum manumittit nihil agit, quia lex
 1 Aelia Sentia impedit libertatem.⁷ Licet autem domino, qui
 solvendo non est, testamento servum suum cum libertate
 heredem instituere, ut fiat liber heresque ei solus et necessarius,
 si modo nemo alius ex eo⁹ testamento heres extiterit, aut quia
 nemo heres scriptus sit, aut quia is qui scriptus est qualibet
 ex causa heres non extiterit. idque eadem lege Aelia Sentia
 provisum est et recte: valde enim prospiciendum erat, ut

¹ Cod. 7, 5. 6 ² fit] BP, sit E cum Θ ³ per] PEO, et per B
⁴ omnem . . observantiam] PEO, omnes quae fuerant observantia (om.
 circa eos) B ⁵ sic Θ, domini libri ⁶ Cf. Gai. 1, 19. 21. 36. 42. 47
 Dig. 40, 2. 9 Cod. 7, 1. 11 ⁷ qui] ind. V, qui et B index BΘ, om. E
⁸ Gai. 1, 36. 37 ⁹ eo] BE, om. PΘ

egentes homines, quibus alius heres extaturus non esset, vel servum suum necessarium heredem habeant, qui satisfactorius esset creditoribus, aut hoc eo non faciente creditores res hereditarias servi nomine vendant, ne iniuria defunctus afficiatur. Idemque iuris est et si sine libertate servus heres institutus² est. quod nostra constitutio¹ non solum in domino, qui solvendo non est, sed generaliter constituit nova humanitatis ratione, ut ex ipsa scriptura institutionis etiam libertas ei competere videatur, cum non est verisimile eum, quem heredem sibi elegit, si praetermiserit libertatis dationem, servum remanere voluisse et neminem sibi heredem fore.³ In fraudem³ autem creditorum manumittere videtur, qui vel iam eo tempore quo manumittit solvendo non est, vel qui datis libertatibus desiturus est solvendo esse. praevaluisse tamen videtur, nisi animum quoque fraudandi manumissor habuit, non impediri libertatem, quamvis bona eius creditoribus non sufficiant: saepe enim de facultatibus suis amplius quam in his est sperant homines. itaque tunc intellegimus impediri libertatem, cum utroque modo fraudantur creditores, id est et consilio manumittentis et ipsa re, eo quod bona non suffectura sunt creditoribus.

³ Eadem lege Aelia Sentia domino minori annis viginti non⁴ aliter manumittere permittitur, quam si vindicta apud consilium iusta causa manumissionis adprobata fuerint manumissi⁴.
⁵ Iustae autem manumissionis causae sunt, veluti si quis patrem⁵ aut matrem aut filium filiamve aut fratrem sororemve naturales aut paedagogum nutricem educatorem aut alumnum alumnamve aut collectaneum manumittat, aut servum procuratoris habendi gratia, aut ancillam matrimonii causa⁴, dum tamen intra sex menses uxor ducatur, nisi iusta causa impediatur⁶, et qui manumittitur procuratoris habendi gratia ne minor septem et decem⁷ annis manumittatur. Semel autem causa adprobata, sive vera⁶ sive falsa sit, non retractatur.

⁸ Cum ergo⁹ certus modus manumittendi minoribus viginti⁷ annis dominis per legem Aeliam Sentiam constitutus sit, eveniebat, ut, qui quattuordecim annos aetatis expleverit, licet testamentum facere possit et in eo heredem sibi instituere.

¹ Cod. 6, 27, 5

² § 3 in ex Gai. l. 1 rer. cott. (Dig. 40, 9, 10)

³ Gai. 1, 38. 19 ⁴ fuerint manumissi] sic dett., fuerit man. BPE, fuerit

(om. manumissi) Gai.: fuitne quam vindicta, si ap. cons. i. c. m. adpr. fuerit? (Savigny) ⁵ Cf. Gai. 1, 39. 19 ⁶ sic PEO, impediatur B

⁷ sic libri cum Θ, decem et octo Dig. 40, 2, 13 ⁸ Gai. 1, 40 ⁹ sic PE Gai., autem B

legataque relinquere possit, tamen, si adhuc minor sit annis viginti, libertatem servo dare non poterat.¹ quod non erat ferendum, si is, cui totorum bonorum in testamento dispositio data erat, uni servo libertatem dare non permittebatur. quare nos¹ similiter ei quemadmodum alias res ita et servos suos in ultima voluntate disponere quemadmodum voluerit permittimus, ut et libertatem eis possit praestare. sed cum libertas inaestimabilis est et propter hoc ante vicesimum aetatis annum antiquitas libertatem servo dari prohibebat: ideo nos mediam quodammodo viam eligentes non aliter minori viginti annis libertatem in testamento dare servo suo concedimus, nisi septimum et decimum annum impleverit et octavum decimum tetigerit. cum enim antiquitas huiusmodi aetati et pro aliis postulare concessit, cur non etiam sui iudicii stabilitas ita eos adiuvare credatur, ut et ad libertates dandas servis suis possint pervenire².

VII³

DE LEGE FUFIA CANINIA SUBLATA.

⁴Lege Fufia Caninia certus modus constitutus erat in servis testamento manumittendis.⁵ quam quasi libertatibus impediens et quodammodo invidiam tollendam esse censuimus, cum satis fuerat inhumanum vivos quidem licentiam habere totam suam familiam libertate donare, nisi alia causa impediat libertati, morientibus autem huiusmodi licentiam adimere.⁶

VIII⁵

DE HIS QUI SUI VEL ALIENI IURIS SUNT.

⁶Sequitur de iure personarum alia divisio. nam quaedam personae sui iuris sunt, quaedam alieno iuri subiectae sunt: rursus earum, quae alieno iuri subiectae sunt, aliae in potestate parentum, aliae in potestate dominorum⁷ sunt. videamus itaque⁸ de his quae alieno iuri subiectae sunt: nam si cognoverimus, quae istae personae sint, simul intellegemus, quae sui iuris sunt. ac prius dispiciamus de his qui in potestate dominorum⁹ sunt.

- 1 In potestate itaque dominorum sunt servi. quae quidem potestas iuris gentium est: nam apud omnes peraeque gentes animadvertere possumus dominis in servos vitae necisque

¹ nos | B, non PE ² sic PE^b, invenire B, provenire E^a ³ Cf. Gai. 1, 42..46. Cod. 7, 3 ⁴ Gai. 1, 42 ⁵ Cf. Dig. 1, 6 ⁶ Gai. 1, 48..53 (Dig. 1, 6, 1)

potestatem esse: et quodcumque per servum acquiritur, id domino acquiritur. Sed hoc tempore 'nullis' hominibus, qui ² sub¹ imperio 'nostro' sunt, licet sine causa 'legibus cognita' et supra modum in servos suos saevire. nam ex constitutione 'divi Pii' Antonini qui sine causa servum suum occiderit, non minus puniri iubetur, quam qui servum alienum occiderit. sed et maior asperitas dominorum eiusdem principis constitutione coercetur. nam consultus a quibusdam praesidibus provinciarum de his servis, qui ad 'aedem sacram' vel ad statuas principum confugiunt, praecepit ut, si intolerabilis videatur dominorum saevitia, cogantur servos 'bonis condicionibus' vendere, ut pretium dominis daretur, et recte: 'expedit enim rei publicae, ne quis re sua male utatur.' ² cuius rescripti ad Aelium Marcianum emissi verba haec sunt: 'Dominorum quidem potestatem in suos servos illibatam esse oportet nec cuiquam hominum ius suum detrahi. sed dominorum interest, ne auxilium contra saevitiam vel famem vel intolerabilem iniuriam denegetur his qui iuste deprecantur. ideoque cognosce de querellis eorum, qui ex familia Iulii Sabini ad statuum confugerunt, et³ si vel durius habitos, quam aequum est, vel infami iniuria affectos cognoveris, venire iube, ita ut in potestatem domini non revertantur. qui Sabinus⁴, si meae constitutioni fraudem fecerit, sciet me⁵ admissum severius exsecuturum.'

IX⁶

DE PATRIA POTESTATE.

⁷ 'In potestate nostra sunt liberi nostri, quos ex iustis nuptiis procreaverimus.' Nuptiae autem sive matrimonium est viri et mulieris coniunctio, individuum consuetudinem vitae continens. ⁸ 'Ius autem potestatis, quod in liberos habemus,' proprium est civium Romanorum: nulli enim alii sunt homines, qui talem in liberos habeant potestatem, qualem nos habemus.' ⁹ Qui igitur ex te et uxore tua nascitur, in tua potestate est: ⁸ item qui ex filio tuo et uxore eius nascitur, id est nepos tuus et neptis, aequae in tua sunt potestate, et pronepos et proneptis et deinceps ceteri. qui tamen ex filia tua nascitur, in tua potestate non est, sed in patris eius.

¹ sub hoc B ² § 2 fin. ex Dig. 1, 6, 2 (Ulp. l. 8 de off. proc., cf. Coll. l. Mos. 3, 3) ³ et] ut B ⁴ sabinus del. cum Dig. Coll. me] E Dig. Coll., me hoc AP, me adversum se B ⁵ Cf. Dig. 1, 6 Cod. 8, 46 (47) ⁶ Gai. 1, 55 (Dig. 1, 6, 3) ⁷ Gai. l. c. ⁸ § 3 ex Ulp. l. 1 inst. (Dig. 1, 6, 4)

X¹

DE NUPTIIS.

Iustas autem nuptias inter se cives Romani contrahunt, qui secundum praecepta legum coeunt, masculi quidem puberes, feminae autem viripotentes, sive patres familias sint sive filii familias, dum tamen filii familias et consensum habeant parentum, quorum in potestate sunt. nam hoc fieri debere et civilis et naturalis ratio suadet in tantum, ut iussum parentis praecedere debeat. unde quaesitum est, an furiosi filia nubere aut furiosi filius uxorem ducere possit? ¹‘cumque super filio ²‘variabatur, nostra processit decisio², qua permissum est ad ³‘exemplum filiae furiosi filium quoque posse et sine patris ⁴‘interventu matrimonium sibi copulare secundum datum ex ⁵‘stitutione modum.’

1 ³‘Ergo non omnes nobis uxores ducere licet: nam quarundam nuptiis abstinendum est⁴. inter eas enim personas, quae parentum liberorumve locum inter se optinent, nuptiae contrahi non possunt, veluti inter patrem et filiam vel avum et neptem vel matrem et filium ⁵‘vel aviam et nepotem et usque ad infinitum’: et si tales personae inter se coierint, nefarias atque incestas nuptias contraxisse dicuntur. et haec adeo ita sunt, ut, quamvis per adoptionem parentum liberorumve loco sibi esse coeperint, non possint⁵ inter se matrimonio iungi in tantum, ut etiam dissoluta adoptione idem iuris maneat: itaque eam, quae tibi per adoptionem filia aut neptis esse coeperit, non poteris uxorem ducere, quamvis eam emancipaveris.

2 ³‘Inter eas quoque personas, quae ex transverso gradu cognationis⁶ iunguntur, est quaedam similis observatio, sed non tanta. sane enim⁷ inter fratrem sororemque nuptiae prohibita⁸ sunt, sive ⁹‘ab’ eodem patre eademque matre nati fuerint, sive ¹⁰‘ex’ alterutro eorum. sed⁸ si qua per adoptionem soror tibi esse coeperit, quamdiu quidem constat adoptio, sane inter te et eam nuptiae consistere non possunt: cum vero per emancipationem adoptio dissoluta sit, poteris eam uxorem ducere: sed et si tu emancipatus fueris, nihil est impedimento nuptiis.’ et ideo constat, si quis generum adoptare velit, debere eum ante filiam suam emancipare: et si quis velit 3 ⁹nurum adoptare, debere eum ante filium emancipare. ¹⁰‘Fratris

¹ Cf. *Gai.* 1, 56. 65 *Dig.* 23, 2 *Cod.* 5, 4 ² *Cod.* 5, 4, 25 ³ *Gai.* 1, 58. 61 ⁴ sic *BPE*, abstinere debemus *A Gai.* ⁵ possint] *A*, possunt *BP Gai.* ⁶ cognatione *Gai.* ⁷ enim *om. Gai.* ⁸ sed] *APΘ Gai.*, sed et *BE*

vel¹ sororis filiam uxorem ducere non licet. sed nec neptem
 "fratris vel" sororis ducere quis potest, quamvis quarto gradu
 sint¹: cuius enim filiam uxorem ducere non licet, eius neque
 neptem permittitur. eius vero mulieris, quam pater tuus adop-
 tavit, filiam non videris impediri uxorem ducere, quia neque
 naturali neque civili iure tibi coniungitur. Duorum autem 4
 fratrum vel sororum liberi vel fratris et sororis iungi possunt.
 Item amitam licet adoptivam uxorem ducere non licet, item 5
 materteram, quia parentum loco habentur². qua ratione verum
 est magnam quoque amitam et materteram magnam prohiberi
 uxorem ducere. Adfinitatis quoque veneratione³ quarundam 6
 nuptiis abstinere necesse est. ut ecce privignam aut nurum
 uxorem ducere non licet, quia utraque filiae loco sunt. quod
 scilicet ita accipi debeat; si fuit nurus aut privigna: nam si
 adhuc nurus est, id est si adhuc nupta est filio tuo⁴, alia ratione
 uxorem eam ducere non possis, quia eadem duobus nupta esse
 non potest: item si adhuc privigna tua est⁵, id est si mater
 eius tibi nupta est, ideo eam uxorem ducere non poteris, quia
 duas uxores eodem tempore habere non licet. Socrum quoque 7
 et novercam prohibitum est uxorem ducere, quia matris loco
 sunt. quod et ipsum dissoluta demum adfinitate procedit: alio-
 quin si adhuc noverca est, id est si adhuc patri tuo nupta est,
 communi iure impeditur tibi nubere, quia eadem duobus nupta
 esse non potest: item si adhuc socrus est, id est si adhuc filia
 eius tibi nupta est, ideo impediuntur nuptiae, quia duas uxores
 habere non possis. Mariti tamen filius ex alia uxore et uxoris 8
 filia ex alio marito vel contra matrimonium recte contrahunt,
 licet habeant fratrem sororemve ex matrimonio postea con-
 tracto natos. Si uxor tua post divortium ex alio filiam pro- 9
 creaverit, haec non est quidem privigna tua: sed Iulianus⁶
 huiusmodi nuptiis abstinere debere ait: nam nec sponsam filii
 nurum esse nec patris sponsam novercam esse, rectius tamen
 et iure facturos eos, qui huiusmodi nuptiis se abstinuerint.
 Illud certum est serviles quoque cognationes impedimento esse 10
 nuptiis, si forte pater et filia aut frater et soror manumissi
 fuerint. "Sunt et aliae personae, quae propter diversas rationes 11
 "nuptias contrahere prohibentur, quas in libris digestorum seu
 "pandectorum ex veteri iure collectarum enumerari permisimus."

¹ sic *PE*, quartus gradus sit *AB*, quarto gradu sit *E* ² sic. *dett.*
 cum *Θ*, habetur *ABPE* ³ ratione *dett.*, sed *αὐτοὶ τῆς ἀγχιότητος Θ*
⁴ tuo] *PE* eius *A*, om. *B* ⁵ tua est] *PE*, mevii est *A*, om. *B* ⁶ *Cf.*
Dig. 23, 2, 12 § 3

- 12 Si adversus ea quae diximus aliqui coierint, nec vir nec uxor nec nuptiae nec matrimonium nec dos intellegitur. ¹ itaque ii, qui ex eo coitu nascuntur, in potestate patris non sunt, sed tales sunt, quantum ad patriam potestatem pertinet, quales sunt ii, quos mater vulgo concepit. nam nec hi patrem habere intelleguntur, cum is etiam incertus est: unde solent filii spurii appellari, vel a Graeca voce quasi *σποράδην* concepti vel quasi sine patre filii. sequitur ergo, ut et dissoluto tali coitu nec dotis exactioni locus sit. qui autem prohibitas nuptias coeunt, et alias poenas patiuntur, quae sacris constitutionibus continentur.
- 13 ² Aliquando autem evenit, ut liberi, qui statim ut ³ nati sunt in potestate parentum non fiant, postea tamen ⁴ redigantur in potestatem. qualis est is, qui, dum naturalis fuerat, postea curiae datus potestati patris subicitur. nec non is, qui a muliere libera procreatus, cuius matrimonium minime legibus interdictum fuerat, sed ad quam pater consuetudinem habuerat, postea ex nostra constitutione ⁵ dotalibus instrumentis compositis in potestate patris efficitur: quod et aliis, si ex eodem matrimonio ⁶ fuerint procreati, similiter nostra constitutio ⁷ praebuit.

XI⁸

DE ADOPTIONIBUS.

- ⁹ Non solum tamen naturales liberi secundum ea quae diximus in potestate nostra sunt, verum etiam ii quos adoptamus. Adoptio autem duobus modis fit, aut principali rescripto aut imperio magistratus. imperatoris auctoritate adoptamus eos easve, qui quaeve sui iuris sunt. quae species adoptionis dicitur adrogatio. imperio magistratus adoptamus eos easve, qui quaeve in potestate parentum sunt, sive primum gradum liberorum optineant, qualis est filius filia, sive inferiorem, qualis est nepos neptis, pronepos proneptis.
- 2 ¹⁰ Sed hodie ex nostra constitutione, cum filius familias a patre naturali extraneae personae in adoptionem datur, iura potestatis naturalis patris minime dissolvuntur nec quicquam ad patrem adoptivum transit nec in potestate eius est, licet ab intestato iura successionis ei a nobis tributa sunt. si vero pater naturalis

¹ Gai. 1, 64 ² Gai. 1, 65 ³ ut] PE cum Θ, om. AB ⁴ tamen] Gai., autem liberi ⁵ Cod. 5, 27, 10 ⁶ si ex e. m.] A, ex e. m. si BP, qui ex e. m. E ⁷ Cod. 5, 27, 11 ⁸ Cf. Gai. 1, 97..107 Dig. 1, 7 Cod. 8, 47 (48) ⁹ Gai. 1, 97..99 (Dig. 1, 7, 2) ¹⁰ § 2 ex Cod. 8, 47 (48), 10

‘non extraneo, sed avo filii sui materno, vel si ipse pater naturalis fuerit emancipatus, etiam paterno, vel proavo simili modo paterno vel materno filium suum dederit in adoptionem: in hoc casu, quia in unam personam concurrunt et naturalia et adoptionis iura, manet stabile ius patris adoptivi et naturali vinculo copulatum et legitimo adoptionis modo constrictum, ut et in familia et in potestate huiusmodi patris adoptivi sit.’ Cum autem impubes ‘per principale rescriptum’ adrogatur, 3 causa cognita adrogatio permittitur et exquiritur causa adrogationis¹, an honesta sit expediatque pupillo, et cum quibusdam condicionibus adrogatio fit, id est ut caveat adrogator personae publicae, hoc est tabulario, si intra pubertatem pupillus decederit, restitutorum se bona illis, qui, si adoptio facta non esset, ad successionem eius venturi essent. item non alias emancipare eos potest adrogator, nisi causa cognita digni emancipatione fuerint et tunc² sua bona eis reddat. sed et si decedens pater eum exheredaverit vel vivus sine iusta causa eum emancipaverit, iubetur quartam partem ei suorum bonorum relinquere, videlicet praeter bona, quae ad patrem adoptivum transtulit et quorum commodum ei adquisivit postea. Minorem natu non posse 4 maiorem adoptare placet: adoptio enim naturam imitatur et pro monstro est, ut maior sit filius quam pater. debet itaque³ is, qui sibi per adrogationem vel adoptionem filium facit, plena pubertate, ‘id est decem et octo annis’ praecedere. Licet autem 5 et in locum nepotis vel neptis vel in locum pronepotis⁴ vel proneptis vel deinceps adoptare, quamvis filium quis non habeat. Et tam filium alienum quis in locum nepotis potest adoptare, 6 quam nepotem in locum filii. Sed si quis nepotis loco adoptet 7 vel quasi ex eo filio, quem habet iam adoptatum, vel quasi ex illo, quem naturalem in sua potestate habet: in eo casu et filius consentire debet, ne ei invito suus heres agnoscatur⁵. sed ex contrario si avus ex filio nepotem dat in adoptionem, non est necesse filium consentire. In plurimis autem causis 8 adsimilatur is, qui adoptatus vel adrogatus est, ei qui ex legitimo matrimonio natus est. et ideo ⁶‘si quis ‘per imperatorem’ sive apud praetorem vel apud praesidem provinciae ‘non extraneum’ adoptaverit, potest eundem alii in adoptionem dare’. Sed 9 et ⁷‘illud utriusque adoptionis commune est, quod et hi, qui

¹ adoptionis B ² tunc] P, tunc ut BE ³ itaque] PE, om. B

⁴ neptis vel in locum pronepotis] P cum Θ, in locum (loco E) neptis BE

⁵ sic E, agnoscatur P, nascatur B ⁶ Gai. 1, 105 ⁷ Gai. 1, 103 (Dig.

1, 7, 2 § 1)

- generare non possunt, quales sunt spadones, adoptare possunt¹,
 10 castrati autem non possunt. ¹Feminae quoque adoptare non
 possunt, quia nec naturales liberos in potestate sua habent:
 sed ex indulgentia principis ad solacium liberorum amissorum
 11 adoptare possunt.² Illud proprium est illius adoptionis, quae
 per sacrum oraculum fit, quod is, qui liberos in potestate
 habet, si se adrogandum dederit, non solum ipse potestati³
 adrogatoris subicitur, sed etiam liberi eius in eiusdem fiunt
 potestate tamquam nepotes. sic enim et⁴ divus Augustus non
 ante Tiberium adoptavit, quam is Germanicum adoptavit: ut
 protinus adoptione facta incipiat Germanicus Augusti nepos esse.
 12 Apud Catonem bene scriptum refert antiquitas, servi si a domino
 adoptati sint, ex hoc ipso posse liberari. unde et nos eruditi
 in nostra constitutione⁵ etiam eum servum, quem dominus
 actis intervenientibus filium suum nominaverit, liberum esse
 constituimus, licet hoc ad ius filii accipiendum ei non sufficit.

XII⁶QUIBUS MODIS IUS POTESTATIS SOLVITUR⁷.

- ⁸Videamus nunc, quibus modis ii, qui alieno iuri subiecti
 sunt, eo iure liberantur. et quidem servi quemadmodum potes-
 tate liberantur, ex his intellegere possumus, quae de servis
 manumittendis superius exposuimus. hi vero, qui in potestate
 parentis sunt, mortuo eo sui iuris fiunt. sed hoc distinctionem
 recipit. nam mortuo patre sane omnimodo filii filiaeve sui iuris
 efficiuntur. mortuo vero avo non omnimodo nepotes neptesque
 sui iuris fiunt, sed ita, si post mortem avi in potestatem patris
 sui recasuri non sunt: itaque si moriente avo pater eorum et
 vivit et in potestate patris sui est, tunc post obitum avi in
 patris sui potestate fiunt: si vero is, quo tempore avus moritur,
 aut iam mortuus est aut exiit de potestate patris, tunc hi, quia
 1 in potestatem eius cadere non possunt, sui iuris fiunt. ⁹Cum
 autem is, qui ob aliquod maleficium in insulam deportatur,
 civitatem amittit, sequitur ut, quia⁹ eo modo ex numero civium
 Romanorum tollitur, perinde acsi mortuo eo desinant liberi in
 potestate eius esse. pari ratione et si is, qui in potestate
 parentis sit, in insulam deportatus fuerit, desinit¹⁰ in potestate
 parentis esse. sed si ex indulgentia principali restituti fuerint,

¹ Gai. 1, 105 ² Gai. 1, 107 (Dig. 1, 7, 2 § 2) ³ sic Gai. Dig., in potestate liberi ⁴ sic enim et] PE, sed et B ⁵ Cod. 7, 6, 1 § 10 ⁶ Cf. Gai. 1, 124.. 141 Dig. 1, 7 Cod. 8, 48 (49) ⁷ sic ind. V, dissolvitur ABEΘ ⁸ Gai. 1, 124. 126.. 128 ⁹ quia] BE, qui AP Gai. ¹⁰ sic dett. Θ, desint E, desiit ABP

per omnia pristinum statum recipiunt. ¹Relegati autem patres 2 in insulam in potestate sua liberos retinent: et e contrario liberi relegati in potestate parentum remanent. Poenae servus effectus 3 filios in potestate habere desinit. servi autem poenae efficiuntur, qui in metallum damnantur et qui bestiis subiciuntur. Filius 4 familias si militaverit, vel si senator vel consul fuerit factus, manet in patris potestate. militia enim vel consularia ² dignitas patris potestate filium non liberat. 'sed ex constitutione nostra ³ summa patriciatus dignitas ilico ab imperialibus codicillis praestitis a patria potestate liberat. quis enim patitur patrem quidem 'posse per emancipationis modum suae potestatis nexibus filium 'relaxare, imperatoriam autem celsitudinem non valere eum quem 'sibi patrem elegit ab aliena eximere potestate?' ⁴'Si ab hostibus 5 captus fuerit parens, quamvis servus hostium fiat, tamen pendet 'ius liberorum propter ius postliminii: quia hi, qui ab hostibus 'capti sunt, si reversi fuerint, omnia pristina iura recipiunt. 'idcirco reversus et liberos habebit in potestate,' quia postliminium fingit eum qui captus est semper in civitate fuisse: si vero ibi decesserit, exinde, ex quo captus est pater, filius sui iuris fuisse videtur. 'ipse quoque filius neposve si ab hostibus 'captus fuerit, similiter dicimus ⁵ propter ius postliminii ius 'quoque potestatis parentis in suspenso esse.' dictum est autem postliminium a limine et post, ut ⁶ eum, qui ab hostibus captus ⁷ in fines nostros postea pervenit, postliminio reversum recte dicimus. nam limina sicut in domibus finem quandam faciunt, sic et imperii finem limen esse veteres voluerunt. hinc et limes dictus est quasi finis quidam et terminus. ab eo postliminium dictum, quia eodem limine revertebatur, quo amissus erat. ⁸sed et qui victis hostibus recuperatur, postliminio rediisse existimatur. ⁹'Praeterea emancipatione quoque desinunt liberi in 6 'potestate parentum esse.' 'sed ea emancipatio antea quidem 'vel per antiquam legis observationem procedebat, quae ¹⁰ per 'imaginaris venditiones et intercedentes manumissiones celebrabatur, vel ex imperiali rescripto. nostra autem providentia et 'hoc in melius per constitutionem ¹¹ reformavit, ut fictione pristina 'explosa recta via apud competentes iudices vel magistratus 'parentes intrent et filios suos vel filias vel nepotes vel neptes

¹ § 2 in. ex Marciani l. 2 inst. (Dig. 48, 22 § 4) ² sic APE, consularis B ³ § 4 fin. ex Cod. 12, 3, 5 ⁴ Gai. 1, 129 ⁵ dicemus Gai. ⁶ ut A¹BP, et A²A³g ⁷ captus] BΘ, om. AP ⁸ § 5 fin. ex Flor. l. 6 inst. (Dig. 49, 15, 26) ⁹ Gai. 1, 132 ¹⁰ quae] AP, om. B ¹¹ Cod. 8, 48 (49), 6

- ac deinceps sua manu dimitterent. et tunc ex edicto praetoris in huius filii vel filiae, nepotis vel neptis bonis, qui vel quae a parente manumissus vel manumissa fuerit, eadem iura praestantur parenti, quae tribuuntur patrono in bonis liberti: et praeterea si impubes sit filius vel filia vel ceteri, ipse parens
- 7 ex manumissione tutelam eius nanciscitur.¹ Admonendi autem sumus liberum esse arbitrium ei, qui filium et ex eo nepotem vel neptem in potestate habebit, filium quidem de potestate dimittere, nepotem vero vel neptem in potestate² retinere: et ex diverso filium quidem in potestate retinere, nepotem vero vel neptem manumittere (eadem et de pronepote vel pronepte
- 8 dicta esse intellegantur), vel omnes sui iuris efficere.³ Sed et si pater filium, quem in potestate habet, avo vel proavo naturali secundum nostras constitutiones⁴ super his habitas in adoptionem dederit, id est si hoc ipsum actis intervenientibus apud competentem iudicem manifestavit, praesente eo qui adoptatur et non contradicente nec non eo qui adoptat, solvitur quidem ius potestatis patris naturalis, transit autem in huiusmodi parentem adoptivum, in cuius persona et⁵ adoptionem plenissimam esse antea diximus.⁶ Illud autem scire oportet, quod,
- 9 si nurus tua ex filio tuo conceperit et filium postea emancipaveris vel in adoptionem dederis praegnante nuru tua, nihilo minus quod ex ea nascitur in potestate tua nascitur: quod si post emancipationem vel adoptionem fuerit conceptum⁷, patris
- 10 sui emancipati vel avi adoptivi potestati subicitur: et quod neque naturales liberi neque adoptivi ullo paene modo possunt cogere parentem de potestate sua eos dimittere.

XIII⁶

DE TUTELIS.

- 7 Transeamus nunc ad aliam divisionem. nam ex his personis, quae in potestate non sunt, quaedam vel in tutela sunt vel in curatione, quaedam neutro iure tenentur. videamus igitur de his, quae in tutela vel in curatione sunt: ita enim intellegemus ceteras personas, quae neutro iure tenentur. ac
- 1 prius dispiciamus de his quae in tutela sunt.⁸ Est autem

¹ Gai. 1, 133 rest. (Dig. 1, 7, 28) ² in potestate] A Dig., om. BPE
³ Cod. 8, 47 (48), 11 ⁴ in c. persona (-nam E) et] AE, in c. persona P, c. persone B ⁵ sic ABaPa, conceptus. Bb P⁶ E ⁶ Cf. Gai. 1, 142...154 Dig. 26, 1..3 Cod. 5, 28. 29 ⁷ Gai. 1; 142. 143 ⁸ § 1. 2 ex Dig. 26, 1, 1 (Paul. l. 38 ad ed.)

tutela, ut Servius definivit, ius¹ ac potestas in capite libero ad tuendum eum, qui propter aetatem se defendere nequit, iure civili data ac permissa. ²Tutores autem sunt, qui eam vim ac potestatem habent, ex qua re ipsa² nomen ceperunt. itaque appellantur tutores quasi tutores atque defensores, sicut aeditui dicuntur qui aedes tuentur. ³Permissum est itaque parentibus ³liberis impuberibus, quos in potestate habent, testamento tutores dare. ⁴et hoc⁴ in filio filiaque omnimodo procedit; ⁵nepotibus tamen neptibusque ita demum parentes possunt testamento tutores dare, si post mortem eorum in patris sui potestatem recasuri non sunt. itaque si filius tuus mortis tuae tempore in potestate tua sit, nepotes ex eo non poterunt testamento tuo tutorem habere, quamvis in potestate tua fuerint; scilicet quia mortuo te in patris sui potestate^m recasuri sunt. ⁶Cum ⁴autem in compluribus aliis causis postumi pro iam natis habentur, et in hac causa placuit non minus postumis quam iam natis testamento tutores dari posse, si modo in ea causa sint, ut, si vivis parentibus nascerentur, sui et in potestate eorum fierent. ⁵Sed si emancipato filio tutor a patre testamento datus fuerit, confirmandus est ex sententia praesidis omnimodo, id est sine inquisitione.

XIV⁷

QUI DARI TUTORES TESTAMENTO POSSUNT.

Dari autem potest tutor non solum pater familias, sed etiam filius familias. Sed et servus proprius testamento cum libertate ¹recte tutor dari potest. sed sciendum est eum et sine libertate tutorem datum tacite et libertatem directam accepisse videri et per hoc recte tutorem esse. plane si per errorem quasi liber tutor datus sit, aliud dicendum est. servus autem alienus pure inutiliter datur testamento tutor. sed ita cum liber erit utiliter datur. proprius autem servus inutiliter eo⁸ modo datur tutor. Furiosus vel minor viginti quinque annis tutor testamento datus ²tutor erit, cum compos mentis aut maior viginti quinque annis fuerit factus.

Ad certum tempus et⁹ ex certo tempore vel sub conditione ³vel ante heredis institutionem posse dari tutorem non dubitatur.

¹ vis Dig. ² sic Dig. ³ Θ , ipsum B, ipsi PE ⁴ Gai. 1, 144
⁴ hoc P^b, haec BPaE ⁵ Gai. 1, 146 ⁶ Gai. 1, 147 ⁷ Cf. Dig.
 26, 2 Cod. 5, 28 ⁸ eo] B Θ , eodem T ⁹ et] T Θ , ut B, seu P

- 4 Certae autem rei vel causae tutor dari non potest, ¹quia personae, non causae vel rei datur.
- 5 ²Si quis filiabus suis vel filiis tutores dederit, etiam postumae vel postumo videtur dedisse, quia filii vel filiae appellatione et postumus et postuma continentur. quid³ si nepotes sint, an appellatione filiorum et ipsis tutores dati sunt? dicendum est, ut ipsis quoque dati videantur, si modo liberos dixit. ceterum si filios, non continebuntur: aliter enim filii, aliter nepotes appellantur. plane si postumis dederit, tam filii postumi quam ceteri liberi continebuntur.

XV⁴

DE LEGITIMA ADGNATORUM TUTELA.

- ⁵Quibus <autem> testamento tutor datus non sit, his ex lege duodecim tabularum adgnati sunt tutores, qui vocantur
- 1 ⁶legitimi. Sunt autem adgnati⁶ per virilis sexus cognationem⁷ coniuncti, quasi a patre cognati, veluti frater eodem patre natus, fratris filius neposve ex eo, item patruus et patrum filius neposve ex eo. at qui per feminini sexus personas cognatione iunguntur, non sunt adgnati, sed alias naturali iure cognati. itaque amitae tuae filius non est tibi adgnatus, sed cognatus (et invicem scilicet tu illi eodem iure coniungeris), quia qui nascuntur
- 2 ⁸patris, non matris familiam sequuntur.¹ Quod autem lex ab intestato vocat ad tutelam adgnatos, non hanc habet significationem, si omnino non fecerit testamentum is qui poterat tutores dare, sed si quantum ad tutelam pertinet intestatus decesserit. quod tunc quoque accidere intellegitur, cum is qui datus est
- 3 tutor vivo testatore decesserit. ⁹Sed adgnationis quidem ius <omnibus modis> capitis deminutione <plerumque> perimitur¹: nam adgnatio⁹ iuris est nomen. <cognationis vero ius non <omnibus modis> commutatur, quia civilis ratio civilia quidem iura corrumpere potest, naturalia vero non <utique>.¹

¹ quia .. datur ex Marciani l. 2 inst. (Dig. 26, 2, 14) ² § 5 ex Dig. 26, 2, 5. 6 (Ulp. l. 15. 39 ad Sab.) ³ quid] E^b Dig., qui B, quod PE^a

⁴ Cf. Gai. 1, 155.. 158 Dig. 26, 4 Cod. 5, 30 ⁵ Gai. 1, 155. 156 (Dig. 26, 4, 7) ⁶ adgnati] Gai. Dig. 6, adgnati cognati libri, cf. 3, 2, 1

⁷ cognationem] BP, cognatione E, personas cognatione Gai. Dig. ⁸ Gai. 1, 158 ⁹ adgnatio] PEO, om. B.

XVI¹DE CAPITIS MINUTIONE.²

³Est autem capitis deminutio prioris status commutatio. ¹eaque tribus modis accidit: nam aut maxima est capitis deminutio aut minor, quam quidam mediam vocant, aut minima. ³Maxima est capitis deminutio, cum aliquis simul et civitatem ¹et libertatem amittit. quod accidit⁴ in his, qui servi poenae efficiuntur atrocitate sententiae, vel liberti ut ingrati circa patronos condemnati, vel qui ad pretium participandum se venumdari passi sunt⁵. ³Minor sive media est capitis deminutio, cum civitas quidem amittitur, libertas vero retinetur. quod ²accidit ei, cui aqua et igni⁴ interdictum fuerit⁶, vel ei, qui in insulam deportatus est⁷. ³Minima est capitis deminutio, cum ³et civitas et libertas retinetur, sed status hominis commutatur. quod accidit in his, qui⁸, cum sui iuris fuerunt, coeperunt alieno iuri subiecti esse, vel contra⁹. Servus autem manumissus ⁴capite non minuitur, quia nullum caput habuit. Quibus autem ⁵dignitas magis quam status permutatur, capite non minuuntur: et ideo senatu motos⁵ capite non minui constat.

Quod autem dictum est manere cognationis ius et post capitis ⁶deminutionem, hoc ita est, si minima capitis deminutio interveniat: manet enim cognatio. nam si maxima capitis deminutio incurrat, ius quoque cognationis perit, ut puta servitute alicuius cognati, et ne quidem, si manumissus fuerit, recipit cognationem. sed et si in insulam deportatus quis sit, cognatio solvitur. ⁶Cum autem ad⁷ agnatos tutela pertineat, non simul ad ⁷omnes pertinet, sed ad eos tantum, qui proximo⁸ gradu sunt⁹, vel, si eiusdem gradus sint, ad omnes.

XVII⁹

DE LEGITIMA PATRONORUM TUTELA.

¹⁰Ex eadem lege duodecim tabularum libertorum et libertarum tutela ad patronos liberosque eorum pertinet, quae et ipsa legitima tutela vocatur: non quia nominatim ea lege de hac tutela cavetur, sed quia perinde accepta est per interpre-

¹ Cf. Gai. 1, 159..164 Dig. 4, 5 ² sic index V index B, deminutione BEΘ ³ Gai. 1, 159..162 ⁴ ignis BP^aE ⁵ senatu motos (vel motus) P^b, a sen. motus E, statu mutatos B, senatum motum Pa^a ⁶ Gai. 1, 164 ⁷ ad] P Gai., et ad B, et E ⁸ sic B Gai., proximior PE cum Θ ⁹ Cf. Gai. 1, 165..167 Dig. 26, 4 ¹⁰ Gai. 1, 165

tationem, atque si verbis legis introducta esset. eo enim ipso, quo¹ hereditates libertorum libertarumque, si intestati decessissent, iusserat lex ad patronos liberosve eorum pertinere, crediderunt veteres voluisse legem etiam tutelas ad eos pertinere, cum et agnatos, quos ad hereditatem vocat, eosdem et tutores esse iussit² et³ quia plerumque, ubi successionis est emolumentum, ibi et tutelae onus esse debet. ideo autem diximus plerumque, quia, si a femina impubes manumittatur, ipsa ad hereditatem vocatur, cum alius est³ tutor.

XVIII⁴

DE LEGITIMA PARENTIUM TUTELA.

Exemplo patronorum recepta est et alia tutela, quae et ipsa legitima vocatur. nam si quis filium aut filiam, nepotem aut neptem ex filio et deinceps impuberes emancipaverit, legitimus eorum tutor erit.

XIX⁵

DE FIDUCIARIA TUTELA.

Est et alia tutela, quae fiduciaria appellatur. nam si parens filium vel filiam, nepotem vel neptem et⁶ deinceps impuberes manumiserit, legitimam nanciscitur eorum tutelam: quo defuncto si liberi virilis sexus extant, fiduciarii tutores filiorum suorum vel fratris vel sororis et ceterorum efficiuntur. atqui patrono legitimo tutore mortuo liberi quoque eius legitimi sunt tutores: quoniam filius quidem defuncti, si non esset a vivo patre emancipatus, post obitum eius sui iuris efficeretur nec in fratrum potestatem recideret ideoque nec in tutelam, libertus autem si servus mansisset, utique eodem iure apud liberos domini post mortem eius futurus esset. Ita tamen ii ad tutelam vocantur, si perfectae aetatis sint. quod nostra constitutio⁷ generaliter in omnibus tutelis et curationibus observari praecepit.²

¹ quod *dett.* ² et] *B*, *om.* *PE* ³ est] *B*, erit *PE* ⁴ *Cf.* *Gai.* 1, 175 *Dig.* 26, 4, 3 § 10 ⁵ *Cf.* *Gai.* 1, 166. 175 *Dig.* 26, 4, 3. 4
⁶ et] *BP*, vel *E* ⁷ *Cod.* 5, 30, 5

XX¹DE ATILIANO TUTORE VEL EO QUI EX LEGE
IULIA ET TITIA DABATUR.

² Si cui nullus omnino tutor fuerat, ei dabatur in urbe quidem Roma a praetore urbano et maiore parte tribunorum plebis tutor ex lege Atilia, in provinciis vero a praesidibus provinciarum ex lege Iulia et Titia. 'Sed' et si testamento ¹ tutor sub condicione aut die certo datus fuerat, quamdiu condicio aut dies pendebat, 'ex isdem legibus' tutor dari poterat. item si pure datus fuerit³, quamdiu nemo 'ex testamento'⁴ heres existat, tamdiu ex isdem legibus tutor petendus erat, qui desinebat tutor esse, 'si condicio existeret aut dies veniret aut heres existeret.' Ab hostibus quoque tutore capto ex his ² legibus tutor petebatur, qui desinebat esse tutor, si is qui captus erat in civitatem reversus fuerat: nam reversus recipiebat tutelam iure postliminii. Sed ex his legibus pupillis tutores ³ desierunt dari, posteaquam primo consules pupillis utriusque sexus tutores ex inquisitione dare coeperunt, deinde praetores ex constitutionibus. nam supra scriptis legibus neque de cautione a tutoribus exigenda rem salvam pupillis fore neque de compellendis tutoribus ad tutelae administrationem quidquam cavetur. Sed hoc iure utimur, ut Romae quidem praefectus urbis vel ⁴ praetor secundum suam iurisdictionem, in provinciis autem praesides ex inquisitione tutores crearent, vel magistratus iussu praesidium, si non sint magnae pupilli facultates. 'Nos autem ⁵ per constitutionem nostram⁵ et huiusmodi difficultates hominum resecantes nec exspectata iussione praesidium disposuimus, si facultas pupilli vel adulti usque ad quingentos solidos valeat, defensores civitatum una cum eiusdem civitatis religiosissimo antistite vel apud⁶ alias publicas personas, id est magistratus, vel iudicium Alexandrinae civitatis tutores vel curatores creare, legitima cautela secundum eiusdem constitutionis normam praestanda, videlicet eorum periculo qui eam accipiant.'

⁷ Impuberes 'autem' in tutela esse naturali iuri⁸ conveniens ⁶ est, ut is qui perfectae aetatis non sit alterius tutela regatur. 'Cum igitur' ⁹ pupillorum pupillarumque tutores negotia 'gerunt', ⁷ post pubertatem tutelae iudicio rationem reddunt¹⁰.

¹ Cf. Gai. 1, 185..191 Dig. 26, 5 Cod. 5, 34 ² Gai. 1, 185..187
³ sic Ba Gai., fuerat Ba TP ⁴ ex testamento om. Gai. ⁵ Cod. 1, 4, 30
⁶ apud B, συνόριον Θ, om. TP: etiam apud cum Θ et Cod. scr. ⁷ Gai. 1, 189 ⁸ iuri] PΘ, iure BT, rationi Gai. ⁹ Gai. 1, 191 ¹⁰ sic T Gai., reddent B

XXI¹

DE AUCTORITATE TUTORUM.

Auctoritas autem tutoris in quibusdam causis necessaria pupillis est, in quibusdam non est necessaria. ut ecce si quid dari sibi stipulentur², non est necessaria tutoris auctoritas: quod si aliis pupilli promittant, necessaria est: namque placuit meliorem quidem suam condicionem licere eis facere etiam sine tutoris auctoritate³, deteriore vero non aliter quam tutore auctore⁴. unde in his causis, ex quibus mutuae obligationes nascuntur, in emptionibus venditionibus, locationibus conductionibus, mandatis, depositis, si tutoris auctoritas non interveniat, ipsi quidem qui cum his⁵ contrahunt obligantur, at invicem pupilli non obligantur. ⁶Neque tamen hereditatem adire neque bonorum possessionem petere neque hereditatem ex fideicommisso suscipere aliter possunt nisi tutoris auctoritate, quamvis lucrosa sit neque ullum damnum habeat⁷. Tutor autem statim in ipso negotio praesens debet auctor fieri, si hoc pupillo prodesse existimaverit. post tempus vero aut per epistulam interposita auctoritas⁸ nihil agit. ⁹Si inter tutorem pupillumve iudicium agendum sit, quia ipse tutor in rem suam auctor esse non potest, non praetorius tutor ut olim constituitur, sed curator in locum eius datur, quo interveniente iudicium peragitur et eo peracto curator esse desinit.

XXII¹⁰

QUIBUS MODIS TUTELA FINITUR.

Pupilli pupillaeque¹¹ cum puberes esse coeperint, tutela liberantur. pubertatem autem veteres quidem non solum ex annis, sed etiam ex habitu corporis in masculis aestimari volebant. nostra autem maiestas dignum esse castitate temporum nostrorum bene putavit, quod in feminis et¹² antiquis impudicum esse visum est, id est inspectionem habitudinis corporis, hoc¹³ etiam in masculos extendere: et ideo sancta constitutione promulgata¹⁴ pubertatem in masculis post quantum

¹ Cf. Dig. 26, 8 Cod. 5, 59 ² sic dett., stipuletur BTP ³ sic BΘ, tutore auctore T ⁴ sic B, tutoris auctoritate (-tatis T^u) T ⁵ qui cum his] TΘ, cum quo B ⁶ § 1. 2 similes Dig. 26, 8, 9 § 3..5 (Gai. l. 12 ad ed. prov.) ⁷ sic B Dig. 6, habeant T ⁸ auctoritas] B, tutoris auct. T, eius auct. Dig. ⁹ § 3 in. simile Gaiō 1, 184 ¹⁰ Cf. Gai. 1, 170. 173. 182. 187. 194. 196 Dig. 26, 1, 12. 14..17 Cod. 5, 60 ¹¹ Gai. 1, 196 ¹² et] B, om. T ¹³ hoc] T, h. nos B ¹⁴ Cod. 5, 60, 3

‘decimum annum completum ilico initium accipere disposuimus, antiquitatis normam in femininis personis bene positam suo ordine relinquentes, ut post duodecimum annum completum viri-¹potentes esse credantur.’ ¹Item finitur tutela, si adrogati sint 1 adhuc impuberes vel deportati: item si in servitutem pupillus redigatur² vel ab hostibus fuerit captus. ³Sed et si usque ad certam 2 condicionem datus sit testamento, aequè evenit, ut desinat esse tutor existente condicione. Simili modo finitur tutela morte 3 vel tutorum vel pupillorum. Sed et capitis deminutione tutoris, 4 per quam libertas vel civitas eius amittitur, omnis tutela perit. minima autem capitis deminutione tutoris, veluti si se in adoptionem dederit, legitima tantum tutela perit, ceterae non per-eunt: sed pupilli et pupillae capitis deminutio licet minima sit, omnes tutelas tollit. Praeterea qui ad certum tempus testa- 5 mento dantur tutores, finito eo deponunt tutelam. Desinunt 6 autem esse tutores, qui vel removentur a tutela ob id quod suspecti visi sunt, vel⁴ ex iusta causa sese excusant et onus administrandae⁵ tutelae deponunt secundum ea quae inferius proponemus.

XXIII *

DE CURATORIBUS.

Masculi puberes et feminae viripotentes usque ad vicesimum quintum annum completum curatores accipiunt: qui, licet puberes sint, adhuc tamen huius aetatis sunt, ut negotia sua tueri non possint⁷. Dantur autem curatores ab isdem magistratibus, a quibus et tutores. sed curator testamento non datur, sed datus confirmatur decreto praetoris vel praesidis. Item 2 inviti adulescentes curatores non accipiunt praeterquam in litem: curator enim et ad certam causam dari potest. Furiosi quo- 3 que et prodigi, licet maiores viginti quinque annis sint, tamen in curatione sunt adgnatorum ex lege duodecim tabularum. sed solent Romae praefectus⁸ urbis vel praetor et in provinciis⁹ praesides ex inquisitione eis dare curatores. Sed et mente 4 captis et surdis et mutis et qui morbo perpetuo laborant, quia rebus suis superesse non possunt, curatores dandi sunt. Inter- 5 dum autem et pupilli curatores accipiunt, ut puta si legitimus

¹ § 1 *similis Dig.* 26, 1, 14 *pr.* § 1. 2 (*Ulp. l. 37 ad Sab.*) ² *sic P*, ut ingratus a patrono *add. cum Θ post redigatur T, post servitutem B*
³ § 2 *similis Dig.* 26, 1, 14 § 5 (*Ulp. l. 37 ad Sab.*) ⁴ *vel dett. cum Θ*, vel quod *BT* ⁵ *sic T*, administratae *B* ⁶ *Cf. Gai. 1, 197. 198 Dig. 26, 5*
⁷ *possunt libri* ⁸ *sic Θ*, praefecti *libri* ⁹ *sic Θ*, provincia *libri*

tutor non sit idoneus, quia habenti¹ tutorem tutor dari non potest. item si testamento datus tutor vel a praetore vel a praeside idoneus non sit ad administrationem nec tamen fraudulenter negotia administrat, solet ei curator adiungi. item in locum tutorum, qui non in perpetuum, sed ad tempus a tutela excusantur, solent curatores dari.

- 6 Quodsi tutor adversa valetudine vel alia necessitate impeditur, quo minus negotia pupilli administrare possit, et pupillus vel absit vel infans sit, quem velit actorem periculo ipsius² praetor vel qui provinciae praeerit decreto constituet.

XXIV³

DE SATISDATIONE TUTORUM ET CURATORUM.

- ⁴Ne tamen pupillorum ⁵pupillarumve et eorum, qui ⁶quaeve in curatione sunt, negotia a tutoribus curatoribusve consumentur aut deminuantur⁵, curat praetor, ut et tutores et curatores eo nomine satisdant. sed hoc non est perpetuum: nam tutores testamento dati satisdare non coguntur, quia fides eorum et diligentia ab ipso testatore probata est: item ex inquisitione tutores vel curatores dati satisdatione non onerantur,
- 1 quia idonei electi sunt. Sed et si ex testamento vel inquisitione duo pluresve dati fuerint, potest unus offerre satis de indemnitate pupilli ⁷vel adulescentis et contutori ⁸vel concuratori praeferri, ut solus administret, vel ut contutor satis offerens praeponatur ei, ut⁶ ipse solus administret. itaque per se non potest petere satis a contutore ⁹vel concuratore suo, sed offerre debet, ut electionem det contutori suo, utrum velit satis accipere an satis dare. quodsi nemo eorum satis offerat, si quidem adscriptum fuerit a testatore, quis gerat, ille gerere debet: quodsi non fuerit adscriptum, quem maior pars elegerit, ipse gerere debet, ut edicto praetoris cavetur. sin autem ipsi tutores dissenserint circa eligendum eum vel eos qui gerere debent, praetor partes suas interponere debet. idem et in pluribus ex inquisitione datis probandum est, id est ut maior pars eligere possit, per quem administratio fieret.

- 2 ⁷Sciendum autem est non solum tutores vel curatores pupillis et adultis ceterisque personis ex administratione teneri,

¹ quia habenti] qui habet B ² ipsius] B, ipsius tutoris T ³ Cf. Dig. 27, 7. 46, 6 Cod. 5, 42.. 57 ⁴ Gai. 1, 199. 200 ⁵ aut dem.] dett. cum Gai., vel dem. TP, om. BPa ⁶ ut] B, et T ⁷ § 2.. 4 fere Iustinianorum esse vidit Kuebler.

sed etiam in eos qui satisfactiones¹ accipiunt subsidiariam actionem esse, quae ultimum eis praesidium possit afferre. subsidiaria autem actio datur in eos, qui vel omnino a tutoribus vel curatoribus satisfdari non curaverint aut non idonee passi essent caveri. quae quidem tam ex prudentium responsis quam ex constitutionibus imperialibus et in heredes eorum extenditur.² Quibus constitutionibus et illud exprimitur, ut, nisi caveant³ tutores vel curatores, pignoribus captis coerceantur. Neque⁴ autem praefectus urbis neque praetor neque praeses provinciae neque quis alius cui tutores dandi ius est hac actione tenebitur, sed hi tantummodo qui satisfactionem exigere solent.

XXV³

DE EXCUSATIONIBUS.

Excusantur autem tutores vel curatores variis ex causis: plerumque autem propter liberos, sive in potestate sint sive emancipati. si enim tres liberos quis superstites Romae habeat vel in Italia quattuor vel in provinciis quinque, a tutela vel cura possunt excusari exemplo ceterorum munerum: nam et tutelam et⁴ curam placuit publicum munus esse. sed adoptivi liberi non prosunt, in adoptionem autem dati naturali patri prosunt. item nepotes ex filio prosunt, ut in locum patris succedant, ex filia non prosunt. filii autem superstites tantum ad tutelae vel curae muneris excusationem prosunt, defuncti non prosunt, sed si in bello amissi sunt, quaesitum est, an prosint. et constat eos solos prodesse qui in acie amittuntur: hi enim, quia pro re publica ceciderunt, in perpetuum per gloriam vivere intelleguntur. Item divus Marcus in semestribus¹ rescripsit eum, qui res fisci administrat, a tutela vel cura quamdiu administrat excusari posse. Item qui rei publicae causa² absunt⁵, a tutela et cura excusantur. sed et si fuerint tutores vel curatores, deinde rei publicae causa abesse coeperunt, a tutela et cura excusantur, quatenus rei publicae causa absunt, et interea curator loco eorum datur. qui si reversi fuerint, recipiunt onus tutelae nec anni habent vacationem, ut Papinianus responsorum libro quinto scripsit: nam hoc spatium habent ad novas tutelas vocati. Et qui potestatem aliquam habent,³ excusare se possunt, ut divus Marcus rescripsit, sed coeptam

¹ sic T, satisfactionem BΘ ² Cf. p. 28 not. 7 ³ Cf. Dig. 27, 1 Cod. 5, 62. 69 ⁴ et] TΘ, vel B ⁵ sic T^bΘ, causam assumunt B, causa ab...unt T^a

- 4 tutelam deserere non possunt. ¹Item propter litem, quam cum pupillo 'vel adulto tutor vel curator' habet, excusare se 'nemo' potest: nisi forte de omnibus bonis vel hereditate controversia sit. Item tria onera tutelae non affectatae vel curae praestant vacationem, quamdiu administrantur: ut tamen plurium pupillorum² tutela vel cura eorundem bonorum, veluti fratrum, pro una computetur. Sed et propter paupertatem excusationem tribui tam divi fratres quam per se divus Marcus rescripsit, si quis imparem se oneri iniuncto possit docere. Item propter adversam valetudinem, propter quam nec suis quidem negotiis interesse potest, excusatio locum habet. Similiter eum qui litteras nesciret excusandum esse divus Pius rescripsit: quamvis et imperiti litterarum possunt ad administrationem negotiorum sufficere. Item si propter inimicitiam³ aliquem testamento tutorem pater dederit, hoc ipsum praestat ei excusationem: sicut per contrarium non excusantur, qui se tutelam patri pupillorum administraturos promiserunt. Non esse autem admittendam excusationem eius, qui hoc solo utitur, quod ignotus patri pupillorum sit, divi fratres rescripserunt. Inimicitiae⁴, quas quis cum patre pupillorum vel adultorum⁵ exercuit, si capitales fuerunt nec reconciliatio intervenit, a tutela⁶ solent excusare⁷. Item si quis⁸ status controversiam a pupillorum patre passus est, excusatur a tutela. Item maior septuaginta annis a tutela vel cura se potest excusare. 'minores autem viginti et quinque annis olim quidem excusabantur: a nostra autem constitutione'⁹ prohibentur ad tutelam vel curam adspirare, adeo ut nec excusatione opus fiat. qua constitutione¹⁰ cavetur, ut nec pupillus 'ad legitimam tutelam vocetur nec adultus: cum erat incivile eos, qui alieno auxilio in rebus suis administrandis egere noscuntur et sub aliis reguntur, aliorum tutelam vel curam subire'. Idem et in milite observandum est, ut nec volens ad tutelae munus¹¹ admittatur. Item Romae grammatici rhetores et medici et qui in patria sua id¹² exercent et intra numerum sunt, a tutela vel cura habent vacationem.
- 16 ¹³Qui autem se vult excusare, si plures habeat excusationes et de quibusdam non probaverit, aliis uti intra tempora non prohibetur. qui¹⁴ excusare se volunt, non appellant: sed intra

¹ § 4 ex Marciani l. 2 inst. (Dig. 27, 1, 21 pr.) ² pupillorum del.
³ sic B, inimicitias T ⁴ sic T, inimicitias B ⁵ sic TΘ, pupilli vel adulti B ⁶ sic BΘ, a tut. vel cura T ⁷ sic T, excusari B ⁸ sic Θ,
si qui B, is qui T ⁹ Cod. 5, 30, 5 ¹⁰ sic P, cui constitutioni BE
¹¹ sic PE^b, onus B, in unius E^a ¹² id] PEΘ, artem B ¹³ § 16
in. ex Marciani l. 2 inst. (Dig. 27, 1, 21 § 1) ¹⁴ qui PE^a, qui enim B

dies quinquaginta continuos, ex quo cognoverunt, excusare se debent (cuiuscumque generis sunt, id est qualitercumque dati fuerint tutores), si intra centesimum lapidem sunt ab eo loco, ubi tutores dati sunt: si vero ultra centesimum habitant, dinumeratione facta viginti milium diurnorum et amplius triginta dierum. quod tamen, ut¹ Scaevola dicebat, sic debet computari, ne minus sint quam quinquaginta dies. Datus autem 17 tutor ad universum patrimonium datus esse creditur. Qui tutelam alicuius gessit, invitus curator eiusdem fieri non compellitur, in tantum ut, licet pater, qui testamento tutorem dederit, adiecit se eundem curatorem dare, tamen invitum eum curam suscipere non cogendum divi Severus et Antoninus rescripserunt. Idem rescripserunt² maritum uxori suae curatorem datum 19 excusare se posse, licet se immisceat. Si quis autem falsis 20 allegationibus excusationem tutelae meruit, non est liberatus onere tutelae.

XXVI³

DE SUSPECTIS TUTORIBUS ET CURATORIBUS.

⁴Sciendum est suspecti crimen e lege duodecim tabularum descendere. Datum est autem ius removendi suspectos tutores 1 Romae praetori et in provinciis praesidibus earum et legato proconsulis. Ostendimus, qui possunt de suspecto cognoscere: 2 nunc videamus, qui suspecti fieri possunt. Et quidem omnes tutores possunt, sive testamentarii sint sive non, sed⁵ alterius generis tutores. quare et si legitimus sit tutor, accusari poterit. quid⁶ si patronus? adhuc idem erit dicendum: dummodo meminimus famae patroni parcendum, licet ut suspectus remotus fuerit. Consequens est, ut videamus, qui possint suspectos 3 postulare. et sciendum est quasi publicam esse hanc actionem, hoc est omnibus patere. quin immo et mulieres admittuntur ex rescripto divorum Severi et Antonini, sed⁷ hae solae, quae pietatis necessitudine ductae ad hoc procedunt, ut puta mater: nutrix quoque et avia possunt, potest et soror: sed et si qua mulier fuerit, cuius praetor perpensam⁸ pietatem intellexerit non sexus verecundiam egredientis, sed pietate productam⁹ non continere iniuriam pupillorum, admittit eam ad accusationem. Impuberes non possunt tutores suos suspectos postulare: puberes 4

¹ ut om. B ² idem rescr. om. B ³ Cf. Dig. 26, 10 Cod. 5, 43
⁴ pr. ... § 3 ex Dig. 26, 10, 1 § 2.. 7 (Ulp. l. 35 ad ed.) ⁵ non sed] BP,
n. s. sint Dig., om. E ⁶ quid] B^bP^b Dig., quod B^aP^aE ⁷ sed] P
Dig. O, sed et BT ⁸ sic libri cum Dig. ⁹ sic P Dig., producta BT

- autem curatores suos ex consilio necessariorum suspectos possunt arguere: et ita divi Severus et Antoninus rescripserunt.
- 5 Suspectus est autem, qui non ex fide tutelam gerit, licet solvendo est, ut et Iulianus quoque scripsit. sed et¹ ante, quam incipiat gerere tutelam tutor, posse eum quasi suspectum removeri idem Iulianus scripsit et secundum eum constitutum
- 6 est. Suspectus autem remotus, si quidem ob dolum, famosus
- 7 est: si ob culpam, non aequae. Si quis autem suspectus postulat, quoad cognitio finiatur, interdicitur ei administratio, ut
- 8 Papiniano visum est. Sed si suspecti cognitio suscepta fuerit posteaque tutor vel curator decesserit, extinguitur cognitio
- 9 suspecti. Si quis tutor copiam sui non faciat, ut alimenta pupillo decernantur, cavetur epistula divorum Severi et Antonini², ut in possessionem bonorum eius pupillus mittatur: et quae mora deteriora futura sunt, dato curatore distrahi iubentur. ergo ut suspectus removeri poterit qui non praestat alimenta.
- 10 Sed si quis praesens negat propter inopiam alimenta posse decerni, si hoc per mendacium dicat, remittendum eum esse ad praefectum urbis puniendum placuit, sicut ille remittitur,
- 11 qui data pecunia ministerium tutelae redemit. ³Libertus quoque, si fraudulenter gessisse tutelam filiorum vel nepotum patroni probetur, ad praefectum urbis remittitur puniendus.
- 12 Novissime sciendum est eos, qui fraudulenter tutelam vel curam administrant, etiamsi satis offerant, removendos a tutela, ⁴quia satisfactio propositum tutoris malevolum⁵ non mutat, sed diutius
- 13 grassandi in re familiari facultatem praestat. ⁶Suspectum 'enim' eum putamus, qui moribus talis est, ut suspectus sit: enimvero tutor 'vel curator' quamvis pauper est, fidelis tamen et diligens, removendus non est quasi suspectus.

¹ sic Θ, et om. libri ² Cf. Dig. 26, 10, 7 § 2 ³ § 11 ex Dig. 26, 10, 2 (Ulp. l. 1 de omnib. trib.) ⁴ quia... praestat ex Dig. 26, 10, 6 (Callistr. l. 4 de cogn.) ⁵ male voluntatis B ⁶ § 13 ex Dig. 26, 10, 8 (Ulp. l. 61 ad ed.)

LIBER SECUNDUS.

I¹

DE RERUM DIVISIONE.

²Superiore libro de iure personarum exposuimus: modo videamus de rebus. quae vel in nostro patrimonio vel extra nostrum patrimonium habentur.³ quaedam enim naturali iure communia sunt omnium, 'quaedam publica', quaedam universitatis, quaedam nullius, pleraque singulorum, quae variis ex causis cuique adquiruntur, 'sicut ex subiectis apparebit'.

³Et quidem naturali iure communia sunt omnium haec: 1 aer et aqua profluens et mare et per hoc litora maris. nemo igitur ad litus⁴ maris accedere prohibetur, dum tamen villis et monumentis et aedificiis absteineat, quia non sunt iuris gentium, sicut et mare. ⁵Flumina autem omnia et portus publica sunt: 2 ideoque ius piscandi omnibus commune est in portubus⁵ fluminibusque. Est autem litus maris, quatenus hibernus fluctus 3 maximus excurrit. ⁶Riparum quoque usus publicus est iuris⁷ 4 gentium, sicut ipsius fluminis: itaque navem⁸ ad eas appellere⁹, funes ex arboribus ibi natis religare, onus aliquid in his repone- re cuilibet liberum est, sicuti per ipsum flumen navigare. sed proprietas earum illorum¹⁰ est, quorum praediis haerent¹¹: . qua de causa arbores quoque in isdem natae eorundem sunt. Litorum quoque usus publicus iuris gentium est, sicut ipsius 5 maris: et ob id quibuslibet liberum est casam ibi imponere, in qua se recipiant, sicut retia siccare et ex mare deducere. proprietas autem eorum potest intellegi nullius esse, sed eiusdem iuris esse, cuius et mare et quae subiacent mari, terra vel harena. ¹²Universitatis sunt, non singulorum veluti quae 6 in civitatibus sunt, ut¹³ theatra stadia et similia et si qua alia sunt communia civitatum.

Nullius autem sunt res sacrae et religiosae et sanctae: quod 7 enim divini iuris est, id nullius in bonis est. Sacra sunt, quae 8

¹ Cf. Gai. 2, 1..11. 19..21. 41. 65..79. Dig. 1, 8. 41, 1 ² Gai. 2, 1
³ pr. fin. § 1. 2 ex Marciani l. 3 inst. (Dig. 1, 8, 2. 4) ⁴ sic A Dig. Θ,
litora BT ⁵ sic A Θ, portu BT ⁶ § 4. 5 ex Gai. l. 2 rer. cott. (Dig.
1, 8, 5) ⁷ iure Dig. ⁸ sic A Dig. Θ, naves BT ⁹ sic A Dig. Θ,
applicare BT ¹⁰ earum illorum] dett., eorum illorum A, illorum eorum
B, illarum eorum T, illorum Dig. ¹¹ sic A Dig., adhaereat BT
¹² § 6 ex Marciani l. 3 inst. (Dig. 1, 8, 6 § 1) ¹³ ut om. Dig. Θ

- rite et per pontifices deo consecrata sunt, veluti aedes sacrae et dona, quae rite ad ministerium dei dedicata sunt, 'quae etiam per nostram constitutionem¹ alienari et obligari prohibuimus, 'excepta causa redemptionis captivorum.' ²si quis vero auctoritate sua quasi sacrum sibi constituerit, sacrum non est, sed profanum. locus autem, in quo sacrae aedes aedificatae sunt, etiam diruto aedificio adhuc sacer manet, ut et Papinianus scripsit³. ⁴Religiosum locum unusquisque sua voluntate facit, dum mortuum infert in locum suum. in communem autem locum purum invito socio inferre non licet: in commune vero sepulcrum etiam invitis ceteris licet inferre. item si alienus usus fructus est, proprietarium placet nisi consentiente usufructuario locum religiosum non facere. in alienum locum concedente domino licet inferre: et licet postea ratum habuerit⁵, quam illatus est mortuus, tamen religiosus locus fit. ⁶'Sanctae quoque res, veluti muri et portae, quodammodo divini iuris sunt et ideo nullius in bonis sunt.' ideo autem muros sanctos dicimus, quia poena capitis constituta sit in eos, qui aliquid in muros deliquerint. ideo et legum eas partes, quibus poenas constituimus adversus eos qui contra leges fecerint, sanctiones vocamus.
- 11 ⁷Singulorum autem hominum multis modis res fiunt: quarundam enim rerum dominium nanciscimur iure naturali, quod, sicut diximus, appellatur ius gentium, quarundam iure civili. commodius est itaque a vetustiore iure incipere. palam est autem vetustius esse naturale ius, quod cum ipso genere humano rerum natura prodidit: civilia enim iura tunc coeperunt esse⁸, cum et civitates condi et magistratus creari et leges scribi coeperunt.
- 12 ⁹Ferae igitur bestiae et volucres et pisces, id est omnia animalia, quae in terra mari caelo¹⁰ nascuntur¹¹, simulatque ab aliquo capta fuerint, iure gentium statim illius esse incipiunt: quod enim ante nullius est, id naturali ratione occupanti conceditur. nec interest, feras bestias et volucres utrum in suo fundo quisque capiat, an in alieno: plane qui in alienum fundum ingreditur venandi aut aucupandi gratia, potest a domino, si is providerit, prohiberi ne ingrediatur. quidquid autem eorum ceperis, eo usque tuum esse intellegitur, donec tua custodia

¹ Cod. 1, 2, 21² § 8 fin. ex Marciani l. 3 inst. (Dig. 1, 8, 6 § 3)³ Dig. 18, 1, 73 pr.⁴ § 9 ex Marc. l. c. (Dig. 1, 8, 6 § 4)⁵ sic ADig. 0, non habuerit BT ⁶ Gai. 2, 8. 9 (Dig. 1, 8, 1 pr.) ⁷ § 11 in.similibus Dig. 41, 1, 1 pr. (Gai. l. 2 rer. cott.) ⁸ esse] T, om. AB⁹ § 12..17 ex Gai. l. 2 rer. cott. (Dig. 41, 1, 1. 3. 5. 7 pr.) ¹⁰ sicA⁶⁹ AP Dig., caeloque A¹ BT ¹¹ sic et 0, capiuntur Dig.

coercetur: cum vero evaserit custodiam tuam et in naturalem libertatem se receperit, tuum esse desinit et rursus occupantis fit. naturalem autem libertatem recipere intellegitur, cum vel oculos tuos effugerit vel ita sit in conspectu tuo, ut difficilis sit eius persecutio. ¹Illud quaesitum est, an, si fera bestia ita 13 vulnerata sit, ut capi possit, statim tua esse intellegatur. "quibusdam" placuit statim tuam esse et eo usque tuam videri, donec eam persequaris², quodsi desieris persequi, desinere tuam esse et rursus fieri occupantis. "alii" non aliter putaverunt tuam esse, quam si ceperis. "sed posteriorem sententiam nos confirmamus", quia multa accidere "solent", ut eam non capias. ¹Apium quo- 14 que natura fera est. itaque quae in arbore tua consederint, antequam a te alveo includantur, non magis tuae esse intelleguntur, quam volucres, quae in tua arbore nidum fecerint: ideoque si alius eas incluserit, is earum dominus erit. favos quoque si quos hae fecerint³, quilibet eximere potest. plane integra re si provideris ingredientem in fundum tuum, potes eum iure prohibere ne ingrediatur. examen, quod ex alveo tuo evolaverit, eo usque tuum esse intellegitur, donec in conspectu tuo est nec difficilis eius persecutio est: alioquin occupantis fit. ¹Pavonum et columbarum fera natura est. nec ad rem pertinet, 15 quod ex consuetudine avolare⁴ et revolare solent: nam et apes idem faciunt, quarum constat feram esse naturam: cervos quoque ita quidam mansuetos habent, ut in silvas ire et redire soleant, quorum⁵ et ipsorum feram esse naturam nemo negat. in his autem animalibus, quae ex consuetudine abire et redire solent, talis regula comprobata est, ut⁶ eo usque tua esse intellegantur, donec animum revertendi habeant: nam⁷ "si revertendi animum habere desierint, etiam tua esse desinunt et fiunt occupantium. revertendi autem animum videntur desinere habere, cum revertendi consuetudinem deseruerint." ¹Gallina- 16 rum et anserum non est fera natura idque ex eo possumus intellegere, quod aliae sunt gallinae, quas feras vocamus, item alii anseres, quos feros appellamus. ideoque si anseres tui aut gallinae tuae aliquo casu turbati turbataeve evolaverint, licet conspectum tuum effugerint, quocumque tamen loco sint, tui tuaeve esse⁸ intelleguntur: et qui lucrandi animo ea animalia retinet, furtum committere intellegitur. ²Item ea, quae ex 17

¹ § 18. 17 ex Gai. l. 2 rer. cott. (Dig. 41, 1, 5 § 1. 7. 7) ² sic B, persequamur A cum Dig., persequeris T ³ hae fecerint] Dig., effecerint libri ⁴ sic AB Dig. 6, advolare T ⁵ quorum] BT Dig., quamvis A ⁶ ut] ut et T ⁷ Gai. 2, 68 ⁸ esse] BT, om. A

- hostibus capimus, iure gentium statim nostra fiunt: adeo quidem, ut et liberi homines in servitutem nostram deducantur, qui tamen, si evaserint nostram potestatem et ad suos reversi
 18 fuerint, pristinum statum recipiunt. ¹Item lapilli gemmae et cetera, quae in litore inveniuntur, iure naturali statim 'inven-
 19 toris' fiunt. ¹Item ea, quae ex animalibus dominio tuo subiectis nata sunt, eodem iure tibi adquiruntur.
- 20 ²Praeterea quod per alluvionem agro tuo flumen adiecit, iure gentium tibi acquiritur. est autem alluvio incrementum latens³. per alluvionem autem id videtur adici, quod ita paulatim adicitur, ut intellegere non possis, quantum quoquo mo-
 21 mento temporis adiciatur. ²Quodsi vis fluminis partem aliquam ex tuo praedio detraxerit et 'vicini' praedio appulerit, palam est eam tuam permanere. plane si longiore⁴ tempore fundo 'vicini' haeserit arboresque, quas secum traxerit, in eum fundum radices egerint, ex eo tempore videntur 'vicini' fundo adquisitae⁵ esse.
- 22 ²Insula quae in mari nata est, quod raro accidit, occupantis fit: nullius enim esse creditur. at in flumine nata, quod frequenter accidit, si quidem mediam partem fluminis teneat, communis est eorum, qui ab utraque parte fluminis prope ripam praedia possident, pro modo latitudinis cuiusque fundi, quae latitudo prope ripam sit. quodsi alteri parti proximior sit, eorum est tantum, qui ab ea parte prope ripam praedia possident. quodsi aliqua parte divisum flumen, deinde infra unitum agrum alicuius in formam insulae redegerit, eiusdem permanet is ager,
 23 cuius et fuerat. ²Quodsi naturali alveo in universum derelicto alia parte fluere⁶ coeperit, prior quidem alveus eorum est, qui prope ripam eius praedia possident, pro modo scilicet latitudinis cuiusque agri, quae latitudo prope ripam sit, novus autem alveus eius iuris esse incipit, cuius et ipsum flumen, id est publicus⁷. quodsi post aliquod tempus ad priorem alveum reversum fuerit flumen, rursus novus alveus eorum esse incipit,
 24 qui prope ripam eius praedia possident. ²Alia sane causa est, si cuius totus ager inundatus fuerit. neque enim inundatio speciem fundi commutat et ob id, si recesserit aqua, palam est eum fundum eius manere, cuius et fuit.
- 25 ³Cum ex aliena materia species aliqua facta sit ab aliquo,

¹ § 18. 19 ex *Flor. l. 6 inst. (Dig. 1, 8, 3 et 41, 1, 6)* ² § 20.. 24 ex *Gai. l. 2 rer. cott. (Dig. 41, 1, 7 § 1..6)* ³ est... latens om. *Dig.*
⁴ sic *Dig. Θ*, longiori *T*, longo *AB* ⁵ sic *TΘ*, videtur... adquisita *Dig.*,
 videntur.. adquisita *AB* ⁶ sic *A Dig. Θ*, defluere *BT* ⁷ sic (publicis *F*¹) *Dig.*, publicum *libri*, publici *legisse videtur Θ* ⁸ § 25 similis *Dig.*
 41, 1, 7 § 7 (*Gai. l. c.*)

quaeri solet, quis¹ eorum naturali ratione dominus sit, utrum is qui fecerit, an ille potius qui materiae dominus fuerit: ut ecce si quis ex alienis uvis aut olivis aut spicis vinum aut oleum aut frumentum fecerit, aut ex alieno auro vel argento vel aere vas aliquod fecerit, vel ex alieno vino et melle mulsum miscuerit, vel ex alienis medicamentis emplastrum aut collyrium composuerit, vel ex aliena lana vestimentum fecerit, vel ex alienis tabulis navem vel armarium vel subsellium fabricaverit. et post multas Sabinianorum et Proculianorum ambiguitates placuit media sententia existimantium², si ea species ad materiam reduci³ possit, eum videri dominum esse, qui materiae dominus fuerat, si non possit reduci, eum potius intellegi dominum qui fecerit: ut ecce vas conflatum potest ad rudem massam aeris vel argenti vel auri reduci, vinum autem aut oleum aut frumentum ad uvas et olivas et spicas reverti non potest³ ac ne mulsum quidem ad vinum et mel resolvi potest. quodsi partim ex sua materia partim ex aliena speciem aliquam fecerit quisque, veluti ex suo vino et alieno melle mulsum aut ex suis et alienis medicamentis emplastrum aut collyrium aut ex sua et aliena lana vestimentum fecerit, dubitandum non est hoc casu eum esse dominum qui fecerit: cum non solum operam suam dedit, sed et partem eiusdem materiae praestavit. Si tamen alienam purpuram quis intexit suo vesti- 26 mento, licet pretiosior est purpura, accessionis vice cedit vestimento: et qui dominus fuit purpurae, adversus eum qui subripuit habet furti actionem et conductionem, sive ipse est qui vestimentum fecit, sive alius. nam ⁴extinctae res licet vindicari non possint, condici tamen a furibus et ⁵a quibusdam aliis possessoribus possunt. Si duorum materiae ex volun- 27 tate dominorum confusae sint, totum id corpus, quod ex confusione fit, utriusque commune est⁶, veluti si qui vina sua confuderint aut massas argenti vel auri conflaverint. sed⁷ si diversae materiae sint et ob id propria species facta sit, forte ex vino et melle mulsum aut ex auro et argento electrum, idem iuris est: nam et eo casu communem esse speciem non dubitatur. quodsi fortuitu et non voluntate dominorum confusae fuerint vel diversae materiae vel quae eiusdem generis sunt, idem iuris esse placuit. Quodsi frumentum Titii tuo fru- 28 mento mixtum fuerit, si quidem ex voluntate vestra, commune

¹ quis *BT*, uter *AT* ² redigi *B* ³ sic *ABΘ*, reduci non possunt *T* ⁴ *Gai.* 2, 79 ⁵ et] *ABΘ Gai.*, vel *T* ⁶ est] *AT*, fit *B* ⁷ sed] *libri cum Θ: fuitne sed et (edd.)?*

- erit, quia singula corpora, id est singula grana, quae cuiusque propria fuerunt, ex consensu vestro communicata sunt. quodsi casu id mixtum fuerit vel Titius id miscuerit sine voluntate tua, non videtur commune esse, quia singula corpora in sua substantia durant nec magis istis casibus commune fit frumentum, quam grex communis esse intellegitur, si pecora Titii tuis pecoribus mixta fuerint: sed si ab alterutro vestrum id totum frumentum retineatur, in rem quidem actio pro modo frumenti cuiusque competat, arbitrio autem iudicis continetur,
- 29 ut is¹ aestimet, quale cuiusque frumentum fuerit. ²Cum in suo solo aliquis aliena materia aedificaverit, ipse dominus intellegitur aedificii, quia omne quod inaedificatur solo cedit. nec tamen ideo is, qui materiae dominus fuerat, desinit eius dominus esse: sed tantisper neque vindicare eam potest neque ad exhibendum de ea re agere propter legem duodecim tabularum, qua cavetur, ne quis tignum alienum aedibus inunctum eximere cogatur, sed duplum pro eo praestet per actionem quae vocatur de tigno iuncto (appellatione autem tigni omnis materia significatur, ex qua³ aedificia fiunt): quod ideo provisum est, 'ne aedificia rescindi necesse sit'. sed si aliqua ex causa dirutum sit aedificium, poterit materiae dominus, 'si non fuerit duplum iam persecutus', tunc eam vindicare et ad exhibendum
- 30 agere⁴. ²Ex diverso si quis in alieno solo sua materia domum aedificaverit, illius fit domus, cuius et solum est. sed hoc casu materiae dominus proprietatem eius amittit, quia voluntate eius alienata intellegitur, utique si⁵ non ignorabat in alieno solo se aedificare: et ideo, licet diruta sit domus, vindicare materiam non possit⁶. certe illud constat, si in possessione constituto aedificatore soli dominus petat domum suam esse nec solvat pretium materiae et mercedes fabrorum, posse eum per exceptionem doli mali repelli, utique si bonae fidei possessor fuit qui aedificasset: nam scienti alienum esse solum potest culpa obici, quod temere aedificaverit in eo solo, quod intellegeret
- 31 alienum esse. ²Si Titius alienam plantam in suo solo posuerit, ipsius erit: et ex diverso si Titius suam plantam in Maevii solo posuerit, Maevii planta erit, si modo utroque casu radices egerit, antequam autem radices egerit, eius permanet, cuius et fuerat. adeo autem⁷ ex eo, ex⁸ quo radices agit planta,

¹ is] A, id B, ipse T ² § 29..31 ex Gai. l. 2 rer. cott. (Dig. 41, 1, 7, § 10. 12. 13) ³ sic AT (sed significat T), omnes materiae significantur ex quibus (ex qua B) B Dig. ⁴ agere] Dig. Θ, de ea re (re om. T^a) ag. AT, de eis ag. B ⁵ si om. T^a ⁶ sic A, potest BT ⁷ enim Dig. ⁸ ex om. A

proprietas eius commutatur, ut, si vicini arborem ita terra¹ Titii presserit², ut in eius fundum radices ageret, Titii effici arborem dicimus³: rationem etenim non permittere⁴, ut alterius arbor esse intellegatur, quam cuius in fundum radices egisset. et ideo prope confinium arbor posita si etiam in vicini fundum radices egerit, communis fit. ⁵Qua ratione autem plantae, 32 quae terra coalescunt, solo cedunt, eadem ratione frumenta quoque, quae sata sunt, solo cedere intelleguntur. ceterum sicut is qui in alieno solo aedificaverit, si ab eo dominus petat aedificium, defendi potest per exceptionem doli mali secundum ea quae diximus: ita eiusdem exceptionis auxilio tutus esse potest is, qui alienum⁶ fundum sua impensa⁷ bona fide conseruit. ⁸Litterae quoque, licet aureae sint, perinde chartis membranisque cedunt, acsi⁸ solo cedere solent ea quae inaedificantur aut inseruntur: ideoque si in chartis membranisque tuis carmen vel historiam vel orationem Titius scripserit, huius corporis non Titius, sed tu dominus esse iudicaris⁹. sed si a Titio petas tuos libros tuasve membranas esse nec impensam scripturae solvere paratus sis, poterit se Titius defendere per exceptionem doli mali, utique si bona fide earum chartarum membranarumve possessionem nactus est. Si quis in aliena tabula pinxerit, 34 ¹⁰quidam putant¹⁰ tabulam picturae cedere: ¹¹aliis¹¹ videtur picturam¹⁰, qualiscumque sit, tabulae cedere. ¹²sed nobis videtur ¹³melius esse tabulam picturae cedere: ridiculum est enim picturam Apellis vel Parrhasii¹¹ in accessionem vilissimae tabulae cedere. unde¹² ¹⁴si a domino tabulae imaginem possidente is ¹⁵qui pinxit eam petat nec solvat pretium tabulae, poterit per ¹⁶exceptionem doli mali summovēri: at si is qui pinxit possideat, ¹⁷consequens est, ut utilis actio domino tabulae adversus eum ¹⁸detur, quo casu, si non solvat impensam picturae, poterit per ¹⁹exceptionem doli mali repelli, utique si bona fide possessor ²⁰fuerit ²¹ille qui picturam imposuit¹⁹. illud ²²enim²⁰ palam est, ²³quod, sive ²⁴is qui pinxit²¹ subripuit tabulas sive alius, competit ²⁵domino tabularum²² furti actio.

Si quis a non domino, quem dominum esse crederet, bona 35 fide fundum²⁶ emerit vel ex donatione aliave qua iusta causa

¹ terram *BT* et in *Dig. F*¹ ² Titius presserit *expectes*: presserim *Dig.*, ut cogitandum sit de arbore propagata, qua de re cf. *Plin. h. n.* 17, 13 *Dig.* 43, 24, 22 *pr.* ³ dicamus *edd.* ⁴ sic *AT Dig.*, ratio enim non permittit *B* ⁵ § 32. 33 ex *Gai. l. c. (Dig. 41, 1, 9 pr. § 1)*

⁶ sic *AT*, in alienum *B Dig.* ⁷ suam impensam *B* ⁸ ac *Dig.* ⁹ sic *AB*, videris *T*, intellegere *Dig.* ¹⁰ sic *AT*, pictura *BT*⁶

¹¹ parrasis libri ¹² *Gai.* 2, 78

aeque bona fide acceperit: naturali ratione placuit fructus quos percepit eius esse pro cultura et cura. et ideo si postea dominus supervenerit et fundum vindicet, de fructibus ab eo ^{con-}sumptis agere non potest. ei vero, qui sciens alienum fundum possederit, non idem concessum est. itaque cum fundo etiam
 36 fructus, "licet consumpti sint"¹, cogitur restituere. Is, ad quem usus fructus fundi pertinet, non aliter fructuum dominus efficitur, quam si eos ipse perceperit. et ideo licet maturis fructibus, nondum tamen perceptis decesserit, ad heredem eius non pertinent, sed² domino proprietatis adquiruntur. eadem fere et de
 37 colono dicuntur. ³In pecudum fructu etiam fetus est, sicuti lac et pilus et lana: itaque agni et haedi et vituli et equuli⁴ statim naturali iure domini⁵ sunt fructuarii. partus vero ancillae in fructu non est itaque ad dominum proprietatis pertinet: absurdum enim videbatur hominem in fructu esse, cum omnes
 38 fructus rerum natura hominum gratia comparavit. Sed si gregis usum fructum quis habeat, in locum demortuorum capitum ex fetu fructuarius summittere debet, ut et Iuliano visum est, et in vinearum demortuarum vel arborum locum alias debet substituere. recte enim colere debet et quasi bonus pater familias uti debet⁶.

39 Thesaurus, quos quis in suo loco invenerit, divus Hadrianus naturalem aequitatem secutus ei concessit qui invenerit. idemque statuit, si quis in sacro aut in religioso loco fortuito casu invenerit. at si quis in alieno loco non data ad hoc opera, sed fortuito invenerit, dimidium domino soli concessit. et convenienter, si quis in Caesaris loco invenerit, dimidium inventoris, dimidium Caesaris esse statuit. cui conveniens est, ut, si quis in publico loco vel fiscali invenerit, dimidium ipsius esse⁷, dimidium fisci vel civitatis.

40 ⁸Per traditionem quoque iure naturali⁹ res nobis adquiruntur: nihil enim tam conveniens est naturali aequitati, quam voluntatem domini, volentis rem suam in alium transferre, ratam haberi. ^{et} ideo cuiuscumque generis sit corporalis res, ^{tradi potest}¹⁰ et a domino tradita alienatur. itaque stipendiaria ^{quoque et tributaria praedia eodem modo alienantur. vocantur} ^{autem stipendiaria et tributaria praedia, quae in provinciis sunt,}

¹ <> Iustinianis tribuit Pernice ² sed] ABΘ, sed omnino T
³ § 37 ex Gai. l. 2 rer. cott. (Dig. 22, 1, 28) ⁴ et equuli] TΘ, et equulei A, ei equi B, om. Dig. ⁵ sic AT, dominio B, om. Dig. ⁶ uti debet] AT, om. B ⁷ sic BT, esset A ⁸ § 40 in. ex Gai. l. c. (Dig. 40, 1, 9 § 3) ⁹ iure naturali] naturalem B ¹⁰ sic T, possit AB

inter quae nec non Italica praedia ex nostra constitutione¹
 nulla differentia est. Sed si quidem ex causa donationis aut 41
 dotis aut qualibet alia ex causa tradantur, sine dubio trans-
 feruntur: venditae vero et traditae non aliter emptori adqui-
 rantur, quam si is venditori pretium solverit vel alio modo ei
 satisfecerit, veluti expromissore aut pignore dato. quod cavetur
 quidem etiam lege duodecim tabularum: tamen recte dicitur
 et iure gentium, id est² iure naturali, id effici. sed si is qui
 vendidit fidem emptoris secutus fuerit³, dicendum est⁴ sta-
 tim rem emptoris fieri.⁵ Nihil autem interest, utrum ipse 42
 dominus tradat alicui rem, an voluntate eius alius⁶. Qua 43
 ratione, si cui⁷ libera negotiorum⁸ administratio a domino per-
 missa fuerit isque ex his negotiis rem vendiderit et tradiderit,
 facit eam accipientis. Interdum etiam sine traditione nuda 44
 voluntas sufficit domini ad rem transferendam, veluti si rem,
 quam tibi aliquis commodavit aut locavit aut apud te deposuit,
 vendiderit tibi⁹ aut donaverit. quamvis enim ex ea causa tibi
 eam non tradiderit, eo tamen ipso, quod patitur tuam esse,
 statim adquiritur tibi proprietatem perinde ac si eo nomine
 tradita fuisset. Item si quis merces in horreo depositas vendi- 45
 derit, simul atque claves horrei tradiderit emptori, transfert
 proprietatem mercium ad emptorem. Hoc amplius interdum 46
 et in incertam personam collocata¹⁰ voluntas domini transfert
 rei proprietatem: ut ecce praetores vel consules, qui missilia
 iactant in vulgus, ignorant, quid eorum quisque excepturus sit,
 et tamen, quia volunt quod quisque exceperit eius esse, statim
 eum dominum efficiunt. Qua ratione verius esse videtur et, 47
 si rem pro derelicto a domino habitam occupaverit quis, statim
 eum dominum effici. pro derelicto autem habetur, quod domi-
 nus ea mente abiecerit, ut id rerum suarum esse nolle, ideo-
 que statim dominus esse desinit. Alia causa est earum 48
 rerum, quae in tempestate maris levandae navis causa eiciuntur.
 hae enim dominorum permanent, quia palam est eas non eo
 animo eici, quo¹² quis eas habere non vult, sed quo magis
 cum ipsa nave periculum maris effugiat: qua de causa si quis
 eas fluctibus expulsas vel etiam in ipso mari nactus lucrandi

¹ Cod. 7, 31, 1 ² id est] AT, et B ³ secutus fuerit] BT, secu-
 turus (secutus A) est A ⁴ dic. est om. B ⁵ § 42..46 ex Gai. l. 2
 rer. cott. (Dig. 41, 1, 9 § 4..7) ⁶ alius] AΘ, aliquis Dig., alius aut
 possessio eius rei permissa sit (sit om. B) BT ⁷ cui om. A ⁸ nego-
 tiorum] B Dig. Θ, universorum neg. AT ⁹ tibi om. B ¹⁰ sic A
 Dig., collata BT ¹¹ § 48 ex Gai. l. 2 rer. cott. (Dig. 41, 1, 9 § 8)
¹² quod Dig.

animo abstulerit, furtum committit. nec longe discedere videntur ab his, quae de rheda currente¹ non intelligentibus dominis cadunt.

II

DE REBUS INCORPORALIBUS.

- ²Quaedam praeterea res corporales sunt, quaedam incorporales. Corporales hae sunt, quae sui natura tangi possunt: veluti fundus homo vestis aurum argentum et denique aliae res innumerabiles. Incorporales autem sunt, quae tangi non possunt. qualia sunt ea, quae in iure consistunt: sicut hereditas, usus fructus³, obligationes quoquo modo contractae. nec ad rem pertinet, quod in hereditate res corporales continentur: nam et fructus, qui ex fundo percipiuntur, corporales sunt et id, quod ex aliqua obligatione nobis debetur, plerumque corporale est, veluti fundus homo pecunia: nam ipsum ius hereditatis⁴ et ipsum ius utendi fruendi et ipsum ius obligationis incorporale est. Eodem numero sunt iura praediorum urbanorum et rusticorum⁵, quae etiam servitutes vocantur.

III⁵

DE SERVITUTIBUS.

- ⁶Rusticorum praediorum iura sunt haec: iter actus via aquae ductus. iter est ius eundi ambulandi homini, non etiam iumentum agendi vel vehiculum: actus est ius agendi vel iumentum vel vehiculum. itaque qui iter habet, actum non habet. qui actum habet, et⁷ iter habet eoque uti potest etiam sine iumento. via est ius eundi et agendi "et ambulandi": nam et iter et actum in se via continet. aquae ductus est ius aquae ducendae per fundum alienum. ⁸Praediorum urbanorum sunt servitutes, quae aedificiis inhaerent, ideo urbanorum praediorum dictae, quoniam aedificia omnia urbana praedia appellantur, etsi in villa aedificata sunt. item praediorum urbanorum servitutes sunt hae: ut vicinus onera vicini sustineat: ut in parietem eius liceat vicino tignum immittere: ut stillicidium vel flumen recipiat quis in aedes suas vel in aream⁹, vel non recipiat: et ne altius tollat quis aedes suas, ne luminibus vicini officiat. ¹⁰In

¹ currente] *AT*, om. *B* ² *Gai.* 2, 12.. 14 *Dig.* 1, 8, 1 § 1 ³ sic *Gai. Dig.* 8, usus fructus usus libri ⁴ successionis *Gai. Dig.* ⁵ Cf. *Dig.* 8 *Cod.* 3, 34 ⁶ *pr. ex Ulp. l. 2 inst. (Dig. 8, 3, 1 pr.)* ⁷ et] *T Dig.* 8, om. *B* ⁸ § 1 in. *ex Ulp. l. c. (Dig. 8, 4, 1 pr.)* ⁹ sic *BTa* 8, vel in cloacam add. *det.* ¹⁰ § 2. 3 *ex Ulp. l. c. (Dig. 8, 3, 1 § 1 et 8, 4, 1 § 1)*

rusticorum praediorum servitutes¹ quidam computari recte putant aquae haustum, pecoris ad aquam adpulsum, ius pascendi, calcis coquendae, harenae fodiendae.

²Ideo autem hae servitutes praediorum appellantur, quoniam ³sine praediis constitui non possunt. nemo enim potest servitutem acquirere urbani vel rustici praedii, nisi qui habet praedium, nec quisquam debere, nisi qui habet praedium. Si quis ⁴velit vicino aliquod ius constituere, pactionibus atque stipulationibus id efficere debet. ⁵potest etiam in testamento quis heredem suum damnare, ne altius tollat⁶, ne luminibus aedium vicini officiat: vel ut patiatur eum tignum in parietem immittere vel stillicidium habere: vel ut patiatur eum per fundum ire agere aquamve ex eo ducere.

IV⁵

DE USU FRUCTU.

⁶Usus fructus est ius alienis rebus utendi fruendi salva rerum substantia. est enim ius in corpore: quo sublato et ipsum tolli necesse est. Usus fructus a proprietate separationem recipit idque plurimis⁷ modis accidit. ut ecce si quis alicui usum fructum legaverit: nam heres nudam habet proprietatem, legatarius usum fructum: et contra si fundum legaverit deducto usu fructu, legatarius nudam habet proprietatem, heres vero usum fructum: item alii usum fructum, alii deducto eo fundum legare potest. ⁸sine testamento vero si quis velit alii usum fructum constituere, pactionibus et stipulationibus id efficere debet. ne tamen in universum inutiles essent proprietates semper abscedente usu fructu, placuit certis modis extinguere usum fructum et ad proprietatem reverti. Constituitur ²autem usus fructus non tantum in fundo et aedibus, verum etiam in servis et iumentis ceterisque rebus exceptis his quae ipso usu consumuntur: nam eae⁹ neque naturali ratione neque civili recipiunt usum fructum. quo numero sunt vinum oleum frumentum vestimenta. quibus proxima est pecunia numerata: namque in ipso usu adsidua permutatione quodammodo extinguitur. sed utilitatis causa senatus censuit posse etiam earum

¹ sic T^h, servitute B ² § 2. 3 ex Ulp. l. c. (Dig. 8, 3, 1 § 1 et 8, 4, 1 § 1) ³ § 4 fin. ex Gai. l. 2 rer. cott. (Dig. 8, 4, 16) ⁴ tollat] BT^a, aedes suas tollat Dig. ⁵ Cf. Gai. 2, 30. 33 Dig. 7, 1. 4. 5; 33, 2 Cod. 3, 33 ⁶ pr. ex Dig. 7, 1, 1. 2 ((Paul. l. 3 ad Vitell. et Cels. l. 18 dig.) ⁷ sic BT, pluribus dett., πολλοῖς Θ ⁸ § 1 fin. § 2 in. ex Gai. l. 2 rer. cott. (Dig. 7, 1, 3 pr. § 1) ⁹ eae] B, eae res T

rerum usum fructum constitui, ut tamen eo nomine heredi utiliter caveatur. itaque si pecuniae usus fructus legatus sit, ita datur legatario, ut eius fiat, et legatarius satisfaciat heredi de tanta pecunia restituenda, si morietur aut capite minuetur. ceterae quoque res ita traduntur legatario, ut eius fiant: sed aestimatis his satisfacitur, ut, si morietur aut capite minuetur, tanta pecunia restituatur, quanti eae fuerint aestimatae. ergo senatus non fecit quidem earum rerum usum fructum (nec enim poterat), sed per cautionem quasi usum fructum constituit. 8 Finitur autem usus fructus morte fructuarii et 'duabus capitibus deminutionibus, maxima et media', et non utendo 'per modum et tempus. quae omnia¹ nostra statuit constitutio²'. item finitur usus fructus, si domino proprietatis ab usufructuario cedatur (nam extraneo cedendo nihil agitur): vel ex contrario si fructuarius proprietatem rei adquisierit, quae res consolidatio appellatur. eo amplius constat, si aedes incendio consumptae fuerint vel etiam terrae motu aut vitio suo corruerint, extingui 4 usum fructum et ne areae quidem usum fructum deberi. Cum autem finitus fuerit usus fructus, revertitur scilicet ad proprietatem et ex eo tempore nudae proprietatis dominus incipit plenam habere in re potestatem.

V³

DE USU ET HABITATIONE.

⁴Isdem istis modis, quibus usus fructus constituitur, etiam nudus usus constitui solet isdemque illis modis finitur, quibus 1 et usus fructus desinit. Minus autem scilicet iuris in usu est quam in usu fructu. namque is, qui fundi nudum usum habet, nihil ulterius habere intellegitur, quam ut oleribus pomis floribus feno stramentis lignis ad usum cottidianum utatur: ⁵in eoque fundo hactenus ei morari licet, ut neque domino fundi molestus sit neque his, per quos opera rustica fiunt, impedimento sit: nec ulli alii ius quod habet aut vendere aut locare aut gratis concedere potest, 'cum is qui usum fructum habet 2 potest haec omnia facere'⁶. Item is, qui aedium usum habet, hactenus iuris habere intellegitur, ut ipse tantum habitet, nec hoc ius ad alium transferre potest: et vix receptum videtur, ut hospitem ei recipere liceat. et cum uxore sua liberisque

¹ quae omnia] *TQ*, quod *B* ² *Cod.* 3, 33, 16 ³ *Dig.* 7, 8; 33, 2
Cod. 3, 33 ⁴ *pr. simile Dig.* 7, 1, 3 § 3 (*Gai.* l. 2 *rer. cott.*) ⁵ § 1 *fin.*
ex Gai. l. 2 *rer. cott.* (*Dig.* 7, 8, 11) ⁶ <> *Iustinianis tribuit Ferrini*

suis, item libertis 'nec non aliis liberis personis, quibus non minus quam servis utitur', habitandi ius habeat, et convenienter si ad mulierem usus aedium pertineat, cum marito ei¹ habitare liceat. Item is², ad quem servi usus pertinet, ipse tantum³ operis³ atque ministerio eius uti potest: ad alium vero nullo modo ius suum transferre ei concessum est. idem scilicet iuris est et in iumento. Sed⁴ si pecoris vel ovium usus legatus⁴ fuerit, neque lacte neque agnis neque lana utetur usuarius, quia ea in fructu sunt. plane ad stercorandum agrum suum pecoribus uti potest.

Sed si cui habitatio legata sive aliquo modo constituta sit, 5 neque usus videtur neque usus fructus, sed quasi proprium aliquod ius. 'quam habitationem habentibus propter rerum utilitatem secundum Marcelli sententiam nostra decisione⁵ promulgata⁶ permisimus non solum in ea degere, sed etiam aliis 'locare.'

Haec de servitutibus et usu fructu et usu et habitatione 6 dixisse sufficiat. de hereditate autem et de obligationibus suis locis proponamus. exposuimus summatim, quibus modis iure gentium res adquiruntur: modo videamus, quibus modis legitimo et civili iure adquiruntur.

VI⁷

DE USUCAPIONIBUS ET LONGI TEMPORIS POSSESSIONIBUS.

Iure civili constitutum fuerat, ut, qui bona fide ab eo, qui 'dominus non erat, cum crediderit eum dominum esse, rem emerit vel ex donatione aliave qua iusta causa acceperit, is 'eam rem, si mobilis erat, anno ubique, si immobilis, biennio 'tantum in Italico solo usucapiat, ne rerum dominia in incerto 'essent. et cum hoc placitum erat, putantibus antiquioribus⁸ 'dominis sufficere ad inquirendas res suas praefata tempora, 'nobis melior sententia resedit⁹, ne domini maturius suis rebus 'defraudentur neque certo loco beneficium hoc concludatur. et 'ideo constitutionem¹⁰ super hoc promulgavimus, qua cautum 'est, ut res quidem mobiles per triennium usucapiantur, immo- 'biles vero per longi temporis possessionem, id est inter praesentes decennio, inter absentes viginti annis usucapiantur et 'his modis non solum in Italia, sed in omni terra, quae nostro

¹ ei] *P*, om. *BT*^b, deficit *T*^a ² is] ei *libri* ³ sic *T*^aΘ, opere *BT*^b
⁴ sed] *BC*^bΘ, sed et *TC*^a ⁵ *Cod.* 3, 33, 13 ⁶ promulgatam *B* ⁷ *Gai.*
 2, 41..61 *Dig.* 41, 3..10; 44, 3 *Cod.* 7, 26..40 ⁸ sic *ATC*, antiquissimis *B* ⁹ sic *B*, resederit *TC*^b, sederit *AC*^a ¹⁰ *Cod.* 7, 31, 1

‘imperio gubernatur, dominium rerum iusta causa possessionis
‘praecedente adquiratur.’

- 1 ¹Sed aliquando etiamsi maxime quis bona fide rem posse-
derit, non tamen illi usucapio ‘ullo tempore’ procedit, veluti
si quis liberum hominem vel rem sacram vel religiosam vel
- 2 servum fugitivum possideat. Furtivae quoque res et quae vi
possessae sunt, nec si ‘praedicto longo tempore’ bona fide
possessae fuerint, usucapi possunt: nam furtivarum rerum lex
duodecim tabularum et lex Atinia² inhibet usucapionem, vi
- 3 possessarum lex Iulia et Plautia. ³‘Quod ‘autem’ dictum est
furtivarum et vi possessarum rerum usucapionem per legem⁴
prohibitam esse, non eo pertinet, ut ne ipse fur quive per vim
possidet usucapere possit: nam his alia ratione usucapio non
competit, quia scilicet mala fide possident: sed ne ullus alius,
‘quamvis ab eis bona fide emerit ‘vel ex alia causa acceperit,’
usucapiendi ius habeat⁵. unde in⁶ rebus mobilibus non facile
procedit, ut bonae fidei possessori⁷ usucapio competat. nam
qui alienam rem vendidit ‘vel ex alia causa’ tradidit, furtum
- 4 eius committit. ³Sed tamen id aliquando aliter se habet. nam
si heres rem defuncto commodatam aut locatam vel apud eum
depositam existimans hereditariam esse ‘bona fide accipienti’
vendiderit aut donaverit⁸ aut dotis nomine dederit, quin is qui
acceperit usucapere possit, dubium non est, quippe ea res in
furti vitium non ceciderit, ‘cum utique heres, qui bona fide
- 5 tamquam suam alienaverit, furtum non committit’⁸. ⁹‘Item si
is, ad quem ancillae usus fructus pertinet, partum suum esse
credens vendiderit aut donaverit, furtum non committit: fur-
- 6 tum enim sine affectu furandi non committitur. ⁹Aliis quoque
modis accidere potest, ut quis sine vitio furti rem alienam ad
aliquem transferat et efficiat, ut a possessore usucapiatur.’
- 7 Quod autem ad eas res, quae solo continentur¹⁰, expeditius
procedit, ut¹¹ quis loci vacantis possessionem propter absentiam
aut negligentiam domini, aut quia sine successore decesserit,
sine vi nanciscatur. ¹²qui quamvis ipse mala fide possidet,
quia intellegit se alienum fundum occupasse, tamen, si alii
bona fide accipienti tradiderit, poterit ‘ei longa possessione res
‘adquiri’, quia neque furtivum neque vi possessum ‘accepit’.

¹ § 1 in. simile Gaio 2, 45

² Ἀτλῖος νόμος Θ

³ Gai. 2, 49. 50

⁴ sic AT^a, per leges BTC^b, per lege[m] XII tabularum Gai. ⁵ sic

Gai., habet libri

⁶ in] ATC Gai., et in B

⁷ possessoribus Ta

⁸ <> Iustinianis adscripsit Kuebler

⁹ Gai. 1, 50

¹⁰ sic AT^a, per-

tinet add. BT^b ¹¹ ut] A, ut si BT ¹² qui ... furtum fieri ex Gai.

l. 2 rer. cott. (Dig. 41, 3, 38)

abolita est enim quorundam veterum sententia existimantium etiam fundi locive furtum fieri ^{et}¹ eorum, qui res soli possident, principalibus constitutionibus prospicitur, ne cui longa ^{et} indubitata possessio auferri debeat.⁸ Aliquando etiam furtiva vel vi possessa res usucapi potest: veluti si in domini potestatem reversa fuerit, tunc enim vitio rei purgato procedit eius usucapio. Res fisci ^{nostri} usucapi non potest. sed Papi-⁹ nianus scribit² bonis vacantibus fisco³ nondum nuntiatis bona fide emptorem sibi traditam rem ex his bonis usucapere posse: et ita divus Pius et divus⁴ Severus et Antoninus rescripserunt. Novissime sciendum est rem talem esse debere, ut in se non¹⁰ habeat vitium, ut a bona fide emptore usucapi possit vel qui ex alia iusta causa possidet.

Error autem falsae causae usucapionem non parit. veluti¹¹ si quis, cum non emerit, emisit se existimans possideat⁵: vel cum ei donatum non fuerat, quasi ex donatione possideat.

^{Diu}tiua possessio⁶, quae prodesse coeperat defuncto, et¹² heredi et bonorum possessori continuatur, licet ipse sciat praedium alienum: quodsi ille initium iustum non habuit, heredi et bonorum possessori licet ignoranti possessio non prodest. ^{quod} nostra constitutio⁸ similiter et in usucapionibus observari constituit, ut tempora continuentur.⁷ Inter venditorem quoque¹³ et emptorem coniungi tempora divus Severus et Antoninus rescripserunt.

Edicto divi Marci cavetur eum, qui a fisco rem alienam¹⁴ emit, si post venditionem quinquennium praeterierit, posse dominum rei per exceptionem⁷ repellere. ^{constitutio} autem divae memoriae Zenonis⁸ bene prospexit his, qui a fisco per venditionem vel donationem vel alium titulum aliquid accipiunt, ut ipsi quidem securi statim fiant et victores existant, sive conveniantur sive experiantur: adversus sacratissimum autem aerarium usque ad quadriennium liceat intendere his, qui pro dominio vel hypotheca earum rerum, quae alienatae sunt, putaverint sibi quasdam competere actiones. nostra autem ^{divina} constitutio⁹, quam nuper promulgavimus, etiam de his, qui a nostra vel venerabilis Augustae domo aliquid acceperint, haec statuit, quae in fiscalibus alienationibus praefatae Zenonae constitutioni¹⁰ continentur.⁷

¹ et] AB, om. T ² sic ATa?, scripsit B ³ fisco] AT, et f. B
⁴ θεώτατοι Θ ⁵ sic A, possidet Ba, possidea** Ta ⁶ Cod. 7, 81, 1
⁷ per exceptionem] T, exceptione AB ⁸ Cod. 7, 37, 2 ⁹ Cod. 7, 37, 3
¹⁰ sic Ta, constitutionis ABT⁶

VII¹

DE DONATIONIBUS.

- Est etiam aliud genus acquisitionis donatio. donationum autem duo genera sunt: mortis causa et non mortis causa.
- 1 Mortis causa donatio est, quae propter mortis fit suspicionem², cum quis ita donat, ut, si quid humanitus ei contigisset, haberet is qui accepit: sin autem supervixisset qui donavit, reciperet, vel si eum donationis paenituisset aut prior decesserit is cui donatum sit. 'hae³ mortis causa donationes ad exemplum legatorum redactae sunt per omnia. nam cum prudentibus ambiguum fuerat, utrum donationis an legati instar eam optinere⁴ oporteret⁵, et utriusque causae quaedam habebat insignia et alii ad aliud genus eam retrahebant: a nobis constitutum est⁶, ut per omnia fere legatis connumeretur et sic procedat, quemadmodum eam nostra formavit constitutio.' ⁷ et in summa mortis causa donatio est, cum magis se quis velit habere, quam eum cui donatur, magisque eum cui donat, quam heredem suum. sic et apud Homerum Telemachus donat Piraeo.⁸
- 2 'Aliae autem donationes sunt, quae sine ulla mortis cogitatione fiunt, quas inter vivos appellamus. quae omnino non comparantur legatis: quae si fuerint perfectae, temere revocari non possunt. perficiuntur autem, cum donator suam voluntatem scriptis aut sine scriptis manifestaverit: et ad exemplum venditionis nostra constitutio⁹ eas etiam in se habere necessitatem traditionis voluit, ut, et si non tradantur, habeant plenissimum et perfectum robur et traditionis necessitas incumbat donatori. et cum retro principum dispositiones insinuari eas actis intervenientibus volebant, si maiores ducentorum fuerant solidorum, nostra constitutio¹⁰ et quantitatem usque ad quingentos solidos ampliavit, quam stare et sine insinuatione statuit, et quasdam donationes invenit, quae penitus insinuationem fieri minime desiderant, sed in se plenissimam habent firmitatem. alia insuper multa ad uberiores exitum donationum invenimus, quae omnia ex nostris constitutionibus, quas super his posuimus, colligenda sunt. sciendum tamen est, quod, etsi plenissimae sint donationes, tamen si ingrati existant homines, in quos beneficium

¹ Cf. *Dig.* 24, 1; 39, 5. 6 *Cod.* 5, 3, 16; 8, 53..56 ² sic B, suspicionem T ³ hae] T6, om. B ⁴ optinere] T; ponere B ⁵ oportet T ⁶ *Cod.* 8, 56, 4 ⁷ § 1 *fn. ex Marciani l. 9 inst. (Dig. 39, 6, 1)* ⁸ *Homeri versus Od. 17, 78—83 hic inserunt edd.* ⁹ *Cod.* 8, 53, 35 § 5 ¹⁰ *Cod.* 8, 53, 36

collatum est, donatoribus per nostram constitutionem¹ licentiam praestavimus certis ex causis eas revocare, ne, qui suas res in alios² contulerunt, ab his quandam patiantur iniuriam vel iacturam, secundum enumeratos in nostra constitutione modos. Est et aliud genus inter vivos donationum, quod³ veteribus quidem prudentibus penitus erat incognitum, postea autem a iunioribus divis principibus introductum est, quod ante nuptias vocabatur et tacitam in se condicionem habebat, ut tunc ratum esset, cum matrimonium fuerit³ insecutum: ideoque ante nuptias appellabatur, quod ante matrimonium efficiebatur et nusquam post nuptias celebratas talis donatio procedebat. sed primus quidem divus Iustinus pater noster, cum augeri dotes et post nuptias fuerat permissum, si quid tale evenit, etiam ante nuptias donationem augeri et constante matrimonio sua constitutione⁴ permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. sed nos plenissimo finitradere sanctiones cupientes et consequentia nomina rebus esse studentes constituimus⁵, ut tales donationes non augeantur tantum, sed et constante matrimonio initium accipiant et non ante nuptias, sed propter nuptias vocentur et dotibus in hoc exaequantur, ut, quemadmodum dotes et constante matrimonio non solum augentur, sed etiam fiunt, ita et istae donationes, quae propter nuptias introductae sunt, non solum antecedant matrimonium, sed etiam eo contracto et augeantur et constituentur.

Erat olim et alius modus civilis acquisitionis per ius ad⁴ crescendi, quod est tale: si communem servum habens aliquis cum Titio solus libertatem ei imposuit vel vindicta vel testamento, eo casu pars eius amittebatur et socio ad crescebat. sed cum pessimo fuerat exemplo⁶ et libertate servum defraudari et ex ea humanioribus quidem dominis damnum inferri, severioribus autem lucrum ad crescere: hoc quasi invidiae plenum pio remedio per nostram constitutionem⁷ mederi necessarium duximus et invenimus viam, per quam et manumissor et socius eius et qui libertatem accepit nostro fruantur beneficio, libertate cum effectu procedente (cuius favore et antiquos legislatores multa et contra communes regulas statuuisse manifestissimum est) et eo qui⁸ eam imposuit suae liberalitatis stabilitate

¹ Cod. 8, 55, 10 ² sic TΘ, alienos B ³ sic T, fuerat B ⁴ Cod. 5, 3, 19 ⁵ Cod. 5, 3, 20 ⁶ sic BW^a, pessimum f. exemplo W^b, pessimum f. exemplum E, κάκιστον ἢν τοῦτο παράδειγμα Θ ⁷ Cod. 7, 7, 1 ⁸ quia B

gaudente et socio indemni conservato pretiumque servi secundum partem dominii, quod nos definivimus, accipiente.²

VIII¹

QUIBUS ALIENARE LICET VEL NON.

- ² Accidit aliquando, ut qui dominus sit alienare non possit et contra qui dominus non³ sit alienandae rei potestatem habeat. nam dotale praedium maritus invita muliere per legem Iuliam prohibet alienare, quamvis ipsius sit dotis causa ei datum.⁴ quod nos legem Iuliam corrigentes in meliorem statum deduximus⁴. cum enim lex in soli tantummodo rebus locum habebat, quae Italicae fuerant, et alienationes inhibebat, quae invita muliere fiebant, hypothecas autem earum etiam volente: utrisque⁵ remedium imposuimus, ut etiam in eas res, quae in provinciali solo⁶ positae sunt, interdicta fiat alienatio vel obligatio et neutrum eorum neque consentientibus mulieribus procedat, ne sexus mulieris fragilitas in perniciem substantiae earum converteretur. Contra autem⁷ creditor pignus ex pactione, quamvis eius ea res non sit, alienare potest.⁸ sed hoc forsitan ideo videtur fieri, quod voluntate debitoris intellegitur pignus alienare⁸, qui ab initio contractus⁹ pactus est, ut liceret creditori pignus vendere, si pecunia non solvatur.¹⁰ sed ne creditores ius suum persequi impedirentur neque debitores temere suarum rerum dominium amittere videantur, nostra constitutione⁹ consultum est et certus modus impositus est, per quem pignorum distractio possit procedere, cuius tenore utrique parti² creditorum et debitorum satis abundeque provisum est.¹⁰ Nunc admonendi sumus neque pupillum neque pupillam ullam rem sine tutoris auctoritate alienare posse. ideoque si mutuam pecuniam alicui sine tutoris auctoritate dederit, non contrahit obligationem, quia pecuniam non facit accipientis. ideoque vindicare nummos possunt, sicubi extent: sed si nummi, quos mutuos dedit¹¹, ab eo qui accepit bona fide consumpti sunt, condici possunt, si mala fide, ad exhibendum de his agi potest. at ex contrario omnes res pupillo et pupillae sine tutoris auctoritate recte dari possunt. ideoque si debitor pupillo solvat, necessaria est¹² tutoris auctoritas: alioquin non liberabitur. sed

¹ Cf. Gai. 2, 62..64. 80..85 ² Gai. 2, 62. 63 ³ non om. B
⁴ Cod. 5, 13, 1 § 15 ⁵ sic B, utriusque T^a ⁶ provinciali solo] T,
provincia B ⁷ Gai. 2, 64 ⁸ sic BT^a, alienari T^b Gai. ⁹ Cod.
8, 33, 3 ¹⁰ Gai. 2, 80..82 ¹¹ dedit] BT^b, minor d. T^a ¹² est]
T^a, est debitori BT^b

etiam hoc evidentissima ratione statutum est in constitutione, quam ad Caesarenses¹ advocatos ex suggestione Triboniani viri eminentissimi quaestoris sacri palatii nostri promulgavimus², qua dispositum est ita licere tutori vel curatori debitorem pupillarem solvere, ut prius sententia iudicialis sine omni damno celebrata hoc permittat. quo subsecuto, si et iudex pronuntiaverit et debitor solverit, sequitur³ huiusmodi solutionem plenissima⁴ securitas. sin autem aliter quam disposuimus solutio facta fuerit et pecuniam salvam habeat pupillus aut ex ea locupletior sit et adhuc eandem summam pecuniae petat, per exceptionem doli mali summo veri poterit: quodsi aut male consumpserit aut furto amiserit, nihil proderit debitori doli mali exceptio, sed nihilo minus damnabitur, quia temere sine tutoris auctoritate et non secundum nostram dispositionem solverit. sed ex diverso pupilli vel pupillae solvere sine tutore auctore non possunt, quia id quod solvunt non fit accipientis, cum scilicet⁵ nullius rei alienatio eis sine tutoris auctoritate concessa est.

IX⁶

PER QUAS PERSONAS NOBIS ADQUIRITUR.

Adquiritur nobis⁸ non solum per nosmet ipsos, sed etiam per eos quos in potestate habemus: item per eos servos, in quibus usum fructum habemus: item per homines liberos et servos alienos quos bona fide possidemus. de quibus singulis diligentius dispiciamus. Igitur liberi vestri utriusque sexus,¹ quos in potestate habetis, olim quidem, quidquid ad eos pervenerat (exceptis videlicet castrensibus pecuniis), hoc parentibus suis adquirebant sine ulla distinctione: et hoc ita parentum fiebat, ut esset eis licentia, quod per unum vel unam eorum adquisitum est, alii⁹ vel extraneo donare vel vendere vel quocumque modo voluerant applicare. quod nobis inhumanum visum est et generali constitutione¹⁰ emissa et liberis pepercimus et patribus debitum reservavimus¹¹. sancitum etenim a nobis est, ut, si quid ex re patris ei obveniat, hoc secundum antiquam observationem totum parenti adquirat (quae enim invidia est, quod ex patris occasione profectum est, hoc ad eum reverti?): quod autem ex alia causa sibi filius familias¹²

¹ Caesarenses BT ² Cod. 5, 37, 25 ³ sic P Cod., sequatur BT
⁴ plenissimam B ⁵ Gai. 2, 84 ⁶ Cf. Gai. 2, 86. 100 Dig. 41, 1
 Cod. 4, 27 ⁷ Gai. 2, 86. 87 (Dig. 41, 1, 10) ⁸ vobis et similiter
 deinceps PE ⁹ alii] P, id est filio alii B, filio alii E ¹⁰ Cod. 6, 61, 6
¹¹ sic B, servavimus PE ¹² familias] PEO, filiave B

- 'adquisivit, huius usum fructum quidem patri acquireret, domi-
 'nium autem apud eum remaneat, ne, quod ei suis laboribus
 'vel prospera fortuna accessit, hoc in alium perveniens luctuo-
 2 'sum ei procedat. Hocque a nobis dispositum est et in ea
 'specie, ubi parens emancipando liberum¹ ex rebus quae ad-
 'quisitionem effugiunt sibi partem tertiam retinere si voluerat
 'licentiam ex anterioribus constitutionibus habebat quasi pro
 'pretio quodammodo emancipationis et inhumanum quid² acci-
 'debat, ut filius rerum suarum ex hac emancipatione dominio
 'pro parte defraudetur et, quod honoris ei ex emancipatione
 'additum est, quod sui iuris effectus est, hoc per rerum demi-
 'nutionem decrescat. ideoque statuimus, ut parens pro tertia
 'bonorum parte domini, quam retinere poterat, dimidiam non
 'dominii rerum, sed usus fructus retineat: ita etenim et res
 'intactae apud filium remanebunt et pater ampliore summa
 3 'fruetur pro tertia dimidia potiturus.' ³Item vobis acquiritur,
 'quod servi vestri ex traditione nanciscuntur sive quid stipulentur
 'vel ex⁴ qualibet alia causa adquirunt.' hoc enim vobis et igno-
 rantibus et invitis obvenit. 'ipse enim 'servus' qui in potestate
 'alterius est nihil suum habere potest. 'sed' si heres institutus
 'sit, 'non alias' nisi iussu vestro hereditatem adire potest: et
 'si iubentibus vobis adierit, vobis hereditas acquiritur, perinde
 'ac si vos ipsi heredes instituti essetis. et convenienter scilicet
 'legatum per eos vobis acquiritur. non solum autem proprietates
 'per eos quos in potestate habetis acquiritur vobis, sed etiam
 'possessio: cuiuscumque enim rei possessionem adepti fuerint,
 'id vos possidere videmini. unde etiam per eos usucapio 'vel
 4 'longi temporis possessio vobis' accedit⁵. ³De his autem ser-
 'vis, in quibus tantum usum fructum habetis, ita placuit, ut,
 'quidquid ex re vestra vel ex operibus⁶ suis adquirant, id
 'vobis adiciatur, quod vero extra eas causas persecuti sunt,
 'id ad dominum proprietatis pertineat. itaque si is servus heres
 'institutus sit legatumve quid ei aut donatum fuerit, non usu-
 'fructuario, sed domino proprietatis acquiritur. idem placet
 'et⁷ de eo, qui a vobis bona fide possidetur, sive is liber sit
 'sive alienus servus: quod enim placuit de usufructuario⁸, idem
 'placet' et de bonae fidei possessore. itaque quod extra duas

¹ liberum] *PE*, l. suum *B*, τὸν παῖδα *Θ* ² sic *BΘ*, quidem *PE*
³ *Gai.* 2, 87. 89. 91...93 (*Dig.* 41, 1, 10) ⁴ vel ex] *Gai. Dig.* cum *Θ*,
 vel ex donatione et legato ex *B*, vel ex don. leg. vel ex *Ta* ⁵ vobis
 accedit] *BTb*, vobis accidit *TaP*, procedit *Gai. Dig.* ⁶ operis *Gai. Dig.* *Θ*
⁷ et] *BTbΘ*, om. *Ta Gai. Dig.* ⁸ sic *P Gai. Dig.*, fructuario *BT*

istas causas acquiritur, id vel ad ipsum pertinet, si liber est, vel ad dominum, si servus est. sed bonae fidei possessor cum usuceperit servum, quia eo modo dominus fit, ex omnibus causis per eum sibi adquirere potest: fructuarius vero usucapere non potest, primum quia non possidet, sed habet ius utendi fruendi, deinde quia scit servum alienum esse.¹ non solum autem proprietates per eos servos, in quibus usum fructum habetis vel quos bona fide possidetis, vel per liberam personam, quae bona fide vobis servit, acquiritur vobis¹, sed etiam possessio²: loquimur autem in utriusque persona secundum definitionem, quam proxime exposuimus, id est si quam possessionem ex re vestra vel ex operibus suis adepti fuerint.³ Ex his itaque apparet per liberos homines, quos neque iuri⁵ vestro subiectos habetis neque bona fide possidetis, item per alienos servos, in quibus neque usum fructum habetis neque iustam possessionem, nulla ex causa vobis adquiri posse. et hoc est, quod dicitur per extraneam personam nihil adquiri posse: excepto eo, quod per liberam personam veluti per procuratorem placet non solum scientibus, sed etiam ignorantibus vobis adquiri possessionem secundum divi Severi constitutionem³ et per hanc possessionem etiam dominium, si dominus fuit qui tradidit, vel usucapionem aut longi temporis praescriptionem, si dominus non sit.

⁴ Hactenus tantisper admonuisse sufficiat, quemadmodum⁶ singulae res acquiruntur: nam legatorum ius, quo et ipso⁵ singulae res vobis acquiruntur, item fideicommissorum, ubi singulae res vobis relinquuntur, opportunius inferiori loco referemus. videamus itaque nunc, quibus modis per universitatem res vobis acquiruntur. si cui ergo heredes facti sitis sive cuius bonorum possessionem petieritis vel si⁶ quem adrogaveritis vel si cuius bona libertatum conservandarum causa vobis addicta fuerint, eius res omnes ad vos transeunt. ac prius de hereditatibus dispiciamus. quarum duplex condicio est: nam vel ex testamento vel ab intestato ad vos pertinent. et prius est, ut de his dispiciamus, quae vobis ex testamento obveniunt. qua in re necessarium est initio⁷ de ordinandis testamentis exponere.

¹ vobis om. T^a ² Gai. 2, 94, 95 ³ Cod. 7, 32, 1 ⁴ Gai. 2, 97..100 ⁵ ipso] Gai. Θ, ipso iure libri ⁶ si] si cuius B ⁷ sic BΘ, initium T

X¹

DE TESTAMENTIS ORDINANDIS.

- Testamentum ex eo appellatur, quod testatio mentis est.
- 1 Sed ut nihil antiquitatis penitus ignoretur, sciendum est
 olim quidem duo genera testamentorum in usu fuisse, quorum
 altero in pace et in otio utebantur, quod calatis comitiis appel-
 labatur², altero, cum in proelium³ exituri essent, quod pro-
 cinctum⁴ dicebatur. accessit deinde tertium genus testamen-
 torum, quod dicebatur per aes et libram, scilicet quia per
 emancipationem, id est imaginariam quandam venditionem,
 agebatur quinque testibus et libripende civibus Romanis pube-
 ribus praesentibus et eo qui familiae emptor dicebatur. sed
 illa quidem priora duo genera testamentorum ex veteribus
 temporibus in desuetudinem abierunt: quod vero per aes et
 libram fiebat, licet diutius permansit, attamen partim et hoc
 2 in usu esse desiit. Sed praedicta quidem nomina testamen-
 torum ad ius civile referebantur. postea vero ex edicto prae-
 toris alia forma faciendorum testamentorum introducta est: iure
 enim honorario nulla emancipatio⁵ desiderabatur⁶, sed septem
 testium signa sufficiebant, cum iure civili signa testium non
 3 erant necessaria. Sed cum paulatim tam ex usu hominum
 quam ex constitutionum emendationibus coepit in unam con-
 sonantiam ius civile et praetorium iungi, constitutum est, ut
 uno eodemque⁷ tempore, quod ius civile quodammodo exigebat,
 septem testibus adhibitis et subscriptione testium, quod ex
 constitutionibus inventum est, et ex edicto praetoris signacula
 testamentis imponerentur: ut hoc ius tripartitum esse videatur,
 ut testes quidem et eorum praesentia uno contextu testamenti
 celebrandi gratia⁸ a⁹ iure civili descendant¹⁰, subscriptiones
 autem testatoris et testium ex sacrarum constitutionum obser-
 vatione adhibeantur, signacula autem et numerus testium ex
 4 edicto praetoris. Sed his omnibus ex¹¹ nostra constitutione¹²
 propter testamentorum sinceritatem, ut nulla fraus adhibeatur,
 hoc additum est, ut per manum testatoris vel testium nomen
 heredis exprimatur et omnia secundum illius constitutionis
 tenorem procedant.

¹ Cf. *Gai.* 2, 101..108. 119 *Dig.* 28, 1 *Cod.* 6, 23 ² sic *TΘ*, appel-
 labant *B* ³ sic *T*, proelio *B* ⁴ sic *TΘ*, procinctu *B* ⁵ sic *BT* ⁶ *Θ*,
 mancipatio *Ta* ⁷ sic *TΘ*, desideratur *B* ⁸ eodemque] *TΘ*, eo qui-
 dem *B* ⁹ celebrandi gratia] *T*, celebranda *B* ¹⁰ a om. *BT* ¹¹ de-
 scendat *BT* ¹² ex] *TΘ*, a *B* ¹³ *Cod.* 6, 23, 29

Possunt autem testes omnes et uno anulo signare testamen- 5
 tum (quid enim, si septem anuli una sculptura fuerint?) secun-
 dum quod Pomponio¹ visum est. sed et alieno quoque anulo
 licet signare. Testes autem adhiberi possunt ii, cum quibus 6
 testamenti factio est. sed neque mulier neque impubes neque
 servus neque mutus neque surdus neque furiosus nec cui bonis
 interdictum est nec is, quem leges iubent improbum intesta-
 bilemque esse, possunt in numero testium adhiberi. Sed cum 7
 aliquis ex testibus testamenti quidem faciendi tempore liber
 existimabatur, postea vero servus apparuit, tam divus Hadria-
 nus Catonio Vero² quam postea divi Severus et Antoninus
 rescripserunt subvenire se ex sua liberalitate testamento, ut sic
 habeatur, atque si ut oportet factum esset, oum eo tempore,
 quo testamentum signaretur, omnium consensu hic testis libe-
 rorum loco fuerit nec quisquam esset, qui ei status quaestio-
 nem moveat. ³Pater nec non is, qui in potestate eius est, 8
 item duo fratres, qui in eiusdem patris potestate sunt, utrique⁴
 testes in unum testamentum fieri possunt: quia nihil nocet ex
 una domo plures testes alieno negotio adhiberi. ⁵In testibus 9
 autem non debet esse qui in potestate testatoris est. sed si
 filius familias de castrensi peculio post missionem faciat testa-
 mentum, nec pater eius recte testis adhibetur nec is qui in
 potestate eiusdem patris est: reprobatur enim in ea re
 domesticum testimonium. Sed neque heres scriptus neque 10
 is qui in potestate eius est neque pater eius qui habet eum
 in potestate neque fratres qui in eiusdem patris potestate sunt
 testes adhiberi possunt, ⁶quia totum hoc negotium, quod
 agitur testamenti ordinandi gratia, creditur hodie inter here-
 dem et testatorem agi. licet enim totum ius tale conturbatum
 fuerat et veteres, qui familiae emptorem et eos, qui per potes-
 tatem ei coadunati fuerant, testamentariis testimoniis repelle-
 bant, heredi et his, qui coniuncti ei per potestatem fuerant,
 concedebant testimonia in testamentis praestare, licet hi, qui id
 permittebant, hoc iure minime abuti debere eos suadebant:
 tamen nos eandem observationem corrigentes et, quod ab illis
 suasum est, in legis necessitatem transferentes ad imitationem
 pristini familiae emptoris merito nec heredi, qui imaginem
 vetustissimi familiae emptoris optinet, nec aliis personis, quae
 ei ut dictum est coniunctae sunt, licentiam concedimus sibi
 quodammodo testimonia praestare: ideoque nec eiusmodi vete-

¹ sic BΘ, papiniano T ² Cod. 6, 23, 1 ³ § 8 cf. Ulp. l. sing.
 reg. 20, 6 (Dig. 22, 5, 17) ⁴ utriusque B ⁵ Gai. 2, 105. 106

- 11 ^{rem constitutionem nostro codici inseri permisimus. Legatariis}
^{autem et fideicommissariis, quia¹ non iuris² successores sunt,}
^{et aliis personis eis coniunctis testimonium non denegamus,}
^{immo in quadam nostra constitutione³ et hoc specialiter con-}
^{cessimus, et multo magis his, qui in eorum potestate sunt,}
^{vel qui eos habent in potestate, huiusmodi licentiam damus.}
- 12 Nihil autem interest, testamentum in tabulis an in chartis
- 13 membranisque vel in alia materia fiat. ⁴Sed et unum testa-
mentum pluribus codicibus conficere⁵ quis potest, ^{secundum}
^{optinentem tamen observationem omnibus factis.} quod interd-
um et necessarium est, si quis navigaturus et secum ferre et
domi relinquere iudiciorum suorum contestationem velit, ^{vel}
^{propter alias innumerabiles causas, quae humanis necessita-}
- 14 ^{tibus imminet. Sed haec quidem de testamentis, quae in}
^{scriptis conficiuntur. si quis autem voluerit sine scriptis ordi-}
^{nare iure civili testamentum, septem testibus adhibitis et sua}
^{voluntate coram eis nuncupata sciat hoc perfectissimum testa-}
^{mentum iure civili firmitate constitutum.}

XI⁶

DE MILITARI TESTAMENTO.

- ⁷Supra dicta diligens observatio in ordinandis testamentis
militibus propter nimiam imperitiam constitutionibus princi-
palibus remissa est. nam quamvis hi neque legitimum nume-
rum testium adhibuerint neque ^{aliam testamentorum sollem-}
^{nitatem observaverint,} recte nihilo minus testantur,⁸ ^{videlicet}
^{cum in expeditionibus occupati sunt: quod merito nostra con-}
^{stitutio⁹ induxit. quoquo enim modo voluntas eius suprema}
^{sive scripta inveniatur sive sine scriptura, valet testamentum}
^{ex voluntate eius. illis autem temporibus, per quae citra ex-}
^{peditionum necessitatem in aliis locis vel in suis sedibus⁹}
^{degunt, minime ad vindicandum tale privilegium adiuvantur:}
^{sed testari quidem et si filii familias sunt propter militiam}
^{conceduntur, iure tamen communi, ea¹⁰ observatione et in}
^{eorum testamentis abhibenda, quam et in testamentis pagano-}
^{rum proxime exposuimus.} ¹¹Plane de militum testamentis

¹ quia] BΘ, qui T ² sic T^oΘ, iure BT^t ³ hanc constitutionem
Codicis libri non servarunt ⁴ § 13 similis Dig. 28, 1, 24 (Flor. l. 10
inst.) ⁵ sic BC, perficere T ⁶ Cf. Gai. 2, 109..111 Dig. 29, 1; 37, 13
Cod. 6, 21 ⁷ Gai. 2, 109 ⁸ Cod. 6, 21, 17 ⁹ sic BΘ, edibus TC
¹⁰ ea] BT^aC, eadem T^b ¹¹ § 1 ex Flor. l. 10 inst. (Dig. 29, 1, 24)

divus Traianus Statilio Severo ita rescripsit: 'Id privilegium, quod militantibus datum est, ut quoquo modo facta ab his testamenta rata sint, sic intellegi debet, ut utique prius constare debeat testamentum factum esse, quod et sine scriptura a non militantibus quoque fieri potest. is ergo miles, de cuius bonis apud te quaeritur, si convocatis ad hoc hominibus, ut voluntatem suam testaretur, ita locutus est, ut declararet¹, quem vellet sibi esse heredem et cui libertatem tribuere, potest videri sine scripto hoc modo esse testatus et voluntas eius rata habenda est. ceterum si, ut plerumque sermonibus fieri solet, dixit alicui: 'ego te heredem facio' aut 'tibi bona mea relinquo', non oportet hoc pro testamento observari. nec ullorum magis interest quam ipsorum, quibus id privilegium datum est, eiusmodi exemplum non admitti: alioquin non difficulter post mortem alicuius militis testes existerent², qui adfirmarent se audisse dicentem aliquem relinquere se bona, cui visum sit, et per hoc iudicia vera subvertantur.' Quin immo et mutus³ et surdus miles³ testamentum facere possunt. Sed hactenus³ hoc illis a principalibus constitutionibus conceditur, quatenus militant et in castris degunt: post missionem vero veterani vel extra castra si faciant adhuc militantes testamentum, communi omnium civium Romanorum iure facere debent. et quod in castris fecerint testamentum non communi iure, sed quomodo voluerint, post missionem intra annum tantum valebit. quid igitur, si intra annum quidem decesserit, condicio autem heredi adscripta post annum extiterit? an quasi militis testamentum valeat? et placet valere quasi militis. Sed et si quis⁴ ante militiam non iure fecit testamentum et miles factus et in expeditione degens resignavit illud et quaedam adiecit sive detraxit vel alias manifesta est militis voluntas hoc valere volentis, dicendum est valere testamentum quasi ex nova militis voluntate. ⁵Denique et si in adrogationem datus fuerit miles⁵ vel filius familias emancipatus est, testamentum eius quasi militis ex nova voluntate valet nec videtur capitis deminutione irritum fieri.

⁶Sciendum tamen est, quod ad exemplum castrensis peculii⁶ tam anteriores leges quam principales constitutiones quibusdam quasi⁶ castrensia dederunt peculia, quorum⁷ quibusdam per-

¹ sic Dig. *Θ*, declaret libri ² sic Dig., existent libri ³ sic BC*Θ*, muti et surdi milites *T* ⁴ quis] *TC*, quod *B* ⁵ § 5 similis Dig. 29, 1, 22 (*Marcian. l. 4 inst.*) ⁶ quasi] *dett. cum Θ, om. libri* ⁷ quorum] *C^b*, ex quorum *B*, et quorum *TP, inc. C^a*

‘missum erat etiam in potestate degentibus testari. quod nostra constitutio¹ latius extendens permisit omnibus in his tantummodo peculii testari quidem, sed iure communi: cuius constitutionis tenore perspecto² licentia est nihil eorum quae ad praefatum ius pertinent ignorare.’

XII³QUIBUS NON EST PERMISSUM TESTAMENTA FACERE⁴.

⁵Non tamen omnibus licet facere testamentum. statim enim hi, qui alieno iuri subiecti sunt, testamenti⁶ faciendi ius non habent, adeo quidem ut, quamvis parentes eis permiserint, nihilo magis iure testari possint⁷: exceptis his quos antea enumeravimus et praecipue militibus qui in potestate parentum sunt, quibus de eo quod in castris adquisierint permissum est ex constitutionibus principum testamentum facere. quod quidem initio⁸ tantum militantibus datum est tam ex auctoritate divi Augusti quam Nervae nec non optimi imperatoris Traiani, postea vero subscriptione divi Hadriani etiam dimissis militia, id est veteranis, concessum est. itaque si quidem fecerint de castrensi peculio testamentum, pertinebit hoc ad eum quem heredem reliquerint: si vero intestati decesserint nullis liberis vel fratribus superstitibus, ad parentes⁹ eorum iure communi pertinebit. ex hoc intellegere possumus, quod in castris adquisierit miles, qui in potestate patris est, neque ipsum patrem adimere posse neque patris creditores id vendere vel aliter inquietare neque patre mortuo cum fratribus esse commune, sed scilicet proprium eius esse id quod in castris adquisierit, quamquam iure civili omnium qui in potestate parentum sunt peculia perinde in bonis parentum computantur, acsi servorum peculia in bonis dominorum numerantur: ‘exceptis videlicet his, quae ex sacris constitutionibus et praecipue nostris propter ‘diversas causas non adquiruntur’. praeter hos igitur, qui castrense peculium ‘vel quasi castrense’ habent, si quis alius filius familias testamentum fecerit, inutile est, licet suae potestatis¹ factus decesserit. Praeterea testamentum facere non possunt impuberes, quia nullum eorum animi iudicium est: item furiosi,

¹ Cod. 3, 28. 37 § 1^e. 1^f = 6, 22, 12 ² prospecto BT ³ Cf. Gai. 2, 111..114 Dig. 28, 1 Cod. 6, 22 ⁴ sic Θ et indd. VB, testamentum faceret C, facere testamentum BT ⁵ pr. in. simile Dig. 28, 1, 6 pr. (Gai. l. 17 ad ed. prov.) ⁶ sic B Dig., testamentum T ⁷ possunt libri
⁸ initio] BΘ, ius initio T, initio ius C ⁹ sic Θ, parente B, parentem TC

quia¹ mente carent. nec ad rem pertinet, si impubes postea pubes factus aut furiosus postea compos mentis factus fuerit et decesserit. furiosi autem si per id tempus fecerint testamentum, quo furor eorum intermissus est, iure testati esse videntur, ^{certe eo quod ante furorem fecerint testamento valente}: nam neque testamenta recte facta neque aliud ullum negotium recte gestum postea furor interveniens peremit. Item prodigus, 2 cui bonorum suorum administratio interdicta est, testamentum facere non potest, sed id quod ante fecerit, quam ^{interdictio ei bonorum fiat}², ratum est. Item mutus et surdus ^{non} 3 ^{semper}³ facere testamentum possunt. utique autem de eo surdo loquimur, qui omnino non exaudit, non qui tarde exaudit: nam et mutus is intellegitur, qui eloqui nihil potest, non qui tarde loquitur. ^{saepe autem etiam litterati et eruditi homines variis casibus et audiendi et loquendi facultatem amittunt: unde nostra constitutio}⁴ etiam his subvenit, ut certis casibus ^{et modis secundum normam eius possint testari aliaque facere quae eis permissa sunt}. ^{sed si quis post testamentum factum valetudine aut quolibet alio casu mutus aut surdus esse coeperit, ratum nihilo minus eius remanet testamentum.} ^{Caecus} 4 ^{autem non potest facere testamentum nisi per observationem, quam lex}⁶ divi Iustini patris mei introduxit. ^{Eius, qui apud} 5 ^{hostes est, testamentum quod ibi fecit non valet, quamvis redierit: sed quod dum in civitate fuerat fecit, sive redierit, valet iure postliminii, sive illic decesserit, valet ex lege Cornelia.}

XIII⁸

DE EXHEREDATIONE LIBERORUM.

⁹Non tamen, ut ^{omnimodo} valeat testamentum, sufficit ^{haec observatio, quam supra exposuimus.} ^{sed} qui filium in ^{potestate habet, curare debet, ut eum heredem instituat vel} ^{exheredem} nominatim ^{faciat}: alioquin si eum silentio praeterierit, inutiliter testabitur, adeo quidem ut, etsi vivo patre ^{filius} ^{mortuus} sit, nemo ex eo testamento heres existere ^{possit, quia scilicet ab initio non constiterit} ^{testamentum.} ^{sed} ^{non ita de}¹⁰ ^{filiabus vel aliis per virilem sexum descendenti- bus liberis utriusque sexus fuerat antiquitati observatum: sed}

¹ qui B ² bonorum fiat] C cum Θ, bonorum suorum fiat T, bonorum ma B^a, bonorum B^b ³ semper] TCΘ, per se B ⁴ Cod. 6, 22, 10 ⁵ § 3 *fn. ex Dig.* 28, 1, 6 § 1 (*Gai. l. 17 ad ed. prov.*) ⁶ Cod. 6, 22, 8 ⁷ § 5 *in. ex Dig.* 28, 1, 8 *pr.* (*Gai. l. c.*) ⁸ Cf. *Gai.* 2, 123.. 143 *Dig.* 28, 2. 3 *Cod.* 6, 28. 29 ⁹ *Gai.* 2, 115. 123 ¹⁰ de] B, et de TC

'si non fuerant heredes scripti scriptaevae vel exheredati ex-
 heredataevae, testamentum quidem non infirmabatur, ius autem
 'adcrendi eis ad certam portionem¹ praestabatur. sed nec
 'nominatim eas personas exheredare parentibus necesse erat,
 1 'sed licebat et inter ceteros hoc facere'. ²'Nominatim autem
 'exheredari quis videtur, sive ita exheredetur 'Titius filius meus
 'exheres esto', sive ita 'filius meus exheres esto' non adiecto
 'proprio nomine', 'scilicet si alius filius non extet'. ³'postumi
 'quoque liberi vel heredes institui debent vel exheredari. et
 'in eo par omnium condicio est, quod et in filio postumo et
 'in quolibet ex ceteris liberis sive feminini sexus sive mascu-
 'lini praeterito⁴ valet quidem testamentum, sed postea adgna-
 'tione postumi sive postumae rumpitur et ea ratione totum in-
 'firmatur: ideoque si mulier, ex qua postumus aut postuma
 'sperabatur, abortum fecerit, nihil impedimento est scriptis
 'heredibus ad hereditatem adeundam. sed feminini quidem sexus
 'personae vel nominatim vel inter ceteros exheredari solebant,
 'dum tamen, si inter ceteros exheredentur, aliquid eis legetur,
 'ne videantur per oblivionem praeteritae esse, masculos vero
 'postumos, 'id est filium et deinceps', placuit non aliter recte
 'exheredari, 'nisi' nominatim exheredentur, hoc scilicet modo:
 2 'quicumque mihi filius genitus fuerit, exheres esto'. ⁵Postu-
 'morum autem loco sunt et hi, qui in sui heredis locum suc-
 'cedendo quasi adgnascendo fiunt parentibus sui heredes. ut
 'ecce si quis filium et ex eo nepotem neptemve in potestate
 'habeat, quia filius gradu praecedit, is solus iura sui heredis
 'habet, quamvis nepos quoque et neptis ex eo in eadem potes-
 'tate sunt: sed si filius eius vivo eo moriatur aut qualibet alia
 'ratione exeat de potestate eius, incipit nepos neptisve in eius
 'locum succedere et eo modo iura suorum heredum quasi adgna-
 'tione nanciscuntur. ne ergo eo modo rumpatur eius testamen-
 'tum, sicut ipsum filium vel heredem instituere vel nominatim
 'exheredare debet testator, ne non iure faciat testamentum, ita
 'et nepotem neptemve ex filio necesse est ei vel heredem in-
 'stituere vel exheredare, ne forte vivo eo filio mortuo, succe-
 'dendo in locum eius nepos neptisve quasi adgnatione rumpant
 'testamentum. idque lege Iunia⁶ Vellea provisum est, in qua
 'simul exheredationis modus⁷ 'ad similitudinem postumorum
 3 demonstratur'. ⁷'Emancipatos liberos iure civili neque heredes

¹ sic TC, eis certe portionis B ² Gai. 2, 127 ³ Gai. 2, 130.
 131 rest. ⁴ praeterito] TC Gai., pr. postumo B ⁵ Gai. 2, 133. 134
 rest. ex Dig. 28, 3, 13 ⁶ iulia Caθ ⁷ Gai. 2, 135

instituiere neque exheredare necesse est, quia non sunt sui heredes. sed praetor omnes tam feminini quam masculini sexus, si heredes non instituuntur, exheredari iubet, virilis sexus nominatim, feminini vero et inter ceteros. quodsi neque heredes instituti fuerint neque ita ut diximus exheredati¹, promittit praetor eis contra tabulas testamenti bonorum possessionem.² Adoptivi liberi quamdiu sunt in potestate patris adoptivi, eiusdem iuris habentur, cuius sunt iustis nuptiis quaesiti: itaque heredes instituendi vel exheredandi sunt secundum ea quae de naturalibus exposuimus: ³ emancipati vero a patre adoptivo neque iure civili neque quod ad edictum praetoris attinet inter liberos numerantur. qua ratione accidit, ut ex diverso quod ad naturalem parentem attinet, quamdiu quidem sint in adoptiva familia, extraneorum numero habeantur⁴, ut eos neque heredes instituere neque exheredare necesse sit: cum vero emancipati fuerint ab adoptivo patre, tunc incipiant in ea causa esse, in qua futuri essent, si ab ipso naturali patre emancipati fuissent.⁵ Sed haec vetustas introducebat. nostra vero constitutio⁶ inter masculos et feminas in hoc iure nihil interesse existimans, quia utraque persona⁷ in hominum procreatione similiter naturae officio fungitur et lege antiqua duodecim tabularum omnes similiter ad successiones ab intestato vocabantur, quod et praetores postea secuti esse videntur, ideo⁸ simplex ac simile ius et in filiis et in filiabus et in ceteris descendentibus⁹ per virilem sexum personis non solum natis, sed etiam postumis introduxit⁷, ut omnes, sive sui sive emancipati sunt, et⁸ nominatim exheredentur et eundem habeant effectum circa testamenta parentum suorum infirmanda et hereditatem auferendam, quem filii sui vel emancipati habent, sive iam nati sunt sive adhuc in utero constituti postea nati sunt. circa adoptivos autem certam induximus divisionem, quae constitutioni nostrae⁹, quam super adoptivis tulimus, continetur.⁶ Sed si expeditione occupatus miles testamentum faciat et liberos suos iam natos vel postumos nominatim non exheredaverit, sed silentio praeterierit non ignorans, an habeat liberos, silentium eius pro exheredatione nominatim facta valere constitutionibus principum cautum est. Mater vel avus maternus necesse non ⁷

¹ sic C¹E cum Gai. Θ, instituuntur neque i. n. d. exheredentur BTC⁹
² Gai. 2, 136. 137 ³ Cod. 6, 28, 4 ⁴ sic CE, utraque personae B, in utramque personam T^b, inc. T^a ⁵ ideo] B, et i. T ⁶ sic T, descendendum B ⁷ introduximus T ⁸ et] BC, aut heredes instituuntur aut T^b WE, inc. T^a, ut tamen appareat afuisse verba aut her. inst. ⁹ Cod. 8, 47, 10

habent liberos suos aut heredes instituere aut exheredare, sed possunt eos omittere. nam silentium matris aut avi materni ceterorumque per matrem ascendentium tantum facit, quantum exheredatio patris. ¹ neque enim matri filium filiamve neque avo materno nepotem neptemve ex filia, si eum eamve heredem non instituat, exheredare necesse est, sive de iure civili quæramus, sive de edicto prætoris, quo ² præteritis liberis contra tabulas bonorum possessionem promittit. ³ sed aliud eis administrum servatur, quod paulo post ⁴ vobis manifestum fiat ⁵.

XIV⁵

DE HEREDIBUS INSTITUENDIS.

Heredes instituere permissum est tam liberos homines quam servos tam proprios quam ⁶ alienos. proprios autem ⁷ olim quidem secundum plurium sententias non aliter quam cum libertate recte instituere licebat. hodie vero etiam sine libertate ex nostra constitutione ⁸ heredes eos instituere permissum est. quod non per innovationem induximus, sed quoniam et æquius erat et Atilicino placuisse Paulus suis libris, quos tam ad Massurium Sabinum quam ad Plautium scripsit, refert. ⁹ proprius autem servus etiam is intellegitur, in quo nudam proprietatem testator habet, alio usum fructum habente. ¹⁰ est autem casus, in quo nec cum libertate utiliter servus a domina heres instituitur, ut constitutione divorum Severi et Antonini cavetur, cuius verba hæc sunt: 'Servum adulterio maculatum non iure testamento manumissum ante sententiam ab ea muliere videri, quæ rea fuerat eiusdem criminis postulata, rationis est: quare sequitur, ut in eundem a domina collata institutio ¹¹ nullius momenti habeatur.' alienus servus etiam is intellegitur, in quo usum fructum testator habet. ¹² Servus autem a domino suo heres institutus, si quidem in eadem causa manserit, fit ex testamento liber heresque necessarius. si vero a vivo testatore manumissus fuerit, suo arbitrio adire hereditatem potest, quia non fit necessarius, cum utrumque ex domini testamento non consequitur. quodsi alienatus fuerit, iussu novi domini adire hereditatem debet et ea ratione per eum dominus fit heres:

¹ Gai. 3, 71 ² quo] BT⁶ Gai. 3, 71, quod Tu ³ post] P, om. BTC
⁴ 2, 18 ⁵ Cf. Gai. 2, 185..190 Dig. 28, 5 Cod. 6, 24 ⁶ tam pr. quam]
tam pr. quamque T, pr. vel B, et tam pr. quam C ⁷ Cod. 6, 27, 5
⁸ pr. fin. ex Marciani l. 4 inst. (Dig. 28, 5, 49 § 2) ⁹ institutio]
Ca Dig., hereditas inst. B, hereditatis inst. TC⁶ P ¹⁰ Gai. 2, 188. 189

nam ipse ¹alienatus neque liber neque heres esse potest, etiam si cum libertate heres institutus fuerit: destitisse etenim a libertatis datione videtur dominus qui eum alienavit. alienus quoque servus heres institutus si in eadem causa duraverit, iussu domini¹ adire hereditatem debet. si vero alienatus ab eo² fuerit aut vivo testatore aut post mortem eius antequam ³adeat, debet iussu novi domini ⁴adire. at si manumissus est ⁵vivo testatore, vel mortuo antequam adeat, suo arbitrio adire hereditatem potest. Servus alienus post domini mortem recte heres instituitur, quia et cum hereditariis servis est testamenti factio: nondum enim adita hereditas personae vicem sustinet, non heredis futuri, sed defuncti, cum et eius, qui in utero est, servus recte heres instituitur. Servus plurium, cum quibus ³testamenti factio est, ab extraneo institutus heres unicuique dominorum, cuius iussu adierit, pro portione domini acquirit hereditatem.

Et unum hominem et plures in infinitum³, quot quis⁴ velit, ⁴heredes facere licet. Hereditas plerumque dividitur in duodecim uncias, quae assis appellatione continentur⁶. habent autem et hae partes propria nomina ab uncia usque ad assem, ut puta haec: sextans⁷, quadrans, triens, quincunx, semis, septunx, bes, dodrans, dextans, deunx, as. non autem utique duodecim uncias esse oportet. nam tot unciae assem efficiunt⁸, quot testator voluerit, et si unum tantum quis ex semisse verbi gratia heredem scripserit, totus as in semisse erit: neque enim idem ex parte testatus et ex parte intestatus decedere potest, nisi sit miles, cuius sola voluntas in testando spectatur. et e contrario potest quis in quantascumque voluerit plurimas⁶ uncias suam hereditatem dividere. Si plures instituuntur, ita demum ⁶partium distributio necessaria est, si nolit⁹ testator eos ex aequis partibus heredes esse: satis enim constat nullis partibus nominatis aequis ex partibus eos heredes esse. partibus autem in quorundam personis expressis, si quis alius sine parte nominatus erit, si quidem aliqua pars assi deerit, ex ea parte heres fit: et si plures sine parte scripti sunt, omnes in eadem parte concurrent. si vero totus as completus sit, in partem dimidiam vocatur¹⁰ et ille vel illi omnes in alteram dimidiam. nec

¹ domini] *Gai.*, eius domini *CP*, domini eius *BT* ² ab eo] *TC* *Gai.*, om. *BΘ* ³ infinito *BTC* ⁴ quot (quod *C*) quis] *CT*^b, quo quis *B*, ** *T*^a ⁵ § 5 in. simile *Dig.* 28, 5, 51 § 2 (*Ulp. lib. 6 reg.*)
⁶ sic *TC Dig.*, continetur *AB* ⁷ sextans] *AB Dig.*, sexunx vel sextans *T*^a, secunx sextans *C* ⁸ sic *T*^b, efficerent *AB*, efficere *C*^a, efficiunt *T*^a ⁹ sic *AB*, noluerit *T* ¹⁰ sic *ABC*, vocantur *T*

- interest, primus an medius an novissimus sine parte scriptus sit: ea enim pars data intellegitur quae vacat. Videamus, si pars aliqua vacet nec tamen quisquam sine parte heres institutus sit, quid iuris sit? veluti si tres ex quartis partibus heredes scripti sunt. et constat vacantem partem singulis tacite pro hereditaria parte accedere et perinde haberi, ac si ex tertiis partibus heredes scripti essent: et ex diverso si plus in portionibus sit¹, tacite singulis decrescere, ut, si verbi gratia quatuor ex tertiis partibus heredes scripti sint, perinde habeantur,
- 8 ac si unusquisque ex quarta parte scriptus fuisset. Et si plures unciae quam duodecim distributae sunt, is, qui sine parte institutus est, quod dipondio deest habebit: idemque erit, si dipondius expletus sit. quae omnes partes ad assem postea revocantur, quamvis sint plurium unciarum.
- 9 Heres et pure et sub condicione institui potest, ex certo tempore aut ad certum tempus non potest, veluti 'post quinquennium quam moriar' vel 'ex kalendis illis' aut 'usque ad kalendas illas heres esto': diemque² adiectum pro supervacuo haberi placet et perinde esse, ac si pure heres institutus esset.
- 10 Impossibilis condicio in institutionibus et legatis nec non in³
- 11 fideicommissis et libertatibus pro non scripto habetur⁴. Si plures condiciones institutioni adscriptae sunt, si quidem coniunctim, ut puta 'si illud et illud factum erit', omnibus parendum est: si separatim, veluti 'si illud aut illud factum erit', cuilibet obtemperare satis est.
- 12 Hi, quos numquam testator vidit, heredes institui possunt, veluti si fratris filios pereгри natos ignorans, qui essent, heredes instituerit: ignorantia enim testantis inutilem institutionem non facit.

XV⁵

DE VULGARI SUBSTITUTIONE.

- *Potest autem quis in testamento suo plures gradus heredum facere, ut puta 'si ille heres non erit, ille heres esto': et deinceps in quantum velit testator substituere potest et novissimo loco in subsidium vel servum necessarium heredem instituere.
- 1 *Et plures in unius locum possunt substitui, vel unus in plurium, vel singuli singulis⁷, vel invicem ipsi qui heredes instituti sunt.

¹ sic A, si plus in p. sint B, si plures in p. sint (sit C) TC ² sic BTC, denique A ³ nec non in] AC, vel BT ⁴ sic B, habeatur AT, habentur Ca ⁵ Cf. Gai. 2, 174..178 Dig. 28, 6 Cod. 6, 26 ⁶ pr. § 1 ex Marciani l. 4 inst. (Dig. 28, 6, 36) ⁷ singuli in singulis libri

Et si ex disparibus partibus heredes scriptos invicem substituerit 2 et nullam mentionem in substitutione habuerit partium, eas videtur partes in substitutione dedisse, quas in institutione expressit: et ita divus Pius rescripsit¹. Sed si instituto heredi 3 et coheredi suo substituto dato alius substitutus fuerit, divi Severus et Antoninus sine distinctione rescripserunt ad utramque partem substitutum admitti. Si servum alienum quis patrem 4 familias arbitratus heredem scripserit et, si heres non esset, Maevium ei substituerit isque servus iussu domini adierit hereditatem, Maevius in partem admittitur. illa enim verba 'si heres non erit' in eo quidem, quem alieno iuri subiectum esse testator scit, sic accipiuntur: si neque ipse heres erit neque alium heredem effecerit: in eo vero, quem patrem familias esse arbitratur, illud significant²: si hereditatem sibi eive, cuius iuri postea subiectus esse coeperit, non adquisierit. ³idque Tiberius⁴ Caesar in persona Parthenii servi sui constituit.

XVI⁵

DE PUPILLARI SUBSTITUTIONE.

⁶Liberis suis impuberibus, quos in potestate quis habet, non solum ita ut supra diximus substituere potest, id est ut, si heredes ei non extiterint, alius ei sit heres, sed eo amplius ut et, si heredes ei extiterint et adhuc impuberes mortui fuerint, sit eis aliquis heres. veluti 'si quis dicat' hoc modo: 'Titius filius meus heres mihi esto: si filius meus heres mihi non erit, sive heres erit et prius moriatur, quam in suam tutelam venerit' '(id est pubes factus sit)', 'tunc Seius heres esto.' quo casu si quidem non extiterit heres filius, tunc substitutus patri fit heres: si vero extiterit heres filius et ante pubertatem decesserit, ipsi filio fit heres substitutus.⁷ nam moribus⁷ institutum est, ut, cum eius aetatis sunt, in qua ipsi sibi testamentum facere non possunt, parentes eis faciant. 'Qua ratione 1 excitati etiam constitutionem⁸ in nostro posuimus codice, qua prospectum est, ut, si mente captos habeant filios vel nepotes vel pronepotes cuiuscumque sexus vel gradus, liceat eis, etsi puberes sint, ad exemplum pupillaris substitutionis certas personas substituere: sin autem resipuerint, eandem substitu-

¹ Cod. 6, 26, 1² significat *libri*³ cf. Dig. 28, 5, 42⁴ sic

BDig., titus TC, Ἰῆος (al. Ἀντωνίνος) Θ

⁵ Cf. Gai. 2, 179.. 184 Dig.

28, 6 Cod. 6, 26

⁶ Gai. 2, 179. 180⁷ moribus] T^aΘ, a maioribusB ⁸ Cod. 6, 26, 9

- tionem infirmari, et hoc ad exemplum pupillaris substitutionis,
 2 quae postquam pupillus adoleverit infirmatur. Igitur in pupillari substitutione secundum praefatum modum ordinata¹ duo quodammodo sunt testamenta, alterum patris, alterum filii, tamquam si ipse filius sibi heredem instituisset: aut certe unum est testamentum duarum causarum, id est duarum hereditatum.
 3 Sin autem quis ita formidolosus sit, ut timeret, ne filius eius pupillus adhuc ex eo, quod palam substitutum accepit, post obitum eius periculo insidiarum subiceretur²: ³vulgarem quidem substitutionem palam facere³ et in primis testamenti partibus debet, illam autem substitutionem, per quam et si heres extiterit pupillus et intra pubertatem decesserit substitutus vocatur, separatim in inferioribus partibus⁴ scribere eamque partem⁵ proprio lino propriaque cera consignare⁴ et in priore parte⁶ testamenti cavere, ne inferiores tabulae vivo filio et adhuc impubere aperiantur.⁷ illud palam est non ideo minus valere substitutionem impuberis filii, quod in isdem tabulis scripta sit, quibus sibi quisque heredem instituisset, quamvis
 4 hoc pupillo periculosum sit. ⁵Non solum autem heredibus institutis impuberibus liberis ita substituere parentes possunt, ut et⁶ si heredes eis extiterint et ante pubertatem mortui fuerint, sit eis heres is quem ipsi voluerint, sed etiam exheredatis. itaque eo casu si quid pupillo ex hereditatibus legatisve aut donationibus propinquorum atque amicorum adquisitum fuerit, id omne ad substitutum pertineat. quaecumque diximus de substitutione impuberum liberorum vel heredum institutorum vel exheredatorum, eadem etiam de postumis intellegimus.
 5 Liberis autem suis testamentum facere nemo potest, nisi et sibi faciat: nam pupillare testamentum pars et sequela est paterni testamenti, adeo ut, si patris testamentum non valeat,
 6 ne filii quidem valebit. ⁷Vel singulis autem liberis vel qui eorum novissimus impubes morietur substitui potest. singulis quidem, si neminem eorum intestato decedere voluit: novissimo, si ius legitimarum hereditatum integrum inter eos custodiri
 7 velit. Substituitur autem impuberi⁸ aut nominatim, veluti Titius⁹, aut generaliter quisquis⁹ mihi¹⁰ heres erit: quibus verbis vocantur ex substitutione impubere filio mortuo, qui et¹¹

¹ Gai. 2, 180 ² sic P, subicietur B, subicitur E ³ Gai. 2, 181
⁴ sic P cum Gaio, signare BE ⁵ Gai. 2, 182. 183 ⁶ et om. dett. cum Gaio
⁷ § 6 ex Flor. l. 10 inst. (Dig. 28, 6, 37) ⁸ sic PEO, impuberibus B ⁹ quisquis B, ut quisquis PE ¹⁰ mihi B, patri PE
¹¹ et] BPO, ei E

scripti sunt heredes et extiterunt, et pro qua parte heredes facti sunt. Masculo igitur usque ad quattuordecim annos substitui potest, feminae usque ad duodecim annos: et si hoc tempus excesserit, substitutio evanescit. ¹Extraneo vero vel ⁹filio puberi heredi² instituto ita substituere nemo potest, ut, si heres extiterit et intra aliquod tempus decesserit, alius ei sit heres: sed hoc solum permissum est, ut eum per fideicommissum testator obliget alii hereditatem eius vel totam vel pro parte restituere: quod ius quale sit, suo loco trademus.³

XVII⁴

QUIBUS MODIS TESTAMENTA INFIRMANTUR.

Testamentum iure factum usque eo valet, donec rumpatur irritumve fiat. Rumpitur autem testamentum, cum in eodem ¹statu manente testatore ipsius testamenti ius vitiatur. ⁵si quis ⁶enim post factum testamentum adoptaverit sibi filium per imperatorem eum, qui sui iuris est, aut per praetorem secundum nostram constitutionem eum, qui in potestate parentis fuerit, testamentum eius rumpitur quasi agnatione sui heredis. ⁶Posteriore quoque testamento, quod iure perfectum est, ²superius rumpitur. nec interest, an extiterit aliquis heres ex eo, an non extiterit: hoc enim solum spectatur, an aliquo casu existere potuerit⁷. ideoque si quis aut noluerit heres esse, aut vivo testatore aut post mortem eius antequam hereditatem adiret decesserit, aut condicione, sub qua heres institutus est, defectus sit, in his casibus pater familias intestatus moritur: nam et prius testamentum non valet ruptum a posteriore et posterius aequae nullas vires habet, cum ex eo nemo heres extiterit.⁴ ⁸Sed si quis priore testamento iure perfectum³ posterius aequae iure fecerit, etiamsi ex certis rebus in eo heredem instituerit, superius testamentum sublatum esse divi Severus et Antoninus rescripserunt. cuius constitutionis inseri verba iussimus⁵, cum aliud quoque praeterea in ea constitutione expressum est. Imperatores Severus et Antoninus Cocceio Campano. Testamentum secundo loco factum, licet in eo certarum rerum heres scriptus sit, iure valere, perinde ac si rerum mentio facta non esset, sed teneri heredem scriptum, ut con-

¹ Gai. 2, 184 ² sic T^b Gai. Θ, pubere herede BT^a ³ 2, 23

⁴ Cf. Gai. 2, 138.. 151 Dig. 28, 3 ⁵ Gai. 2, 138 ⁶ Gai. 2, 144

⁷ sic Gai., poterit BT ⁸ § 3 ex Marciani l. 4 inst. (Dig. 36, 1, 30)

⁹ inseri verba iussimus] B, verba inserimus T

- ‘tentus rebus sibi datis aut suppleta quarta ex lege Falcidia
‘hereditatem restituat his, qui in priore testamento scripti fue-
‘rant, propter inserta verba secundo testamento, quibus ut
‘valeret prius testamentum expressum est, dubitari non oportet.’
- 4 ‘et ruptum quidem testamentum hoc modo efficitur.’¹ ‘Alio
‘quoque modo testamenta iure facta infirmantur, veluti cum is
‘qui fecerit testamentum capite deminutus sit. quod quibus
5 ‘modis accidit, primo libro rettulimus². Hoc autem casu irrita
‘fieri testamenta dicuntur, cum alioquin et quae rumpuntur irrita
‘fiant et quae statim ab initio non iure fiunt irrita sunt: et³
‘ea quae iure facta sunt⁴, postea⁵ propter capitis deminutionem
‘irrita fiunt, possumus nihilo minus rupta dicere. sed quia
‘sane commodius erat singulas causas singulis appellationibus
‘distingui, ideo quaedam non iure facta dicuntur, quaedam iure
6 (5) ‘facta rumpi vel irrita fieri. ‘Non tamen per omnia inutilia
‘sunt ea testamenta, quae ab initio iure facta ‘propter capitis
‘deminutionem’ irrita facta sunt. nam si septem testium signis
‘signata sunt, potest scriptus heres secundum tabulas testamenti
‘bonorum possessionem ‘agnoscere’, si modo defunctus et civis
‘Romanus et suae potestatis mortis tempore fuerit: nam si
‘ideo irritum factum sit testamentum, quod civitatem vel etiam
‘libertatem testator amisit, aut quia in adoptionem se dedit et
‘mortis tempore in adoptivi patris potestate sit, non potest
‘scriptus heres secundum tabulas bonorum possessionem petere.
- 7 (6) ‘⁷Ex eo autem solo non potest infirmari testamentum, quod
‘postea testator id noluit valere: usque adeo ut¹ et, si quis
post factum prius testamentum posterius facere coeperit et aut
mortalitate praeventus, aut quia eum eius rei paenituit, id⁸ non
perfectisset, divi Pertinacis oratione cautum est, ne alias tabulae
priorae iure factae irritae fiant, nisi sequentes iure ordinatae
et perfectae⁹ fuerint. nam imperfectum testamentum sine dubio
- 8 (7) nullum est. Eadem oratione expressit non admissurum se here-
ditatem eius, qui litis causa principem heredem reliquerit, neque
tabulas non legitime factas, in quibus ipse ob eam causam
heres institutus erat, probaturum neque ex nuda voce heredis
nomen admissurum neque ex ulla scriptura, cui iuris auctoritas
desit, aliquid adepturum. secundum haec divi quoque Severus
et Antoninus saepissime rescripserunt: ‘licet enim’ inquirunt
‘legibus soluti sumus, attamen legibus vivimus’.

¹ Gai. 2, 145. 146 ² 1, 16 ³ sint: sed et *scr.* ⁴ sunt *del.* ⁵ postea.]
T, om. *B*, deficit *Gai. Veron.* ⁶ *Gai.* 2, 147 ⁷ *Gai.* 2, 151 ⁸ sic *scripsi*
sec. C, penituit ** set id *T^a*, penituit se id *T^b*, id om. *B* ⁹ sic *BΘ*, factae *T*

XVIII¹

DE INOFFICIOSO TESTAMENTO.

Quia plerumque parentes sine causa liberos suos vel exheredant vel omittunt, inductum est, ut de inofficioso testamento agere possint liberi, qui queruntur aut inique se exheredatos aut inique praeteritos, ²hoc colore, quasi non sanae mentis fuerunt, cum testamentum ordinarent. sed hoc dicitur, non quasi vere furiosus sit, sed recte quidem fecit testamentum, non autem ex officio pietatis: nam si vere furiosus est, nullum est testamentum. Non tantum autem liberis permissum est 1 parentum testamentum inofficiosum accusare, verum etiam³ parentibus liberorum. <soror autem et frater turpibus personis <scriptis heredibus ex sacris constitutionibus praelati sunt: non <ergo contra omnes heredes agere possunt. ultra fratres et <sorores cognati nullo modo aut agere possunt aut agentes <vincere.> Tam autem naturales liberi, quam <secundum nostrae 2 constitutionis⁴ divisionem> adoptati ita demum de inofficioso testamento agere possunt, si nullo alio iure ad bona defuncti venire possunt. nam qui alio iure veniunt ad totam hereditatem vel partem eius, de inofficioso agere non possunt. postumi quoque, qui nullo alio iure venire possunt, de inofficioso agere possunt. <Sed haec ita accipienda sunt, si nihil eis penitus 3 <a testatoribus testamento relictum est. quod nostra constitutio⁵ <ad verecundiam naturae introduxit. sin vero quantacumque <pars hereditatis vel res eis fuerit relicta, de inofficiosi querela <quiescente id quod eis deest usque ad quartam legitimae partis <repletur, licet non fuerit adiectum boni viri arbitrato debere <eam repleri.> Si tutor nomine pupilli, cuius tutelam gerebat, 4 ex testamento patris sui legatum acceperit, cum nihil erat ipsi tutori relictum a patre suo, nihilo minus possit nomine suo de inofficioso patris testamento agere. Sed et si e contrario 5 pupilli nomine, cui nihil relictum fuerit, de inofficioso egerit et superatus est, ipse quod sibi in eodem testamento legatum relictum est non amittit. Igitur quartam quis debet habere, 6 ut de inofficioso testamento agere non possit: sive iure hereditario sive iure legati vel fideicommissi, <vel si mortis causa <ei quarta donata fuerit, vel inter vivos in his tantummodo <casibus, quorum nostra constitutio mentionem facit, vel aliis

¹ Cf. Dig. 5, 2 Cod. 3, 28 ² pr. fin. ex Marciani l. 4 inst. (Dig. 5, 2, 2) ³ etiam et BT ⁴ Cod. 8, 47, 10 ⁵ Cod. 3, 28, 30

- 7 'modis qui constitutionibus continentur'. Quod autem de quarta diximus, ita intellegendum est, ut, sive unus fuerit sive plures, quibus agere de inofficioso testamento permittitur, una quarta eis dari possit, ut pro rata distribuatur eis, id. est pro virili portione quarta.

XIX¹

DE HEREDUM QUALITATE ET DIFFERENTIA.

- ² 'Heredes autem aut necessarii dicuntur aut sui et necessarii
1 'aut extranei. Necessarius heres est servus heres institutus: ideo sic appellatus³, quia sive velit sive nolit, omnimodo post mortem testatoris protinus liber et necessarius⁴ heres fit. unde qui facultates suas suspectas habent, solent servum suum primo aut secundo vel etiam ulteriore gradu heredem instituere, ut, si creditoribus satis non fiat, potius eius heredis bona quam ipsius testatoris⁵ a creditoribus possideantur vel distrahantur vel inter eos dividantur'. pro hoc tamen incommodo illud ei commodum praestatur, ut ea, quae post mortem patroni sui sibi adquisierit, ipsi reserventur: et quamvis 'non sufficiant⁶ bona defuncti creditoribus', iterum ex 'ea'
2 'causa 'res eius, quas sibi adquisierit', non veneunt. ⁶ Sui autem et necessarii heredes sunt veluti filius filia nepos neptisque ex filio et deinceps ceteri 'liberi', qui modo in potestate morientis fuerint. sed ut nepos neptisve sui heredes sint, non sufficit eum eamve in potestate avi mortis tempore fuisse, sed opus est, ut pater eius vivo patre suo desierit suus heres esse aut morte interceptus aut qualibet alia ratione liberatus potestate: tunc enim nepos neptisve in locum patris sui succedit. sed sui quidem heredes ideo appellantur, quia domestici heredes sunt et vivo quoque patre quodammodo domini existimantur. unde etiam, si quis intestatus mortuus sit, prima causa est in successione liberorum. necessarii vero ideo dicuntur, quia omnimodo, sive velint sive nolit, tam ab intestato quam ex testamento heredes fiunt. sed his praetor permittit volentibus abstinere se ab hereditate, ut potius parentis 'quam ipsorum' bona⁷ 'similiter a creditoribus possideantur'.
3 ⁷ Ceteri, qui testatoris iuri subiecti non sunt, extranei heredes appellantur. itaque liberi quoque nostri, qui in potes-

¹ Cf. Gai. 2, 152. . 173 Dig. 29, 2 Cod. 6, 30, 31 ² Gai. 2, 152. . 155

³ sic dett. Gai. Θ, appellatur BT ⁴ necess. tuetur Θ, om. Gai.

⁵ sufficiunt BT ⁶ Gai. 2, 156, 158 ⁷ Gai. 2, 161

tate nostra non sunt, heredes a nobis instituti extranei heredes videntur. qua de causa et qui heredes a matre instituuntur, eodem numero sunt, quia feminae in potestate liberos non habent. servus quoque a domino heres institutus et post testamentum factum ab eo manumissus eodem numero habetur.¹

¹In extraneis heredibus illud observatur, ut sit cum eis testamenti factio, sive ipsi heredes instituuntur sive hi qui in potestate eorum sunt. et id duobus temporibus inspicitur, testamenti quidem facti, ut constiterit institutio, mortis vero testatoris, ut effectum habeat. hoc amplius et cum adit hereditatem, esse debet cum eo testamenti factio, sive pure sive sub conditione heres institutus sit: nam ius heredis eo vel maxime tempore inspiciendum est, quo² acquirit hereditatem. medio autem tempore inter factum testamentum et mortem testatoris vel condicionem institutionis existentem mutatio iuris heredi non nocet, quia ut diximus tria tempora inspicere debent³. testamenti autem factionem non solum is habere videtur, qui testamentum facere potest, sed etiam qui ex alieno testamento vel ipse capere potest vel alii acquirere, licet non potest facere testamentum. ⁴et ideo et⁵ furiosus et mutus et postumus et infans et filius familias et servus alienus testamenti factionem habere dicuntur: licet enim testamentum facere non possunt, attamen ex testamento vel sibi vel alii acquirere possunt⁶. ⁶Extraneis ⁵autem heredibus deliberandi potestas est de adeunda hereditate vel non adeunda. sed sive is, cui abstinendi potestas est, immiscuerit se bonis hereditariis⁷, sive extraneus, cui de adeunda hereditate deliberare licet, adierit, postea relinquendae hereditatis facultatem non habet, nisi minor sit annis viginti quinque: nam huius aetatis hominibus sicut in ceteris omnibus causis deceptis, ita et si temere damnosam hereditatem susceperint, praetor succurrit. Sciendum tamen est divum ⁶Hadrianum etiam maiori viginti quinque annis veniam dedisse, cum post aditam hereditatem grande aes alienum, quod aditae hereditatis tempore latebat, emersisset. sed hoc divus quidem Hadrianus speciali beneficio cuidam praestitit: divus autem Gordianus postea in militibus tantummodo hoc extendit: sed ⁽⁶⁾nostra benevolentia commune omnibus subiectis imperio nostro hoc praestavit beneficium et constitutionem tam aequissimam

¹ § 4 in. ex Flor. l. 10 inst. (Dig. 28, 5, 50 § 1) ² quod B T a
³ sic B, inspicere deberent T, inspicimus Dig. Θ ⁴ § 4 fin. similis Dig. 28, 1, 16 pr. (Pomp. l. sing. reg.) ⁵ et] BΘ, om. T ⁶ Gai. 2, 162. 163
⁷ sic Gai., hereditatis libri

‘quam nobilem scripsit¹, cuius tenorem si observaverint homines, licet eis adire hereditatem et in tantum teneri, in² quantum valere bona hereditatis contingit³: ut ex hac causa neque deliberationis auxilium eis fiat necessarium, nisi omissa observatione nostrae constitutionis et deliberandum existimaverint et sese veteri gravamini aditionis supponere maluerint. Item
 7 ‘extraneus’⁴ ‘heres ‘testamento’ institutus aut ab intestato ‘ad legitimam hereditatem’ vocatus potest aut pro herede gerendo vel etiam nuda voluntate suscipiendae hereditatis heres fieri.’ pro herede autem gerere quis videtur, si rebus hereditariis tamquam heres utatur vel vendendo res hereditarias aut praedia colendo locandove et quoquo modo si voluntatem suam declaret vel re vel verbis de adeunda hereditate, dummodo sciat eum, in cuius bonis pro herede gerit, testato intestatove obiisse et se ei heredem esse. pro herede enim gerere est pro domino gerere: veteres enim heredes pro dominis appellabant. ⁵‘sicut autem nuda voluntate ‘extraneus’ heres fit, ita et contraria destinatione statim ab hereditate repellitur.’ eum, qui mutus vel surdus natus est vel postea factus, nihil prohibet pro herede gerere et acquirere sibi hereditatem, si tamen intellegit quod agitur.

XX⁶

DE LEGATIS.

7¹Post haec videamus de legatis. quae pars iuris extra propositam quidem materiam videtur: nam loquimur de his iuris figuris, quibus per universitatem res nobis adquiruntur. sed cum omnino de testamentis deque heredibus qui testamento instituuntur locuti sumus, non sine causa sequenti loco potest haec iuris materia tractari.

- 1 Legatum itaque est donatio quaedam a defuncto relicta.
 2 ‘Sed olim quidem erant legatorum genera quattuor: per vindicationem, per damnationem, sinendi modo, per praeceptionem: et certa quaedam verba cuique generi legatorum adsignata erant, per quae singula genera legatorum significabantur. sed ex constitutionibus divorum principum⁸ sollemnitas huiusmodi verborum penitus sublata est. nostra autem constitutio⁹, quam cum magna fecimus lucubratione, defunctorum voluntates vali-

¹ Cod. 6, 30, 22 ² in] *PEΘ*, om. *B* ³ sic *PEΘ*, contigit *B*
⁴ *Gai.* 2, 167 ⁵ *Gai.* 2, 168, 169 ⁶ Cf. *Gai.* 2, 191.. 223. 229.. 245
Dig. 30.. 32 *Cod.* 6, 37, 43 ⁷ *Gai.* 2, 191 ⁸ *Cod.* 6, 37, 21 ⁹ *Cod.* 6, 43, 1

'diores esse cupientes et non verbis, sed voluntatibus eorum
 'faventes, disposuit, ut omnibus legatis una sit natura et, qui-
 'buscumque verbis aliquid derelictum sit, liceat legatariis id
 'persequi non solum per actiones personales, sed etiam per in-
 'rem et per hypothecariam: cuius constitutionis perpensum
 'modum ex ipsius tenore perfectissime accipere possibile est.
 'Sed non usque ad eam constitutionem standum esse existima- 3
 'vimus. cum enim antiquitatem invenimus legata quidem stricte
 'concludentem, fideicommissis autem, quae ex voluntate magis
 'descendebant defunctorum, pinguiorem naturam indulgentem:
 'necessarium esse duximus¹ omnia legata fideicommissis exae-
 'quare, ut nulla sit inter ea differentia, sed quod deest legatis,
 'hoc repleatur ex natura fideicommissorum et, si quid amplius
 'est in legatis, per hoc crescat fideicommissi natura. sed ne
 'in primis legum cunabulis permixte de his exponendo studiosis
 'adulescentibus quandam introducamus difficultatem, operae
 'pretium esse duximus interim separatim prius de legatis et
 'postea de fideicommissis tractare, ut natura utriusque iuris
 'cognita facile possint permixtionem eorum eruditi suptilioribus
 'auribus accipere.'

Non solum autem testatoris vel heredis res, sed et aliena 4
 legari potest: ita ut heres cogatur redimere eam et praestare
 vel, si non potest redimere, aestimationem eius dare. sed si
 talis res sit, cuius non est commercium, nec aestimatio eius
 debetur, sicuti si² campum Martium vel basilicas vel templa
 vel quae publico usui destinata sunt legaverit: nam nullius
 momenti legatum est. quod autem diximus alienam rem posse
 legari, ita intellegendum est, si defunctus sciebat alienam rem
 esse, non et³ si ignorabat: forsitan enim, si scisset alienam,
 non legasset. et ita divus Pius rescripsit. ⁴et verius est⁵
 ipsum qui agit, id est legatarium, probare oportere scisse
 alienam rem legare⁶ defunctum, non heredem probare oportere
 ignorasse alienam, quia semper necessitas probandi incumbit
 illi qui agit. Sed et si rem obligatam creditori aliquis legaverit, 5
 necesse habet heres luere. et hoc quoque casu idem placet,
 quod in re aliena, ut ita demum luere necesse habeat heres,
 si sciebat defunctus rem obligatam esse: et ita divi Severus
 et Antoninus rescripserunt. si tamen defunctus voluit legatarium
 luere et hoc expressit, non debet heres eam luere. Si res 6

¹ Cod. 6, 43, 2 ² si om. BT ³ et] B, om. T ⁴ § 4 fin. ex
 Marciani l. 6 inst. (Dig. 22, 3, 21) ⁵ est] T cum Θ, esse B ⁶ sic
 B Dig., legasse T

aliena legata fuerit et eius vivo testatore legatarius dominus factus fuerit, si quidem ex causa emptionis, ex testamento actione pretium consequi potest: si vero ex causa lucrativa, veluti ex donatione vel ex alia simili causa, agere non potest. nam traditum est duas lucrativas causas in eundem hominem et in eandem rem concurrere non posse. hac ratione si ex duobus testamentis eadem res eidem debeatur, interest, utrum rem an aestimationem ex testamento consecutus est: nam si rem, agere non potest, quia¹ habet eam ex causa lucrativa, 7 si aestimationem, agere potest. ²Ea quoque res, quae in rerum natura non est, si modo futura est, 'recte legatur', veluti fructus qui in illo fundo nati erunt, aut quod ex illa 8 'ancilla natum erit.' Si eadem res duobus legata sit sive coniunctim sive disiunctim, si ambo perveniant ad legatum, scinditur inter eos legatum: si alter deficiat, quia aut spreverit legatum aut vivo testatore decesserit aut alio quolibet modo defecerit, totum ad collegatarium pertinet. coniunctim autem legatur veluti si quis dicat 'Titio et Seio hominem Stichum do lego': disiunctim ita 'Titio hominem Stichum do lego, Seio Stichum do lego'. sed et³ si expresserit 'eundem hominem 9 Stichum', aequè disiunctim legatum intellegitur. Si cui fundus alienus legatus fuerit et emerit proprietatem detracto⁴ usu fructu et usus fructus ad eum pervenerit et postea ex testamento agat, recte eum agere 'et fundum petere' Iulianus⁵ ait, 'quia usus fructus in petitione servitutis locum optinet'⁶: sed officio iudicis contineri, 'ut deducto usu fructu iubeat aesti- 10 mationem praestari'⁷. Sed si rem legatarii quis ei legaverit, inutile legatum est, quia quod proprium est ipsius, amplius eius fieri non potest: et licet alienaverit eam, non debetur nec 11 ipsa nec aestimatio eius. Si quis rem suam quasi alienam legaverit, valet legatum: nam plus valet, quod in veritate est, quam quod in opinione. sed et si legatarii putavit, valere 12 constat, quia exitum voluntas defuncti potest habere. Si rem suam legaverit testator posteaque eam alienaverit, Celsus existimat, si non adimendi animo vendidit, nihilo minus deberi, idque divi Severus et Antoninus rescripserunt. idem rescripserunt⁸ eum, qui post testamentum factum praedia quae legata erant pignori dedit, ademisse legatum non videri et ideo legatarium cum herede agere posse, ut praedia a creditore luantur. si

¹ quia] *T*, qui *B* ² *Gai.* 2, 203 ³ et *Θ*, *om. libri* ⁴ detractio
B, deducto *Θ* ⁵ *Dig.* 30, 82 § 2 ⁶ <> *Iustinianorum esse vidit*
Longo ⁷ <> *Iust. (Faber collata l. 82 § 2 cit.)* ⁸ *Cod.* 6, 37, 3

vero quis partem rei legatae alienaverit, pars quae non est alienata omnimodo debetur, pars autem alienata ita debetur, si non adimendi animo alienata sit. Si quis debitori suo liberationem legaverit, legatum utile est et neque ab ipso debitore neque ab herede eius potest heres petere nec ab alio qui heredis loco est: sed et potest a debitore conveniri, ut liberet eum. potest autem quis vel ad tempus iubere, ne heres petat. Ex contrario si debitor creditori suo quod debet legaverit, inutile est legatum, si nihil plus est in legato quam in debito, quia nihil amplius habet per legatum. quodsi in diem vel sub conditione debitum ei pure legaverit, utile est legatum propter repraesentationem: quodsi vivo testatore dies venerit aut condicio extiterit, Papinianus scripsit¹ utile esse nihilo minus legatum, quia semel constitit. ^{quod et verum est: non enim placuit sententia existimantium} extinctum esse legatum, quia in eam causam pervenit, a qua incipere non potest. Sed si uxori maritus dotem legaverit, valet legatum, quia plenius est legatum quam ^{de dote} actio. sed si quam non acceperit dotem legaverit, divi Severus et Antoninus rescripserunt, si quidem simpliciter legaverit, inutile esse legatum: si vero certa pecunia² vel certum corpus aut instrumentum dotis in praelegando demonstrata sunt, valere legatum. Si res legata sine facto heredis perierit, legatario decedit. et si servus alienus legatus sine facto heredis manumissus fuerit, non tenetur heres. si vero heredis servus legatus fuerit et ipse eum manumiserit, teneri eum Iulianus scripsit, ³nec interest⁴, scierit an ignoraverit a se legatum esse. sed et si alii donaverit servum et is cui donatus⁵ est eum manumiserit, tenetur heres, quamvis ignoraverit a se eum legatum esse. Si quis ancillas cum suis natis legaverit, etiamsi ancillae mortuae fuerint, partus legato cedunt. idem est, si ordinarii servi cum vicariis legati fuerint, ut, licet mortui sint ordinarii, tamen vicarii legato cedant⁶. sed si servus cum peculio fuerit legatus, mortuo servo vel manumisso vel alienato et peculii legatum extinguitur. idem est, si fundus instructus vel cum instrumento legatus fuerit: nam fundo alienato et instrumenti legatum extinguitur. Si grex legatus fuerit posteaque ad unam ovem pervenerit, quod superfuerit vindicari potest. Grege autem legato etiam eas

¹ Dig. 35, 2, 5 (Pap. l. 5 resp.) ² sic PE, certam pecuniam B
³ § 16 fin. ex Marciani l. 6 inst. (Dig. 30, 112 § 1) ⁴ sic W & Dig., interesse BPE ⁵ sic Eb Dig. Θ, donatum BE^a, donatur P ⁶ ut ... cedant] scripsi: ... cedant (om. ut) B, et ... cedunt PE

oves, quae post testamentum factum gregi adiciuntur, legato
cedere Iulianus ait: esse¹ enim gregis unum corpus ex distanti-
bus capitibus, sicuti aedium unum corpus est ex cohaerentibus
19 lapidibus: aedibus denique legatis columnas et marmora, quae
20 post testamentum factum adiecta sunt, legato cedere. Si pec-
culium legatum fuerit, sine dubio quidquid peculio accedit vel
decedit vivo testatore, legatarii lucro vel damno est. quodsi
post mortem testatoris ante aditam hereditatem servus acqui-
sierit, Iulianus ait, si quidem ipsi manumisso peculium legatum
fuerit, omne, quod ante aditam hereditatem acquisitum est,
legatario cedere, quia dies huius legati adita² hereditate cedit:
sed si extraneo peculium legatum fuerit, non cedere ea legato,
nisi ex rebus peculiaribus auctum fuerit peculium³. peculium
autem nisi legatum fuerit, manumisso non debetur, quamvis,
si vivus manumiserit, sufficit, si non adimatur: et ita divi Se-
verus et Antoninus rescripserunt. idem rescripserunt⁴ peculio
legato non videri id relictum, ut petitionem habeat pecuniae,
quam in rationes dominicas impendit. idem rescripserunt pec-
culium videri legatum, cum rationibus redditus liber esse iussus
21 est et ex eo reliquas inferre. Tam autem corporales res quam
incorporales legari possunt. et ideo et⁵ quod defuncto debetur,
potest alicui legari, ut actiones suas heres legatario praestet,
nisi exegerit vivus testator pecuniam: nam hoc casu legatum
extinguitur. sed et tale legatum valet: 'damnas⁶ esto heres
22 domum illius reficere' vel 'illum aere alieno liberare'. Si generaliter servus vel alia res legetur, electio legatarii est, nisi
23 aliud testator dixerit. Optionis legatum, 'id est ubi testator ex
'servis suis vel aliis rebus optare legatarium iusserat, habebat
'in se condicionem, et ideo nisi ipse legatarius vivus optaverat,
'ad heredem legatum non trans mittebat. sed ex constitutione
'nostra⁷ et hoc in meliorem statum reformatum est et data
'est licentia et heredi legatarii optare, licet vivus legatarius hoc
'non fecit. et diligentiore tractatu habito et hoc in nostra con-
'stitutione additum est, ut, sive plures legatarii existant, quibus
'optio relicta est, et dissentiant in corpore eligendo, sive unius
'legatarii plures heredes, et inter se circa optandum dissentiant
'alio aliud corpus eligere cupiente, ne pereat legatum (quod
'plerique prudentium contra benivolentiam introducebant), for-
'tunam esse huius optionis iudicem et sorte esse hoc dirimen-

¹ esse] *BEa*, est *PEb* ² adita] *BPα*, ab ad *PbE* ³ peculium]
PE, om. *B* ⁴ cf. *Dig.* 33, 8, 6 § 4 ⁵ et] *B*, om. *PE* ⁶ damnatus *B*
Cod. 6, 43, 3

‘dum, ut, ad quem sors perveniat, illius sententia in optione ‘praecellat’.

Legari autem illis solis potest, cum quibus testamenti factio 24 est. Incertis vero personis neque legata neque fideicommissa 25 ‘olim’ relinqui ‘concessum erat’: nam nec miles quidem incertae personae poterat relinquere, ut divus Hadrianus rescripsit. 1 ‘incerta autem persona videbatur, quam incerta opinione animo suo testator subiciebat, veluti ‘si quis ita dicat’: ‘quicumque ‘filio meo in matrimonium filiam suam collocaverit’², ei heres ‘meus illum fundum dato’: illud quoque, quod his relinquebatur, qui post testamentum scriptum primi consules designati erunt, aequae incertae personae legari videbatur: et denique multae aliae huiusmodi species sunt. libertas quoque non videbatur posse incertae personae dari, quia ‘placebat’ nominatim servos liberari. tutor quoque certus dari debebat³. sub certa vero demonstratione, ‘id est ex certis personis incertae personae’, recte legabatur, veluti ‘ex cognatis meis qui nunc sunt ‘si quis filiam meam uxorem duxerit’, ei heres meus ‘illum rem’ dato’. incertis autem personis legata vel fideicommissa relicta et per errorem soluta repeti non posse sacris constitutionibus cautum erat⁴. 5 ‘Postumo quoque alieno inutiliter 26 ‘legebatur: est autem alienus postumus, qui natus inter suos ‘heredes testatoris futurus non est: ideoque ex emancipato filio ‘conceptus nepos extraneus erat postumus avo.’ ‘Sed nec 27 ‘huiusmodi species penitus est sine iusta emendatione derelicta, ‘cum in nostro codice constitutio⁶ posita est, per quam et ‘huic parti medevimus⁷ non solum in hereditatibus, sed etiam ‘in legatis et fideicommissis: quod evidenter ex ipsius constitutionis ‘lectione clarescit. tutor autem nec per nostram constitutionem ‘incertus dari debeat, quia certo iudicio debet quis pro tutela ‘suae posteritati cavere. Postumus autem alienus heres institui 28 ‘et antea poterat et nunc potest, nisi in utero eius sit, quae ‘iure nostra⁸ uxor esse non potest.’ Si quid⁹ in nomine cognomine praenomine legatarii erraverit testator, si de persona constat, nihilo minus valet legatum: idem in heredibus servatur et recte: nomina enim significandorum hominum gratia reperta

¹ Gai. 2, 238.. 240? ² collocaverit] Gai., dederit id est collocaverit libri ³ tutor q. c. d. debebat] Wa Gai., om. BPEW^b cum Θ, qui tamen consulto ea omisisse videtur suae expositioni non congrua (ἀλλὰ ταῦτα πάντα κατὰ τὸ παλαιόν) neque hoc quidem loco apte retenta a compilatoribus ⁴ erat] BE, est P cum Θ ⁵ Gai. 2, 240. 241 ⁶ Cod. 6, 48, 1 ⁷ sic BE^b, medebimur PE^a ⁸ nostra] E, nostro BP ⁹ quid] BPE^a, quis E^bΘ

- sunt, qui si quolibet alio modo intellegantur, nihil interest.
- 30 Huic proxima est illa iuris regula falsa demonstratione legatum non peremi. veluti si quis ita legaverit 'Stichum servum meum verna[m] do lego': licet enim non verna, sed emptus sit, de servo tamen constat, utile est legatum. et convenienter si ita demonstraverit 'Stichum servum, quem a Seio emi', sitque ab
- 31 alio emptus, utile legatum est, si de servo constat. Longe magis legato¹ falsa causa non nocet. veluti cum ita quis dixerit: 'Titio, quia² absente me negotia mea curavit, Stichum do lego', vel ita: 'Titio, quia patrocínio eius capitali crimine liberatus sum, Stichum do lego': licet enim neque negotia testatoris umquam gessit Titius neque patrocínio eius liberatus est, legatum tamen valet. sed si condicionaliter enuntiata fuerit causa, aliud iuris est, veluti hoc modo: 'Titio, si negotia mea curaverit,
- 32 fundum do lego'. An servo heredis recte legamus, quaeritur. et constat pure inutiliter legari nec quicquam proficere, si vivo testatore de potestate heredis exierit, quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixerit. sub
- condicione vero recte legatur, ut requiramus, an, quo tempore
- 33 dies legati cedit, in potestate heredis non sit. Ex diverso herede instituto servo quin domino recte etiam sine condicione legetur, non dubitatur. nam et si statim post factum testamentum decesserit testator, non tamen apud eum qui heres sit dies legati cedere intellegitur, cum hereditas a legato separata sit et possit per eum servum alius heres effici, si prius, quam iussu domini adeat, in alterius potestatem translatus sit, vel manumissus ipse heres efficitur: quibus casibus utile est legatum: quodsi in eadem causa permanserit et iussu legatarii
- 34 adierit, evanescit legatum. ³Ante heredis institutionem inutiliter antea legabatur, scilicet quia testamenta vim ex institutione heredum accipiunt et ob id veluti caput atque fundamentum intellegitur totius testamenti heredis institutio. pari ratione nec libertas ante heredis institutionem dari poterat. sed quia incivile esse putavimus ordinem quidem scripturae sequi (quod et ipsi antiquitati vituperandum fuerat visum), sperni autem testatoris voluntatem: per nostram constitutionem⁴ et hoc vitium emendavimus, ut liceat et ante heredis institutionem et inter medias heredum institutiones legatum relinquere et multo
- 35 magis libertatem, cuius usus favorabilior est. ⁵Post mortem

¹ sic *PEΘ*, legatum *B*
229. 230 ⁴ *Cod.* 6, 23, 24

² quia] *WbΘ*, qui *BPEW^a*
⁵ *Gai.* 2, 232

³ *Gai.* 2,

quoque heredis aut legatarii simili modo inutiliter legabatur: 'veluti si quis ita dicat': 'cum heres meus mortuus erit, do lego': 'item' 'pridie quam heres aut legatarius morietur'. 'sed simili modo et hoc correximus¹ firmitatem huiusmodi legatis ad fideicommissorum similitudinem praestantes, ne vel in hoc casu deterior causa legatorum quam fideicommissorum inveniatur.' ² 'Poenae quoque nomine inutiliter legabatur' et ³⁶ adimebatur vel transferebatur. 'poenae autem nomine legari videtur, quod coercendi heredis causa relinquitur, quo magis is³ aliquid faciat aut non faciat: veluti 'si quis ita scripserit': 'heres meus si filiam suam in matrimonium Titio collocaverit' (vel ex diverso 'si non collocaverit'), 'dato decem aureos' 'Seio', aut si ita scripserit 'heres meus si servum Stichum alienaverit' (vel ex diverso 'si non alienaverit'), "'Titio decem aureos' dato'. et in tantum haec regula observabatur, ut 'perquam pluribus' principalibus constitutionibus significetur nec principem quidem agnoscere, quod ei poenae nomine legatum sit. nec ex militis quidem testamento talia legata valebant, quamvis aliae⁴ militum voluntates in ordinandis testamentis valde observantur. quin etiam nec libertatem poenae nomine dari posse placebat. eo amplius nec heredem poenae nomine adici posse Sabinus existimabat, veluti si quis ita dicat: 'Titius heres esto: si Titius filiam suam Seio in matrimonium collocaverit, Seius quoque heres esto': nihil enim intererat, quia ratione Titius coerceatur, utrum legati datione an coheredis adiectione. 'at huiusmodi scrupulositas nobis non placuit et generaliter ea quae relinquuntur, licet poenae nomine fuerint relicta vel adempta vel in alios⁵ translata, nihil distare a ceteris legatis constituimus⁶ vel in dando vel in adimendo vel in transferendo: exceptis his videlicet, quae impossibilia sunt vel legibus interdicta aut alias probrosa: huiusmodi enim testatorum dispositiones valere secta temporum meorum non patitur.'

XXI⁷

DE ADEPTIONE LEGATORUM ET TRANSLATIONE.

Ademptio legatorum, sive eodem testamento adimantur sive codicillis, firma est, 'sive' contrariis verbis fiat ademptio, veluti si, quod ita quis legaverit 'do lego', ita adimatur 'non do non

¹ Cod. 8, 37, 11 ² § 36 in. similis Gaio 2, 235 ³ is] B, heres
 Gai., om. PE ⁴ alias dett. cum Θ ⁵ sic Wa cum Θ, alio BEW
⁶ Cod. 6, 41, 1 ⁷ Cf. Dig. 34, 4

- 'lego', 'sive non contrariis, id est aliis quibuscumque verbis'.
 1 Transferri quoque legatum ab alio ad alium potest, veluti si quis ita dixerit: 'hominem Stichum, quem Titio legavi, Seio do lego', sive in eodem testamento sive in codicillis hoc fecerit: quo casu simul Titio adimi videtur et Seio dari.

XXII¹

DE LEGE FALCIDIA.

- Superest, ut de lege Falcidia dispiciamus, qua modus novissime legatis impositus est. cum enim olim lege duodecim tabularum libera erat legandi potestas, ut liceret vel totum patrimonium legatis erogare (quippe ea lege ita cautum esset: 'uti legassit suae rei, ita ius esto'): visum est hanc legandi licentiam coartare, idque ipsorum testatorum gratia provisum est ob id, quod plerumque intestati² moriebantur, recusantibus scriptis heredibus pro nullo aut minimo lucro hereditates adire. et cum super hoc tam lex Furia quam lex Voconia latae sunt, quarum neutra sufficiens ad rei consummationem videbatur: novissime lata est lex Falcidia, qua cavetur, ne plus legare liceat, quam dodrantem totorum bonorum, id est ut, sive unus heres institutus esset sive plures, apud eum eosve pars quarta
 1 remaneret. Et cum quaesitum esset, duobus heredibus institutis, veluti Titio et Seio, si Titii pars aut tota exhausta sit legatis, quae nominatim ab eo data sunt, aut supra modum onerata, a Seio vero aut nulla relicta sint legata, aut quae partem eius dumtaxat in partem dimidiam minuunt, an, quia is quartam partem totius hereditatis aut amplius habet, Titio nihil ex legatis, quae ab eo relicta sunt, retinere liceret: placuit retinere licere, ut quartam partem suae partis salvam habeat³: etenim
 2 in singulis heredibus ratio legis Falcidiae ponenda est. ⁵Quantitas autem patrimonii, ad quam ratio legis Falcidiae redigitur, mortis tempore spectatur. itaque si verbi gratia is, qui centum 'aureorum' patrimonium habebat, centum 'aureos' legaverit, nihil legatariis prodest, si ante aditam hereditatem per servos hereditarios aut ex partu ancillarum hereditariorum aut ex fetu pecorum tantum accesserit hereditati, ut centum 'aureis' legatorum nomine erogatis heres quartam partem hereditatis habi-

¹ Cf. Gai. 2, 224. . 228 Dig. 35, 2 Cod. 6, 50 ² sic EΘ, intestato BP ³ placuit ret. lic. ut ... habeat] scripsi: plac. ret. lic. om. B, placuit ut ... habeat et pl. posse ret. CPE ⁴ § 1 fin. similis Dig. 35, 2, 77 ⁵ § 2 similis Dig. 35, 2, 73 pr. (Gai. l. 18 ad ed. prov.)

turus sit, sed necesse est, ut nihilo minus quarta pars legatis detrahatur. ex diverso si septuaginta quinque legaverit et ante aditam hereditatem in tantum decreverint bona incendiis forte aut naufragiis aut morte servorum, ut non amplius quam septuaginta quinque 'aureorum' substantia vel etiam minus relinquatur, solida legata debentur¹. nec ea res damnosa est heredi, cui liberum est non adire hereditatem: quae res efficit, ut necesse sit legatariis, ne destituto testamento nihil consequantur, cum herede in portione pacisci. Cum autem ratio legis ³ Falcidiae ponitur, ante deducitur aes alienum, item funeris impensa et pretia servorum manumissorum, tunc deinde in reliquo ita ratio habetur, ut ex eo quarta pars apud heredes remaneat; tres vero partes inter legatarios distribuantur, pro rata scilicet portione eius, quod cuique eorum legatum fuerit. ²itaque si fingamus quadringentos 'aureos' legatos esse et patrimonii quantitatem, ex qua legata erogari oportet, quadringentorum esse, quarta pars singulis legatariis detrahi debet. quodsi trecentos quinquaginta legatos fingamus, octava debet detrahi. quodsi quingentos legaverit, initio quinta, deinde quarta detrahi debet: ante enim detrahendum est, quod extra bonorum quantitatem est, deinde quod ex bonis apud heredem remanere oportet.

XXIII³

DE FIDEICOMMISSARIIS HEREDITATIBUS.

⁴Nunc transeamus ad fideicommissa. et prius de hereditatibus 'fideicommissariis' videamus.¹

Sciendum itaque est omnia fideicommissa primis temporibus ¹ infirma esse, quia nemo invitus cogebatur praestare id de quo rogatus erat: quibus enim non poterant hereditates vel legata relinquere, si relinquebant, fidei committebant eorum, qui capere ex testamento poterant: et ideo fideicommissa appellata sunt, quia nullo vinculo iuris, sed tantum pudore eorum qui rogabantur continebantur. postea primus divus Augustus semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam iussit consulibus auctoritatem suam interponere. quod quia iustum videbatur et populare erat, paulatim conversum est in adsiduum iurisdictionem: tantusque favor eorum factus est, ut

¹ sic Dig., dentur libri ² cf. Dig. 35, 2, 73 § 5 (Gai. l. c.) ³ cf. Gai. 2, 246 .. 259 Dig. 36, 1 Cod. 6, 49 ⁴ Gai. 2, 246. 247

paulatim etiam praetor proprius crearetur, qui fideicommissis ius diceret, quem fideicommissarium appellabant.

- 2 ¹In primis igitur sciendum est opus esse, ut aliquis recto iure testamento heres instituatur eiusque fidei committatur, ut eam hereditatem alii restituat: alioquin inutile est testamentum, in quo nemo heres instituitur. cum igitur aliquis scripserit: ²'Lucius Titius heres esto', poterit adicere: 'rogo te, Luci Titi, ut, cum primum possis hereditatem meam adire, eam Gaio ³'Seio reddas restituas'. potest autem quisque et de parte restituenda heredem rogare: et liberum est vel pure vel sub ⁴condicione relinquere fideicommissum vel ex die certo.
- 3 ²Restituta autem hereditate is quidem qui restituit nihilo minus heres permanet: is vero qui recipit hereditatem aliquando
- 4 ³heredis aliquando legatarii loco ⁴habebatur. Et in Neronis quidem temporibus ⁵'Trebello Maximo et Annaeo Seneca consulibus ⁶senatus consultum factum est, quo cautum est, ut, si ⁷hereditas ex fideicommissi causa restituta sit, omnes actiones, quae iure civili heredi et in heredem competere, ei et in eum darentur, cui ex fideicommisso restituta esset ⁸hereditas. post quod senatus consultum praetor utiles actiones ei et in eum qui recepit hereditatem quasi heredi et in heredem dare
- 5 ⁹coepit. ¹⁰Sed quia heredes scripti, cum aut totam hereditatem aut paene totam plerumque restituere rogabantur, adire hereditatem ob nullum vel minimum lucrum recusabant atque ob id ¹¹extinguebantur fideicommissa: postea ¹²'Vespasiani Augusti temporibus' ¹³Pegaso et Pusione consulibus ¹⁴senatus censuit, ut ei, qui rogatus esset hereditatem restituere, perinde liceret ¹⁵quartam partem retinere, atque lege Falcidia ex legatis retinere conceditur. ex singulis quoque rebus, quae per fideicommissum ¹⁶relinquuntur, eadem retentio permissa est. post quod senatus consultum ipse heres onera hereditaria sustinebat: ille autem, qui ex fideicommisso recepit partem hereditatis, legatarii ¹⁷partarii loco erat, id est eius legatarii, cui pars bonorum ¹⁸legabatur. quae species legati ¹⁹partitio vocabatur, quia cum herede legatarius ²⁰partiebatur hereditatem. unde quae solebant ²¹stipulationes inter heredem et partiarium legatarium interponi, eadem ²²interponebantur inter eum, qui ex fideicommisso recepit hereditatem, et heredem, id est ut et lucrum et damnum ²³hereditarium pro rata parte inter eos commune sit. ²⁴Ergo si quidem

¹ Gai. 2, 248. 250. 251 ² Gai. 2, 251 ³ Gai. 2, 253. 258 ⁴ anno p. Chr. 56? ⁵ si] si cui Gai. Θ ⁶ sic Gai., est libri ⁷ anno incerto ⁸ sic Gai. PE, constituit B

^r non plus quam dodrantem hereditatis scriptus heres rogatus
^s sit restituere, tunc ex Trebelliano senatus consulto restitu-
^b batur hereditas et in utrumque actiones hereditariae pro rata
^p parte dabantur: in heredem quidem iure civili, in eum vero
^q qui recipiebat hereditatem ex senatus consulto Trebelliano tam-
^q quam in heredem. at¹ si plus quam dodrantem vel etiam
^t totam hereditatem restituere rogatus sit, locus erat Pegasiano
^s senatus consulto, 'et heres,' qui semel adierit hereditatem, si
^m modo sua voluntate adierit, sive retinuerit quartam partem sive
ⁿ noluerit retinere, ipse universa onera hereditaria sustinebat.
^s sed² quarta quidem retenta quasi partis et pro parte stipula-
^t tiones interponebantur tamquam inter partiarium legatarium et
^h heredem: si vero totam hereditatem restituerit, ³emptae et
^v venditae hereditatis stipulationes interponebantur. sed si recuset
^s scriptus heres adire hereditatem ob id, quod dicat eam sibi
^s suspectam esse quasi damnosam, cavetur Pegasiano senatus
^c consulto, ut desiderante eo, cui restituere rogatus est, iussu
^p praetoris adeat et restituat hereditatem perindeque ei et in
^e eum qui recipit hereditatem actiones dentur, acsi iuris est ex
^T Trebelliano senatus consulto: quo casu nullis stipulationibus
^o opus est, quia simul et huic qui restituit securitas datur et
^a actiones hereditariae ei et in eum transferuntur qui recipit here-
^d ditatem', 'utroque senatus consulto in hac specie concurrente.
^S Sed quia stipulationes ex senatus consulto Pegasiano descen- 7
^d dentes et ipsi antiquitati displicuerunt et quibusdam casibus
^c captiosas eas homo excelsi ingenii Papinianus appellat et nobis
ⁱ in legibus magis simplicitas quam difficultas placet, ideo omni-
^b bus nobis suggestis tam similitudinibus quam differentiis utrius-
^q ue senatus consulti placuit exploso senatus consulto Pegasiano,
^q quod postea supervenit, omnem auctoritatem Trebelliano sena-
^t tus consulto praestare, ut ex eo fideicommissariae hereditates
^r restituantur, sive habeat heres ex voluntate testatoris quartam
^s sive plus sive minus sive penitus nihil, ut tunc, quando vel
ⁿ nihil vel minus quarta apud eum remaneat, liceat ei vel quar-
^t tam vel quod deest ex nostra auctoritate retinere vel repetere
^s solutum, quasi ex Trebelliano senatus consulto pro rata por-
^t tione actionibus tam in heredem quam in fideicommissarium
^c competentibus. si vero totam hereditatem sponte restituerit,
^o omnes hereditariae actiones fideicommissario et adversus eum
^c competent. sed etiam id, quod praecipuum Pegasiani senatus

¹ at] *T^cPGai. Θ, ac B, aut T^b, inter alia om. T^a* ² sed] *TGai.*,
 sed si *B* ³ sic libri cum *Θ*, ad exemplum *ins. Gai.*

- 'consulti fuerat, ut, quando recusabat heres scriptus sibi datam
 'hereditatem adire, necessitas ei imponeretur totam hereditatem
 'volenti fideicommissario restituere et omnes ad eum et contra
 'eum transire¹ actiones, et hoc transponimus ad senatus con-
 'sultum Trebellianum, ut ex hoc solo et necessitas heredi im-
 'ponatur, si ipso nolente adire fideicommissarius desiderat restitui
 'sibi hereditatem, nullo nec damno nec commodo apud heredem
 8 'manente.'² 'Nihil autem interest, utrum aliquis ex asse heres
 'institutus aut totam hereditatem aut pro parte restituere rogatur,
 'an ex parte heres institutus aut totam eam³ partem aut partis
 'partem restituere rogatur: nam et hoc casu⁴ eadem observari
 'praecipimus, quae in totius hereditatis restitutione diximus.'
 9 Si quis una aliqua re deducta sive praecepta, quae quartam
 continet, veluti fundo vel alia re rogatus sit restituere heredi-
 tatem, simili modo ex Trebelliano senatus consulto restitutio
 fiat, perinde ac si quarta parte retenta rogatus esset reliquam
 hereditatem restituere. sed illud interest, quod altero casu, id
 est cum deducta sive praecepta aliqua re restituitur hereditas,
 in solidum ex eo senatus consulto actiones transferuntur et res
 quae remanet apud heredem sine ullo onere hereditario apud
 eum manet quasi ex legato ei adquisita, altero vero casu, id
 est cum quarta parte retenta rogatus est heres restituere heredi-
 tatem et restituit, scindantur actiones et pro dodrante quidem
 transferantur ad fideicommissarium, pro quadrante remaneant
 apud heredem. quin etiam licet in una re, qua deducta aut
 praecepta restituere aliquis hereditatem rogatus est, maxima pars
 hereditatis contineatur, aequae in solidum transferuntur actiones
 et⁵ secum deliberare debet is, cui restituitur hereditas, an ex-
 pediat sibi restitui. eadem scilicet interveniunt et si duabus pluri-
 busve rebus deductis praeceptisve restituere hereditatem rogatus
 sit. sed et⁵ si certa summa deducta praeceptave, quae quartam
 vel etiam maximam partem hereditatis continet, rogatus sit ali-
 quis hereditatem restituere, idem iuris est. quae diximus de eo
 qui ex asse heres institutus est, eadem transferimus et ad eum
 qui ex parte heres scriptus est.
 10 Praeterea intestatus⁶ quoque moriturus potest rogare eum,
 ad quem bona sua vel legitimo iure vel honorario pertinere intellegit,
 ut hereditatem suam totam partemve eius aut rem ali-
 quam, veluti fundum hominem pecuniam, alicui restituat: cum

¹ transirent *Huschke* ² *Gai.* 2, 259 ³ eam] *T^bP^bEGai.*, ****tem
Pa, om. *B6*, inc. *Ta* ⁴ et] sed *B* ⁵ sed et] *T^bC*, sed *B*, et *Ta*
⁶ sic *B*, intestato *TC*

alioquin legata nisi ex testamento non valeant. Eum quoque, 11
 cui aliquid restituitur, potest rogare, ut id rursus alii totam aut
 pro parte¹ vel etiam aliud aliquid restituat. Et quia prima 12
 fideicommissorum cunabula a fide heredum pendent et tam nomen
 quam substantiam acceperunt et ideo divus Augustus ad neces-
 sitatem iuris ea detraxit: nuper et nos eundem principem supe-
 rare contententes ex facto, quod Tribonianus vir excelsus
 quaestor sacri palatii suggessit, constitutionem² fecimus, per
 quam disposuimus: si testator fidei heredis sui commisit, ut vel
 hereditatem vel speciale fideicommissum restituat, et neque ex
 scriptura neque ex quinque testium numero, qui in fideicom-
 missis legitimus esse noscitur, res possit manifestari, sed vel
 pauciores quam quinque vel nemo penitus testis intervenerit,
 tunc sive pater heredis sive alius quicumque viri, qui fidem ele-
 git heredis et ab eo aliquid restitui voluerit, si heres perfida
 tentus adimplere fidem recusat negando rem ita esse subsecu-
 tam, si fideicommissarius iusiurandum ei detulerit, cum prius
 ipse de calumnia iuraverit, necesse eum habere vel iusiurandum
 subire, quod nihil tale a testatore audivit, vel recusantem ad
 fideicommissi vel universitatis vel specialis solutionem coartari,
 ne depereat ultima voluntas testatoris fidei heredis commissum
 eadem observari³ censuimus et si a legatario vel fideicommis-
 sario aliquid similiter relictum sit, quod si is, a quo relictum
 dicitur, confiteatur quidem aliquid a se relictum esse, sed ad
 legis supplitatem decurrat, omnimodo cogendus est solvere.⁴

XXIV⁴

DE SINGULIS REBUS PER FIDEICOMMISSUM RELICTIS.

⁵ Potest autem quis etiam singulas res per fideicommissum
 relinquere, veluti fundum hominem vestem argentum pecuniam
 numeratam, et vel ipsum heredem rogare, ut alicui restituat,
 vel legatarium, quamvis a legatario legari non possit. ⁶ Potest 1
 autem non solum proprias testator res per fideicommissum
 relinquere, sed et heredis aut legatarii aut fideicommissarii,
 aut cuiuslibet alterius. itaque et legatarius et fideicommissa-
 rius non solum de ea re rogari potest, ut eam alicui restituat,
 quae ei relicta sit, sed etiam de alia, sive ipsius sive aliena
 sit. hoc solum observandum est, ne plus quisquam rogetur
 alicui restituere, quam ipse ex testamento ceperit: nam quod

¹ sic BC, aut partem TΘ ² Cod. 6, 42, 32 ³ sic CP, observare
 BT ⁴ Cf. Gai. 2, 260.. 267 Cod. 6, 42 ⁵ Gai. 2, 260.. 265

- 'amplius est, inutiliter relinquitur. cum autem aliena res per fideicommissum relinquitur, necesse est ei qui rogatus est aut ipsam redimere et praestare aut aestimationem eius solvere.
- 2 ¹ Libertas quoque servo per fideicommissum dari potest, ut heres eum ² rogetur manumittere vel legatarius 'vel fideicommissarius.' nec interest, utrum de suo proprio servo testator roget, an de eo qui ipsius heredis aut legatarii vel etiam extranei sit. itaque ³ alienus servus redimi et manumitti debet: 'quod si dominus eum non vendat', ⁴ 'si modo nihil ex iudicio eius qui reliquit libertatem percepit, non statim extinguitur fideicommissaria libertas, sed differtur, quia possit tempore procedente, ubicumque occasio redimendi servi fuerit, praestari libertas.' ⁵ 'qui autem ex causa fideicommissi manumittitur, non testatoris fit libertus, etiamsi testatoris servus sit, sed eius qui manumittit: at is, qui directo testamento liber esse iubetur, ipsius testatoris fit libertus', qui etiam orcinus appellatur. nec alius ullus directo ex testamento libertatem habere potest, quam qui utroque tempore testatoris fuerit, et quo faceret testamentum et quo moreretur.' directo autem libertas tunc dari videtur, cum non ab alio servum manumitti rogat, sed
- 3 velut ex suo testamento libertatem ei competere vult. ⁶ 'Verba autem fideicommissorum haec maxime in usu habeantur: peto, rogo, volo, mando, fidei tuae committo. quae perinde singula firma sunt, atque si omnia in unum congesta essent.'

XXV¹

DE CODICILLIS.

Ante Augusti tempora constat ius codicillorum non fuisse, sed primus Lucius Lentulus, ex cuius persona etiam fideicommissa coeperunt, codicillos introduxit. nam cum decederet in Africa ², scripsit codicillos testamento confirmatos, quibus ab Augusto petiit per fideicommissum, ut faceret aliquid: et cum divus Augustus voluntatem eius impleset, deinceps reliqui auctoritatem eius secuti fideicommissa praestabant et filia Lentuli legata, quae iure non debebat, solvit. dicitur Augustus convocasse prudentes, inter quos Trebatium quoque, cuius tunc auc-

¹ Gai. 2, 260.. 265 ² heres eum *BTC*, eum heres *P*, vel heres *Gai.* ³ itaque] *libri cum Θ*, itaque et *deti. cum Gaio* ⁴ *sequentia ex Cod. 7, 4, 6 addita sunt* ⁵ Gai. 2, 266 ⁶ Gai. 2, 249 ⁷ *Cf. Dig. 29, 7 Cod. 6, 86* ⁸ *sic B cum Θ*, qui codicillos mortis tempore in Africa factos fingit, africanam *T*

toritas maxima erat, et quaesisse, an possit hoc recipi nec absonans a iuris ratione codicillorum usus esset: et¹ Trebatium suasisse Augusto, quod diceret utilissimum et necessarium hoc civibus esse propter magnas et longas peregrinationes, quae apud veteres fuissent², ubi, si quis testamentum facere non posset, tamen codicillos posset. post quae tempora cum et Labeo codicillos fecisset, iam nemini dubium erat, quin codicilli iure optimo admitterentur.

Non tantum autem testamento facto potest quis codicillos¹ facere, sed et³ intestatus quis decedens fideicommittere codicillis potest. sed cum ante testamentum factum codicilli facti erant, Papinianus⁴ ait non aliter vires habere, quam si speciali postea voluntate confirmentur. sed divi Severus et Antoninus rescripserunt ex his codicillis qui testamentum praecedunt posse fideicommissum peti, si appareat eum, qui postea testamentum fecerat, a voluntate quam codicillis expresserat non recessisse. Codicillis autem hereditas neque dari neque adimi potest, ne confundatur ius testamentorum et codicillorum, et ideo nec exhereditatio scribi. directo autem hereditas codicillis neque dari neque adimi potest: nam per fideicommissum hereditas codicillis iure relinquitur. ⁵nec condicionem heredi instituto codicillis adicere neque substituere directo potest, Codicillos autem etiam³ plures quis facere potest: ⁶et nullam sollemnitatem ordinationis desiderant⁷.

LIBER TERTIUS.

I⁶

DE HEREDITATIBUS QUAE AB INTESTATO DEFERUNTUR.

Intestatus decedit, qui aut omnino testamentum non fecit aut non iure fecit⁷ aut id quod fecerat ruptum irritumve factum est aut⁸ nemo ex eo heres extitit.

⁹Intestatorum autem hereditates ex lege duodecim tabularum primum ad suos heredes pertinent. Sui autem heredes¹

¹ esset et] esset B, est et TC ² crebuissem scr., cf. Θ αννεξεῖς ἡσας (similiter Huschke) ³ sed et] Θ, sed libri ⁴ Dig. 29, 7, 5 (Pap. l. 7 resp.) ⁵ § 2 fin. 3 ex Marciani l. 7 inst. (Dig. 29, 7, 6 pr. § 1) ⁶ Cf. Gai. 3, 1.. 8 Dig. 38, 16 Cod. 6, 55 ⁷ facit B, testamentum fecit TC^a ⁸ aut] T^a C^a, aut si BC^b ⁹ Gai. 3, 1. 2

- existimantur, ut et supra diximus¹, qui in potestate morientis fuerunt: veluti filius filia, nepos neptisve ex filio, pronepos proneptisve ex nepote filio nato, prognatus prognatave. nec
 2a interest, utrum naturales sunt liberi an adoptivi.² Quibus connumerari necesse est etiam eos, qui ex legitimis quidem matris moniis non sunt progeniti, curiis tamen civitatum dati secundum divalium constitutionum, quae super his positae sunt, tenorem suorum iura nanciscuntur: nec non eos, quos nostrae amplexae sunt constitutiones³, per quas iussimus, si quis mulierem in suo contubernio copulaverit non ab initio affectione maritali, eam tamen, cum qua poterat habere coniugium, et ex ea liberos sustulerit, postea vero affectione procedente etiam nuptialia instrumenta cum ea fecerit filiosque vel filias habuerit: non solum eos liberos, qui post dotem editi sunt, iustos et in potestate esse patribus, sed etiam anteriores, qui et his⁴ qui postea nati sunt occasionem legitimi nominis praestiterunt: quod optinere censuimus, etiamsi non progeniti fuerint post
 2b dotale instrumentum confectum liberi vel etiam nati ab hac exce subtrahi fuerint.⁵ Ita demum nepos neptisve et pronepos proneptisve suorum heredum numero sunt, si praecedens persona desierit in potestate parentis esse, sive morte id acciderit sive alia ratione, veluti emancipatione: nam si per id tempus, quo quis moreretur, filius in potestate eius sit, nepos ex eo suus heres esse non potest. idque et in ceteris deinceps liberorum personis dictum intellegemus. postumi quoque, qui, si vivo parente nati essent, in potestate futuri forent,
 3 sui heredes sunt.⁶ Sui autem etiam ignorantes fiunt heredes et, licet furiosi sint, heredes possunt existere: quia quibus ex causis ignorantibus acquiritur nobis, ex his causis et furiosis acquiri potest. et statim morte parentis quasi continuatur dominium: et ideo nec tutoris auctoritate opus est in pupillis, cum etiam ignorantibus acquiritur suis heredibus hereditas: nec
 4 curatoris consensu acquiritur furioso, sed ipso iure. Interdum autem, licet in potestate mortis tempore suus heres non fuit, tamen suus heres parenti efficitur, veluti si ab hostibus quis reversus fuerit post mortem patris sui: ius enim postliminii hoc
 5 facit. Per contrarium evenit ut, licet quis in familia defuncti sit mortis tempore, tamen suus heres non fiat, veluti si post mortem suam pater iudicatus fuerit reus perduellionis ac per hoc memoria eius damnata fuerit: suum enim heredem habere

¹ 2, 19, 2 ² Cod. 5, 27, 10. 11 ³ si quis ... fuerint = Cod. 5, 27, 11 ⁴ qui et his] *BC* Cod., quia et his *T* ⁵ *Gai.* 3, 2. 4

non potest, cum fiscus ei succedit. sed potest dici ipso iure esse suum heredem, sed desinere. ¹Cum filius fliave et ex ⁶ altero filio nepos neptisve extant, pariter ad hereditatem vocantur nec qui gradu proximior est ulteriorem excludit: aequum enim esse videtur nepotes neptesque in patris sui locum succedere. pari ratione et si nepos neptisque sit ex filio et ex nepote pronepos proneptisve, simul vocantur. et quia placuit nepotes neptesque, item pronepotes proneptesque in parentis sui locum succedere, conveniens esse visum est non in capita, sed in stirpes hereditatem dividi, ut filius partem dimidiam hereditatis habeat et ex altero filio duo pluresve nepotes alteram dimidiam. item si ex duobus filiis nepotes extant et ex altero unus forte aut duo, ex altero tres aut quattuor, ad unum aut duos dimidia pars pertinet, ad tres vel ad quattuor altera dimidia. Cum ⁷ autem quaeritur, an quis suus heres existere potest: eo tempore quaerendum est, quo certum est aliquem sine testamento decessisse: quod accidit et ² destituto testamento. hac ratione si filius exheredatus fuerit et extraneus heres institutus est, filio mortuo postea certum fuerit heredem institutum ex testamento non fieri heredem, aut quia noluit esse heres aut quia non potuit: nepos avo suus heres existet, quia quo tempore certum est intestatum decessisse patrem familias, solus invenitur nepos. et hoc certum est. Et licet post mortem avi natus sit, tamen ⁸ avo vivo conceptus, mortuo patre eius posteaque deserto avi testamento suus heres efficitur. plane si et conceptus et natus fuerit post mortem avi, mortuo patre suo desertoque postea avi testamento suus heres avo non existit, quia nullo iure cognationis patrem sui patris tetigit. sic nec ille est inter liberos avo, quem filius emancipatus adoptaverat. hi autem cum non sunt quantum ad hereditatem liberi, neque bonorum possessionem petere possunt quasi proximi cognati. haec de suis heredibus.

Emancipati autem liberi iure civili nihil iuris habent: neque ⁹ enim sui heredes sunt, quia in potestate esse desierunt parentis, neque alio ullo iure per legem duodecim tabularum vocantur. sed praetor naturali aequitate motus dat eis bonorum possessionem unde liberi, ³ perinde ac si in potestate parentis mortis tempore fuissent, sive soli sint sive cum suis heredibus concurrant. itaque duobus liberis extantibus, emancipato et qui mortis tempore in potestate fuerit, sane quidem is qui in potestate fuerit solus iure civili heres est, id est solus suus heres

¹ *Gai.* 3, 7. 8² et] *T^o P cum Θ, ex B, **** (vel et?) ex T^o*³ *Gai.* 3, 26

- est: sed cum emancipatus beneficio praetoris in partem admittitur¹, evenit, ut suus heres pro parte heres fiat. At hi, qui emancipati a parente in adoptionem se dederunt, non admittuntur ad bona naturalis patris quasi liberi, si modo cum is moreretur in adoptiva familia sint. nam vivo eo emancipati ab adoptivo patre perinde admittuntur ad bona naturalis patris, ac si emancipati ab ipso² essent nec umquam in adoptiva familia fuissent: et convenienter quod ad adoptivum patrem pertinet extraneorum loco esse incipiunt. post mortem vero naturalis patris emancipati ab adoptivo et quantum ad hunc aequae extraneorum loco fiunt et quantum ad naturalis parentis bona pertinet nihilo magis liberorum gradum nanciscuntur: quod ideo sic placuit, quia iniquum erat esse in potestate patris adoptivi, ad quos bona naturalis patris pertinerent, utrum ad
- 11 liberos eius an ad agnatos. Minus ergo iuris habent adoptivi quam naturales. namque naturales emancipati beneficio praetoris gradum liberorum retinent, licet iure civili perdunt: adoptivi vero emancipati et iure civili perdunt gradum liberorum et a praetore non adiuvantur³. et recte: naturalia enim iura civilis ratio peremere non potest nec, quia desinunt sui heredes esse, desinere possunt filii filiaeve aut nepotes neptesve esse: adoptivi vero emancipati extraneorum loco incipiunt esse, quia ius nomenque filii filiaeve, quod per adoptionem consecuti sunt,
- 12 alia civili ratione, id est emancipatione, perdunt. Eadem haec observantur et in ea bonorum possessione, quam contra tabulas testamenti parentis liberis praeteritis (id est neque heredibus institutis neque ut oportet exhereditatis) praetor pollicetur. nam eos quidem, qui in potestate parentis mortis tempore fuerunt, et emancipatos vocat praetor ad eam bonorum possessionem: eos vero, qui in adoptiva familia fuerunt per hoc tempus, quo naturalis parens moreretur, repellit. item adoptivos liberos emancipatos ab adoptivo patre sicut ab intestato, ita longe minus contra tabulas testamenti ad bona eius admittit, quia
- 13 desinunt in liberorum numero esse. Admonendi tamen sumus eos, qui in adoptiva familia sunt quive post mortem naturalis parentis ab adoptivo patre emancipati fuerint, intestato parente naturali mortuo licet ea parte edicti, qua liberi ad bonorum possessionem vocantur, non admittantur, alia tamen parte vocari, id est qua cognati defuncti vocantur. ex qua parte ita admittuntur, si neque sui heredes liberi neque emancipati

¹ sic B, in parte admittatur T ² ipso] P, ipso patre BT ³ adiuvantur] BΘ, adhibentur T

obstent neque adgnatus quidem ullus interveniat: ante enim praetor liberos vocat tam suos heredes quam emancipatos, deinde legitimos heredes, deinde proximos cognatos. ¹⁴ Sed ea omnia antiquitati quidem placuerunt: aliquam autem emendationem a nostra constitutione¹ acceperunt, quam super his personis posuimus, quae a patribus suis naturalibus in adoptionem aliis dantur. invenimus etenim nonnullos casus, in quibus filii et naturalium parentum successionem propter adoptionem amittebant et adoptione facile per emancipationem soluta ad neutrius patris successionem vocabantur. hoc solito more corrigentes constitutionem scripsimus, per quam definivimus, quando parens naturalis filium suum adoptandum alii dederit, integra omnia iura ita servari, atque si in patris naturalis potestate permansisset nec penitus adoptio fuerit² subsecuta: nisi in hoc tantummodo casu, ut possit ab intestato ad patris adoptivi venire successionem. testamento autem ab eo facto neque iure civili neque praetorio aliquid ex hereditate eius persequi potest neque contra tabulas bonorum possessione agnita neque inofficiosi querella instituta, cum nec necessitas patri adoptivo imponitur vel heredem eum instituere vel exheredatum facere utpote nullo naturali vinculo copulatum. neque si ex Afiniano³ senatus consulto ex tribus maribus fuerit adoptatus: nam et in huiusmodi casu neque quarta ei servatur nec ulla actio ad eius persecutionem ei competit. nostra autem constitutione exceptus est is, quem parens naturalis adoptandum suscepit: utroque enim iure tam naturali quam legitimo in hanc personam⁴ concurrente pristina iura tali adoptioni⁵ servavimus, quemadmodum si pater familias sese dederit adrogandum. quae specialiter et singillatim ex praefatae constitutionis tenore possunt colligi.

Item vetustas ex masculis progenitos plus diligens solos¹⁵ nepotes vel neptes, qui ex virili sexu descendunt, ad suorum vocabat successionem et iuri adgnatorum eos anteponebat: nepotes autem, qui ex filiabus nati sunt, et pronepotes ex neptibus cognatorum loco numerans post adgnatorum lineam eos vocabat tam in avi vel proavi materni quam in aviae vel proaviae sive paternae sive maternae successionem. divi autem principes⁶ non passi sunt talem contra naturam iniuriam sine competentem emendatione relinquere: sed cum nepotis et pro-

¹ Cod. 8, 47, 10 ² sic T, fuerat B ³ afiniano] B Cod. Θ (τὸ Afinianion δόγμα), afininiano W, papinianio E, sabiniano TC ⁴ sic B, hac persona TC ⁵ sic P cum Θ, adoptione BTC ⁶ Cod. 6, 55, 9

'nepotis nomen commune est utrisque¹, qui tam ex masculis
 'quam ex feminis descendunt, ideo eundem gradum et ordinem
 'successionis eis donaverunt: sed ut aliquid amplius sit eis, qui
 'non solum naturae, sed etiam veteris iuris suffragio muniuntur,
 'portionem nepotum et neptium vel deinceps, de quibus supra
 'diximus, paulo minuendam esse existimaverunt, ut minus ter-
 'tiam partem² acciperent, quam mater eorum vel avia fuerat
 'acceptura, vel pater eorum vel avus paternus sive maternus,
 'quando femina mortua sit, cuius de hereditate agitur, hisque,
 'licet³ soli sint, adeuntibus adgnatos minime vocabant. et quem-
 'admodum lex duodecim tabularum filio mortuo nepotes vel
 'neptes⁴ vel pronepotes et proneptes in locum patris sui ad⁵
 'successionem avi⁶ vocat: ita et principalis dispositio⁷ in locum
 'matris suae vel aviae eos cum iam designata partis tertiae
 16 'deminutione vocat. Sed nos, cum adhuc dubitatio manebat
 'inter adgnatos et memoratos nepotes, partem quartam defuncti
 'substantiae adgnatis sibi vindicantibus ex cuiusdam constitutio-
 'nis⁸ auctoritate, memoratam quidem constitutionem a nostro
 'codice segregavimus: neque inseri eam ex Theodosiano codice
 'in eo concessimus. nostra autem constitutione⁹ promulgata
 'toti iuri eius derogatum est: et sanximus talibus nepotibus ex
 'filia vel pronepotibus ex nepte et deinceps superstitibus ad-
 'gnatos nullam partem mortui successionis sibi vindicare, ne
 'hi, qui ex transversa linea veniunt, potiores his habeantur, qui
 'recto iure descendunt. quam constitutionem nostram optinere
 'secundum sui vigorem et tempora et nunc sancimus: ita tamen
 'ut¹⁰, quemadmodum inter filios et nepotes ex filio antiquitas
 'statuit non in capita sed in stirpes dividi hereditatem, similiter
 'nos inter filios et nepotes ex filia distributionem fieri iubemus,
 'vel inter omnes nepotes et neptes¹¹ et alias deinceps personas,
 'ut utraque progenies matris suae vel patris, aviae vel avi por-
 'tionem sine ulla deminutione consequantur, ut, si forte unus
 'vel duo ex una parte, ex altera tres aut quattuor extent, unus
 'aut duo dimidiam, alteri¹² tres aut quattuor alteram dimidiam
 'hereditatis habeant.

¹ sic C, utriusque BT^a ² sic TC, tertia parte B ³ hisque
 licet] C, his qui licet B, his qui licet si (si add. man. 2?) T^a, hisque
 scilicet T^b ⁴ nepotem vel nepotes BT^a, nepotes vel neptem C^a
⁵ ad] P, et B, et ad T ⁶ avi] B, avi sui T ⁷ Cod. 6, 55, 9 ⁸ non
 extat ⁹ Cod. 6, 55, 12 ¹⁰ ut del. Huschke ¹¹ omnes nepotes et
 neptes] WΘ, nepotes vel inter nepotes et neptes BT ¹² alteri] T, et B

II¹

DE LEGITIMA ADGNATORUM SUCCESSIONE.

Si nemo suus heres vel eorum, quos inter suos heredes praetor vel constitutiones vocant², extat et² successionem quoquo modo amplectatur³: tunc ex lege duodecim tabularum ad adgnatum proximum hereditas pertinet. Sunt autem adgnati, 1 ut primo quoque libro³ tradidimus, cognati per virilis sexus personas cognatione iuncti, quasi a patre cognati. ⁴itaque eodem patre nati fratres adgnati sibi sunt, qui et consanguinei vocantur, nec requiritur, an etiam eandem matrem habuerint. item patruus fratris filio et invicem is illi adgnatus est. eodem numero sunt fratres patruales, id est qui ex duobus fratribus procreati sunt, qui etiam consobrini vocantur. qua ratione etiam ad plures gradus adgnationis pervenire poterimus.⁴ hi quoque, qui post mortem patris nascuntur, nanciscuntur consanguinitatis iura. ⁵non tamen omnibus simul adgnatis dat⁵ lex hereditatem, sed his, qui tunc proximo gradu sunt, cum certum esse coeperit aliquem intestatum decessisse.⁶ Per adoptionem quoque adgnationis ius consistit, veluti inter filios naturales et eos quos pater eorum adoptavit (nec dubium est, quin proprie consanguinei appellentur): item si quis ex ceteris adgnatis tuis⁶, veluti frater aut patruus aut denique is qui longiore gradu est, aliquem adoptaverit, adgnatos inter suos⁷ esse non dubitatur. Ceterum inter masculos quidem adgnationis iure hereditas etiam 3 longissimo gradu ultro citroque capitur. quod ad feminas vero ita placebat, ut ipsae consanguinitatis iure tantum capiant hereditatem, si sorores sint, ulterius non capiant: masculi vero ad earum hereditates, etiam si longissimo gradu sint, admittantur. qua de causa fratris tui aut patrui tui filiae vel amitae tuae hereditas ad te pertinet⁸. tua vero ad illas non pertinebat. quod ideo ita constitutum erat, quia commodius videbatur⁹ ita iura constitui, ut plerumque hereditates ad masculos confluerent. sed quia sane iniquum erat in universum eas quasi extraneas repelli, praetor eas ad bonorum possessionem¹⁰ admittit¹¹ ea parte, qua proximitatis nomine bonorum possessionem pollicetur: ex qua parte ita

¹ Cf. Gai. 3, 9..16. 23..30 Dig. 38, 7. 16 Cod. 6, 15. 55 ² et] T, ut B ³ 1, 15, 1 ⁴ Gai. 3, 10 ⁵ Gai. 3, 11 ⁶ tuis] B, om. T ⁷ adgnatos (agnatus B) inter suos] BTPW⁶, agnatus suus W^a, ἀδυνατιὼν μεταξὺ ἡμῶν οὐκ ἴστανται Θ, secundum quem aut adgnatos vos aut adgnationem inter vos scr. ⁸ sic T, pertinebat B cum Θ ⁹ sic T, videbantur B ¹⁰ sic P, possessiones BT^a? ¹¹ sic T, admittebat B

scilicet admittuntur, si neque adgnatus ullus nec proximior cognatus interveniat. Et haec quidem lex duodecim tabularum nullo modo introduxit, sed simplicitatem legibus amicam amplexa simili modo omnes adgnatos sive masculos sive feminas cuiuscumque gradus ad similitudinem suorum invicem ad successionem vocabat: media autem iurisprudencia, quae erat lege quidem duodecim tabularum iunior, imperiali autem dispositione anterior, supilitate quadam excogitata praefatam differentiam inducebat et penitus eas a successione adgnatorum repellebat, omni alia successione incognita, donec praetores, paulatim asperitatem iuris civilis corrigentes sive quod deest adimplentes, humano proposito alium ordinem suis edictis addiderunt et cognationis linea proximitatis nomine introducta per bonorum possessionem eas adiuvant et pollicebantur his bonorum possessionem, quae unde cognati appellatur. Nos vero legem duodecim tabularum sequentes et eius vestigia in hac parte conservantes laudamus quidem praetores suae humanitatis, non tamen eos in plenum causae mederi invenimus: quare etenim uno eodemque gradu naturali concurrente et adgnationis titulis tam in masculis quam in feminis aequa lance constitutis masculis quidem dabatur ad successionem venire omnium adgnatorum, ex adgnatis autem mulieribus nullis penitus nisi soli sorori ad adgnatorum successionem patebat aditus? ideo in plenum omnia reducentes et ad ius duodecim tabularum eandem dispositionem exaequantem nostra constitutione¹ sanximus omnes legitimas personas, id est per virilem sexum descendentes, sive masculini sive feminini generis sunt, simili modo ad iura successionis legitimae ab intestato vocari secundum gradus sui praerogativam nec ideo excludendas, quia consanguinitatis iura sicuti germanae non habent. Hoc etiam addendum nostrae constitutioni existimavimus, ut transferatur unus tantummodo gradus a iure cognationis in legitimam successionem, ut non solum fratris filius et filia secundum quod iam definivimus ad successionem patris sui vocentur, sed etiam germanae consanguineae vel sororis uterinae filius et filia soli et non deinceps personae una cum his ad iura avunculi sui perveniant et mortuo eo, qui patruus quidem est fratris sui filiis², avunculus autem sororis suae suboli³, simili modo ab utroque latere succedant, tamquam si omnes ex masculis descendentes legitimo iure veniant, scilicet ubi frater et soror

¹ Cod. 6, 58, 14, ubi § 3 fin. et § 4 ad verbum redeunt ² filii BT
³ soboles BT⁶

superstites non sunt (his etenim personis praecedentibus et successionem admittentibus ceteri gradus remanent penitus semoti): videlicet hereditate non ad¹ stirpes, sed in capita dividenda.

Si plures sint gradus adgnatorum, aperte lex duodecim tabularum proximum vocat: itaque si verbi gratia sit frater defuncti et alterius fratris filius aut patruus, frater potior habetur, et quamvis singulari numero usa lex proximum vocet, tamen dubium non est, quin et, si plures sint eiusdem gradus, omnes admittantur: nam et proprie proximus ex pluribus gradibus intellegitur et tamen dubium non est, quin, licet unus sit gradus adgnatorum, pertineat ad eos hereditas. Proximus autem, si quidem nullo testamento facto quisque decesserit, per hoc tempus requiritur, quo mortuus est is cuius de hereditate quaeritur. quod si facto testamento quisquam decesserit, per hoc tempus requiritur, quo certum esse coeperit nullum ex testamento heredem extaturum: tum enim proprie quisque intellegitur intestatus² decessisse. quod quidem aliquando longo tempore declaratur: in quo spatio temporis saepe accidit, ut proximior mortuo proximus esse incipiat, qui moriente testatore non erat proximus. Placebat autem in eo genere percipiendarum hereditatum successionem non esse, id est ut, quamvis proximus, qui secundum ea quae diximus vocatur ad hereditatem, aut spreverit hereditatem aut antequam adeat decesserit, nihilo magis legitimo iure sequentes admittuntur. quod iterum praetores imperfecto iure corrigentes non in totum sine adminiculo relinquebant, sed ex cognatorum ordine eos vocabant, utpote adgnationis iure eis recluso. sed nos nihil deesse perfectissimo iuri cupientes nostra constitutione³ sanximus, quam de iure patronatus humanitate suggerente protulimus, successionem in adgnatorum hereditatibus non esse eis denegandam, cum satis absurdum erat, quod cognatis a praetore apertum est, hoc adgnatis esse reclusum, maxime cum in onere quidem tutelarum et primo gradu deficiente sequens succedit et, quod in onere optinebat, non erat in lucro permissum.

Ad legitimam successionem nihilo minus vocatur etiam parens, qui contracta fiducia filium vel filiam, nepotem vel neptem ac deinceps emancipat. quod ex nostra constitutione⁴ omnimodo inducitur, ut emancipationes liberorum semper videantur contracta fiducia fieri, cum apud antiquos non aliter hoc optinebat, nisi specialiter contracta fiducia parens manumisisset.

¹ ad] *TE*, in *B* ² sic *BΘ*, intestato *T* ³ *Cod.* 6,4,4 § 20 ⁴ *Cod.* 8, 48, 6

III¹

DE SENATUS CONSULTO TERTULLIANO.

'Lex duodecim tabularum ita stricto iure utebatur et prae-
 'ponebat masculorum progeniem et eos', ²'qui per feminini
 sexus necessitudinem sibi iunguntur, adeo 'expellebat', ut ne
 'quidem inter matrem et filium filiamve ultro citroque here-
 'ditatis capiendae ius' 'daret, nisi quod praetores ex proximitate
 'cognatorum eas personas ad successionem bonorum possessione
 1 'unde cognati accommodata vocabant.' ²'Sed hae iuris 'an-
 gustiae postea' emendatae sunt.' et primus quidem divus
 Claudius matri ad solacium liberorum amissionum legitimam
 2 eorum detulit hereditatem. Postea autem senatus consulto
 Tertulliano, quod divi Hadriani temporibus factum est, 'plenis-
 'sime de tristi³ successione matri, non etiam aviae deferenda'
 cautum est: ut mater ingenua trium liberorum ius habens,
 libertina quattuor ad bona filiorum filiarumve admittatur testa-
 torum mortuorum, licet in potestate parentis est, ut scilicet,
 cum alieno iuri subiecta est, iussu eius adeat, cuius iuri subiecta
 3 est. Praeferuntur autem matri liberi defuncti, qui sui sunt
 quive⁴ suorum loco, sive primi gradus sive ulterioris. 'sed et
 'filiae suae mortuae filius vel filia opponitur ex constitutionibus
 'matri defunctae, id est aviae suae.' pater quoque utriusque,
 non etiam avus vel proavus matri antepositur, scilicet cum
 inter eos solos de hereditate agitur. frater autem consanguineus
 tam filii quàm filiae excludebat matrem: soror autem consan-
 guinea pariter cum matre admittebatur: sed si fuerat frater et
 soror consanguinei et mater liberis honorata, frater quidem
 matrem excludebat, communis autem erat hereditas ex aequis
 4 partibus fratri et sorori. 'Sed nos constitutione⁵, quam in
 'codice nostro nomine decorato posuimus, matri subveniendum
 'esse existimavimus, respicientes ad naturam et puerperium et
 'periculum et saepe mortem ex hoc casu matribus illatam.
 'ideoque impium esse credidimus casum fortuitum in eius ad-
 'mitti detrimentum: si enim ingenua ter vel libertina quater
 'non peperit⁶, immerito defraudabatur successione suorum
 'liberorum: quid enim peccavit, si non plures, sed paucos
 'pepererit? et dedimus ius legitimum plenum matribus sive inge-
 'nuis sive libertinis, etsi non ter enixae fuerint vel quater, sed

¹ Cf. *Gai.* 3, 24. 33 *Dig.* 38, 17 *Cod.* 6, 56 ² *Gai.* 3, 24. 25 ³ de
 tristi] *P.*, det iusti *B.*, ex tristi *T.* ⁴ quive] *T.*, sive *B.* ⁵ *Cod.* 8, 58, 2
⁶ sic *P.*, pepererit *BT*

'eum tantum vel eam, qui quaeve morte intercepti sunt, ut et
 'sic vocentur in liberorum suorum legitimam successionem.
 'Sed cum antea constitutiones iura legitima perscrutantes partim 5
 'matrem adiuvabant, partim eam praegravabant et non in soli-
 'dum eam vocabant, sed in quibusdam casibus tertiam partem
 'ei abstrahentes certis legitimis dabant personis, in aliis autem
 'contrarium faciebant: nobis¹ visum est recta et simplici via
 'matrem omnibus legitimis personis anteponi et sine ulla
 'deminutione filiorum suorum successionem accipere, excepta
 'fratris et sororis persona, sive consanguinei sint sive sola
 'cognitionis iura habentes, ut quemadmodum eam toto alio
 'ordini legitimo praeposimus, ita omnes fratres et sorores,
 'sive legitimi sint sive non, ad capiendas hereditates simul
 'vocemus, ita tamen ut, si quidem solae sorores cognatae vel
 'adgnatae et mater defuncti vel defunctae supersint, dimidiam
 'quidem mater, alteram vero dimidiam partem omnes sorores
 'habeant, si vero matre superstite et fratre vel fratribus solis
 'vel etiam cum sororibus sive legitima sive sola cognitionis iura
 'habentibus intestatus quis vel intestata moriatur, in capita distri-
 'buatur eius hereditas. Sed quemadmodum nos matribus pro- 6
 'speximus, ita eas oportet suae suboli consulere: scituris eis,
 'quod, si tutores liberis non petierint vel in locum remoti vel
 'excusati intra annum petere neglexerint, ab eorum impuberum
 'morientium successione merito repellentur.' Licet autem vulgo 7
 quaesitus sit filius filiae, potest ad bona eius mater ex Ter-
 tulliano senatus consulto admitti.

IV²

DE SENATUS CONSULTO ORFITIANO.

Per contrarium autem ut liberi ad bona matrum intestatarum
 admittantur³, senatus consulto Orfitiano effectum est, quod latum
 est⁴ Orfito et Rufo consulibus⁵, divi Marci temporibus. et data
 est tam filio quam filiae legitima hereditas, etiamsi alieno iuri
 subiecti sunt: et praeferuntur et consanguineis et adgnatis
 defunctae matris. 'Sed cum ex hoc senatus consulto nepotes 1
 'ad aviae successionem legitimo iure non vocabantur, postea
 'hoc constitutionibus principalibus⁶ emendatum est, ut ad simili-

¹ *Cod.* 6, 56, 7 ² *Cf. Dig.* 38, 17 *Cod.* 6, 57 ³ ut lib. . . . admit-
 tantur] *B*, lib. . . . admittantur *T* ⁴ anno p. Chr. 178 ⁵ effectum . . .
 consulibus] *Russardus cum G*, quod orphito et rufo cons. eff. est quod
 latum est *BT* ⁶ *Cod.* 6, 55, 9

- ‘tudinem filiorum filiarumque et nepotes et neptes vocentur.’
- 2 Sciendum autem est huiusmodi successiones, quae a Tertulliano et Orfitiano deferuntur, capitis deminutione non peremi propter illam regulam, qua novae hereditates legitimae capitis deminutione non pereunt, sed illae solae quae ex lege duodecim
- 3 tabularum deferuntur. Novissime sciendum est etiam illos liberos, qui vulgo quaesiti sunt, ad matris hereditatem ex hoc senatus consulto admitti.
- 4 ¹Si ex pluribus legitimis heredibus quidam omiserint hereditatem vel morte vel alia causa impediti fuerint quominus adeant, reliquis qui adierint adcrescit illorum portio et, licet ante decesserint qui adierint, ad heredes tamen eorum pertinet.

V²

DE SUCCESSIONE COGNATORUM.

- Post suos heredes eosque, quos inter suos heredes praetor ‘et constitutiones’ vocant, et post legitimos (‘quo numero sunt adgnati et hi, quos in locum adgnatorum tam supra dicta senatus consulta quam nostra erexit constitutio’³) proximos cognatos praetor vocat. Qua parte naturalis cognatio spectatur. nam adgnati capite deminuti quique ex his progeniti sunt ex lege duodecim tabularum inter legitimos non habentur, sed a praetore tertio ordine vocantur, ‘exceptis solis tantummodo fratre et sorore emancipatis, non etiam liberis eorum, quos lex Anastasiana⁴ cum fratribus integri iuris constitutis vocat quidem ad legitimam fratris hereditatem sive sororis, non aequis tamen partibus, sed cum aliqua deminutione, quam facile est ex ipsius constitutionis verbis colligere, aliis vero adgnatis inferioris gradus, licet capitis deminutionem passi non sunt, tamen eos ante-
- 2 (1) ‘ponit et procul dubio cognatis.’ Hos etiam, qui per feminini sexus personas ex transverso cognatione iunguntur, tertio gradu
- 3 (2) proximitatis nomine praetor ad successionem vocat. ⁵‘Liberi quoque, qui in adoptiva familia sunt, ad naturalium parentum
- 4 (3) ‘hereditatem hoc eodem gradu vocantur.’ Vulgo quaesitos nullum habere adgnatum manifestum est, cum adgnatio a patre, cognatio sit a matre, hi autem nullum patrem habere intelliguntur. eadem ratione nec inter se quidem possunt videri consanguinei esse, quia consanguinitatis ius species est adgnationis:

¹ § 4 ex Marciani l. 5 inst. (Dig. 38, 16, 9) ² Cf. Gai. 3, 21. 24. 27. 31 Dig. 38, 8 Cod. 6, 15 ³ 3, 2, 4 ⁴ in Cod. repet. praelect. recepta non est: cf. ad Cod. 5, 70, 5 ⁵ Gai. 3, 31

tantum igitur cognati sunt sibi, sicut et matris cognatis¹. itaque omnibus istis ea parte competit bonorum possessio, qua proximitatis nomine cognati vocantur. Hoc loco et illud necessario admonendi sumus adgnationis quidem iure admitti aliquem ad hereditatem et si decimo gradu sit, sive de lege duodecim tabularum quaeramus, sive de edicto, quo praetor legitimis heredibus daturum se bonorum possessionem pollicetur. proximitatis vero nomine his solis praetor promittit bonorum possessionem, qui usque ad sextum gradum cognationis sunt, et ex septimo a sobrino sobrinaque nato natae². 5 (4)

VI³

DE GRADIBUS COGNATIONIS.

Hoc loco necessarium est exponere, quemadmodum gradus cognationis numerentur. qua in re inprimis admonendi sumus cognationem aliam supra numerari, aliam infra, aliam ex transverso, quae etiam a⁴ latere dicitur. superior cognatio est parentium, inferior liberorum, ex transverso fratrum sororumve eorumque, qui ex his progenerantur, et convenienter patrii amitae avunculi materterae. et superior quidem et inferior cognatio a primo gradu incipit: at ea, quae ex transverso numeratur, a secundo. ⁵Primo gradu est supra pater mater, infra filius 1 filia. Secundo supra avus avia, infra nepos neptis, ex trans- 2 verso frater soror. Tertio supra proavus proavia, infra prone- 3 pos proneptis, ex transverso fratris sororisque filius filia et convenienter patruus amita avunculus matertera. patruus est patris frater, qui Graece *πάτερως* vocatur: avunculus est matris frater, qui apud Graecos proprie *μῆτρως* appellatur: et promiscue *θεῖος* dicitur. amita est patris soror, matertera vero matris soror: utraque *θελα* vel apud quosdam *τηθίς* appellatur. Quarto gradu 4 supra abavus abavia, infra abnepos abneptis, ex transverso fratris sororisque nepos neptis et convenienter patruus magnus amita magna (id est avi frater et soror), item avunculus magnus matertera magna (id est aviae frater et soror), consobrinus consobrina (id est qui quaeve ex fratribus aut sororibus progenerantur). sed quidam recte consobrinos eos proprie putant dici, qui ex duobus sororibus progenerantur, quasi consororinos: eos vero, qui ex duobus fratribus progenerantur, proprie fratres

¹ sic BΘ, cognati sunt T ² natae libri ³ Cf. Dig. 38, 10
⁴ a] BT¹, ex AT² ⁵ § 1..5 similes Dig. 38, 10, 1 § 3..7 (Gai. l. 8 ad ed. prov.)

- patruales vocari (si autem ex duobus fratribus filiae nascentur, sorores patruales appellantur): at eos, qui ex fratre et sorore propagantur, amitinos proprie dici (amitae tuae filii consobrinum te appellant, tu illos amitinos). Quinto supra atavus atavia, infra adnepos adneptis, ex transverso fratris sororisque pronepos proneptis et convenienter propatruus proamita (id est proavi frater et soror), proavunculus promatertera (id est proaviae frater et soror), item fratris patruelis sororis patruelis, consobrini et consobrinae, amitini amitinae filius filia, proprior¹ sobrinus² sobrina (hi sunt patruis magni amitae magnae avunculi magni materterae magnae filius filia). ³Sexto gradu sunt supra tritavus tritavia, infra trinepos trineptis, ex transverso fratris sororisque abnepos abneptis et convenienter abpatruus abamita (id est abavi frater et soror) abavunculus abmatertera (id est abaviae frater et soror), ⁴item sobrini sobrinaeque⁵ (id est qui quaeve ex fratribus vel sororibus patruelibus vel consobrinis vel amitinis progenerantur). Hactenus ostendisse sufficet, quemadmodum gradus cognationis numerentur. namque ex his palam est intellegere, quemadmodum ulterius quoque gradus numerare debemus: quippe semper generata quaeque persona gradum adiciat, ut longe facilius sit respondere, quoto quisque gradu sit, quam propria cognationis appellatione quemquam denotare. Ad ⁶gnationis quoque gradus eodem modo numerantur. Sed cum magis veritas oculata fide quam per aures animis hominum infigitur, ideo necessarium duximus post narrationem graduum etiam eos praesenti libro inscribi, quatenus possint et auribus et inspectione adulescentes perfectissimam graduum doctrinam adipisci⁶.
- 10 ⁷Illud certum est ad serviles cognationes illam partem edicti, qua proximitatis nomine bonorum possessio promittitur, non pertinere: nam nec ulla antiqua lege talis cognatio computabatur. ⁸sed nostra constitutione⁸, quam pro iure patronatus

¹ sic libri Θ et in Dig. F¹, proprior Dig. F² ² sic BTΘ sobrinio ADig. ³ § 6 similis Dig. 38, 10, 3 pr. (Gai. l. c.) ⁴ sic libri cum Θ: item patruis magni amitae magnae avunculi magni materterae magnae nepos neptis, item fratris patruelis sororis patruelis consobrini consobrinae amitini amitinae nepos neptis, propatruis proamitae proavunculi promaterterae filius filia ins. Dig. ⁵ sic BT cum Dig., consobrini consobrinaeque A cum Paulo 4, 11, 6 et Θ ⁶ stemma cognationum libri boni omittunt, dett. alii alia proferunt. id quod ex A¹ edidit Conrat Geschichte der Quellen des Röm. Rechts I p. 634, ab A olim afuisse videtur testibus libris optimis A^u A^g ⁷ rubricam h. l. dett. inserunt de servili cognatione ⁸ Cod. 6, 4, 4 § 10. 11

fecimus (quod ius usque ad nostra tempora satis obscurum atque nube plenum et undique confusum fuerat) et hoc humanitate suggerente concessimus, ut si quis in servili consortio constitutus liberum vel liberos habuerit sive ex libera sive servilis condicionis muliere, vel contra serva mulier ex libero vel servo habuerit liberos cuiuscumque sexus, et ad libertatem his pervenientibus et hi, qui ex servili ventre nati sunt, libertatem meruerunt, vel dum mulieres liberae erant, ipsi in servitum eos habuerunt¹ et postea ad libertatem pervenerunt, ut hi omnes ad successionem vel patris vel matris veniant, patronatus iure in hac parte sopito: hos enim liberos non solum in suorum parentum successionem, sed etiam alterum in alterius mutuam successionem vocavimus, ex illa lege specialiter eos vocantes, sive soli inveniantur qui in servitute nati et postea manumissi sunt, sive una cum aliis, qui post libertatem parentum concepti sunt sive ex eadem matre vel eodem patre sive ex aliis nuptiis, ad similitudinem eorum qui ex iustis nuptiis procreati sunt.

Repetitis itaque omnibus quae iam tradidimus apparet non 11 semper eos, qui parem gradum cognationis optinent, pariter vocari eoque amplius nec eum quidem, qui proximior sit cognatus, semper potiolem esse. cum enim prima causa sit suorum heredum quosque inter suos heredes iam enumeravimus, apparet pronepotelem vel abnepotelem defuncti potiolem esse quam fratrem aut patrem matremque defuncti, cum alioquin pater quidem et mater, ut supra quoque tradidimus, primum gradum cognationis optineant, frater vero secundum, pronepos autem tertio gradu sit cognatus et abnepos quarto: nec interest, in potestate morientis fuerit an non fuerit, quod vel emancipatus vel ex emancipato aut ex feminino sexu propagatus est. Amotis 12 quoque suis heredibus quosque inter suos heredes vocari diximus², adgnatus, qui integrum ius adgnationis habet, etiamsi longissimo gradu sit, plerumque³ potior habetur quam proximior cognatus: nam patrui nepos vel pronepos avunculo vel materae praefertur. totiens igitur dicimus aut potiolem haberi eum qui proximiolem gradum cognationis optinet, aut pariter vocari eos qui cognati sint, quotiens neque suorum heredum iure quique inter suos heredes sunt neque adgnationis iure aliquis praeferrí debeat secundum ea quae³ tradidimus, exceptis

¹ eos habuerunt] abierunt *Mommsen* ² 3, 1, 2^a ³ ea quae] *B*, id quod iam *T*

‘fratre et sorore emancipatis, qui ad successionem fratrum vel
‘sororum vocantur, qui etsi capite deminuti sunt, tamen prae-
‘feruntur ceteris ulterioris gradus adgnatis’.

VII¹

DE SUCCESSIONE LIBERTORUM.

² Nunc de libertorum bonis videamus. olim itaque licebat
liberto patronum suum impune testamento praeterire: nam ita
demum lex duodecim tabularum ad hereditatem liberti vocabat
patronum, si intestatus mortuus esset libertus nullo suo herede
relicto. itaque intestato quoque mortuo liberto, si is suum
heredem reliquisset, nihil in bonis eius patrono ius erat. et
si quidem ex naturalibus liberis aliquem suum heredem reli-
quisset, nulla videbatur querella: si vero adoptivus filius esset³,
1 aperte iniquum erat nihil iuris patrono superesse. ²Qua de
causa postea praetoris edicto haec iuris iniquitas emendata est.
sive enim faciebat testamentum libertus, iubebatur ita testari,
ut patrono partem dimidiam bonorum suorum relinqueret: et
si aut nihil aut minus partis dimidia relinquerat, dabatur pa-
trono contra tabulas testamenti partis dimidia bonorum pos-
sessio. si vero⁴ intestatus moriebatur suo herede relicto filio
adoptivo, dabatur aequae patrono contra hunc suum heredem
partis dimidia bonorum possessio. prodesse autem liberto
‘solebant’ ad excludendum patronum naturales liberi, non solum
quos in potestate mortis tempore habebat, sed etiam emanci-
pati et in adoptionem dati, si modo ex aliqua parte heredes
scripti erant aut praeteriti contra tabulas bonorum possessionem
ex edicto petierant: nam exheredati nullo modo repellebant
2 patronum. ²Postea lege Papia adaucta sunt iura patronorum,
‘qui’ locupletiores libertos ‘habebant’. cautum est enim, ut
ex bonis eius, qui sestertiorum centum milium patrimonium
reliquerit et pauciores quam tres liberos habebat, sive is testa-
mento facto sive intestato mortuus erat, virilis pars patrono
debeatur. itaque cum unum filium filiamve heredem reliquerit
libertus, perinde pars dimidia patrono debeatur, ac si is sine
ullo filio filiave⁵ ‘decessisset’: cum duos duasve heredes re-
liquerat, tertia pars debeatur patrono: si tres reliquerat, repelle-
3 batur patronus.¹ ‘Sed nostra constitutio’⁶, quam pro omnium

¹ Cf. *Gai.* 3, 39 .. 76 *Dig.* 38, 2 *Cod.* 6, 4, 13 ² *Gai.* 3, 39 .. 42
³ esset] *TGai.*, fuisset *B* ⁴ si vero] *TGai.* Θ, sive *B* ⁵ sic scripsi
cum *Gaio* et Θ, testatus *ins.* *B*, intestatus *ins.* *T* ⁶ *Cod.* 6, 4, 4

notione Graeca lingua compendioso tractatu habito composuimus, ita huiusmodi causas definivit, ut si quidem libertus vel liberta minores centenariis¹ sint, id est minus centum aureis habeant substantiam (sic enim legis Papiae summam interpretati sumus, ut pro mille sestertiis unus aureus computetur), nullum locum habeat patronus in eorum successionem, si tamen testamentum fecerint. sin autem intestati decesserint nullo liberorum relicto, tunc patronatus ius, quod erat ex lege duodecim tabularum, integrum reservavit. cum vero maiores centenariis sint, si heredes vel bonorum possessores liberos habeant sive unum sive plures cuiuscumque sexus vel gradus, ad eos successionem parentum deduximus, omnibus patronis una cum sua progenie semotis. sin autem sine liberis decesserint, si quidem intestati, ad omnem hereditatem patronos patronasque vocavimus: si vero testamentum quidem fecerint, patronos autem vel patronas praeterierint, cum nullos liberos haberent vel habentes eos exheredaverint, vel mater sive avus maternus eos praeterierit, ita ut non possint argui inofficiosa eorum testamenta: tunc ex nostra constitutione per bonorum possessionem contra tabulas non dimidiam, ut ante, sed tertiam partem bonorum liberti consequantur, vel quod deest eis ex constitutione nostra repleatur, si quando minus tertia parte bonorum suorum libertus vel liberta eis reliquerint, ita sine onere, ut nec liberis liberti libertaevae ex ea parte legata vel fideicommissa praestentur, sed ad coheredes hoc onus redundaret: multis aliis casibus a nobis in praefata constitutione congregatis, quos necessarios esse ad huiusmodi iuris dispositionem perspeximus: ut tam patroni patronaeque quam liberi eorum nec non qui ex transverso latere veniunt usque ad quintum gradum ad successionem libertorum vocentur, sicut ex ea constitutione intellegendum est: ut si eiusdem patroni vel patronae vel duorum duarum pluriumve sint liberi, qui proximior est, ad liberti seu libertae vocetur successionem et in capita, non in stirpes dividatur successio, eodem modo et in his qui ex transverso latere veniunt servando. paene enim consonantia iura ingenuitatis et libertinitatis in successione fecimus. Sed haec de his libertinis hodie dicenda sunt, qui in civitatem Romanam pervenerunt, cum nec sunt alii liberti simul et dediticii et Latinis sublati, cum Latinorum legitimae successiones nullae penitus erant, qui² licet ut liberi vitam suam peragebant, attamen ipso ultimo spiritu simul animam

¹ centenarii *BT* ² qui] *T*, quia *B*

atque libertatem amittebant, et quasi servorum ita bona eorum iure quodammodo peculii ex lege lunia manumissores detinebant. postea vero senatus consulto Largiano cautum fuerat, ut liberi manumissoris non nominatim exheredati facti extraneis heredibus eorum in bonis Latinorum praeponerentur. quibus supervenit etiam divi Traiani edictum, quod eundem hominem, si invito vel ignorante patrono ad civitatem venire ex beneficio principis festinavit, faciebat vivum quidem civem Romanum, Latinum autem morientem. sed nostra constitutione¹ propter huiusmodi condicionum vices et alias difficultates cum ipsis Latinis etiam legem luniam et senatus consultum Largianum et edictum divi Traiani in perpetuum deleri censuimus, ut omnes liberti civitate Romana fruantur, et mirabili modo quibusdam adiectionibus ipsas vias, quae in Latinitatem ducebant, ad civitatem Romanam capiendam transposuimus.²

VIII²

DE ADSIGNATIONE LIBERTORUM.

In summa quod ad bona libertorum admonendi sumus senatum censuisse, ut quamvis ad omnes patroni liberos, qui eiusdem gradus sint, aequaliter bona libertorum pertineant, tamen liceret³ parenti uni ex liberis adsignare libertum, ut post mortem eius solus is patronus habeatur, cui adsignatus est, et ceteri liberi, qui ipsi quoque ad eadem bona nulla adsignatione interveniente pariter admitterentur, nihil iuris in his bonis habeant. sed ita demum pristinum ius recipiunt, si is cui adsignatus est decesserit nullis liberis relictis. Nec tantum libertum, sed etiam libertam, et non tantum filio nepotive, sed etiam filiae neptive adsignare permittitur. Datur autem haec adsignandi facultas ei, qui duos pluresve liberos in potestate habebit, ut eis, quos in potestate habet, adsignare ei⁴ libertum libertamve liceat. unde quaerebatur, si eum cui adsignaverit postea emancipaverit, num evanescat adsignatio? sed placuit evanescere, quod et Iuliano et aliis plerisque visum est. Nec interest, testamento quis adsignet an sine testamento: sed etiam quibuscumque verbis hoc patronis permittitur facere ex ipso senatus consulto, quod Claudianis temporibus factum est Suillo Rufo et Ostorio Scapula consulibus⁵.

¹ Cod. 7, 6, 1² Cf. Dig. 38, 4³ sic T, licere B⁴ ei om. T⁵ inter a. p. Chr. 41—47

IX¹

DE BONORUM POSSESSIONIBUS.

Ius bonorum possessionis introductum est a praetore emendandi veteris iuris gratia. nec solum in intestatorum hereditatibus vetus ius eo modo praetor emendavit, sicut supra dictum est, sed in eorum quoque, qui testamento facto decesserint. nam si alienus postumus heres fuerit institutus, quamvis hereditatem iure civili adire non poterat, cum institutio non valebat, honorario tamen iure bonorum possessor efficiebatur, ²vide licet cum a praetore adiuvabatur: sed et hic a² nostra constitutione³ hodie recte heres instituitur, quasi et iure civili non incognitus.⁴ Aliquando tamen neque emendandi neque impugnandi veteris iuris, sed magis confirmandi gratia pollicetur bonorum possessionem. nam illis quoque, qui recte facto testamento heredes instituti sunt, dat secundum tabulas bonorum possessionem: item ab intestato suos heredes et agnatos ad bonorum possessionem vocat: ⁵sed et remota quoque bonorum possessione ad eos hereditas pertinet iure civili. Quos² autem praetor solus vocat ad hereditatem, heredes quidem ipso iure non fiunt (nam praetor heredem facere non potest: per legem enim tantum vel similem iuris constitutionem heredes fiunt, veluti per senatus consultum et constitutiones principales): sed cum eis praetor dat bonorum possessionem, loco heredum constituuntur et vocantur bonorum possessores. adhuc autem et alios complures gradus praetor fecit in bonorum possessionibus dandis, dum id agebat, ne quis sine successore moriatur. nam angustissimis finibus constitutum per legem duodecim tabularum ius percipiendarum hereditatum praetor ex bono et aequo dilatavit.⁶ Sunt autem bonorum possessiones³ ex testamento quidem hae. prima, quae praeteritis liberis datur vocaturque contra tabulas. secunda, quam omnibus iure scriptis heredibus praetor pollicetur ideoque vocatur secundum tabulas. et cum de testamentis prius locutus est, ad intestatos transitum fecit. et primo loco suis heredibus et his, qui ex edicto praetoris suis connumerantur, dat bonorum possessionem quae vocatur unde liberi: secundo legitimis heredibus: tertio decem personis, quas extraneo manumissori praeferebat (sunt autem decem personae hae: pater mater, avus avia tam paterni quam materni, item filius filia, nepos neptis tam ex filio quam ex filia, frater

¹ Cf. *Gai.* 3, 25..38 *Dig.* 37, 1..13 *Cod.* 6, 9..20 ² *scr. e* ³ *Cod.* 6, 48, 1 ⁴ *Gai.* 3, 83^b? 34 ⁵ *Gai.* 3, 32. 33

- soror sive consanguinei sive uterini): quarto cognatis proximis: quinto tum quam¹ ex familia: sexto patrono et patronae liberisque eorum et parentibus: septimo viro et uxori: octavo
- 4 cognatis manumissoris. "Sed eas quidem praetoria induxit iurisdicio. nobis tamen nihil incuriosum praetermissum est, sed nostris constitutionibus omnia corrigentes contra tabulas quidem et secundum tabulas bonorum possessiones adimisimus utpote necessarias constitutas, nec non ab intestato unde liberi
- 5 "et unde legitimi bonorum possessiones. Quae autem in praetoris edicto quinto loco posita fuerat, id est unde decem personae, eam pio proposito et compendioso sermone supervacuum ostendimus: cum enim praefata bonorum possessio decem personas praeponere extraneo manumissori, nostra constitutio², quam de emancipatione liberorum fecimus, omnibus parentibus eisdemque manumissoribus contracta fiducia manumissionem facere dedit, ut ipsa manumissio eorum hoc in se habeat privilegium et supervacua fiat praedicta bonorum possessio. sublata igitur praefata quinta bonorum possessione in gradum
- 6 (5) "eius sextam antea bonorum possessionem reduximus et quintam fecimus, quam praetor proximis cognatis pollicetur. Cumque antea septimo loco fuerat bonorum possessio, tum quam³ ex familia et octavo unde liberi patroni patronaeque et parentes eorum, utramque per constitutionem nostram⁴, quam de iure patronatus fecimus, penitus vacuavimus: cum enim ad similitudinem successionis ingenuorum libertinorum successiones posuimus, quas usque ad quintum tantummodo gradum coartavimus, ut sit aliqua inter ingenuos et libertos differentia, sufficiunt⁵ eis tam contra tabulas bonorum possessio quam unde legitimi et unde cognati, ex quibus possint sua iura vindicare, omni scrupulositate et inextricabili errore duarum
- 7 (6) "istarum bonorum possessionum resoluta. Aliam vero bonorum possessionem, quae unde vir et uxor appellatur et nono loco inter veteres bonorum possessiones posita fuerat, et in suo vigore servavimus et altiore loco, id est sexto, eam posuimus, decima veteri bonorum possessione quae erat unde cognati manumissoris propter causas enarratas merito sublata: ut sextantummodo bonorum possessiones ordinariae permaneant suo
- 8 (7) "vigore pollentes. Septima eas secuta, quam optima ratione praetores introduxerunt. novissime enim promittitur edicto his etiam bonorum possessio, quibus ut detur lege vel senatus

¹ tum quam] *Θ*, tunc qua *B*, qua *T* ² *Cod.* 8, 58, 6 ³ tum quam] *Θ*, tum qua *B*, qua *T* ⁴ *Cod.* 6, 4, 4 ⁵ sic *B*, sufficit *T*

consulto vel constitutione comprehensum est, quam neque bonorum possessionibus quae ab intestato veniunt neque eis quae ex testamento sunt praetor stabili iure connumeravit, sed quasi ultimum et extraordinarium auxilium, prout res exigit, accom- modavit scilicet his, qui ex legibus senatus consultis constitu- tionibus principum ex novo iure vel ex testamento vel ab intestato veniunt.>

Cum igitur plures species successionum praetor introduxisset 9 (8) easque per ordinem disposuisset et in unaquaque specie suc- cessionis saepe plures extent dispari gradu personae: ne actiones creditorum differantur, sed haberent quos convenirent, et ne facile in possessionem bonorum defuncti mittantur et eo modo sibi consulere, ideo petendae bonorum possessioni certum tempus praefinivit. liberis itaque et parentibus tam naturalibus (9) quam adoptivis in petenda bonorum possessione anni¹ spatium, ceteris² centum dierum dedit. Et si intra hoc tempus aliquis 10 bonorum possessionem non petierit, eiusdem gradus personis adcrecit: vel si nemo sit, deinceps ceteris proinde bonorum possessionem ex successorio edicto pollicetur, ac si is qui praecedebat ex eo numero non esset. si quis itaque delatam sibi bonorum possessionem repudiaverit, non quousque tempus bonorum possessioni praefinitum excesserit expectatur, sed statim ceteri ex eodem edicto admittuntur. In petenda autem bonorum 11 possessione dies utiles singuli considerantur. Sed bene ante- riores principes et huic causae providerunt, ne quis pro petenda 12 bonorum possessione curet, sed, quocumque modo si admitten- tis eam indicium intra statuta tamen tempora ostenderit, plenum habeat earum³ beneficium.>

X⁴

DE ADQUISITIONE PER ADROGATIONEM.

⁵Est et alterius generis per universitatem successio, quae neque lege duodecim tabularum neque praetoris edicto, sed eo iure, quod consensu receptum est, introducta est. ⁶Ecce 1 enim cum pater familias sese in adrogationem dat, omnes res eius corporales et incorporales quaeque ei debitae sunt adrogatori ante quidem pleno iure acquirebantur. exceptis his quae per capitis deminutionem pereunt, quales sunt operarum obligationes⁷ et ius adgnationis. usus etenim et usus

¹ sic B, annum T ² autem ins. T ³ eius veritū Θ ⁴ Cf. Gai. 3, 82..84 ⁵ Gai. 3, 82 ⁶ Gai. 3, 83

- fructus, licet his antea connumerabantur, attamen capitis de-
 2 minutione minima eos tolli nostra prohibuit constitutio¹. Nunc
 autem nos eandem adquisitionem, quae per adrogationem fiebat,
 coartavimus² ad similitudinem naturalium parentum: nihil
 etenim aliud nisi tantummodo usus fructus tam naturalibus
 patribus quam adoptivis per filios familias acquiritur in his
 rebus quae extrinsecus filiis obveniunt, dominio eis integro
 servato: mortuo autem filio adrogato in adoptiva familia etiam
 dominium eius ad adroгатorem transit³, nisi supersint aliae
 personae, quae ex nostra constitutione⁴ patrem in his quae
 3 adquiri non possunt antecedunt. Sed⁵ ex diverso 'pro eo',
 quod is debuit qui se in adoptionem dedit', ipso quidem iure
 adrogator non tenetur, sed nomine filii convenietur et, si
 noluerit eum defendere, permittitur creditoribus per competentes
 nostros magistratus bona, quae eorum cum usu fructu
 futura fuissent, si se alieno iuri non subiecissent', possidere
 et legitimo modo ea disponere.

XI

DE EO CUI LIBERTATIS CAUSA BONA ADDICUNTUR.

- Accessit novus casus successionis ex constitutione divi Marci.
 nam si hi, qui libertatem acceperunt a domino in testamento,
 ex quo non aditur hereditas, velint bona sibi addici libertatum
 conservandarum causa, audiuntur. et ita rescripto divi Marci
 1 ad Popilium Rufum continetur. Verba rescripti ita se habent:
 'Si Virginio Valenti, qui testamento suo libertatem quibusdam
 adscripsit, nemine successore ab intestato existente in ea causa
 bona esse coeperunt, ut veniri debeant: is cuius⁶ de ea re
 notio est aditus rationem desiderii tui habebit, ut libertatum
 tam earum, quae directo, quam earum, quae per speciem fidei-
 commissi relictæ sunt, tuendarum gratia addicantur tibi, si
 idonee creditoribus caveris de solido quod cuique debetur sol-
 vendo. et hi quidem, quibus directa libertas data est, perinde
 liberi erunt, ac si hereditas adita esset: hi autem, quos heres
 rogatus est manumittere, a te libertatem consequantur: ita ut
 'si non⁷ alia condicione velis bona tibi addici, quam ut⁸ etiam
 qui directo libertatem acceperunt tui liberti fiant, nam huic
 etiam voluntati tuae, si ii de quorum statu agitur consentiant,

¹ Cod. 3, 33, 16² Cod. 6, 61, 6³ pertransit T⁴ Cod. 6,

59, 11

⁵ Gai. 3, 84⁶ cui T⁷ si non] non nisi B⁸ quam ut

del. Mommsen

‘auctoritatem nostram accommodamus. et ne huius rescriptionis
 ‘nostrae emolumentum alia ratione irritum fiat, si fiscus bona
 ‘agnoscere voluerit: et hi qui rebus nostris attendunt scient
 ‘commodo pecuniario praeferendam libertatis causam et ita bona
 ‘cogenda, ut libertas his salva sit, qui eam adipisci potuerunt,
 ‘si hereditas ex testamento adita esset.’ Hoc rescripto subven- 2
 tum est et libertatibus et defunctis, ne bona eorum a creditori-
 bus possideantur et veneant. certe si fuerint ex hac causa bona
 addicta, cessat bonorum venditio: extitit enim defuncti defensor,
 et quidem idoneus, qui de solido creditoribus cavet. Inprimis 3
 hoc rescriptum totiens locum habet, quotiens testamento liber-
 tates datae sunt. quid ergo¹ si quis intestatus decedens codicillis
 libertates dederit neque adita sit ab intestato hereditas? favor
 constitutionis debet² locum habere. certe si testatus decedat et
 codicillis dederit libertatem, competere eam nemini dubium est.
 Tunc constitutioni locum esse verba ostendunt, cum nemo 4
 successor ab intestato existat: ³ergo quamdiu incertum sit,
 utrum existat an non, cessabit constitutio: si certum esse
 coeperit neminem extare, tunc erit constitutioni locus. ³Si is, 5
 qui in integrum restitui potest, abstinuit se ab hereditate, an,
 quamvis⁴ potest in integrum restitui, potest admitti constitutio
 et addictio bonorum fieri? quid ergo, si post additionem liber-
 tatum conservandarum causa factam in integrum sit restitutus?
 utique non erit dicendum revocari libertates, quae⁵ semel com-
 petierunt. Haec constitutio libertatum tuendarum causa intro- 6
 ducta est: ergo si libertates nullae sint datae, cessat constitutio.
 quid ergo, si vivus dedit libertates vel mortis causa et, ne de
 hoc quaeratur, utrum in fraudem creditorum an non factum sit,
 idcirco velint addici sibi bona, an audiendi sunt? et magis est,
 ut audiri debeant, etsi deficient verba constitutionis. ‘Sed cum 7
 ‘multas divisiones eiusmodi constitutioni deesse perspeximus,
 ‘lata est a nobis plenissima constitutio⁶, in quam multae spe-
 ‘cies collatae⁷ sunt, quibus ius huiusmodi successionis plenissi-
 ‘mum est effectum: quas ex ipsa lectione constitutionis potest
 ‘quis cognoscere.’

¹ si quis .. habere ex *Dig.* 40, 5, 2 (*Ulp.* l. 60 ad ed.) ² debebit *T*
³ § 4 fin. § 5 ex *Dig.* 40, 5, 4 pr. § 1. 2 (*Ulp.* l. 60 ad ed.) ⁴ quamvis]
libri cum *Θ*, quamdiu *Dig.* ⁵ quae] *Dig.* *Θ*, quia *libri* ⁶ *Cod.* 7, 2, 15
⁷ collectae *T*

XII¹DE SUCCESSIONIBUS SUBLATIS, QUAE FIEBANT PER
BONORUM VENDITIONEM ET EX SENATUS CONSULTO
CLAUDIANO.

‘Erant ante praedictam successionem olim et aliae per universitatem successiones. qualis fuerat bonorum emptio, quae de bonis debitoris vendendis per multas ambages fuerat introducta et tunc locum habebat, quando iudicia ordinaria in usu fuerunt: sed cum extraordinariis iudiciis posteritas usa² est, ideo cum ipsis ordinariis iudiciis etiam bonorum venditiones expiraverunt et tantummodo creditoribus datur officio iudicis bona possidere et prout eis utile visum fuerit ea disponere, 1 quod ex latoribus digestorum libris perfectius apparebit. Erat et ex senatus consulto Claudiano miserabilis per universitatem adquisitio, cum libera mulier servili amore bacchata ipsam libertatem per senatus consultum amittebat et cum libertate substantiam: quod indignum nostris temporibus esse existimantes et a nostra civitate deleri et non inseri nostris digestis concessimus³.’

XIII⁴

DE OBLIGATIONIBUS.

⁵‘Nunc transeamus ad obligationes.’ obligatio est iuris vinculum, quo necessitate adstringimur alicuius solvendae rei 1 secundum nostrae civitatis iura. Omnium autem obligationum summa divisio in duo genera diducitur: namque aut civiles sunt aut praetoriae. civiles sunt, quae aut legibus constitutae aut certe iure civili comprobatae sunt. praetoriae sunt, quas praetor ex sua iurisdictione constituit, quae etiam honorariae 2 vocantur⁶. Sequens divisio in quattuor species diducitur: aut enim ex contractu sunt aut quasi ex contractu aut ex maleficio aut quasi ex maleficio. prius est, ut de his quae ex contractu sunt dispiciamus. harum aequae quattuor species sunt: aut enim re contrahuntur aut verbis aut litteris aut consensu. de quibus singulis dispiciamus.

¹ Cf. *Gai.* 3, 77..81² usa] *W^b*, nisa *BT*, uisa *W^a*³ *Cod.* 7, 24⁴ Cf. *Gai.* 3, 88. 89 *Dig.* 44, 7 *Cod.* 4, 10⁵ *Gai.* 3, 88⁶ dicuntur *T*

XIV¹

QUIBUS MODIS RE CONTRAHITUR OBLIGATIO.

²Re contrahitur obligatio veluti mutui datione³. mutui autem obligatio in his rebus consistit, quae pondere numero mensurave constant, veluti vino oleo frumento pecunia numerata aere argento auro. ⁴quas res aut numerando aut metiendo aut pendendo in⁵ hoc damus, ut accipientium fiant et quandoque nobis non eadem res, sed aliae eiusdem naturae⁶ et qualitatis reddantur. unde etiam mutuum appellatum sit⁶ quia ita a me tibi datur, ut ex meo tuum fiat. ⁷ex⁷ eo contractu nascitur actio quae vocatur condictio. ⁸Is quoque, qui non ¹debitum accepit ab eo qui per errorem solvit, re obligatur: daturque agenti contra eum propter repetitionem condictionis actio. ⁹nam proinde ei⁹ condici potest si paret eum dare oportere⁹ ac si mutuum accepisset: unde pupillus, si ei sine tutoris auctoritate non debitum per errorem datum est, non tenetur indebiti condictione non magis quam mutui datione. sed haec species obligationis non videtur ex contractu consistere, cum is qui solvendi animo dat magis distrahere velit negotium quam contrahere. ¹⁰Item is cui res aliqua utenda ²datur, id est commodatur, re obligatur et tenetur commodati actione. sed is ab eo qui mutuum accepit longe distat: namque non ita res datur, ut eius fiat, et ob id de ea re ipsa restituenda tenetur. et is quidem qui mutuum accepit, si quolibet fortuito casu quod accepit amiserit, veluti incendio ruina naufragio aut latronum hostiumve incursu, nihilo minus obligatus permanet. at is qui utendum accepit sane quidem exactam diligentiam custodiendae rei praestare iubetur nec sufficit ei tantam diligentiam adhibuisse, quantam suis rebus adhibere solitus est, si modo alius diligentior poterit eam rem custodire: sed propter maiorem vim maioresve casus non tenetur, si modo non huius¹¹ culpa is casus intervenerit: alioquin si id quod tibi commodatum est peregre ferre tecum malueris et vel incursu hostium praedonumve vel naufragio amiseris, dubium non est, quin de restituenda ea re tenearis. commodata autem res tunc proprie intellegitur, si nulla mercede accepta vel con-

¹ Cf. Gai. 3, 90. 91 ² pr. in. ex Gaii l. 2 rer. cott. (Dig. 44, 7, 1 § 2) ³ datione] Dig., obligatione BT ⁴ Gai. 3, 90 ⁵ in] TGai., ob B ⁶ est Gai. ⁷ ex] BΘ, et ex T ⁸ Gai. 3, 91 ⁹ ei] Gai., ei ab eo BT ¹⁰ § 2 in. ex Gaii l. 2 rer. cott. (Dig. 44, 7, 1 § 3. 4) ¹¹ huius] T, h. ipsius B

- stituta res tibi utenda data est. alioquin mercede interveniente locatus tibi usus rei videtur: gratuitum enim debet esse com-
 8 modatum. ¹Praeterea et is, apud quem res aliqua deponitur, re obligatur ²et ³actione depositi³, qui et ipse de ea re quam accepit restituenda tenetur. sed is ex eo solo tenetur, si quid dolo commiserit, culpa autem nomine, id est desidiaae atque negligentiae, non tenetur: itaque securus est qui parum diligenter custoditam rem furto amisit, quia, qui neglegenti amico rem custodiendam tradit³, suae facilitati id⁴ imputare debet.
 4 ¹Creditor quoque qui pignus accepit re obligatur, qui et ipse de ea ipsa re quam accepit restituenda tenetur ⁵actione pignoratitia⁵. sed quia pignus utriusque gratia datur, et debitoris, quo magis ei pecunia crederetur, et creditoris, quo magis ei in tuto sit creditum, placuit sufficere, quod ad eam rem custodiendam exactam diligentiam adhiberet: quam si praestiterit et aliquo fortuito casu rem amisit, securum esse nec impediri creditum petere.

XV⁵

DE VERBORUM OBLIGATIONE.

- ⁶Verbis obligatio contrahitur ex interrogatione et responsu⁷, cum quid dari fieri nobis stipulamur. ex qua duae proficiuntur actiones, tam condictio, si certa sit stipulatio, quam ex stipulatu, si incerta. quae hoc nomine inde utitur, quia stipulum apud veteres firmum appellabatur, forte a stipite descendens.
 1 In hac re olim talia verba tradita fuerunt: spondes? spondeo, promittis? promitto, fidepromittis? fidepromitto, fideiubes? fideiubeo, dabis? dabo, facies? faciam. utrum autem Latina an Graeca vel qua alia lingua stipulatio concepiatur, nihil interest, scilicet si uterque stipulantium intellectum huius linguae habeat: nec necesse est eadem lingua utrumque uti, sed sufficit congruenter ad interrogatum respondere: quin etiam duo Graeci Latina lingua obligationem contrahere possunt. ⁸sed haec sollemnitas⁸ verba olim quidem in usu fuerunt: postea autem Leoniana⁸ ⁹constitutio lata est, quae sollemnitate verborum sublata sensum ¹⁰et consonantem intellectum ab utraque parte solum desiderat, ¹¹licet quibuscumque verbis expressus est.⁹

¹ § 3. 4 in. ex Gaii l. 2 rer. cott. (Dig. 44, 7, 1 § 5. 6) ² et] T⁶, om. B ³ tradit] B, committit Dig., ⁴ ~~accipit~~ tradidit T⁶ ⁵ id] E, ad B, om. T⁶ ⁶ Cf. Gai. 3, 92. 93 Dig. 45, 1 Cod. 8, 37 ⁷ pr. in. ex Gaii l. 2 rer. cott. (Dig. 44, 7, 1 § 7) ⁸ responsu] Dig. F¹, responso AB, responsione T et in Dig. F²? ⁹ Cod. 8, 37, 10

Omnis stipulatio aut pure aut in diem aut sub condicione 2
 fit. pure veluti 'quinque aureos dare spondes?' idque confestim
 peti potest. in diem, cum adiecto die quo pecunia solvatur
 stipulatio fit: veluti 'decem aureos primis kalendis Martiis dare
 spondes?' id autem, quod in diem stipulamur, statim quidem
 debetur, sed peti prius quam dies veniat non potest: ac ne eo
 quidem ipso die, in quem stipulatio facta est, peti potest, quia
 totus¹ dies arbitrio solventis tribui debet. neque enim certum
 est eo die, in quem promissum est, datum non esse, priusquam²
 praetereat. At si ita stipuleris 'decem aureos annuos quoad 3
 vivam dare spondes?', et pure facta obligatio intellegitur et
 perpetuatur, quia ad tempus deberi non potest. sed heres pe-
 tendo pacti exceptione submovebitur. Sub condicione stipulatio 4
 fit, cum in aliquem casum differtur obligatio, ut, si aliquid
 factum fuerit aut non fuerit, stipulatio committatur, veluti 'si
 'Titius consul factus fuerit, quinque aureos dare spondes?' si
 quis ita stipuletur 'si in Capitolium non ascendero, dare spon-
 des?' perinde erit, ac si stipulatus esset cum morietur dari
 sibi. ex condicionali stipulatione tantum spes est debitum iri,
 eamque ipsam spem transmittimus, si, priusquam condicio
 existat, mors nobis contigerit. Loca etiam inseri stipulationi 5
 solent, veluti 'Carthagine dare spondes?' quae stipulatio licet
 pure fieri videatur, tamen re ipsa habet tempus iniectum, quo
 promissor utatur ad pecuniam Carthagine dandam. et ideo si
 quis ita Romae stipuletur 'hodie Carthagine dare spondes?'
 inutilis erit stipulatio, cum impossibilis sit repromissio. Con- 6
 ditiones, quae ad praeteritum vel ad praesens tempus referun-
 tur, aut statim infirmant obligationem aut omnino non differunt:
 veluti 'si Titius consul fuit' vel 'si Maevius vivit, dare spondes?'
 nam si ea ita non sunt, nihil valet stipulatio: sin autem ita
 se habent, statim valet. quae enim per rerum naturam certa
 sunt, non morantur obligationem, licet apud nos incerta sint.

Non solum res in stipulatum deduci possunt, sed etiam 7
 facta: ut si³ stipulemur fieri aliquid vel non fieri. et in huius-
 modi stipulationibus optimum erit poenam subicere, ne quan-
 titas stipulationis in incerto sit ac necesse sit actori probare,
 quid eius intersit. itaque si quis ut fiat aliquid stipuletur, ita
 adici poena debet: 'si ita factum non erit, tum poenae nomine
 decem aureos dare spondes?' sed si quaedam fieri, quaedam
 non fieri una eademque conceptione stipuletur, clausula erit

¹ totus] *A*, totus is *T*, totus ille *B* ² sic *A*, is *ins. BT* ³ si
om. libri

huiusmodi adicienda: 'si adversus ea factum erit sive quid ita factum non erit, tunc poenae nomine decem aureos dare spondes?'

XVI¹

DE DUOBUS REIS STIPULANDI ET PROMITTENDI.

- Et stipulandi et promittendi duo pluresve rei fieri possunt. stipulandi ita, si post omnium interrogationem promissor respondeat 'spondeo'. ut puta cum duobus separatim stipulantibus ita promissor respondeat 'utrique vestrum dare spondeo': nam si prius Titio sponderit, deinde alio interrogante spondeat, alia atque alia erit obligatio nec creduntur duo rei stipulandi esse. duo pluresve rei promittendi ita fiunt: 'Maevi, quinque aureos dare spondes? Sei, eosdem quinque aureos dare spon-
- 1 'des?' respondeant² singuli separatim 'spondeo'. Ex huiusmodi obligationibus et stipulantibus solidum singulis debetur et promittentes singuli in solidum tenentur. in utraque tamen obligatione una res vertitur: et vel alter debitum accipiendo vel alter solvendo omnium peremit obligationem et omnes liberat.
- 2 ³Ex duobus reis promittendi alius pure, alius in diem vel sub condicione obligari potest: nec impedimento erit dies aut condicio, quo minus ab eo qui pure obligatus est petatur.

XVII⁴

DE STIPULATIONE SERVORUM.

- Servus ex persona domini ius stipulandi habet. sed⁵ hereditas in plerisque personae defuncti vicem sustinet: ideoque quod servus hereditarius ante aditam hereditatem stipulatur, acquirit hereditati ac per hoc etiam heredi postea facto acquiritur.
- 1 ⁶Sive autem domino sive sibi sive conservo suo sive impersonaliter servus stipuletur, domino acquirit. idem iuris est et in liberis, qui in potestate patris sunt, ex quibus causis
- 2 acquirere possunt. Sed cum factum in stipulatione continetur, omnimodo persona stipulantis continetur, veluti si servus stipuletur, ut sibi ire agere liceat: ipse enim tantum prohiberi
- 3 non debet, non etiam dominus eius. Servus communis stipu-

¹ Cf. Dig. 45, 2 Cod. 8, 40 ² respondeant] BP, et r. T, si r. E: ut interroget stipulator vel simile quid inter fiunt et Maevi a compilatoribus male deletum censet Mommsen ³ § 2 ex Flor. l. 8 inst. (Dig. 45, 2, 7) ⁴ Cf. Gai. 3, 114. 167 Dig. 45, 3 ⁵ sed] T, sed et B ⁶ § 1 in. ex Flor. l. 8 inst. (Dig. 45, 3, 15)

lando unicuique dominorum pro portione domini acquirat, nisi si unus eorum iussu aut nominatim cui eorum stipulatus est: tunc enim soli ei acquiratur. quod servus communis stipulatur, si alteri ex dominis acquiri non potest, solidum alteri acquiratur, veluti si res quam dari stipulatus est unus domini sit.

XVIII

DE DIVISIONE STIPULATIONUM.

¹Stipulationum aliae iudiciales sunt, aliae praetoriae, aliae conventionales, aliae communes tam praetoriae quam iudiciales. ¹Iudiciales sunt dumtaxat, quae a mero iudicis officio proficiuntur: veluti de dolo cautio vel de persequendo servo qui in fuga est restituendove pretio. ¹Praetoriae, quae a mero praetoris officio proficiuntur, veluti damni infecti vel legatorum. praetorias autem stipulationes sic exaudiri oportet, ut in his contineantur etiam aediliciae: nam et hae ab iurisdictione veniunt. ¹Conventionales sunt, quae ex conventionem utriusque partis concipiuntur, ‘hoc est neque iussu iudicis neque iussu praetoris, sed ex conventionem contrahentium.’ quarum totidem genera sunt, quot paene dixerim rerum contrahendarum. ¹Communes sunt stipulationes veluti rem salvam fore pupilli: nam et praetor iubet rem salvam fore pupillo caveri et interdum iudex, si aliter expediri haec res non potest: vel de rato stipulatio.

XIX²

DE INUTILIBUS STIPULATIONIBUS.

Omnis res, quae dominio nostro subicitur, in stipulationem deduci potest, sive illa mobilis sive soli sit. At³ si quis rem, quae in rerum natura non est aut esse non potest, dari stipulatus fuerit, veluti Stichum, qui mortuus sit, quem vivere credebatur, aut hippocentaurum, qui esse non possit, inutilis erit stipulatio. Idem iuris est, si rem sacram aut religiosam, quam² humani iuris esse credebatur, vel publicam, quae usibus populi perpetuo exposita sit, ut forum vel theatrum, vel liberum hominem, quem servum esse credebatur, vel cuius commercium non habuit, vel rem suam dari⁴ quis stipuletur. nec in pendenti erit stipulatio ob id, quod publica res in privatum deduci et ex libero servus fieri potest et commercium adipisci stipula-

¹ pr... § 4 ex Dig. 45, 1, 5 pr. (Pomp. l. 26 ad Sab.) ² Cf. Gai. 3, 97.. 109 Cod. 8, 38 ³ at] *ATQ*, itaque B ⁴ dare libri

tor potest et res stipulatoris esse desinere potest, sed protinus inutilis est. item contra licet initio utiliter res in stipulatum deducta sit, si postea in eam qua causa¹, de quibus supra dictum est, sine facto promissoris devenerit, extinguitur stipulatio. ac ne² statim ab initio talis stipulatio valebit 'Lucium Titium cum servus erit dare spondes?' et similia: quia natura sui dominio nostro exempta in obligationem deduci nullo modo
 3 possunt. Si quis alium daturum facturumve quid sponderit, non obligabitur, veluti si spondeat Titium quinque aureos daturum. quodsi effecturum se, ut Titius daret, sponderit, obli-
 4 gatur. Si quis alii, quam cuius iuri subiectus sit, stipuletur, nihil agit. plane solutio etiam in extranei personam conferri potest (veluti³ si quis ita stipuletur 'mihi aut Seio dare spondes?'), ut obligatio quidem stipulatori adquiratur, solvi tamen Seio etiam invito eo recte possit, ut liberatio ipso iure contingat, sed ille adversus Seium habeat mandati actionem. quod si quis sibi et alii, cuius iuri subiectus non sit, decem dari⁴ 'aureos' stipulatus est, valebit quidem stipulatio: sed utrum totum debetur quod in stipulatione deductum est, an vero pars dimidia, dubitatum est: sed 'placet' non plus quam partem dimidiam ei adquiri. ei qui tuo iuri subiectus est si stipulatus sis, tibi adquiris, quia vox tua tamquam filii sit, sicuti filii vox tamquam tua intellegitur 'in his rebus quae tibi adquiri possunt.'
 5 5⁵ Praeterea inutilis est stipulatio, si quis ad ea quae interroga-
 tus erit non responderit, veluti si decem 'aureos' a te dari⁶
 'stipuletur, tu quinque promittas,' vel contra: 'aut si ille pure
 'stipuletur, tu sub condicione promittas,' vel contra, si modo scilicet id exprimas, id est si cui sub condicione vel in diem stipulanti tu respondeas: 'praesenti die spondeo'. nam si hoc solum respondeas 'promitto', breviter videris in eandem diem aut condicionem spondidisse: nec enim necesse est in respon-
 6 dendo eadem omnia repeti, quae stipulator expresserit. 7⁷ Item
 'inutilis est⁸ stipulatio, si ab eo stipuleris, qui iuri tuo subiec-
 tus est, vel si is a te stipuletur. sed servus quidem non solum
 'domino suo obligari non potest, sed ne alii quidem ulli': filii
 7 vero familias aliis obligari possunt. 9⁹ Mutum neque stipulari
 'neque promittere posse palam est. quod et in surdo receptum
 'est, quia et is qui stipulatur verba promittentis et is qui pro-

¹ qua causa] *Ta?*, qua alii causa *Au* ante emend. *Ab?*, aliqua causa *Au* ex emend., causa *B* ² ne] *AT*, nec *B* ³ veluti] *TΘ*, om. *AB*
⁴ dare libri ⁵ *Gai.* 3, 102 ⁶ dari] *BGai.*, dari sibi *AT* ⁷ *Gai.* 3, 104 ⁸ est] *BT*, erit *A* ⁹ *Gai.* 3, 105

"mittit verba stipulantis audire debet." ¹unde apparet non de
 eo nos loqui qui tardius exaudit, sed de eo qui omnino non
 exaudit. ²Furiosus nullum negotium gerere potest, quia non 8
 intellegit quid agit. ²Pupillus omne negotium recte gerit: ut 9
 tamen, sicubi tutoris auctoritas necessaria sit, adhibeatur tutor,
 veluti si ipse obligetur: nam alium sibi obligare etiam sine
 tutoris auctoritate potest. ²Sed quod diximus de pupillis, uti- 10
 que de his verum est, qui iam aliquem intellectum habent:
 nam infans et qui infanti proximus est non multum a furioso
 distant, quia huius aetatis pupilli nullum intellectum habent:
 sed in proximis infanti propter utilitatem eorum benignior
 iuris interpretatio facta est, ut idem iuris habeant, quod puber-
 tati proximi. sed qui in parentis potestate est impubes, nec
 auctore quidem patre obligatur. Si impossibilis condicio obli- 11
 gationibus adiciatur, nihil valet stipulatio. impossibilis autem
 condicio habetur³, cui natura impedimento est, quo minus
 existat, veluti si quis ita dixerit: "si digito caelum attigero, dare
 spondes?" at si ita stipuletur, "si digito caelum non attigero, dare
 spondes?" pure facta obligatio intellegitur ideoque statim petere
 potest. Item verborum obligatio inter absentes concepta inutilis 12
 est. sed cum hoc materiam litium contentiosis hominibus
 praestabat, forte post tempus tales allegationes opponentibus
 et non praesentes esse vel se vel adversarios suos contenden-
 tibus: ideo nostra constitutio⁴ propter celeritatem dirimendarum
 litium introducta est, quam ad Caesarienses advocatos scripsi-
 mus, per quam disposuimus tales scripturas, quae praesto
 esse partes indicant, omnimodo esse credendas, nisi ipse, qui
 talibus utitur improbis allegationibus, manifestissimis proba-
 tionibus vel per scripturam vel per testes idoneos approbaverit
 in ipso toto die quo conficiebatur instrumentum sese vel ad-
 versarium suum in aliis locis esse. Post mortem suam dari 13
 sibi nemo stipulari poterat, non magis quam post eius mortem
 a quo stipulabatur. ac ne is, qui in alicuius potestate est, post
 mortem eius stipulari poterat, quia patris vel domini voce loqui
 videtur. sed et si quis ita stipuletur, "pridie quam moriar" vel
 "pridie quam morieris dari"⁵? inutilis erat stipulatio. sed cum,
 ut iam dictum est, ex consensu contrahentium stipulationes
 valent, placuit nobis⁶ etiam in hunc iuris articulum necessariam
 inducere emendationem, ut, sive post mortem sive pridie quam

¹ § 7 *fin. ex Gai. l. 2 rer. cott. (Dig. 44, 7, 1 § 15)* ² *Gai. 3, 106.*
 107. 109 ³ habetur] *AB*, appellatur *T* ⁴ *Cod. 8, 37, 14* ⁵ dari]
BT, dabis *A* ⁶ *Cod. 8, 37, 11*

- ‘moriatur stipulator sive promissor stipulatio concepta est, valeat
 14 ‘stipulatio.’ Item si quis ita stipulatus erat: ‘si navis ex Asia
 ‘venerit, hodie dare spondes?’ inutilis erat stipulatio, quia prae-
 postere concepta est. ‘sed cum Leo inclitae recordationis in
 ‘dotibus eandem stipulationem quae praepostera nuncupatur
 ‘non esse reiiciendam existimavit, nobis¹ placuit et huic per-
 ‘fectum robur accommodare, ut non solum in dotibus, sed
 ‘etiam in omnibus valeat huiusmodi conceptio stipulationis.’
- 15 Ita autem concepta stipulatio, veluti si Titius dicat ‘cum moriar,
 dare spondes?’ vel ‘cum morieris’, ‘et apud veteres’ utilis erat
 16 ‘et nunc valet.’ Item post mortem alterius recte stipulamur.
- 17 ²Si scriptum fuerit in instrumento promisisse aliquem, perinde
 habetur, atque si interrogatione praecedente responsum sit.
- 18 Quotiens plures res una stipulatione comprehenduntur, si qui-
 dem promissor simpliciter respondeat ‘dare spondeo’, propter
 omnes tenetur: si vero unam ex his vel quasdam daturum se
 spoponderit, obligatio in his pro quibus spoponderit contrahitur.
 ex pluribus enim stipulationibus una vel quaedam videntur esse
 perfectae: singulas enim res stipulari et ad singulas respondere
 19 debemus. ³Alteri stipulari, ut supra dictum est, nemo potest:
 inventae sunt enim huiusmodi obligationes ad hoc, ut unus-
 quisque sibi adquirat quod sua interest: ceterum si⁴ alii detur,
 nihil interest stipulatoris. plane si quis velit hoc facere, poenam
 stipulari conveniet, ut, nisi ita factum sit, ut comprehensum
 esset⁵, committitur⁶ poenae stipulatio etiam ei cuius nihil inter-
 est: poenam enim cum stipulatur quis, non illud inspicitur,
 quid intersit eius, sed quae sit quantitas in condicione stipu-
 lationis. ‘ergo si quis stipuletur Titio dari, nihil agit, sed si
 ‘addiderit de poena ‘nisi dederis, tot aureos dare spondes?’
- 20 ‘tunc committitur stipulatio.’ ⁷Sed et si quis stipuletur alii,
 cum eius interesset, ‘placuit’ stipulationem valere. ‘nam si’
 is, qui pupilli tutelam administrare coeperat, cessit administra-
 tione contutori suo et stipulatus est rem pupilli salvam fore,
 ‘quoniam’ interest stipulatoris fieri quod stipulatus est, cum
 obligatus futurus esset pupillo, si male res gesserit, ‘tenet obli-
 gatio. ergo’ et si quis procuratori suo dari stipulatus sit, stipu-
 latio vires habebit. et si creditori suo quod sua interest, ne
 forte vel poena committatur vel praedia distrahantur quae

¹ Cod. 6, 23, 25 ² § 17 *similis Paulo* 5, 7, 2 ³ § 19 *in. ex*
Dig. 45, 1, 38 § 17 (*Ulp. l. 49 ad Sab.*) ⁴ si] ut *Dig.* ⁵ sic AB,
 est *TDig.* ⁶ sic *ATDig.*, committeretur B ⁷ § 20 *ex Dig.* 45, 1, 38
 § 20, 23 (*Ulp. l. c.*)

pignori data erant, <valet stipulatio>. Versa vice qui alium fac- 21
 turum promisit, videtur in ea esse causa, ut non teneatur, nisi
 poenam ipse promiserit. ¹Item nemo rem suam futuram in 22
 eum casum quo² sua fit utiliter stipulatur. Si de alia re stipu- 23
 lator senserit, de alia promissor, perinde nulla contrahitur
 obligatio, ac si ad interrogatum responsum non esset, veluti
 si hominem Stichum a te stipulatus quis fuerit, tu de Pamphilo
 senseris, quem Stichum vocari credideris. Quod turpi ex causa 24
 promissum est, veluti si quis homicidium vel sacrilegium se
 facturum promittat, non valet.

Cum quis sub aliqua condicione fuerit stipulatus, licet ante 25
 condicionem decesserit, postea existente condicione heres eius
 agere potest. idem est et a promissoris parte. ³Qui hoc anno 26
 aut hoc mense dari stipulatus sit, nisi omnibus partibus prae-
 teritis anni vel mensis non recte petet⁴. Si fundum dari⁵ 27
 stipuleris vel hominem, non poteris continuo agere, nisi tantum
 spatii praeterierit, quo traditio fieri possit.

XX⁶

DE FIDEIUSSORIBUS.

⁷Pro eo qui promittit solent alii obligari qui fideiussores
 appellantur, quos homines accipere solent, dum curant, ut
 diligentius sibi cautum sit. ⁸In omnibus autem obligationibus 1
 <adsumi possunt>, id est sive re sive verbis sive litteris sive
 consensu contractae fuerint. ac ne illud quidem interest, utrum
 civilis an naturalis sit obligatio, cui adiciatur fideiussor, adeo
 quidem, ut pro servo quoque obligetur, sive extraneus sit qui
 fideiussorem a servo accipiat, sive ipse dominus in id quod
 sibi <naturaliter> debetur. ⁹Fideiussor non tantum ipse obli- 2
 gatur, sed etiam heredem obligatum relinquit. Fideiussor et 3
 praecedere obligationem et sequi potest. ¹⁰Si plures sint fide- 4
 iussores, quotquot erunt numero, singuli in solidum tenentur.
 itaque liberum est creditori a quo velit solidum petere. sed
 ex epistula divi Hadriani compellitur creditor a singulis, qui
 modo solvendo sint <litis contestatae tempore>, partes petere.
 <ideoque> si quis ex fideiussoribus eo tempore solvendo non sit,

¹ § 22 *similis Dig. 45, 1, 87 (Paul. l. 75 ad ed.)* ² quo] A, quod
 BT, qua Dig. ³ § 26 *ex Dig. 45, 1, 42 (Pomp. l. 27 ad Sab.)* ⁴ sic
 T&Dig., petit AB ⁵ dare libri ⁶ Cf. Gai. 3, 115 .. 127 Dig. 46, 1
 Cod. 8, 40 ⁷ Gai. 3, 115. 117 ⁸ Gai. 3, 119 ⁹ § 2 *similis Dig.*
 46, 1, 4 § 1 (*Ulp. l. 45 ad Sab.*) ¹⁰ Gai. 3, 121. 122

1 hoc ceteros onerat. sed et si ab uno fideiussore creditor
 totum consecutus fuerit, huius solius detrimentum erit, si is
 pro quo fideiussit¹ solvendo non sit: et sibi imputare debet,
 cum potuerit adiuvari ex epistula divi Hadriani et desiderare,
 5 ut pro parte in se detur actio. ²Fideiussores ita obligari non
 possunt, ut plus debeant, quam debet is pro quo obligantur:
 nam eorum obligatio accessio est principalis obligationis nec
 plus in accessione esse potest quam in principali re. at ex
 diverso, ut minus debeant, obligari possunt. ³itaque si reus
 decem aureos promiserit, fideiussor in quinque recte obligatur:
 contra vero non potest obligari. item si ille pure promiserit,
 fideiussor sub condicione promittere potest: contra vero non
 potest. ⁴non solum enim in quantitate, sed etiam in tempore
 minus et plus intellegitur. plus est enim statim aliquid dare,
 6 minus est post tempus dare. ⁵Si quid autem fideiussor
 pro reo solverit, eius recipiendi causa habet cum eo man-
 7 dati iudicium. ⁶Graece fideiussor plerumque ita accipitur:
 τῇ ἐμῇ πίστει κελεύω, λέγω, θέλω sive βούλομαι⁷: sed et si
 8 φημί dixerit, pro eo erit, ac si dixerit λέγω. In stipulationibus
 fideiussorum sciendum est generaliter hoc accipi, ut, quodcum-
 que scriptum sit quasi actum, videatur etiam actum: ideoque
 constat, ⁸si quis se scripserit fideiussisse⁹, videri omnia sollem-
 niter acta.

XXI¹⁰

DE LITTERARUM OBLIGATIONE.

Olim scriptura fiebat obligatio, quae nominibus fieri dice-
 batur, quae nomina hodie non sunt in usu. plane si quis
 debere se scripserit, quod numeratum ei non est, de pecunia
 minime numerata post multum temporis exceptionem opponere
 non potest: hoc enim saepissime constitutum est. sic fit, ut
 et hodie, dum queri non potest, scriptura obligetur: et ex ea
 nascitur condictio, cessante scilicet verborum obligatione. mul-
 tum autem tempus in hac exceptione antea quidem ex prin-
 cipalibus constitutionibus usque ad quinquennium procedebat:
 sed ne creditores diutius possint suis pecuniis forsitan defrau-
 dari, per constitutionem nostram¹¹ tempus coartatum est, ut
 ultra biennii metas huiusmodi exceptio minime extendatur.

¹ sic *TEGai.*, fideiussor accessit *B* ² *Gai.* 3, 126 ³ Cf. *Gai.*
 3, 113 ⁴ *Gai.* 3, 113 ⁵ *Gai.* 3, 127 ⁶ § 7 ex *Dig.* 46, 1, 8 pr.
 (*Ulp.* l. 47 ad *Sab.*) ⁷ id est fide mea iubeo dico volo ⁸ § 8 fin.
 ex *Dig.* 45, 1, 30 (*Ulp.* l. 48 ad *Sab.*) ⁹ sic *TDig.*, fideiussorem esse *B*
¹⁰ Cf. *Gai.* 3, 128 .. 138 *Cod.* 4, 30 ¹¹ *Cod.* 4, 30, 14

XXII

DE CONSENSU OBLIGATIONE.

¹Consensu fiunt obligationes in emptionibus venditionibus, locationibus conductionibus, societatibus, mandatis. ¹Ideo autem ¹istis modis consensu dicitur obligatio contrahi, quia neque ¹scriptura neque praesentia omnimodo opus est, ac ne dari quicquam necesse est, ut substantiam capiat obligatio², ¹sed sufficit eos qui negotium gerunt consentire. ¹Unde inter ab- ²sentes quoque talia negotia contrahuntur, veluti per epistulam aut per nuntium. ¹Item in his contractibus alter alteri obli- ³gatur ¹in id³, quod alterum alteri ex bono et aequo praestare oportet, cum alioquin in verborum obligationibus alius stipuletur, alius promittat.⁴

XXIII²

DE EMPTIONE ET VENDITIONE.

³Emptio et venditio contrahitur, ¹simulatque³ de pretio convenerit, quamvis nondum pretium numeratum sit ac ne ¹arra quidem data fuerit. nam quod arrae nomine datur, argumentum est emptionis et venditionis contractae.⁴ ¹sed haec quidem de emptionibus et venditionibus, quae sine scriptura consistunt, optinere oportet: nam nihil a nobis in huiusmodi venditionibus innovatum est. in his autem quae scriptura conficiuntur non aliter perfectam esse emptionem et venditionem constituimus⁴, nisi et instrumenta emptionis fuerint conscripta vel manu propria contrahentium, vel ab alio quidem scripta, ¹a contrahente autem subscripta et, si per tabellionem fiunt, nisi et completiones acceperint et fuerint partibus absoluta. donec enim aliquid ex his deest, et paenitentiae locus est et ¹potest emptor vel venditor sine poena recedere ab emptione. ¹ita tamen impune recedere eis concedimus, nisi iam arrarum nomine aliquid fuerit datum: hoc etenim subsecuto, sive in ¹scriptis sive sine scriptis venditio celebrata est, is qui recusat ¹adimplere contractum, si quidem emptor est, perdit quod dedit, ¹si vero venditor, duplum restituere compellitur, licet nihil ¹super arris expressum est.⁵ Pretium autem constitui oportet: ¹nam nulla emptio sine pretio esse potest. sed et ⁵certum ⁽¹⁾pretium esse debet. alioquin si ita inter aliquos convenerit, ¹ut, quanti Titius rem aestimaverit, tanti sit empti⁶: ¹inter

¹ Gai. 3, 135..137 (Dig. 44, 7, 2) ² Cf. Dig. 18, 1..19, 1 Cod. 4, 38..49 ³ Gai. 3, 139 ⁴ Cod. 4, 21, 17 ⁵ Gai. 3, 140

‘veteres satis abundeque hoc dubitabatur, sive constat venditio
 ‘sive non. sed nostra decisio¹ ita hoc constituit, ut, quotiens
 ‘sic composita sit venditio ‘quanti ille aestimaverit’, sub hac
 ‘condicione staret contractus, ut, si quidem ipse qui nominatus
 ‘est pretium definierit, omnimodo secundum eius aestimationem
 ‘et pretium persolvatur et res tradatur, ut² venditio ad effectum
 ‘perducatur, emptore quidem ex empto actione³, venditore autem
 ‘ex vendito agente. sin autem ille qui nominatus est vel no-
 ‘luerit vel non potuerit pretium definire, tunc pro nihilo esse
 ‘venditionem quasi nullo pretio statuto. quod ius cum in ven-
 ‘ditionibus nobis placuit, non est absurdum et in locationibus
 2 ‘et conductionibus trahere.’⁴ ‘Item pretium in numerata pe-
 ‘cunia consistere debet. nam in ceteris rebus an pretium esse
 ‘possit, veluti homo aut fundus aut toga alterius rei pretium
 ‘esse possit, valde quaerebatur. ‘Sabinus et Cassius’ etiam in
 ‘alia re putant posse pretium consistere: tunc illud est, quod
 ‘vulgo ‘dicebatur’ per permutationem rerum emptionem et ven-
 ‘ditionem contrahi eamque speciem emptionis venditionisque
 ‘vetustissimam esse: argumentoque utebantur Graeco poeta
 ‘Homero, qui aliqua parte ‘exercitum Achivorum vinum sibi
 ‘comparasse’ ait ‘permutatis quibusdam rebus, his verbis’⁵:

ἐνθεν ἄρ’ οὐνίζοντο καρηκομόωντες Ἀχαιοί,
 ἄλλοι μὲν χαλκῷ, ἄλλοι δ’ αἶθωνι σιδήρῳ,
 ἄλλοι δὲ ῥινοῖς, ἄλλοι δ’ αὐτῇσι βόεσσι,
 ἄλλοι δ’ ἀνδραπόδεσσι⁶.

‘Diversae scholae auctores ‘contra’ sentiebant aliudque esse
 ‘existimabant permutationem rerum, aliud emptionem et vendi-
 ‘tionem. alioquin non posse rem expediri permutatis rebus,
 ‘quae videatur res venisse et quae pretii nomine data esse:
 ‘nam’ utramque videri et venisse et pretii nomine datam esse
 ‘rationem non pati. ‘sed Proculus ententia dicentis permutationem
 ‘propriam esse speciem contractus a venditione separatam merito
 ‘praevaluit, cum et ipsa aliis⁷ Homericis versibus⁸ adiuvatur
 ‘et validioribus rationibus argumentatur. quod et anteriores divi
 ‘principes admiserunt et in nostris digestis latius significatur.’⁹
 3 Cum autem emptio et venditio contracta sit (quod effici diximus,
 simulatque de pretio convenerit, ‘cum sine scriptura res agitur’),

¹ Cod. 4, 38, 15 ² ut] TΘ, et B ³ actionem BT ⁴ Gai. 3, 141
⁵ Il. 7, 472 seqq. ⁶ id est: inde vinum comparabant comantes Achivi, alii aere, alii splendido ferro, alii pellibus, alii ipsis bobus, alii mancipiis
⁷ aliis] TC, ex aliis B ⁸ Il. 6, 235, cf. Dig. 18, 1, 1
⁹ Dig. 19, 4

periculum rei venditae statim ad emptorem pertinet, tametsi adhuc ea res emptori tradita non sit. itaque si homo mortuus sit vel aliqua parte corporis laesus fuerit, aut aedes totae aut aliqua ex parte incendio consumptae fuerint, aut fundus vi fluminis totus vel aliqua ex parte ablatus sit, sive etiam inundatione aquae aut arboribus turbine deiectis longe minor aut deterior esse coeperit: emptoris damnum est, cui necesse est, licet rem non fuerit nactus, pretium solvere. quidquid enim sine dolo et culpa venditoris accidit, in eo venditor securus est. sed et si post emptionem fundo aliquid per alluvionem accessit, ad emptoris commodum pertinet: nam et commodum eius esse debet, cuius periculum est. Quod si fugerit ^{3a} homo qui venit aut subreptus fuerit, ita ut neque dolus neque culpa venditoris interveniat, animadvertendum erit, an custodiam eius usque ad traditionem venditor susceperit. sane enim, si susceperit, ad ipsius periculum is casus pertinet: si non susceperit, securus erit. idem et in ceteris animalibus ceterisque rebus intelligimus. utique tamen vindicationem rei et conditionem exhibere debet emptori, quia sane, qui rem nondum emptori tradidit, adhuc ipse dominus est. idem est etiam de furti et de damni iniuriae actione. Emptio tam sub condi- ⁴ cione quam pure contrahi potest. sub conditione veluti 'si Stichus intra certum diem tibi placuerit, erit tibi emptus aureis tot.' Loca sacra vel religiosa, item publica, veluti forum basilicam, frustra quis sciens emit, quas tamen si pro privatis vel profanis deceptus a venditore emerit, habebit actionem ex empto, quod non habere ei liceat, ut consequatur, quod sua interest deceptum eum non esse. idem iuris est, si hominem liberum pro servo emerit.

XXIV¹

DE LOCATIONE ET CONDUCTIONE.

²Locatio et conductio proxima est emptioni et venditioni isdemque iuris regulis consistunt. nam ut emptio et venditio ita contrahitur, si de pretio convenerit, sic etiam locatio et conductio ita contrahi intellegitur, si merces constituta sit. 'et competit locatori quidem locati actio, conductori vero conducti.' Et quae supra diximus ³, si alieno arbitrio pretium permissum fuerit, eadem et de locatione et conductione dicta esse intellegamus, si alieno arbitrio merces permissa fuerit. ⁴qua de

¹ Cf. *Gai.* 3, 142.. 147 *Dig.* 19, 2 *Cod.* 4, 65 ² *pr. ex Gaii l. 2 rer. cott. (Dig. 19, 2)* ³ 3, 23, 1 ⁴ *Gai.* 3, 143

'causa si fulloni polienda curandave aut sarcinatori sarcienda
 'vestimenta quis dederit nulla statim mercede constituta, sed
 'postea tantum daturus, quantum inter eos convenerit,' 'non
 'proprie locatio et conductio contrahi intellegitur, sed eo nomine
 2 'praescriptis verbis actio datur.' Praeterea sicut vulgo quaere-
 batur, an permutatis rebus emptio et venditio contrahitur: ita
 quaeri solebat de locatione et conductione, si forte rem aliquam
 tibi utendam sive fruendam quis dederit et invicem a te aliam
 utendam sive fruendam acceperit. 'et¹ placuit non esse loca-
 tionem et conductionem, sed proprium genus esse contractus.'
 2 veluti si, cum unum quis bovem haberet et vicinus eius unum,
 placuerit inter eos, ut per denos dies invicem boves commo-
 darent, ut opus facerent, et apud alterum bos periit: neque
 locati vel conducti neque commodati competit actio, quia non
 fuit gratuitum commodatum, verum praescriptis verbis agendum
 3 est. 3 Adeo autem familiaritatem aliquam inter se habere viden-
 tur emptio et venditio, item locatio et conductio, ut in quibus-
 dam causis quaeri soleat, utrum emptio et venditio contraha-
 tur, an locatio et conductio. ut ecce de praediis, quae perpe-
 tuo quibusdam fruenda traduntur, id est ut, quamdiu pensio
 'sive redditus pro his domino praestetur, neque ipsi conductori
 'neque heredi eius,' cuive conductor heresve eius id praedium
 vendiderit aut donaverit aut dotis nomine dederit aliove quo
 modo alienaverit, auferre liceat. 'sed talis contractus, quia inter
 'veteres dubitabatur et a quibusdam locatio, a quibusdam ven-
 'ditio existimabatur, lex Zenoniana⁴ lata est, quae emphyteu-
 'seos contractui⁵ propriam statuit naturam neque ad locationem
 'neque ad venditionem inclinantem, sed suis pactionibus ful-
 'ciendam: et si quidem aliquid pactum fuerit, hoc ita optinere;
 'ac si naturalis⁶ esset contractus, sin autem nihil de periculo
 'rei fuerit pactum, tunc si quidem totius rei interitus accesserit,
 'ad dominum super hoc redundare periculum, sin particularis,
 'ad emphyteuticarium huiusmodi damnum venire. quo iure
 4 'utimur.' 7 Item quaeritur, si cum aurifice Titio⁸ convenerit,
 'ut is ex auro suo certi ponderis certaeque formae anulos ei
 'faceret et acciperet verbi gratia 'aureos' decem, utrum emptio
 'et venditio an locatio et conductio contrahi videatur? Cassius⁹
 'ait materiae quidem emptionem venditionemque contrahi, operae

¹ et] TΘ, om. B ² § 2 fin. ex Dig. 19, 5, 17 § 3 (Ulp. l. 28 ad ed.)

³ Gai. 3, 145 ⁴ Cod. 4, 66, 1 ⁵ sic BΘ, contractus T ⁶ natura
 talis Ferretius ad Θ ⁷ Gai. 3, 147 ⁸ sic B, mihi Gai., titius T
⁹ cassius] BGai., et c. TΘ

autem locationem et conductionem. sed placuit tantum emptio-
nem et venditionem contrahi. "quodsi" suum aurum Titius
"dederit mercede pro opera constituta," "dubium non est, quin
locatio et conductio sit."

Conductor omnia secundum legem conductionis facere debet 5
et, si quid in lege praetermissum fuerit, id ex bono et aequo
debet praestare. qui pro usu aut vestimentorum aut argenti
aut iumentum mercedem aut dedit aut promisit, ab eo custodia
talis desideratur, qualem diligentissimus pater familias suis
rebus adhibet. quam si praestiterit et aliquo casu rem ami-
serit, de restituenda ea non tenebitur. Mortuo conductore intra 6
tempora conductionis heres eius eodem iure in conductionem
succedit.

XXV¹

DE SOCIETATE.

²"Societatem coire solemus aut totorum bonorum," quam
Graeci specialiter *κοινωνία* appellant, "aut unius alicuius
negotiationis, veluti mancipiorum emendorum vendendorum-
"que," aut olei vini frumenti emendi vendendique. Et quidem 1
si nihil de partibus lucri et damni nominatim convenerit, aequa-
les scilicet partes et in lucro et in damno spectantur. quod
si expressae fuerint partes³, hae servari debent: nec enim um-
quam dubium fuit, quin valeat conventio, si duo inter se pacti
sunt, ut ad unum quidem duae partes et damni et lucri per-
tineant, ad alium tertia. ⁴De illa sane conventionem quaesitum 2
est, si Titius et Seius inter se pacti sunt, ut ad Titium lucri
duae partes pertineant, damni tertia, ad Seium duae partes
damni, lucri tertia, an rata debet haberi conventio? Quintus
Mucius contra naturam societatis talem pactionem esse existi-
mavit et ob id non esse ratam habendam. Servius Sulpicius,
cuius sententia praevaluit, contra sentit, quia saepe quorundam
ita pretiosa est opera in societate⁵, ut eos iustum sit meliore
condicione in societatem admitti: nam et ita coiri posse socie-
tatem non dubitatur, ut alter pecuniam conferat, alter non
conferat et tamen lucrum inter eos commune sit, quia saepe
opera alicuius pro pecunia valet. et adeo contra Quinti Mucii
sententiam optinuit, ut illud quoque constiterit posse convenire,
ut quis lucri partem ferat, damno non teneatur, quod et ipsum
Servius convenienter sibi existimavit: quod tamen ita intellegi

¹ Cf. *Gai.* 3, 148. . 154 *Dig.* 17, 2 *Cod.* 4, 37 ² *Gai.* 3, 148 ³ par-
tes om. B ⁴ cf. *Gai.* 3, 149 ⁵ sic PE, societatem B

- oportet, ut, si in aliqua re lucrum, in aliqua damnum allatum sit, compensatione facta solum quod superest intellegatur lucri esse. Illud expeditum est, si in una causa pars fuerit expressa, veluti in solo lucro vel in solo damno, in altera vero omissa: in eo quoque quod praetermissum est eandem partem servari.
- 4 ¹Manet autem societas eo usque, donec in eodem consensu perseveraverint: at cum aliquis renuntiaverit societati, solvitur societas. sed plane si quis callide in hoc renuntiaverit societati, ut obveniens aliquod lucrum solus habeat, veluti si totorum bonorum socius, cum ab aliquo heres esset relictus, in hoc renuntiaverit societati, ut hereditatem solus lucrifaceret, cogitur hoc lucrum communicare: si quid vero aliud lucrifaceret, quod non captaverit, ad ipsum solum pertinet: ei vero, cui renuntiatum est, quidquid omnino post renuntiatam societatem acquiritur, soli conceditur. ¹Solvitur adhuc societas etiam morte socii, quia qui societatem contrahit certam personam sibi eligit. ²sed et si consensu plurium societas coita sit, morte unius socii solvitur, etsi plures supersint, nisi si in coeunda societate aliter convenerit. ²Item si alicuius rei contracta societas sit et finis negotio impositus est, finitur societas.
- 7 ²Publicatione quoque distrahi societatem manifestum est, scilicet si universa bona socii publicentur: nam cum in eius locum
- 8 alius succedit, pro mortuo habetur. ³Item si quis ex sociis mole debiti praegravatus bonis suis cesserit et ideo propter publica aut propter privata debita substantia eius veneat, solvitur societas. sed hoc casu si adhuc consentiant in societatem, nova videtur
- 9 incipere societas. Socius socio utrum eo nomine tantum teneatur pro socio actione, si quid dolo commiserit, sicut is qui deponi apud se passus est, an etiam culpa, id est desidia atque negligentiae nomine, quaesitum est: praevaluit tamen etiam culpa nomine teneri eum. ⁴culpa autem non ad exactissimam diligentiam dirigenda est: sufficit enim talem diligentiam in communibus rebus adhibere socium⁵, qualem suis rebus adhibere solet. nam qui parum diligentem socium sibi adsumit⁶, de se queri debet.⁷

¹ Gai. 3, 151. 152 ² § 5 fin. 6. 7 similes Dig. 17, 2, 65 § 9. 10. 12 (Paul l. 82 ad ed.) ³ cf. Gai. 3, 154 ⁴ § 9 fin. ex Gai. l. 2 rer. cott. (Dig. 17, 2, 72) ⁵ socium] T⁹Θ, socio B, om. Dig. ⁶ sic B^bT, adscivit B^a, acquirit Dig. ⁷ sic Dig., hoc est sibi imputare debet addunt libri

XXVI¹

DE MANDATO.

²Mandatum contrahitur quinque modis, sive sua tantum gratia aliquis tibi mandet, sive sua et tua, sivi aliena tantum, sive sua et aliena, sivi tua et aliena. at si tua tantum gratia tibi mandatum sit, supervacuum est mandatum et ob id³ nulla ex eo obligatio 'nec mandati inter vos actio' nascitur. ²Man-
dantis tantum gratia intervenit mandatum, veluti si quis tibi mandet, ut negotia eius gereres, vel ut fundum ei emereres, vel ut pro eo sponderes. ²Tua et mandantis, veluti si mandet tibi, ²ut pecuniam sub usuris crederes ei, qui in rem ipsius mutua-
retur, aut si volente te agere cum eo ex fideiussoria causa man-
det tibi, ut cum reo agas periculo mandantis, vel ut ipsius periculo stipuleris ab eo, quem tibi deleget in id quod tibi debuerat. ²Aliena autem⁴ causa intervenit mandatum, veluti si ³tibi mandet, ut Titii negotia gereres, vel ut Titio fundum emereres, vel ut pro Titio sponderes. ²Sua et aliena, veluti si ⁴'de communibus suis et Titii negotiis gerendis' tibi mandet, vel ut sibi et Titio fundum emereres, vel ut pro eo et Titio sponderes. ²Tua et aliena, veluti si tibi mandet, ut Titio sub usuris cre-
deres. quodsi ut⁵ sine usuris crederes⁶, aliena tantum gratia intercedit mandatum. ²Tua gratia intervenit mandatum, veluti ⁶si tibi mandet, ut pecunias tuas potius in emptiones praediorum colloques, quam feneres, vel ex diverso ut⁷ feneres potius, quam in emptiones praediorum colloques. cuius generis mandatum magis consilium est quam mandatum et ob id non est obligatorium, quia nemo ex consilio 'mandati'⁸ obligatur, etiamsi non expediat ei cui dabitur, cum liberum cuique sit apud se explorare, an expediat consilium. ⁹itaque si otiosam pecuniam domi te habentem hortatus fuerit aliquis, ut rem aliquam emereres vel eam credas, quamvis non expediet tibi eam emisse vel credidisse, non tamen tibi mandati tenetur. et adeo haec ita sunt, ut quaesitum sit, an mandati teneatur qui mandavit tibi, ut Titio pecuniam fenerares: sed optinuit Sabini sententia obligatorium esse in hoc casu mandatum, quia non aliter Titio credidisses, quam si tibi mandatum esset. Illud quoque man-
datum non est obligatorium, quod contra bonos mores est,

¹ Cf. Gai. 3, 155.. 162 Dig. 17, 1 Cod. 4, 35 ² pr. . . § 6 in. ex Gai. l. 2 rer. cott. (Dig. 17, 1, 2) ³ ob id] *TDig.*, ideo B ⁴ tantum Dig. 9 ⁵ ut] Dig. 9, om. libri ⁶ sic Dig. BC^a, credideris TC^b ⁷ ut] B Dig. 9, ut pecunias tuas T^aC ⁸ mandati] libri cum 9, om. Dig. ⁹ cf. Gai. 3, 156

- veluti si Titius de furto aut¹ damno faciendo aut de iniuria facienda tibi mandet. licet enim poenam istius facti nomine praestiteris, non tamen ullam habes adversus Titium actionem.
- 8 ^{Is} qui exsequitur mandatum non debet excedere fines mandati. ut ecce si quis usque ad centum 'aureos' mandaverit tibi, ut fundum emeris vel ut pro Titio sponderes, neque pluris emere debes neque in ampliorem pecuniam 'fideiubere', alioquin non habebis cum eo mandati actionem: adeo quidem, ut Sabino et Cassio placuerit, etiam si usque ad centum 'aureos' cum eo agere velis, inutiliter te acturum: ²diversae scholae auctores recte te³ usque ad centum 'aureos' acturum existimant: quae sententia sane benignior est. ⁴'quod si minoris emeris, habebis scilicet cum eo actionem, 'quoniam' qui mandat, ut sibi centum 'aureorum' fundus emeretur, is utique mandasse intellegitur, ut minoris si posset emeretur.'
- 9 ⁵'Recte quoque mandatum 'contractum', si, dum adhuc
- 10 'integra res sit, revocatum fuerit, evanescit. ⁵Item si adhuc 'integrali mandato mors alterutrius⁶ interveniat, id est vel eius 'qui mandaverit, vel eius⁷ qui mandatum suscepit, solvitur 'mandatum. sed utilitatis causa receptum est, si⁸ mortuo eo, 'qui tibi mandaverit, tu ignorans eum decessisse executus fueras mandatum, posse te agere mandati actione: alioquin iusta et probabilis ignorantia damnum tibi afferat. et huic simile est, quod placuit, si debitores manumisso dispensatore 'Titii per ignorantiam liberto solverint, liberari eos: cum alioquin stricta iuris ratione non possent liberari, quia alii solvis-
- 11 'sent, quam cui solvere deberent.' Mandatum non suscipere liberum est: susceptum autem consummandum aut quam primum renuntiandum est, ut aut per semet ipsum aut per alium eandem rem mandator exsequatur. nam nisi ita renuntiatur, ut integra causa mandatori reservetur eandem rem explicandi, nihilo minus mandati actio locum habet, nisi si⁹ iusta causa intercessit aut non renuntiandi aut intempestive renuntiandi.
- 12 Mandatum et in diem differri et sub condicione fieri potest.
- 13 In summa sciendum est mandatum, nisi gratuitum sit, in aliam formam negotii cadere: nam mercede constituta incipit locatio et conductio esse et ut generaliter dixerimus: quibus casibus sine mercede suscepto officio mandati aut depositi contrahitur

¹ aut] *BC*, aut de *T* ² ex *Gai.* l. 2 *rer. cott.* (*Dig.* 17, 1, 4)
³ te] et *B*, ** *T*, te post aureos collocat *C* ⁴ *Gai.* 3, 161 ⁵ *Gai.*
 3, 159, 160 ⁶ sic *T*, alterius *BCa*, alterius utrius *P*, alterutrius alii-
 cuius *Gai.* ⁷ illius *T* ⁸ si] *BTa*, ut si *TbC* *Gai.* ⁹ si] *B*, ita *T*

negotium, his casibus interveniente mercede locatio et conductio contrahi intellegitur. et ideo si fulloni polienda curandave vestimenta dederis¹ aut sarcinatori sarcienda nulla mercede constituta neque promissa, mandati competit actio.

XXVII

DE OBLIGATIONIBUS QUASI EX CONTRACTU.

Post genera contractuum enumerata dispiciamus etiam de his obligationibus, quae non proprie quidem ex contractu nasci intelleguntur, sed tamen, quia non ex maleficio substantiam capiunt, quasi ex contractu nasci videntur. ²Igitur cum quis absentis negotia gesserit, ultro citroque inter eos nascuntur actiones, quae appellantur negotiorum gestorum: sed domino quidem rei gestae adversus eum qui gessit directa competit actio, negotiorum autem gestori contraria. quas ex nullo contractu proprie nasci manifestum est: quippe ita nascuntur istae actiones, si sine mandato quisque alienis negotiis gerendis se optulerit: ex qua causa ii quorum negotia gesta fuerint etiam ignorantes obligantur. idque utilitatis causa receptum est, ne absentium, qui subita festinatione coacti nulli demandata negotiorum suorum administratione peregre profecti essent, desererentur negotia: quae sane nemo curaturus esset, si de eo quod quis impendisset nullam habiturus esset actionem. sicut autem is qui utiliter gesserit negotia habet obligatum dominum negotiorum, ita et contra iste quoque tenetur, ut administrationis rationem reddat. quo casu ad exactissimam quisque diligentiam³ compellitur reddere rationem: nec sufficit talem diligentiam adhibere, qualem suis rebus adhibere solet, si modo alius diligentior commodius administraturus esset negotia. ⁴Tutores 2 quoque, qui tutelae iudicio tenentur, non proprie ex contractu obligati intelleguntur (nullum enim negotium inter tutorem et pupillum contrahitur): sed quia sane non ex maleficio tenentur, quasi ex contractu teneri videntur. et hoc autem casu mutuae sunt actiones: non tantum enim pupillus cum tutore habet tutelae actionem, sed et⁵ ex contrario tutor cum pupillo habet contrariam tutelae, si vel impenderit aliquid in rem pupilli vel pro eo fuerit obligatus aut rem suam creditori eius obligaverit. Item si inter aliquos communis sit res sine societate, veluti 3

¹ dederis] *B*, quis dederit *TC* ² *Cf. Dig. 44, 7, 5 pr. (Gai. l. 3 rer. cott.)* ³ de (?) exactissima q. diligentia *T* ⁴ § 2 *ex Gai. l. 3 rer. cott. (Dig. 44, 7, 5 § 1)* ⁵ et] *Dig. 0, om. libri*

quod pariter eis legata donatave esset, et alter eorum alteri ideo teneatur communi dividundo iudicio, quod solus fructus ex ea re perceperit, aut quod socius eius¹ in eam rem necessarias impensas fecerit: non intellegitur proprie ex contractu obligatus esse, quippe nihil inter se contraxerunt: sed quia non 4 ex maleficio tenetur, quasi ex contractu teneri videtur. Idem iuris est de eo, qui coheredi suo familiae erciscundae iudicio 5 ex his causis obligatus est. ²Heres quoque legatorum nomine non proprie ex contractu obligatus intellegitur (neque enim cum herede neque cum defuncto ullum negotium legatarius gessisse proprie dici potest³): et tamen⁴, quia ex maleficio non 6 est obligatus heres, quasi ex contractu debere intellegitur. ⁵Item is, cui quis per errorem non debitum solvit, quasi ex contractu debere videtur. adeo enim non intellegitur proprie ex contractu obligatus, ut, si certiore rationem sequamur, magis ut supra diximus ex distractu, quam ex contractu possit dici obligatus esse: nam qui solvendi animo pecuniam dat, in hoc dare videtur, ut distrahat potius negotium quam contrahat. sed tamen proinde is qui accepit obligatur, ac si mutuum illi daretur, et 7 ideo conditione tenetur. Ex quibusdam tamen causis repeti non potest, quod per errorem non debitum solutum sit. sic⁵ namque definiverunt veteres: ex quibus causis infitiando lis crescit, ex his causis non debitum solutum repeti non posse, veluti ex lege Aquilia, item ex legato. Quod veteres quidem in his legatis locum habere voluerunt, quae certa constituta per damnationem cuicumque fuerant legata: nostra autem constitutio⁶ cum unam naturam omnibus legatis et fideicommissis indulsit, huiusmodi augmentum in omnibus legatis et fideicommissis extendi voluit: sed non omnibus legatariis⁷ praeiuit, sed tantummodo in his legatis et fideicommissis, quae sacrosanctis ecclesiis ceterisque venerabilibus locis, quae religionis vel pietatis intuitu honorificantur, derelicta sunt, quae si indebita solvantur, non repetuntur.⁸

XXVIII⁸

PER QUAS PERSONAS NOBIS OBLIGATIO ADQUIRITUR.

⁹Expositis generibus obligationum, quae ex contractu vel quasi ex contractu nascuntur, admonendi sumus adquiri vobis

¹ eius] *dett. cum* Θ, solus T^a, eius solus BT^b ² ad § 5. 6 cf. Dig. 44, 7, 5 § 2. 3 (*Gai. l. 2 rer. cott.*) ³ sic T (*ubi tamen dici potest incerta sunt*) P, legatarium pr. gess. d. posse B ⁴ et tamen] sed T ⁵ sic] T, om. B ⁶ Cod. 1, 3, 45 § 7? ⁷ legatariis] ObE, legatis C^a, l. hoc B, hoc l. T ⁸ Cf. Gai. 3, 163. . . 167 Cod. 4, 27 ⁹ Gai. 3, 163

non solum per vosmet ipsos, sed etiam per eas quoque personas, quae in vestra potestate sunt, veluti per servos vestros et filios¹: ut tamen, quod per servos quidem² vobis adquiritur, totum vestrum fiat, quod autem per liberos, quos in potestate habetis, ex obligatione fuerit adquisitum, hoc dividatur secundum imaginem rerum proprietatis et usus fructus, quam³ nostra discrevit constitutio⁴: ut, quod ab actione commodum⁵ perveniat, huius usum fructum quidem habeat pater, proprietas autem filio servetur, scilicet patre actionem movente secundum novellae nostrae constitutionis divisionem. Item⁶ per liberos¹ homines et alienos servos, quos bona fide possidetis, acquiritur vobis, sed tantum ex duabus causis, id est si quid ex operis suis vel ex re vestra adquirant. Per eum quoque servum, 2 in quo usum fructum vel usum habetis, similiter ex duabus istis causis vobis acquiritur. Communem servum pro domiica³ parte dominis acquirere certum est, excepto eo, quod uni nominatim stipulando aut per traditionem accipiendo illi soli acquirit, veluti cum ita stipuletur: 'Titio domino meo dare spondes?' sed si unius domini iussu servus fuerit stipulatus, licet antea dubitabatur, tamen post nostram decisionem⁸ res expedita est, ut illi tantum adquirat, qui hoc ei facere iussit, ut supra⁹ dictum est.

XXIX¹⁰

QUIBUS MODIS OBLIGATIO TOLLITUR.

¹¹ Tollitur autem omnis obligatio solutione eius quod debetur, vel si quis consentiente creditore aliud pro alio solverit. nec tamen interest, quis solvat, utrum ipse qui debet an alius pro eo: liberatur enim et¹² alio solvente, sive sciente debitore sive ignorante vel invito solutio fiat. item si reus solverit, etiam ii qui pro eo intervenerunt liberantur. idem ex contrario contingit, si fideiussor solverit: non enim solus ipse liberatur, sed etiam reus. ¹³ Item per acceptilationem tollitur obligatio. 1 est autem acceptilatio imaginaria solutio. quod enim ex verborum obligatione Titio debetur, id si velit Titius remittere, poterit sic fieri, ut patiatur haec verba debitorem dicere: 'quod ego tibi promisi habeane acceptum?' et Titius respondeat

¹ filios] CΘ, filios vestros BT²? ² quidem] TC^a, om. BC^b ³ quam BΘ, quae T, quem C^b, inc. C^a ⁴ Cod. 6, 61, 6 ⁵ commodum] BΘ, quoquo modo TC ⁶ Gai. 3, 164, 165 ⁷ Gai. 3, 167 ⁸ Cod. 4, 27, 2 ⁹ 3, 17, 3 ¹⁰ Cf. Gai. 3, 168.. 181 Dig. 46, 2.. 4 Cod. 8, 41, 43 ¹¹ Gai. 3, 168 ¹² et] TCΘ, om. B ¹³ Gai. 3, 169

“habeo”¹: ¹sed et Graece potest acceptum fieri, dummodo sic fiat, ut Latinis verbis solet: ²*ἔχεις λαβὼν δηνάρα τόσα; ἔχω λαβὼν*. ³quo genere ut diximus tantum eae obligationes solvuntur, quae ex verbis consistunt, non etiam ceterae: consentaneum enim visum est verbis factam obligationem posse aliis verbis dissolvi: sed ⁴id, quod ex alia causa debetur, potest in stipulationem deduci et per acceptilationem dissolvi. ⁵sicut autem quod debetur pro parte recte solvitur, ita in partem debiti acceptilatio fieri potest. Est prodita stipulatio, quae vulgo Aquiliana appellatur, per quam stipulationem contingit, ut omnium rerum obligatio in stipulatum deducatur et ea per acceptilationem tollatur. stipulatio enim Aquiliana novat omnes obligationes et a Gallo Aquilio ita composita est: ⁶“quidquid te mihi ex quacumque causa dare facere oportet oportebit praesens in diemve”⁷ quarumque rerum mihi tecum actio quaeque abs te petitio vel adversus te persecutio est erit quodque⁸ tu meum habes tenes possides possideresve⁹ dolove malo fecisti, quo minus possideas: quanti quaeque earum rerum res erit, tantam pecuniam dari stipulatus est Aulus Agerius, spondit Numerius Negidius.” item e diverso Numerius Negidius interrogavit Aulum Agerium: “quidquid tibi hodierno die per Aquilianam stipulationem spondi, id omne habesne acceptum?” ⁸respondit Aulus Agerius: “habeo¹⁰ acceptumque tuli.” ¹¹“Praeterea novatione tollitur obligatio. veluti si id, quod tu Seio debeas, a Titio dari stipulatus sit. nam interventu novae personae nova nascitur obligatio et prima tollitur translata in posteriorem, adeo ut interdum, licet posterior stipulatio inutilis sit, tamen prima novationis iure tollatur¹². veluti si id, quod Titio tu debebas, a pupillo sine tutoris auctoritate stipulatus fuerit, quo casu res amittitur: nam et prior debitor liberatur et posterior obligatio nulla est. non idem iuris est, si a servo quis stipulatus fuerit: nam tunc prior proinde obligatus manet, ac si postea a nullo¹³ stipulatus fuisset. sed si eadem persona sit, a qua postea stipuleris, ita demum novatio fit, si quid in posteriore

¹ sed ... *λαβὼν* ex Dig. 46, 4, 8 § 4 (*Ulp. l. 48 ad Sab.*) ² id est: habesne acceptos tot denarios? habeo ³ Gai. 3, 170 ⁴ sed] Gai. Θ, sed et libri ⁵ cf. Gai. 3, 172 ⁶ cf. Dig. 46, 4, 18 § 1 ⁷ diemve] *Ta*Dig. Θ, diem vel sub condicionem *BT*⁶, diesve (vel sub condicionem add. *Ob*) oportebit oportereve *C* ⁸ sic libri cum Θ, quodve Dig. ⁹ possideresve] sic libri cum Θ, recte om. Dig. ¹⁰ acceptum ins. dett.: *ἔχω λαβὼν ἢ καὶ ληφθὼν ἀπηνεγκάμην* (quasi esset habeo acceptum acceptumve tuli) Θ ¹¹ Gai. 3, 176. 177. 179 ¹² sic Gai., tollitur *BT* ¹³ a nullo] Gai., nullus libri

‘stipulatione novi sit, forte si condicio aut dies aut ‘fideiussor’ adiciatur aut detrahatur. quod autem diximus, si condicio adiciatur, novationem fieri, sic intellegi oportet, ut ita dicamus ‘factam novationem, si condicio extiterit: alioquin si defecerit, durat prior obligatio.’ ‘Sed cum hoc quidem inter veteres ^{3a} constabat tunc fieri novationem, cum novandi animo in secundam obligationem itum fuerat: per hoc autem dubium erat, ‘quando novandi animo videretur¹ hoc fieri et quasdam de hoc praesumptiones alii in aliis casibus introducebant: ideo nostra processit constitutio², quae apertissime definivit tunc solum fieri novationem, quotiens hoc ipsum inter contrahentes expressum fuerit, quod propter novationem prioris obligationis convenerunt, alioquin manere et pristinam obligationem et secundam ei accedere, ut maneat ex utraque causa obligatio secundum nostrae constitutionis definitiones, quas licet ex ipsius ‘lectione apertius cognoscere.’ Hoc amplius eae obligationes, ⁴ quae consensu contrahuntur, contraria voluntate dissolvuntur. nam si Titius et Seius inter se consenserunt, ut fundum Tusculanum emptum Seius haberet centum ‘aureorum’, deinde re nondum secuta, id est neque pretio soluto neque fundo tradito, placuerit inter eos, ut discederetur ab emptione et venditione, invicem liberantur. idem est et in conductione et locatione et omnibus contractibus, qui ex consensu descendunt, sicut iam dictum est.

LIBER QUARTUS.

I³DE OBLIGATIONIBUS QUAE EX DELICTO NASCUNTUR⁴.

Cum expositum sit superiore libro de obligationibus ex contractu et quasi ex contractu, sequitur ut de obligationibus ex maleficio dispiciamus. ⁵sed illae quidem, ut suo loco tradidimus, in quattuor genera dividuntur: hae vero unius generis sunt, nam omnes ex re nascuntur, id est ex ipso maleficio, veluti ex furto aut rapina aut damno aut iniuria.

¹ videtur *B*, videatur *T^b*, inc. *T^a* ² *Cod.* 8, 41, 8 ³ *Cf. Gai.* 3, 182 ... 208 *Dig.* 47, 2 *Cod.* 6, 2 ⁴ sic *APΘ*, et de furto *add. B* ⁵ *cf. Dig.* 44, 7, 4 (*Gai. l. 3 rer. cott.*)

- 1 ¹Furtum est contrectatio rei fraudulosa vel ipsius rei vel etiam usus eius possessionisve, quod lege naturali prohibitum
 2 est admittere. ²Furtum autem vel a furvo id est nigro dictum est, quod clam et obscure fit et plerumque nocte: vel a fraude: vel a ferendo, id est auferendo: vel a Graeco sermone, qui *φῶρας* appellant fures. immo etiam Graeci *ἀπὸ τοῦ φῶρειν*³
 8 *φῶρας* dixerunt. ⁴Furtorum autem genera duo sunt, manifestum et nec manifestum. nam conceptum et oblatum species potius actionis sunt furto cohaerentes quam genera furtorum, sicut inferius apparebit. ⁵manifestus fur est, quem Graeci *ἐν ἀνορώρῳ* appellant: nec solum is qui in ipso furto deprehenditur, sed etiam is qui eo loco deprehenditur, quo fit, veluti qui in domo⁶ furtum fecit et nondum egressus ianuam deprehensus fuerit, et qui in oliveto olivarum aut in vineto uvarum furtum fecit, quamdiu in eo oliveto aut in vineto fur deprehensus sit: immo ulterius furtum manifestum extendendum est, quamdiu eam rem fur tenens visus vel deprehensus fuerit sive in publico sive in privato vel a domino vel ab alio, antequam eo perveniret, quo perferre ac deponere rem destinasset. ⁷sed si pertulit quo destinavit, tametsi deprehendatur cum re furtiva, non est manifestus fur. ⁸nec manifestum furtum quid sit, ex his quae diximus intellegitur: nam quod manifestum non est, id scilicet
 4 ⁹nec manifestum est. Conceptum furtum dicitur, cum apud aliquem testibus praesentibus furtiva res quaesita et inventa sit: nam in eum⁹ propria actio constituta est, quamvis fur non sit, quae appellatur concepti. oblatum furtum dicitur, cum res furtiva ab aliquo tibi oblata sit eaque apud te concepta sit, utique si ea mente tibi data fuerit, ut apud te potius quam apud eum qui dederit conciperetur: nam tibi, apud quem concepta sit, propria adversus eum qui optulit, quamvis fur non sit, constituta est actio, quae appellatur oblata. est etiam prohibiti furti actio adversus eum, qui furtum quaerere testibus praesentibus volentem prohibuerit. praeterea poena constituitur edicto praetoris per actionem furti non exhibiti adversus eum, qui furtivam rem apud se quaesitam et inventam non exhibuit. sed hae actiones, id est concepti et oblata et furti prohibiti nec non furti non exhibiti, in desuetudinem abierunt. cum enim

¹ § 1 ex Dig. 47, 2, 1 § 3 (Paul. l. 89 ad ed.) ² § 2 ex Dig. 47, 2, 1 pr. (Paul. l. 39 ad ed.) ³ id est: a ferendo ⁴ Gai. 3, 183; similia Dig. 47, 2, 2 (Gai. l. 13 ad ed.) ⁵ manif. . . appellant ex Dig. 47, 2, 3 pr. (Ulp. l. 41 ad Sab.) ⁶ in domo] W, domo A, domi BC, inc. T^a ⁷ sed . . . fur = Dig. 47, 2, 5 § 1 ⁸ Gai. 3, 185 . . . 188 ⁹ eo TC^a

requisitio rei furtivae hodie secundum veterem observationem non fit: merito ex consequentia etiam praefatae actiones ab usu communi recesserunt, cum manifestissimum est, quod¹ omnes, qui scientes rem furtivam susceperint et celaverint, furti nec manifesti obnoxii sunt.² Poena manifesti furti quadrupli est³ tam ex servi persona quam ex liberi, nec manifesti dupli.

³Furtum autem fit non solum, cum quis interceptiendi causa⁴ rem alienam amovet, sed generaditer cum quis alienam rem invito domino contractat. itaque sive creditor pignore sive is apud quem res deposita est ea re utatur sive is qui rem utendam accepit in alium usum eam transferat, quam cuius gratia ei data est, furtum committit. veluti si quis argentum utendum acceperit quasi amicos ad cenam invitaturus et id peregre secum tulerit, aut si quis equum gestandi causa commodatum sibi longius aliquo duxerit, quod veteres scripserunt de eo, qui in aciem equum perduxisset⁴. Placuit tamen eos, qui rebus commodatis aliter uterentur, quam⁷ utendas acceperint, ita furtum committere, si se intellegant id invito domino facere eumque si intellexisset non permissurum, ac si permissurum credant, extra crimen videri: optima sane distinctione, quia furtum sine affectu furandi non committitur.⁵ Sed⁸ et⁶ si credat aliquis invito domino se rem commodatam sibi⁷ contrectare, domino autem volente id fiat, dicitur furtum non fieri. unde illud quaesitum est, cum Titius servum Maevii sollicitaverit, ut quasdam res domino subriperet et ad eum perferret, et servus id ad Maevium pertulerit, Maevius, dum vult Titium in ipso delicto deprehendere, permisit servo quasdam res ad eum perferre, utrum furti an servi corrupti iudicio teneatur Titius, an neutro?¹ et cum nobis super hac dubitatione suggestum est et antiquorum prudentium super hoc altercationes perspeximus, quibusdam neque furti neque servi corrupti actionem praestantibus, quibusdam furti tantummodo: nos huiusmodi calliditati obviam euntes per nostram decisionem⁸ sanximus non solum furti actionem, sed etiam servi corrupti contra eum dari: licet enim is servus deterior a sollicitatore minime factus est et ideo non concurrant regulae, quae servi corrupti actionem introducerent, tamen consilium corruptoris ad perniciem probitatis servi introductum est, ut sit ei poenalis actio imposita, tamquam re ipsa fuisset servus corruptus, ne ex

¹ quin libri² § 5 similis Gaio 3, 189. 190³ Gai. 3, 195. 196⁴ sic AB^cC^bGai., produxisset TC^a, perduxerit B^a ⁵ Gai. 3, 197. 198⁶ et] AT^bC^bGGai., om. BT^a ⁷ commodatam sibi om. Gai. ⁸ Cod.

6, 2, 20

- huiusmodi impunitate et in alium servum, qui possit corrumpi,
 9 'tale facinus a quibusdam perpetretur.' ¹Interdum etiam libe-
 rorum hominum furtum fit, veluti si quis liberorum nostrorum,
 10 'qui in potestate nostra sit' ², subreptus fuerit. ¹Aliquando autem
 etiam suae rei quisque furtum committit, veluti si debitor rem
 quam creditori pignoris causa dedit subtraxerit.
- 11 ³Interdum furti tenetur, qui ipse furtum non fecerit: qualis
 est, cuius ope et consilio furtum factum est. in quo numero
 est, qui tibi nummos excussit, ut alius eos raperet, aut obstitit
 tibi, ut alius rem tuam exciperet, vel oves aut boves tuas fuga-
 verit, ut alius eas exciperet: et hoc veteres scripserunt de eo,
 'qui panno rubro fugavit armentum. sed si quid eorum per
 lasciviam et non data opera, ut furtum admitteretur, factum
 est, 'in factum actio' dari debeat.' at ubi ope Maevii Titius
 furtum fecerit, ambo furti tenentur. ope consilio eius quoque
 furtum admitti videtur, qui scalas forte fenestris supponit aut
 ipsas fenestras vel ostium effringit, ut alius furtum faceret, quive
 ferramenta ad effringendum aut scalas ut fenestris supponerentur
 (12) commodaverit, sciens cuius gratia commodaverit. certe qui nullam
 operam ad furtum faciendum adhibuit, sed tantum consilium
 dedit atque hortatus est ad furtum faciendum, non tenetur furti.
- 12(13) Hi, qui in parentum vel dominorum potestate sunt, si rem eis
 subripiant, furtum quidem illis faciunt et res in furtivam causam
 cadit nec ob id ab ullo usucapi potest, antequam in domini
 potestate revertatur, sed furti actio non nascitur, quia nec ex
 (14) alia ulla causa potest inter eos actio nasci: si vero ope consilio
 alterius furtum factum fuerit, quia utique furtum committitur,
 convenienter ille furti tenetur, quia verum est ope consilio eius
 furtum factum esse.
- 13(15) ⁴Furti autem actio ei competit, cuius interest rem salvam
 esse, licet dominus non sit: itaque nec domino aliter competit,
 14(16) 'quam si eius intersit rem non perire. ⁴Unde constat credito-
 rem de pignore subrepto furti agere posse,' etiamsi idoneum
 debitorem habeat, quia expedit ei pignori potius incumbere quam
 in personam agere: 'adeo quidem ut, quamvis ipse debitor eam
 rem subriperit, nihilo minus creditori competit actio furti.
- 15(17) ⁴Item si fullo polienda curandave aut sarcinator sarcinda
 vestimenta mercede certa acceperit eaque furto amiserit, ipse
 furti habet actionem, non dominus, quia domini nihil interest
 eam rem non perire, cum iudicio locati a fullone aut sarcinatore

¹ Gai. 3, 199. 200² sit] AB, st Ca, sunt TbCbGai., inc. Ta³ Gai. 3, 202⁴ Gai. 3, 203..205

rem suam persequi potest.¹ sed et bonae fidei emptori subrepta re quam emerit, quamvis dominus non sit, omnimodo competit furti actio, quemadmodum et creditori. fulloni vero et sarcinatori non aliter furti competere placuit, quam si solvendo sint, hoc est si domino rei aestimationem solvere possint: ¹nam si solvendo non sunt, tunc quia ab eis suum dominus consequi non possit, ipsi domino furti actio competit, quia hoc casu ipsius interest rem salvam esse.² idem est et si in parte solvendo sint fullo aut sarcinator. ²Quae de fullone et sarcinatore 16(18) diximus, eadem et ad eum cui commodata res est transferenda veteres existimabant: nam ut ille fullo mercedem accipiendo custodiam praestat, ita is quoque, qui commodum utendi percipit, similiter necesse habet custodiam praestare.³ sed nostra providentia etiam⁴ hoc in decisionibus nostris emendavit, ⁴ut in domini sit voluntate, sive commodati actionem adversus eum qui rem commodatam accepit movere desiderat, sive furti adversus eum qui rem subripuit, et alterutra earum electa dominum non posse ex paenitentia ad alteram venire actionem. sed si quidem furem elegerit, illum qui rem utendam accepit penitus liberari. sin autem commodati veniat adversus eum qui rem utendam accepit, ipsi quidem nullo modo competere posse adversus furem furti actionem, eum autem, qui pro re commodata convenitur, posse adversus furem furti habere actionem, ita tamen, si dominus sciens rem esse subreptam adversus eum cui res commodata fuit pervenit: sin autem nescius et dubitans rem non esse apud eum commodati actionem instituit, postea autem re comperta voluit remittere quidem commodati actionem, ad furti autem pervenire, tunc licentia ei concedatur et adversus furem venire nullo obstaculo ei opponendo, quoniam incertus constitutus movit adversus eum qui rem utendam accepit commodati actionem (nisi domino ab eo satisfactum est: tunc etenim omnimodo furem a domino quidem furti actione liberari, suppositum autem esse ei, qui pro re sibi commodata domino satisfecit), cum manifestissimum est, etiam si ab initio dominus actionem instituit commodati ignarus rem esse subreptam, postea autem hoc ei cognito adversus furem transivit, omnimodo liberari eum qui rem commodatam accepit, quemcumque causae exitum dominus adversus furem habuerit: eadem definitione optinente, sive in partem sive in solidum solvendo sit is qui rem commodatam accepit.⁵ Sed is, apud quem res deposita est, custo- 17(19)

¹ Gai. 3, 205
Cod. 6, 2, 22 § 1. 2

² Gai. 3, 206
⁵ Gai. 3, 207. 208

³ etiam om. T ⁴ § 16 fin. ex

- 'dian non praestat, sed tantum in eo obnoxius est, si quid
 'ipse dolo malo fecerit: qua de causa si res ei subrepta fuerit,
 'quia restituendae eius¹ nomine depositi non tenetur nec ob id
 18(20) 'eius interest rem salvam esse, furti agere non potest, sed furti
 'actio domino competit. ²In summa sciendum est quaesitum
 'esse, an impubes rem alienam amovendo furtum faciat, et
 'placet, quia furtum ex affectu consistit, ita demum obligari eo
 'crimine impuberem, si proximus pubertati sit et ob id intellegat
 19(21) 'se delinquere.' Furti actio sive dupli sive quadrupli tantum ad
 poenae persecutionem pertinet: nam ipsius rei persecutionem
 extrinsecus habet dominus, quam aut vindicando aut condicendo
 potest auferre. sed vindicatio quidem adversus possessorem est,
 sive fur ipse possidet sive alius quilibet: condictio autem adversus
 ipsum furem heredemve eius, licet non possideat, competit.

II³VI⁴ BONORUM RAPTORUM.

- 5'Qui res alienas rapit, tenetur quidem etiam furti (quis
 'enim magis alienam rem invito domino contrectat, quam qui
 'vi rapit? ideoque recte dictum est eum improbum furem esse):
 'sed tamen propriam actionem eius delicti nomine praetor in-
 'troduxit, quae appellatur vi bonorum raptorum et est intra
 'annum quadrupli, post annum simpli. quae actio utilis est,
 'etiamsi quis unam rem licet minimam rapuerit.' quadruplum
 autem non totum poena est et extra poenam rei persecutio,
 sicut in actione furti manifesti diximus: sed in quadruplo inest
 et rei persecutio, ut poena tripli sit, sive comprehendatur raptor
 in ipso delicto sive non. ridiculum est enim levioris esse con-
 1 dictionis eum qui vi rapit, quam qui clam amovet. Quia tamen
 ita competit haec actio, si dolo malo quisque rapuerit: qui
 aliquo errore inductus suam rem esse et imprudens iuris eo
 animo rapuit, quasi domino liceat rem suam etiam per vim
 auferre possessoribus, absolvi debet. cui scilicet conveniens est
 nec furti teneri eum, qui eodem hoc animo rapuit. 'sed ne,
 'dum talia excogitentur, inveniatur via, per quam raptores
 'impune suam exercean avaritiam: melius divalibus constitu-
 'tionibus⁶ pro hac parte prospectum est, ut nemini liceat vi
 'rapere rem mobilem vel se moventem, licet suam eandem rem

¹ eius] *AGai.*, eius rei *BP* ² *Gai.* 3, 207. 208 ³ *Cf. Dig.* 47, 8
Cod. 9, 93 ⁴ vi] *A*, de vi *B utr. l.* ⁵ *Gai.* 3, 209 ⁶ *Dig.* 4, 2, 13.
 48, 7, 7 *Cod.* 3, 39, 4, 8, 4, 7. 10

existimet: sed si quis¹ contra statuta fecerit, rei quidem suae dominio cadere, sin autem aliena sit, post restitutionem² etiam aestimationem eiusdem rei praestare. quod non solum in mobilibus rebus, quae rapi possunt, constitutiones optinere censerunt, sed etiam in invasionibus, quae circa res soli fiunt, 'ut ex hac causa omni rapina homines abstineant.'³ In hac² actione non utique expectatur rem in bonis actoris esse: nam sive in bonis sit sive non sit, si tamen ex bonis sit, locum haec actio habebit. quare sive commodata sive locata sive etiam pignerata sive deposita sit apud Titium sic, ut intersit eius eam non auferri, veluti si in re deposita culpam quoque promisit, sive bona fide possideat, sive usum fructum in ea quis habeat vel quod aliud ius, ut intersit eius non rapi: dicendum est competere ei hanc actionem, ut non dominium accipiat, sed illud solum, quod ex bonis eius qui rapinam passus est, id est quod ex substantia eius ablatum esse proponatur. et generaliter dicendum est, ex quibus causis furti actio competit in re clam facta, ex isdem causis omnes habere hanc actionem.

III⁴

DE LEGE AQUILIA.

⁵ Damni iniuriae actio constituitur per legem Aquiliam. cuius primo capite cautum est, ut si quis hominem alienum alienamve quadrupedem quae pecudum numero sit iniuria occiderit, quanti ea res in eo anno plurimi fuit, tantum domino dare damnetur.⁶ Quod autem non praecise de quadrupede, sed¹ de ea tantum quae pecudum numero est cavetur, eo pertinet, ut neque de feris bestiis neque de canibus cautum esse intelligamus, sed de his tantum, quae proprie pasci dicuntur, quales sunt equi muli asini boves oves caprae. de suibus quoque idem placuit: nam et sues pecorum appellatione continentur, quia et hi gregatim pascuntur: sic denique et Homerus in *Odyssea*⁸ ait, 'sicut Aelius Marcianus in suis institutionibus⁷ refert':

*ὁῦς τὸν γε σύεσσι παρήμενον αἶ δὲ νέμονται
πάρ Κοράκος πέτρῃ, ἐπὶ τε κρήνῃ Ἀρεθούσῃ⁸.*

¹ quis] *AW*, quid *B*, quidem *E* ² restitutionem] *A*, rest. eius *BW* ³ § 2 ex *Dig.* 47, 8, 2 § 22. 23 (*Ulp.* l. 56 ad ed.) ⁴ Cf. *Gai.* 3, 210.. 219 *Dig.* 9, 2 *Cod.* 3, 35 ⁵ *Gai.* 3, 210 ⁶ *Od.* 13, 407 sq. ⁷ *Dig.* 32, 65 § 4 ⁸ id est: invenies eum apud sues sedentem. hae vero pascuntur ad Coracis clivum et apud fontem Arethusam

- 2 Iniuria autem occidere intellegitur, qui nullo iure occidit. itaque qui latronem occidit, non tenetur, utique si aliter peri-
- 3 culum effugere non potest. Ac ne is quidem hac lege tenetur, qui casu occidit, si modo culpa eius nulla invenitur: nam alioquin non minus ex dolo quam ex culpa quisque hac lege tene-
- 4 tur. Itaque si quis, dum iaculis ludit vel exercitatur, transeuntem servum tuum traiecerit, distinguitur. nam si id a milite quidem¹ in campo eoque, ubi solitum est exercitari, admissum est, nulla culpa eius intellegitur: si alius tale quid admisit, culpa reus est. idem iuris est de milite, si is in alio loco,
- 5 quam qui exercitandis militibus destinatus est, id admisit. Item si putator ex arbore deiecto ramo servum tuum transeuntem occiderit, si prope viam publicam aut vicinalem id factum est neque praeclamavit, ut casus evitari possit, culpa reus est: si praeclamavit neque ille curavit cavere, extra culpam est putator. aequae extra culpam esse intellegitur, si seorsum a via forte vel in medio fundo caedebat, licet non praeclamavit, quia eo
- 6 loco nulli extraneo ius fuerat versandi. Praeterea si medicus, qui servum tuum secuit, dereliquerit curationem atque ob id
- 7 mortuus fuerit servus, culpa reus est. Imperitia quoque culpa adnumeratur, veluti si medicus ideo servum tuum occiderit, quod eum male secuerit aut perperam ei medicamentum dederit.
- 8 Impetu quoque mularum, quas mulio propter imperitiam retinere non potuerit, si servus tuus oppressus fuerit, culpa reus est mulio. sed et si propter infirmitatem retinere eas non potuerit, cum alius firmior retinere potuisset, aequae culpa tenetur. eadem placuerunt de eo quoque, qui, cum equo veheretur, impetum eius aut propter infirmitatem aut propter imperitiam suam
- 9 retinere non potuerit. His autem verbis legis² quanti id² in eo anno plurimi fuerit² illa sententia exprimitur, ut si quis hominem tuum, qui hodie claudus aut luscus aut mancus erit, occiderit, qui in eo anno integer aut pretiosus fuerit, non tanti teneatur, quanti is hodie erit, sed quanti in eo anno plurimi fuerit. qua ratione creditum est poenalem esse huius legis actionem, quia non solum tanti quisque obligatur, quantum damni dederit, sed aliquando longe pluris: ideoque constat in heredem eam actionem non transire, quae transitura fuisset,
- 10 si ultra damnum numquam lis aestimaretur. Illud non ex verbis legis, sed ex interpretatione placuit non solum precepti corporis aestimationem habendam esse secundum ea quae diximus, sed eo amplius quidquid praeterea precepto eo corpore

¹ quidem] *dett.*, qui *libri* ² id] *APΘ*, *om. B*

damni¹ vobis adlatum fuerit, veluti si servum tuum heredem ab aliquo institutum ante quis occiderit, quam is iussu tuo adiret: nam hereditatis quoque amissae rationem esse habendam constat. item si ex pari mularum unam vel ex quadriga equorum unum occiderit, vel ex comoedis unus servus fuerit occisus: non solum occisi fit aestimatio, sed eo amplius id quoque computatur, quanto depretiati sunt qui supersunt. Liberum est 11 autem ei, cuius servus fuerit occisus, et privato iudicio legis Aquiliae damnum persequi et capitalis criminis eum reum facere.

“Caput secundum legis Aquiliae in usu non est.”² “Capite 12. 13 tertio de omni cetero damno cavetur. Itaque si quis servum vel eam quadrupedem quae pecudum numero est vulneraverit, sive eam quadrupedem quae pecudum numero non est, veluti canem aut feram bestiam, vulneraverit aut occiderit, hoc capite actio constituitur. in ceteris quoque omnibus animalibus, item in omnibus rebus quae anima carent damnum iniuria datum hac parte vindicatur. si quid enim ustum aut ruptum aut fractum fuerit, actio ex hoc capite constituitur: quamquam poterit sola rupti appellatio in omnes istas causas sufficere: ruptum enim intellegitur, quod quoquo³ modo corruptum est. unde non solum usta aut fracta, sed etiam scissa et collisa et effusa et quoquo modo perempta atque deteriora facta hoc verbo continentur: denique responsum est, si quis in alienum vinum aut oleum id immiserit, quo naturalis bonitas vini vel olei corrumperetur, ex hac parte legis eum teneri. Illud palam est, sicut ex primo 14 capite ita demum quisque tenetur, si dolo aut culpa eius homo aut quadrupes occisus occisave fuerit, ita ex hoc capite ex dolo aut culpa de cetero damno quemque teneri. “hoc tamen capite non quanti in eo anno, sed quanti in diebus triginta proximis res fuerit, ‘obligatur’ is qui damnum dederit. “Ac ne plurimi 15 quidem verbum adicitur. sed Sabino ‘recte’ placuit perinde habendam aestimationem, ac si etiam hac parte plurimi verbum adiectum fuisset: nam plebem Romanam, quae Aquilio tribuno rogante hanc legem tulit, contentam fuisse, quod prima parte eo verbo usa est”.

“Ceterum placuit ita demum ex hac lege actionem esse, 16 si quis ‘praecipue’ corpore suo damnum dederit. ideoque in eum, qui alio modo damnum dederit, utiles actiones dari solent: veluti si quis hominem alienum aut pecus ita incluserit, ut fame necaretur, aut iumentum tam vehementer egerit, ut

¹ damni] *P*, d. quid *ABC* ² *Gai.* 3, 217 ³ quod quoquo] *A*¹*C*^b, quod quo *A*^a*A*^b, quo *B*^a, quoquo *B*^b*C*^a*P* ⁴ *Gai.* 3, 218. 219

rumperetur, aut pecus in tantum exagitaverit, ut praecipitaretur¹, aut si quis alieno servo persuaserit, ut in arborem ascenderet vel in puteum descenderet, et is ascendendo vel descendendo aut mortuus fuerit aut aliqua parte corporis laesus erit, utilis in eum actio datur. sed si quis alienum servum de ponte aut ripa in flumen deiecerit et is suffocatus fuerit, eo quod proiecerit corpore suo damnum dedisse non difficiliter intellegi poterit² ideoque ipsa lege Aquilia tenetur. sed si non corpore damnum fuerit datum neque corpus laesum fuerit, sed alio modo damnum alicui contigit, cum non sufficit neque directa neque utilis Aquilia, placuit eum qui obnoxius fuerit in factum actione teneri³:
² veluti si quis misericordia ductus alienum servum compeditum solverit, ut fugeret.

IV³

DE INIURIIS.

⁴ Generaliter iniuria dicitur omne quod non iure fit: specialiter alias contumelia, quae a contemnendo dicta est, quam Graeci ὕβρις appellant, alias culpa, quam Graeci ἀδίκημα dicunt, sicut in lege Aquilia damnum iniuria accipitur, alias iniquitas et iniustitia, quam Graeci ἀδικία vocant. cum enim praetor vel iudex non iure contra quem pronuntiat, iniuriam accepisse
 1 dicitur. ⁵ Iniuria autem committitur non solum, cum quis pugno puta aut fustibus caesus vel etiam verberatus erit, sed etiam si cui convicium factum fuerit, sive cuius bona quasi debitoris⁶ possessa fuerint ab eo, qui intellegebat nihil eum sibi debere, vel si quis ad infamiam alicuius libellum aut carmen scripserit composuerit ediderit dolove malo fecerit, quo quid eorum fieret, sive quis matrem familias aut praetextatum praetextatamve adsectatus fuerit, sive cuius pudicitia attemptata esse dicitur: et denique aliis pluribus modis
 2 mitti iniuriam manifestum est. ⁷ Patitur autem quis iniuriam non solum per semet ipsum, sed etiam per liberos suos quos in potestate habet: item per uxorem suam, id enim magis praevaluit. itaque si filiae alicuius, quae Titio nupta est, iniuriam feceris, non solum filiae nomine tecum iniuriarum agi potest, sed etiam patris quoque et mariti nomine. contra autem, si viro iniuria facta sit, uxor iniuriarum agere non potest:

¹ aut pecus in ... praecip.] BCPΘ, om. AGai. ² cf. Dig. 4, 3, 7 § 7 ³ Cf. Gai. 3, 220 .. 225 Dig. 47, 10 Cod. 9, 35 ⁴ pr. simile Coll. l. Mos. 2, 5 (Paul. l. sing. et tit. de iniuriis) ⁵ Gai. 3, 220, 221 ⁶ debitoris] Gai., deb. qui nihil deberet libri

defendi enim uxores a viris, non viros ab uxoribus aequum est. sed et socer nurus nomine, cuius vir in potestate est, iniuriarum agere potest. ¹Servis autem ipsis quidem nulla ³iniuria fieri intellegitur, sed domino per eos fieri videtur: non tamen isdem modis, quibus etiam per liberos et uxores, sed ita cum quid atrocius commissum fuerit et ²quod aperte ad contumeliam domini respicit. veluti si quis alienum servum verberaverit, et in hunc casum actio proponitur: at si quis servo convicium fecerit vel pugno eum percusserit, nulla in eum actio domino competit. Si communi servo iniuria facta sit, aequum est non pro ea parte, qua dominus quisque est, aestimationem iniuriae fieri, sed ex dominorum persona, quia ipsis fit iniuria. Quodsi usus fructus in servo Titii est, proprietas Maevii est, magis Maevio iniuria fieri intellegitur. Sed si libero, qui tibi bona fide servit, iniuria facta sit, nulla tibi actio dabitur, sed suo nomine is experiri poterit: nisi in contumeliam tuam pulsatus sit, tunc enim competit et tibi iniuriarum actio. idem ergo est et in servo alieno bona fide tibi serviente, ut totiens admittatur iniuriarum actio, quotiens in tuam contumeliam iniuria ei facta sit.

⁴Poena autem iniuriarum ex lege duodecim tabularum ⁷propter membrum quidem ruptum talio erat: propter os vero fractum nummariae poenae erant constitutae quasi in magna veterum paupertate. sed postea praetores permittebant ipsis qui iniuriam passi sunt eam aestimare, ut iudex vel tanti condemnnet, quanti iniuriam passus aestimaverit, vel minoris, prout ei visum fuerit. sed poena quidem iniuriae, quae ex lege duodecim tabularum introducta est, in desuetudinem abiit: quam autem praetores introduxerunt, quae etiam honoraria appellatur, in iudiciis frequentatur. nam secundum gradum dignitatis vitaeque honestatem crescit aut minuitur aestimatio iniuriae: qui gradus condemnationis et in servili persona non immerito servatur, ut aliud in servo actore, aliud in mediū actus homine, aliud in vilissimo vel compedito constituatur. Sed et ⁸lex Cornelia de iniuriis loquitur et iniuriarum actionem introduxit. quae competit ob eam rem, quod se pulsatum quis verberatumve domumve suam vi introitum esse dicat. domum autem accipimus, sive in propria domo quis habitat sive in conducta vel gratis sive hospitio receptus sit. ⁶Atrox iniuria ⁹

¹ Gai. 3, 222 ² et] A¹BPΘ, om. A²A³oGai. ³ § 6 fin. similis Dig. 47, 10, 15 § 48 (Ulp. l. 57 ad ed.) ⁴ Gai. 3, 223. 224 ⁵ os] PGai. ossum ABC ⁶ Gai. 3, 225

- ‘aestimatur vel ex facto, veluti si quis ab aliquo vulneratus fuerit vel fustibus caesus: vel ex loco, veluti si cui in theatro vel in foro vel in conspectu praetoris iniuria facta sit: vel ex persona, veluti si magistratus iniuriam passus fuerit, vel si senatori ab humili iniuria facta sit,’ aut parenti patronoque fiat a liberis vel libertis: aliter enim senatoris et parentis patronique, aliter extranei et humilis personae iniuria aestimatur. nonnumquam et locus vulneris atrocem iniuriam facit, veluti si in oculo quis percussus sit¹. ²parvi autem refert, utrum patri familias an filio familias talis iniuria facta sit: nam et haec
 10 atrox aestimabitur. In summa sciendum est de omni iniuria eum qui passus est posse vel criminaliter agere vel civiliter. et si quidem civiliter agatur, aestimatione facta secundum quod dictum est poena imponitur. sin autem criminaliter, officio iudicis extraordinaria poena reo irrogatur: ‘hoc videlicet observando, quod Zenoniana constitutio³ introduxit, ut viri illustres quique supra eos sunt et per procuratores possint actionem
 ‘iniuriarum criminaliter vel persequi vel suscipere secundum eius
 11 ‘injurem, qui ex ipsa manifestius apparet’. ⁴Non solum autem is iniuriarum tenetur qui fecit iniuriam, hoc est qui percussit: verum ille quoque continebitur, qui dolo fecit vel qui curavit,
 12 ut cui mala pugno percuteretur. Haec actio dissimulatione aboletur: et ideo, si quis iniuriam dereliquerit, hoc est statim passus ad animum suum non revocaverit, postea ex paenitentia remissam iniuriam non poterit recolare.

V⁵DE OBLIGATIONIBUS QUAE QUASI EX DELICTO
NASCUNTUR.

- ⁶Si iudex litem suam fecerit, non proprie ex maleficio obligatus videtur. sed quia neque ex contractu obligatus est et utique peccasse aliquid intellegitur, licet per imprudentiam: ideo videtur quasi ex maleficio teneri, ‘et in quantum de ea re
 1 aequum religioni iudicantis videbitur, poenam sustinebit’. ⁷Item is, ex cuius cenaculo vel proprio ipsius vel conducto vel in quo gratis habitabat deiectum effusumve aliquid est, ita ut alicui noceretur, quasi ex maleficio obligatus intellegitur: ideo autem non proprie ex maleficio obligatus intellegitur, quia plerumque

¹ sic AΘ, percussit BC ² § 9 fin. similis Dig. 47, 10, 9 § 2 (Ulp. l. 57 ad ed.) ³ Cod. 9, 35, 11 ⁴ § 11. 12 ex Dig. 47, 10, 11 pr. § 1 (Ulp. l. 57 ad ed.) ⁵ Cf. Dig. 9, 3; 4, 9; 47, 5 ⁶ pr. § 1 in. ex Gai. l. 3 rer. cott. (Dig. 44, 7, 5 § 4. 5; 50, 13, 6)

ob alterius culpam tenetur aut servi aut liberi. cui similis est is, qui ea parte, qua vulgo iter fieri solet, id positum aut suspensum habet, quod potest, si ceciderit, alicui nocere: quo casu poena decem 'aureorum' constituta est. de eo vero quod deiectum effusumve est dupli quanti damnum datum sit constituta est actio. ob hominem vero liberum occisum quinquaginta 'aureorum' poena constituitur: si vero vivet nocitumque ei¹ esse dicetur, quantum ob eam rem aequum iudici videtur, actio datur: ²iudex enim computare debet mercedes medicis³ praestitas ceteraque impendia, quae in curatione facta sunt, praeterea operarum, quibus caruit aut cariturus est ob id quod inutilis factus est. ⁴Si filius familias seorsum a patre habitaverit et quid ex cenaculo eius deiectum effusumve sit, sive quid positum suspensumve habuerit, cuius casus periculosus est: Iuliano placuit in patrem nullam esse actionem, sed cum ipso filio agendum. quod et in filio familias iudice observandum est, qui litem suam fecerit. ⁴Item exercitor navis aut cauponae³ aut stabuli de dolo⁵ aut furto, quod in nave aut in caupona aut in stabulo factum erit, quasi ex maleficio teneri videtur, si modo ipsius nullum est maleficio, sed alicuius eorum, quorum opera navem aut cauponam aut stabulum exerceret: cum enim neque ex contractu sit adversus eum constituta haec actio et aliquatenus culpa reus est, quod opera malorum hominum uteretur, ideo quasi ex maleficio teneri videtur. in his autem casibus in factum actio competit, quae heredi quidem datur, adversus heredem autem non competit.

VI⁶

DE ACTIONIBUS.

Superest, ut de actionibus loquamur. ⁷actio autem nihil aliud est, quam ius persequendi iudicio quod sibi debetur.

Omnium actionum, quibus inter aliquos apud iudices arbitrosve de quaque re⁸ quaeritur, summa divisio in duo genera deducitur: aut enim in rem sunt aut in personam. namque agit unusquisque aut cum eo, qui ei obligatus est vel ex contractu vel ex maleficio, quo casu proditae actiones in personam sunt, per quas intendit adversarium ei⁹ dare aut¹⁰ dare facere

¹ ei] *P*, om. *BC* ² § 1 *fin. similis Dig.* 9, 3, 7 (*Gai. l. 6 ad ed. prov.*) ³ medicis om. *B* ⁴ § 2. 3 *ex Gaio l. l. (Dig. 44, 7, 5 § 5. 6)*
⁵ dolo] *libri cum Θ*, damno *Dig. similis Dig.* 44, 7, 51 (*Cels. l. 3 dig.*) ⁶ *Cf. Gai. 4, 1.. 74* ⁷ *pr. fin.*
⁸ quaque re] *CPA*, qua *B* ⁹ ei]
¹⁰ dare aut] *BC*, om. *EΘ*

oportere et aliis quibusdam modis: aut cum eo agit, qui nullo iure ei obligatus est, movet tamen alicui de aliqua re controversiam. quo casu proditae actiones in rem sunt. veluti si rem corporalem possideat quis, quam Titius suam esse affirmet, et possessor dominum se esse dicat: nam si Titius suam esse
 2 intendat, in rem actio est. Aequè si agat ius sibi esse fundo forte vel aedibus utendi fruendi vel per fundum vicini eundi agendi vel ex fundo vicini aquam ducendi, in rem actio est. eiusdem generis est actio de iure praediorum urbanorum, veluti si agat ius sibi esse altius aedes suas tollendi prospiciendive vel proiciendi aliquid vel immittendi in vicini aedes. contra quoque de usu fructu et de servitutibus praediorum rusticorum, item praediorum urbanorum invicem quoque proditae sunt actiones, ut quis intendat ius non esse adversario utendi fruendi, eundi agendi aquamve ducendi, item altius tollendi prospiciendi proiciendi immittendi: istae quoque actiones in rem sunt, sed negativae. quod genus actionis in controversiis rerum corporalium proditum non est: nam in his is¹ agit qui non possidet: ei vero qui possidet non est actio prodita, per quam neget rem actoris esse. sane uno casu qui possidet nihilo minus actoris partes optinet, sicut in latioribus digestorum libris
 3 ¹oportunitus apparebit. Sed istae quidem actiones, quarum ²mentionem habuimus, et si quae sunt similes, ex legitimis et ³civilibus causis descendunt. aliae autem sunt, quas praetor ex ⁴sua iurisdictione comparatas habet tam in rem quam in personam, quas et ipsas necessarium est exemplis ostendere.² ecce ⁵plerumque ita permittit in rem agere, ut vel actor diceret se quasi usu cepisse, quod usu non ceperit, vel ex diverso possessor³ diceret adversarium suum usu non cepisse quod usu
 4 ceperit. Namque si cui ex iusta causa res aliqua tradita fuerit, veluti ex causa emptionis aut donationis aut dotis aut legatorum, necdum eius rei dominus effectus est, si eius rei casu possessionem amiserit, nullam habet directam in rem actionem ad eam rem persequendam: quippe ita proditae sunt iure civili actiones, ut quis dominium suum vindicet. sed quia sane durum erat eo casu deficere actionem, inventa est a praetore actio, in qua dicit is, qui possessionem amisit, eam rem se usu cepisse et ita vindicat suam esse. quae actio Publiciana appellatur, quoniam primum a Publicio praetore in edicto proposita
 5 est. Rursus ex diverso si quis, cum rei publicae causa abesset

¹ is om. B
 Bachovius, cf. Θ

² <> Iustinianis tribuit Ferrini

³ possessor del.

vel in hostium potestate esset, rem eius qui in civitate esset usu ceperit, permittitur domino, si possessor rei publicae causa abesse desierit, tunc intra annum rescissa usucapione eam petere, id est ita petere, ut dicat possessorem usu non cepisse et ob id suam esse rem. quod genus actionis et aliis quibusdam¹ simili aequitate motus praetor accommodat, 'sicut ex latiore digestorum seu pandectarum volumine intellegere licet'. Item si quis in fraudem creditorum rem suam alicui 'tradiderit',² 6 bonis eius a creditoribus ex sententia praesidis possessis permittitur 'ipsis creditoribus' rescissa 'traditione' eam rem petere, 'id est dicere eam rem traditam non esse et ob id in bonis debitoris mansisse'³. Item Serviana et quasi Serviana, quae 7 etiam hypothecaria vocatur, ex ipsius praetoris iurisdictione substantiam capit. Serviana autem experitur quis de rebus coloni, quae pignoris iure pro mercedibus fundi ei tenentur: quasi Serviana autem qua creditores⁴ pignora hypothecaeve persequuntur. inter pignus autem et hypothecam quantum ad actionem hypothecariam nihil interest: nam de qua re inter creditorem et debitorem convenerit, ut sit pro debito obligata, utraque hac appellatione continetur. sed in aliis differentia est: nam pignoris appellatione eam proprie contineri dicimus, quae simul etiam traditur creditori, maxime si mobilis sit: at eam, quae sine traditione nuda conventionione tenetur, proprie hypothecae appellatione contineri dicimus. In personam quoque actiones ex sua 8 iurisdictione propositas habet praetor. veluti de pecunia constituta, 'cui similis videbatur recepticia: sed ex nostra constitutione'⁵, cum et, si quid plenius habebat, hoc in pecuniam constitutam transfusum est, ea quasi supervacua iussa est cum 'sua auctoritate a nostris legibus recedere'. item praetor proposuit de peculio servorum filiorumque familias et⁶ ex qua quaeritur, an actor iuraverit, et alias complures. De pecunia 9 autem constituta cum omnibus agitur, quicumque vel pro se vel pro alio soluturos se constituerint, nulla scilicet stipulatione interposita. nam alioquin si stipulanti promiserint, iure civili tenentur. Actiones⁷ autem de peculio ideo adversus patrem 10 dominumve comparavit praetor, quia licet ex contractu filiorum servorumve ipso iure non teneantur, aequum tamen esset peculio tenus, quod veluti patrimonium est filiorum filiarumque, item servorum, condemnari eos. Item si quis postulante ad- 11

¹ quibusdam et aliis libri ² <> (§ 6) *Iustinianis tribuit Lenel*
³ qua del. ⁴ Cod. 4, 18, 2 ⁵ et] *P, om. BE* ⁶ τὴν δὲ de peculio
ἀγώγην Θ

- versario iuraverit deberi sibi pecuniam quam peteret, neque ei solvatur, iustissime accommodat ei talem actionem, per quam non illud quaeritur, an ei pecunia debeatur, sed an iuraverit.
- 12 Poënales quoque actiones ¹ *bene* multas ex sua iurisdictione introduxit: veluti adversus eum qui quid ex albo eius corrupisset: et in eum qui patronum vel parentem in ius vocasset, cum id non impetrasset: item adversus eum, qui vi exemerit eum qui in ius vocaretur, cuiusve dolo alius exemerit: et alias innume-
- 13 rabiles. Praejudiciales actiones in rem esse videntur, quales sunt, per quas quaeritur, an aliquis liber vel an libertus sit, vel de partu agnoscendo. ex quibus fere una illa legitimam causam habet, per quam quaeritur, an aliquis liber sit: ceterae ex ipsius
- 14 praetoris iurisdictione substantiam capiunt. ² Sic itaque discretis actionibus certum est non posse actorem rem suam ita ab aliquo petere 'si paret eum dare oportere': nec enim quod actoris est id ei dari oportet, quia scilicet dari cuiquam id intellegitur, quod ita datur, ut eius fiat, nec res quae iam actoris est ³ *magis* eius fieri potest. plane odio furum, quo *magis* pluribus actionibus teneantur, ⁴ *effectum* est, ut extra poenam ⁵ *dupli* aut ⁶ *quadrupli* rei recipiendae nomine fures etiam hac actione teneantur 'si paret eos dare oportere', quamvis sit adversus eos etiam haec ⁷ *in rem* actio, per quam rem suam
- 15 quis esse petit. Appellamus autem in rem quidem actiones vindicationes: in personam vero actiones, quibus dare facere oportere intenditur, conductiones. condicere ⁸ *enim* est denuntiare prisca lingua: nunc vero ⁹ *abusive* dicimus conductionem actionem in personam esse, qua actor intendit dari sibi oportere: ¹⁰ *nulla enim hoc tempore eo nomine denuntiatio fit.*
- 16 Sequens illa divisio est, quod quaedam actiones rei persequendae gratia comparatae sunt, quaedam poenae persequendae,
- 17 quaedam mixtae sunt. Rei persequendae causa comparatae sunt omnes in rem actiones. earum vero actionum, quae in personam sunt, hae quidem quae ex contractu nascuntur fere omnes rei persequendae causa comparatae videntur: veluti quibus mutuam pecuniam vel in stipulatum deductam petit actor, item commodati, depositi, mandati, pro socio, ex empto vendito, locato conducto. plane si depositi agetur eo nomine, quod tumultus incendii ruinae naufragii causa depositum sit, in duplum actionem praetor reddit, si modo cum ipso apud quem depositum sit aut cum herede eius ex dolo ipsius agitur: quo casu mixta est actio.
- 18 Ex maleficiis vero proditae actiones aliae tantum poenae perse-

¹ bene] *W*^a, pene *B*, praetor bene *PEW*^b ² *Gai.* 4, 4. 5. 18

quendae causa comparatae sunt, aliae tam poenae quam rei persequendae et ob id mixtae sunt. poenam tantum persequitur quis actione furti: sive enim manifesti agatur quadrupli sive nec manifesti dupli, de sola poena agitur: nam ipsam rem propria actione persequitur quis, id est sp̄am esse petens, sive fur ipse eam rem possideat, sive alius quilibet: eo amplius adversus furem etiam condictio est rei. Vi autem bonorum raptorum actio mixta est, quia in quadruplo¹ rei persecutio continetur, poena autem tripli est. sed et legis Aquiliae actio de damno mixta est, non solum si adversus infitiantem in duplum agatur, sed interdum et si in simplum quisque agit. veluti si quis hominem claudum aut luscum occiderit, qui in eo anno integer et magni pretii fuerit: tanti² enim damnatur, quanti is homo in eo anno plurimi³ fuerit, secundum iam traditam divisionem. Item mixta est actio contra eos, qui relicta sacrosanctis ecclesiis vel aliis venerabilibus locis legati vel fideicommissi nomine dare distulerint usque adeo, ut etiam in iudicium vocarentur: tunc etenim et ipsam rem vel pecuniam quae relicta est dare compelluntur et aliud tantum pro poena, et ideo in duplum eius fit condemnatio.⁴

Quaedam actiones mixtam causam optinere videntur tam in 20 rem quam in personam. qualis est familiae erciscundae actio, quae competit coheredibus de dividenda hereditate: item communi dividundo, quae inter eos redditur, inter quos aliquid commune⁴ est, ut id dividatur: item finium regundorum, quae inter eos agitur, qui confines agros habent. in quibus tribus iudiciis permittitur iudici rem alicui ex litigatoribus ex bono et aequo adiudicare et, si unius pars praegravari videbitur, eum invicem certa pecunia alteri condemnare.

Omnes autem actiones vel in simplum conceptae sunt vel 21 in duplum vel in triplum vel in quadruplum: ulterius autem nulla actio extenditur. In simplum agitur veluti ex stipulatione, 22 ex mutui datione, ex empto vendito, locato conducto, mandato et denique ex aliis compluribus causis. In duplum agimus 23 veluti furti nec manifesti, damni iniuriae ex lege Aquilia, depositi ex quibusdam casibus: item servi corrupti, quae competit in eum, cuius hortatu consiliove servus alienus fugerit aut contumax adversus dominum factus est aut luxuriose vivere coeperit aut denique quolibet modo deterior factus sit (in qua actione etiam earum rerum, quas fugiendo servus abstulit, aestimatio

¹ quadruplum *BPE* ² tantum *libri* ³ plurimi] pl. et magni pretii *libri* ⁴ commune] *PE*, ex quacumque causa comm. *B cum* 6

- deducitur): item ex legato, 'quod venerabilibus locis relictum
 24 'est, secundum ea quae supra¹ diximus'. Tripli vero, 'cum
 'quidam maiorem verae aestimationis quantitatem in libello con-
 'ventionis inseruit, ut ex hac causa viatores, id est exsecutores
 'litium, ampliorem summam sportularum nomine exegerint:
 'tunc enim quod² propter eorum causam damnum passus fuerit
 'reus, id triplum ab actore consequetur, ut in hoc triplo et
 'simplum, in quo damnum passus est, connumeretur. quod
 'nostra constitutio³ induxit, quae in nostro codice fulget, ex qua⁴
 25 'dubio procul est ex lege condicticia⁵ emanare'. Quadrupli
 veluti furti manifesti, item de eo, quod metus causa factum
 sit, deque ea pecunia, quae in hoc data sit, ut is cui datur
 calumniæ causa negotium alicui faceret vel non faceret: 'item
 'ex lege condicticia a nostra constitutione oritur, in quadruplum
 'condemnationem imponens his exsecutoribus litium, qui contra
 'nostrae constitutionis⁶ normam a reis quicquam exegerint'.
 26 Sed furti quidem nec manifesti actio et servi corrupti a ceteris,
 de quibus simul locuti sumus, eo differt, quod hae actiones
 omnimodo dupli sunt: at illae, id est damni iniuriæ ex lege
 Aquilia et interdum depositi, infitiatione duplicantur, in con-
 fitentem autem in simplum dantur: 'sed illa, quae de his com-
 'petit, quae relictæ venerabilibus locis sunt, non solum infitiatione
 'duplicatur⁷, sed et si distulerit relictæ solutionem, usque quo
 'iussu magistratuum nostrorum conveniatur, in confitentem vero
 'et antequam iussu magistratuum conveniatur solventem simpli
 27 'redditur'. Item actio de eo, quod metus causa factum sit, a
 ceteris, de quibus simul locuti sumus, eo differt, quod eius
 natura tacite continetur, ut, qui iudicis iussu ipsam rem actori
 restituat, absolvatur. quod in ceteris casibus non ita est, sed
 omnimodo quisque in quadruplum condemnatur, quod est et
 in furti manifesti actione.
 28 Actionum autem quaedam bonæ fidei sunt, quaedam stricti
 iuris. ⁸'bonæ fidei sunt hae: ex empto vendito, locato con-
 ducto, negotiorum gestorum, mandati, depositi, pro socio, tu-
 telæ,⁹ commodati, pignoratitia, familiae erciscundæ, communi
 dividundo, 'praescriptis verbis, quae de aestimato proponitur,
 'et ea, quae ex permutatione competit, et hereditatis petitio.
 'quamvis enim usque adhuc incertum erat, sive inter bonæ
 'fidei iudicia connumeranda sit sive non, nostra tamen con-

¹ § 19 ² quod] id quod *libri* ³ *Cod.* 3, 10, 2 ⁴ ex qua] *BW*
cum *Θ*, quam *PE* ⁵ condicticia *libri* ⁶ *Cod.* 3, 2, 5 ⁷ sic *P*,
 duplicantur *BE*^a ⁸ *Gai.* 4, 62

'stitutio¹ aperte eam esse bonae fidei disposuit. Fuerat antea 29
 'et rei uxoriae actio ex bonae fidei iudiciis: sed cum plenior
 'esse ex stipulatu actionem inveniunt omne ius, quod res
 'uxoria ante habebat, cum multis divisionibus in ex stipulatu
 'actionem, quae de dotibus exigendis proponitur, transtulimus²,
 'merito rei uxoriae actione sublata ex stipulatu, quae pro ea
 'introducitur, naturam bonae fidei iudicii tantum in exactione
 'dotis meruit, ut bonae fidei sit. sed et tacitam ei dedimus
 'hypothecam: praeferrunt autem aliis creditoribus in hypothecis
 'tunc censuimus, cum ipsa mulier de dote sua experiatur, cuius
 'solius providentia hoc induximus.³ In bonae fidei autem iudi- 30
 'ciis libera potestas permitti videtur iudici ex bono et aequo
 aestimandi, quantum actori restitui debeat. ³in quo et illud
 continetur, ut, si quid invicem actorem praestare oporteat, eo
 compensato in reliquum⁴ is cum quo actum est condemnari
 debeat. sed et in strictis iudiciis ex rescripto divi Marci opposita
 doli mali exceptione compensatio inducebatur. 'sed nostra con-
 'stitutio⁵ eas compensationes, quae iure aperto nituntur, latius
 'introduxit, ut actiones ipso iure minuantur sive in rem sive per-
 'sonales sive alias quascumque, excepta sola depositi actione,
 'cui aliquid compensationis nomine opponi satis impium esse
 'credidimus, ne sub praetextu compensationis depositarum rerum
 'quis exactione defraudetur.⁶ Praeterea quasdam actiones arbi- 31
 trarias (id est ex arbitrio iudicis pendentes) appellamus, in quibus
 nisi arbitrio iudicis is cum quo agitur actori satisfaciatur, veluti
 rem restituatur vel exhibeat vel solvat vel ex noxali causa ser-
 vum dedat, condemnari debeat. sed istae actiones tam in rem
 quam in personam inveniuntur. in rem veluti Publiciana, Ser-
 viana de rebus coloni, quasi Serviana, quae etiam hypothecaria
 vocatur: in personam veluti quibus de eo agitur, quod aut metus
 causa aut dolo malo factum est, item qua⁶ id, quod certo loco
 promissum est, petitur. ad exhibendum quoque actio ex arbitrio
 iudicis pendet. in his enim actionibus et ceteris similibus permitti-
 tur iudici ex bono et aequo secundum cuiusque rei de qua actum
 est naturam aestimare, quemadmodum actori satisfieri oporteat.

Curare autem debet iudex, ut omnimodo, quantum possibile 32
 ei sit, certae pecuniae 'vel rei' sententiam ferat, etiam si de
 incerta quantitate apud eum actum est.

⁷Si quis agens in intentione sua plus complexus fuerit, 33
 'quam ad eum pertinet, causa cadebat, id est rem 'amittebat',

¹ Cod. 3, 31, 12 § 3 ² Cod. 5, 13, 1 ³ conf. Gai. 4, 61 ⁴ sic P,
 reliquo BE ⁵ Cod. 4, 31, 14 ⁶ qua] B, cum PE ⁷ Gai. 4, 53

‘nec ‘facile’ in integrum a praetore restituebatur’, nisi minor erat viginti quinque annis. huic enim sicut in aliis causis causa cognita succurrebatur¹, si lapsus iuventute fuerat, ita et in hac causa succurri solitum erat. sane si tam magna causa iusti erroris interveniebat, ut etiam constantissimus quisque labi posset, etiam maiori viginti quinque annis succurrebatur: veluti si quis totum legatum petierit, post deinde prolati fuerint codicilli, quibus aut pars legati adempta sit aut quibusdam aliis legata data sint, quae efficiebant, ut plus petiisse videretur petitor quam dodrantem, atque ideo lege Falcidia legata minuebantur.

38a ²Plus autem quattuor modis petitur: re, tempore, loco, causa. re veluti si quis pro decem ‘aureis’ qui ei debebantur viginti petierit, aut si is, cuius ex parte res est, totam eam vel maiore

38b ex parte suam esse intenderit. Tempore: veluti si quis ante diem ‘vel ante condicionem’ petierit. qua ratione enim qui tardius solvit, quamolvere deberet, minusolvere intellegitur,

38c eadem ratione qui praemature petit plus petere videtur. ³‘Loco plus petitur, veluti cum quis id, quod certo loco sibi stipulatus est, alio loco petit sine commemoratione illius loci’, in quo sibi dari stipulatus fuerit: verbi gratia ‘si is, qui ita stipulatus fuerit ‘Ephesi dare spondes?’, Romae pure intendat dari sibi ‘oportere.’ ideo autem plus petere intellegitur, quia utilitatem, quam habuit promissor, si Ephesi solveret, adimit ei pura intentione: propter quam causam alio loco petenti arbitraria actio proponitur, in qua scilicet ratio habetur utilitatis, quae promissori competitura fuisset, si illo loco solveret. quae utilitas plerumque in mercibus maxima invenitur, veluti vino oleo frumento, quae per singulas regiones diversa habent pretia: sed et pecuniae numeratae non in omnibus regionibus sub isdem usuris fenerantur. si quis tamen Ephesi petat, id est eo loco petat, quo ut sibi detur stipulatus est, pura actione recte agit: idque etiam praetor monstrat, scilicet quia utilitas solvendi salva est promissori. Huic autem, qui loco plus petere intellegitur, proximus est is qui causa plus petit: ut ecce si quis ita a te stipulatus sit ‘hominem Stichum aut decem ‘aureos’ dare spondes?’, deinde alterutrum petat, veluti hominem tantum aut decem⁴ tantum. ideo autem plus petere intellegitur, quia in eo genere stipulationis promissoris est electio, utrum pecuniam an hominemolvere malit: qui igitur pecuniam tantum vel hominem tantum sibi dari oportere intendit, eripit electionem adversario et eo

¹ succurrebat B ² Gai. 4, 53^a, 53^b ³ Gai. 4, 53^c ⁴ decem]
BP, d. aureos E

modo suam quidem meliorem condicionem facit, adversarii vero sui deteriore. qua de causa talis in ea re prodita est actio, ut quis intendat hominem Stichum aut 'aureos' decem sibi dari oportere, id est ut eodem modo peteret, quo¹ stipulatus est. praeterea si quis generaliter hominem stipulatus sit et specialiter Stichum petat, aut generaliter vinum stipulatus specialiter Campanum petat, aut generaliter purpuram stipulatus sit, deinde specialiter Tyriam petat: plus petere intellegitur, quia electionem adversario tollit, cui stipulationis iure liberum fuit aliud solvere, quam quod peteretur. quin etiam licet vilissimum sit quod quis petat, nihilo minus plus petere intellegitur, quia saepe accidit, ut promissori facilius sit illud solvere, quod maioris pretii est. Sed haec quidem antea in usu fuerant: 33e
'postea autem lex Zenoniana et nostra² rem coartavit. et si 'quidem tempore plus fuerit petatum, quid statui oportet, Zenonis 'divae memoriae loquitur constitutio: sin autem quantitate vel 'alio modo plus fuerit petatum, omne, si quid forte damnum 'ex hac causa acciderit ei³, contra quem plus petatum fuerit, 'commissa tripli condemnatione, sicut supra diximus, puniatur.' Si minus in intentione complexus fuerit actor, quam ad eum 34 pertineret, veluti si, cum ei decem deberentur, quinque sibi dari oportere intenderit, aut cum totus fundus eius esset, partem dimidiam suam esse petierit, sine periculo agit: 'in reliquum 'enim nihilo minus iudex adversarium in eodem iudicio con- 'demnat⁴ ex constitutione divae memoriae Zenonis'. 5⁵ Si quis 35 'aliud pro alio intenderit, nihil eum periclitari⁶ 'placet, sed 'in eodem iudicio cognita veritate errorem suum corrigere ei 'permittimus,' 'veluti si is, qui hominem Stichum petere deberet, 'Erotem petierit, aut si quis ex testamento sibi dari oportere 'intenderit, quod ex stipulatu debetur.'

Sunt praeterea quaedam actiones, quibus non solidum quod 36 debetur nobis persequimur, sed modo solidum consequimur, modo minus. ut ecce si in peculium filii servive agamus: nam si non minus in peculio sit, quam persequimur, in solidum pater dominusve condemnatur: si vero minus inveniat, eatenus condemnat iudex, quatenus in peculio sit. quemadmodum autem peculium intellegi debeat, suo ordine proponemus⁶. Item si 'de 37

¹ quo] B, quo sibi P, quod sibi E ² Cod. 3, 10, 1. 2 ³ dam-
num ... ei] E^a, damnum ut in sportulis ... ei BE^b, damnum ... ei in
sportulis P: καὶ τις ἐντεῦθεν ζημία συμβῇ τῷ ἐναγομένῳ, ὅλον σπορ-
τούλων πλείονων ὀδοῖς Θ ⁴ condemnat] PEΘ, ei condemnat B
⁵ Gai. 4, 55 ⁶ 4, 7, 4^c

- dote⁷ iudicio mulier agat, placet eatenus maritum condemnari debere, quatenus facere possit, id est quatenus facultates eius patiuntur. itaque si dotis quantitati concurrant facultates eius, in solidum damnatur: si minus, in tantum quantum facere potest. propter retentionem quoque dotis repetitio minuitur: nam ob impensas in res dotales factas marito retentio¹ concessa est, quia ipso iure necessariis sumptibus dos minuitur, 38 ²sicut ex latioribus digestorum libris cognoscere liceat³. Sed⁴ si quis cum parente suo patronove agat, item si socius cum socio iudicio societatis agat, non plus actor consequitur, quam adversarius eius facere potest. idem est, si quis ex donatione 39 sua conveniatur. Compensationes quoque oppositae plerumque efficiunt, ut minus quisque consequatur, quam ei debeat: namque ex bono et aequo, ⁵habita ratione eius, quod invicem actorem ex eadem causa praestare oporteret, in reliquum eum cum quo actum est condemnaret⁶, sicut iam dictum est⁷.
- 40 Eum quoque, qui creditoribus suis bonis cessit, si postea aliquid adquisierit, quod idoneum emolumentum habeat, ex integro in id quod facere potest creditores cum eo experiuntur: inhumanum enim erat spoliatum fortunis suis in solidum dam-
nari⁸.

VII⁶QUOD CUM EO QUI IN ALIENA POTESTATE EST
NEGOTIUM GESTUM ESSE DICITUR.

- ⁷Quia tamen superius⁸ mentionem habuimus de actione, quae⁹ in peculium filiorum familias servorumque agitur: opus est, ut de hac actione et de ceteris, quae eorundem nomine in parentes dominosve dari solent, diligentius admoneamus. et quia, sive cum servis negotium gestum sit sive cum his, qui in potestate parentis sunt, fere eadem iura servantur, ne verbosa fiat disputatio, dirigamus sermonem in personam servi dominique, idem intellecturi de liberis quoque et parentibus, quorum in potestate sunt. nam si quid in his proprie observetur, separatim ostendemus¹⁰.
- 1 ¹¹Si igitur iussu domini cum servo negotium gestum erit, in solidum praetor adversus dominum actionem pollicetur, scilicet

¹ retentio] *P*, quasi retentio *BE* ² sed] *BPΘ*, sed et *E* ³ *Gai.* 4, 61 ⁴ sic *BPE*, condemnare vel condemnat *dett.* ⁵ § 30 ⁶ *Cf.* *Gai.* 4, 69... 74 *Dig.* 14. 15 *Cod.* 4, 25. 26 ⁷ *Gai.* 4, 69 ⁸ 4, 6, 36 ⁹ qua *Gai.* ¹⁰ ostendimus] *dett. cum Θ*, ostendimus *B*, ostendamus *PE* ¹¹ § 1. 2 *similes Gaio* 4, 70. 71

quia qui ita contrahit fidem domini sequi videtur. Eadem ratione 2
praetor duas alias in solidum actiones pollicetur, quarum altera
exercitoria, altera institoria appellatur. exercitoria tunc locum
habet, cum quis servum suum magistrum navis¹ praeposuerit et
quid cum eo eius rei gratia cui praepositus erit contractum fuerit.
ideo autem exercitoria vocatur, quia exercitor appellatur is, ad
quem cottidianus navis quaestus pertinet. institoria tunc locum
habet, cum quis tabernae forte aut cuilibet negotiationi servum
praeposuerit et quid cum eo eius rei causa, cui praepositus erit,
contractum fuerit. ideo autem institoria appellatur, quia qui
negotiationibus praepouuntur institores vocantur. Istas tamen 2a
duas actiones praetor reddit et si liberum quis hominem aut
alienum servum navi aut tabernae aut cuilibet negotiationi
praeposuerit, scilicet quia eadem aequitatis ratio etiam eo casu
interveniebat. Introduxit et aliam actionem praetor, quae tri- 3
butoria vocatur. namque si servus in peculiari merce sciente
domino negotietur et quid cum eo eius rei causa contractum
erit, ita praetor ius dicit, ut, quidquid in his mercibus erit
quodque inde receptum erit, id inter dominum, si quid ei de-
betur, et ceteros creditores pro rata portione distribuatur. et
quia ipsi domino distributionem permittit, si quis ex creditoribus
queratur, quasi minus ei tributum sit, quam oportuerit, hanc
ei actionem accommodat, quae tributoria appellatur. Praeterea 4
introducta est actio de peculio deque eo, quod in rem domini
versum erit, ut, quamvis sine voluntate domini negotium gestum
erit, tamen sive quid in rem eius versum fuerit, id totum prae-
stare debeat, sive quid non sit in rem eius versum, id eatenus
praestare debeat, quatenus peculium patitur. In rem autem 4a
domini versum intellegitur, quidquid necessario in rem eius
impenderit servus, veluti si mutuatus pecuniam creditoribus eius²
solverit aut aedificia ruentia fulserit aut familiae frumentum
emerit vel etiam fundum aut quamlibet aliam rem necessariam
mercatus erit. Itaque si ex decem 'ut puta aureis', quos ser- 4b
vus tuus a Titio mutuos accepit, creditori tuo quinque 'aureos'
solverit, reliquos vero quinque quolibet modo consumpserit, pro
quinque quidem in solidum damnari debes, pro ceteris vero
quinque eatenus, quatenus in peculio sit: ex quo scilicet apparet,
si toti decem 'aurei' in rem tuam versi fuerint, totos decem
'aureos' Titium consequi posse. licet enim una est actio, qua
de peculio deque eo quod in rem domini versum sit agitur,
tamen duas habet condemnationes. itaque iudex, apud quem

¹ sic B et Gai. 4, 71, navi PE ² eius] B, eam PAE, eius eam Pb

- de¹ ea actione agitur, ante dispicere solet, an in rem domini versum sit, nec aliter ad peculii aestimationem transit, quam si aut nihil in rem domini versum intellegatur aut non totum.
- 4c ²Cum autem quaeritur, quantum in peculio sit, ante deducitur, quidquid servus domino quive eius in³ potestate sit debet, et quod superest, id solum peculium intellegitur. aliquando tamen id, quod ei debet servus, qui in potestate domini sit, non deducitur ex peculio, veluti si is in huius ipsius peculio sit. quod eo pertinet, ut, si quid⁴ vicario suo servus debeat, id ex peculio eius non deducatur.
- 5 ²Ceterum dubium non est, quin is quoque, qui iussu domini contraxerit cuique institoria vel exercitoria actio competit, de peculio deque eo, quod in rem domini versum est, agere possit: sed erit 'stultissimus', si omissa actione, qua 'facillime' solidum ex contractu consequi possit, se ad difficultatem perducatur probandi in rem domini versum esse, vel habere servum peculium
- 5a et tantum habere, ut solidum sibi solvi possit. Is quoque, cui tributoria actio competit, aequae de peculio et in rem verso agere potest: sed sane huic modo tributoria expedit agere, modo de peculio et in rem verso. tributoria ideo expedit agere, quia in ea domini condicio praecipua non est, id est quod domino debetur non deducitur, sed eiusdem iuris est dominus, cuius et ceteri creditores: at in actione de peculio ante deducitur quod domino debetur et in id quod reliquum est creditori dominus condemnatur. rursus de peculio ideo expedit agere, quod in hac actione totius peculii ratio habetur, at in tributoria eius tantum, quod negotiatur, et potest quisque tertia forte parte peculii aut quarta vel etiam minima negotiari, maiorem autem partem in praediis et mancipiis aut fenebri pecunia habere. prout ergo expedit, ita quisque vel hanc actionem vel illam eligere debet: certe qui potest probare in rem domini versum esse, de in rem
- 6 verso agere debet⁵. Quae diximus de servo et domino, eadem intellegimus et de filio et filia aut nepote et nepte, patre avove
- 7 cuius in potestate sunt. Illud proprie servatur in eorum persona, quod senatus consultum Macedonianum prohibuit mutuas pecunias dari eis, qui in parentis erunt potestate: et ei qui crediderit denegatur actio tam adversus ipsum filium filiamve nepotem neptemve, sive adhuc in potestate sunt, sive morte parentis vel emancipatione suae potestatis esse coeperint, quam

¹ de *del. (dett.)* ² § 4c et 5 *similes* Gaio 4, 73. 74 ³ eius in] P^b, in eius Gai., in BP^aE ⁴ quis BP ⁵ certe ... debet] P^{EO}, om. B

adversus patrem avumve, sive habeat eos adhuc in potestate sive emancipaverit. quae ideo senatus prospexit, quia saepe onerati aere alieno creditarum pecuniarum, quas in luxuriam consumeabant, vitae parentum insidiabantur. Illud in summa 8 admonendi sumus id, quod iussu patris dominive contractum fuerit quodque in rem eius versum fuerit, directo quoque posse a patre dominove condici, tamquam si principaliter cum ipso negotium gestum esset. ei quoque, qui vel exercitoria vel institoria actione tenetur, directo posse condici placet, quia huius quoque iussu contractum intellegitur.

VIII¹

DE NOXALIBUS ACTIONIBUS.

²Ex maleficiis servorum, veluti si furtum fecerint¹ aut bona rapuerint aut damnum dederint² aut iniuriam commiserint, noxales actiones proditae sunt, quibus domino damnato permittitur³ aut litis aestimationem sufferre aut hominem³ noxae dedere.¹ Noxa autem est corpus quod nocuit, id est servus: noxia ipsum 1 maleficium, veluti furtum damnum rapina iniuria. Summa autem 2 ratione permissum est noxae deditione defungi: ⁴namque erat iniquum nequitiam eorum ultra ipsorum corpora dominis damnosam esse.¹ Dominus noxali iudicio servi sui nomine convectus servum actori noxae dedendo liberatur. nec minus perpetuum eius dominium a domino transfertur: si autem damnum ei cui deditus est resarcierit quaesita pecunia, auxilio praetoris invito domino manumittetur. ⁵Sunt autem constitutae noxales 4 actiones aut legibus aut edicto praetoris: legibus veluti furti lege duodecim tabularum, damni iniuriae lege Aquilia: edicto praetoris veluti iniuriarum et vi bonorum raptorum. ⁵Omnis 5 autem noxalis actio caput sequitur. nam si servus tuus noxiam commiserit, quamdiu in tua potestate sit, tecum est actio: si in alterius potestatem pervenerit, cum illo incipit actio esse, aut si manumissus fuerit, directo ipse tenetur et extinguitur noxae deditio. ex diverso quoque directa actio noxalis esse incipit: nam si liber homo noxiam commiserit et is servus tuus esse coeperit (quod casibus quibusdam effici primo libro tradidimus⁶), incipit tecum esse noxalis actio, quae ante directa fuisset. ⁵Si servus domino noxiam commiserit, actio nulla 6

¹ Cf. Gai. 4, 75.. 79 Dig. 9, 4 Cod. 3, 41 ² Gai. 4, 75 ³ hominem] *PG*, hunc hominem *ABE*, om. *Gai.* ⁴ Gai. 4, 75 ⁵ Gai. 4, 76.. 78 ⁶ 1, 3, 4. 1, 16, 1

¹nascitur: namque inter dominum et eum qui in eius potestate
²est nulla obligatio nasci potest. ideoque et si in alienam potes-
³tatem servus pervenerit aut manumissus fuerit, neque cum
⁴ipso neque cum eo, cuius nunc in potestate sit, agi potest.
⁵unde si alienus servus noxiam tibi commiserit et is postea in
⁶potestate tua esse coeperit, intercidit actio, quia in eum casum
⁷deducta sit, in quo consistere non potuit: ideoque licet exierit
⁸de tua potestate, agere non potest,⁹ quemadmodum si dominus
 in servum suum aliquid commiserit, nec si manumissus vel
 alienatus fuerit servus, ullam actionem contra dominum habere
¹⁰potest. Sed veteres quidem haec et in filiis familias masculis
¹¹et feminis admiserunt. nova autem hominum conversatio huius-
¹²modi asperitatem recte respuendam esse existimavit et ab usu
¹³communi haec penitus recessit: quis enim patitur filium suum
¹⁴et maxime filiam in noxam alii dare, ut paene per corpus pater
¹⁵magis quam filius periclitetur, cum in filiabus etiam pudicitiae
¹⁶favor hoc bene excludit? et ideo placuit in servos tantummodo
¹⁷noxales actiones esse proponendas, cum apud veteres legum
¹⁸commentatores invenimus saepius dictum ipsos filios familias
¹⁹pro suis delictis posse conveniri.²⁰

IX¹

SI QUADRUPES PAUPERIEM FECISSE DICITUR.

Animalium nomine, quae ratione carent, si quidem² lascivia
 aut fervore aut feritate pauperiem fecerint, noxalis actio lege
 duodecim tabularum prodita est (quae animalia si noxae de-
 dantur, proficiunt reo ad liberationem, quia ita lex duodecim
 tabularum scripta est): puta si equus calcitrosus calce percus-
 serit aut bos cornu petere solitus petierit. haec autem actio in
 his, quae contra naturam moventur, locum habet: ceterum si
 genitalis sit feritas, cessat.³denique si ursus fugit a domino
 et sic nocuit, non potest quondam dominus conveniri, quia
 desinit dominus esse, ubi fera evasit. pauperies autem est dam-
 num sine iniuria facientis datum: nec enim potest animal in-
 iuriam fecisse dici, quod sensu caret. haec quod ad noxalem⁴
 actionem pertinet.

¹Ceterum sciendum est aedilicio edicto prohiberi nos canem
 verrem aprum ursum leonem ibi habere, qua vulgo iter fit: et
 si adversus ea factum erit et nocitum homini libero esse dice-

¹ Cf. Dig. 9, 1 ² sic dett., quid libri boni ³ pr. fin. similis Dig.
 9, 1, 1 § 10. § (Ulp. l. 18 ad ed.) ⁴ noxalem] PE, nox. hanc AB

tur, quod bonum et aequum iudici videtur, tanti dominus condemnatur, ceterarum rerum, quanti damnum datum sit, dupli. praeter has autem aedilicias actiones et de pauperie locum habebit: ¹numquam enim actiones praesertim poenales de eadem re concurrentes alia aliam consumit.

X²

DE HIS PER QUOS AGERE POSSUMUS.

³Nunc admonendi sumus agere posse quemlibet aut suo nomine aut alieno. alieno veluti procuratorio tutorio curatorio, cum olim in usu fuisset alterius nomine agere non posse nisi pro populo, pro libertate, pro tutela. praeterea lege Hostilia permissum est furti agere eorum nomine, qui apud hostes essent aut rei publicae causa abessent quive in eorum cuius tutela essent. et quia hoc non minimam incommoditatem habebat, quod alieno nomine neque agere neque excipere actionem licebat, coeperunt homines per procuratores litigare: nam et morbus et aetas et necessaria peregrinatio itemque aliae multae⁴ causae saepe impedimento sunt, quo minus rem suam ipsi exsequi possint. Procurator neque certis verbis neque praesente adversario, immo plerumque ignorante eo constituitur: cuicumque enim permiseris rem tuam agere aut defendere, is procurator intellegitur. ⁵Tutores et curatores quemadmodum ²constituuntur, primo libro expositum est.

XI⁶

DE SATISDATIONIBUS.

“Satisfactionum modus alius antiquitati placuit, alium novitas per usum amplexa est.”

“Olim enim” ⁷si in rem agebatur, satisdare “possessor compellebatur”, ut, si victus nec rem ipsam restitueret nec “litis aestimationem”⁸, potestas esset petitori aut cum eo agendi “aut cum “fideiussoribus” eius”. quae satisfactio appellatur iudicatum solvi: unde autem sic appellatur, facile est intellegere: namque stipulatur quis, ut solveretur sibi quod fuerit iudicatum. ⁹“multo magis is”, qui in rem actione conveniebatur, “satisdare”

¹ § 1 *fin. similis* Dig. 50, 17, 130 (*Ulp. l. 1.*) ² Cf. *Gai.* 4, 82 .. 87 Dig. 3, 3 *Cod.* 2, 13 ³ *Gai.* 4, 82 ⁴ multae] *dett. cum Θ, m. iustae (m. et iustae B) libri* ⁵ *Gai.* 4, 85 ⁶ Cf. *Gai.* 4, 88 .. 102 Dig. 2, 8 *Cod.* 2, 57 ⁷ *Gai.* 4, 89 ⁸ eius *ins. libri* ⁹ *Gai.* 4, 90. 96. 98. 99

cogebatur, si alieno nomine iudicium accipiebat. ipse autem qui in rem agebat, si suo nomine petebat, satisfacere non cogebatur. procurator vero si in rem agebat, satisfacere iubebatur ratam rem dominum habiturum: periculum enim erat, ne iterum dominus de eadem re experiat. tutores et curatores eodem modo quo et procuratores satisfacere debere verba edicti faciebant. sed aliquando his agentibus satisfactio remittebatur.

- 1 Haec ita erant, si in rem agebatur. sin vero in personam, ab actoris quidem parte eadem optinebant, quae diximus in actione qua in rem agitur. ab eius vero parte cum quo agitur si quidem alieno nomine aliquis intervenerit, omnimodo satisfaceret², quia nemo defensor in aliena re sine satisfactione idoneus esse creditur: quod si proprio nomine aliquis iudicium accipiebat in personam, iudicatum solvi satisfacere non cogebatur.
- 2 Sed haec hodie aliter observantur. sive enim quis in rem actione convenitur sive personali suo nomine, nullam satisfactionem propter litis aestimationem³ dare compellitur, sed pro sua tantum persona, quod iudicio permaneat⁴ usque ad terminum litis, vel committitur suae promissioni cum iureiurando, quam iuratoriam cautionem vocant, vel nudam promissionem vel satisfactionem pro qualitate personae suae dare
- 3 compellitur. Sin autem per procuratorem lis vel inferitur vel suscipitur, in actoris quidem persona, si non mandatum actis insinuatum est vel praesens dominus litis in iudicio procuratoris sui personam confirmaverit, ratam rem dominum habiturum satisfactionem procurator dare compellitur: eodem observando et si tutor vel curator vel aliae tales personae, quae alienarum rerum gubernationem receperunt, litem quibusdam per alium
- 4 inferunt. Sin vero aliquis convenitur, si quidem praesens procuratorem dare paratus est, potest vel ipse in iudicium venire et sui procuratoris personam per iudicatum solvi satisfactionis sollemnes stipulationes firmare vel extra iudicium satisfactionem exponere, per quam ipse sui procuratoris fideiussor existit pro omnibus iudicatum solvi satisfactionis clausulis. ubi et de hypotheca suarum rerum convenire compellitur, sive in iudicio promiserit sive extra iudicium caverit, ut tam ipse quam heredes eius obligentur: alia insuper cautela vel satisfactione propter personam ipsius exponenda, quod tempore sententiae recitandae in iudicio invenietur⁵, vel si non venerit, omnia dabit fideiussor,

¹ *Gai.* 4, 100..102 ² satisfacere debet *Gai.* ³ sic *Bθ*, pro litis aestimatione (extim. *P*) *PE* ⁴ permanet *BPae* ⁵ invenitur *BPae*, invenietur *P^b*, veniret *E*

‘quae condemnationi continentur, nisi fuerit provocatum. Si 5
 ‘vero reus praesto ex quacumque causa non fuerit et alius
 ‘velit defensionem subire, nulla differentia inter actiones in rem
 ‘vel personales introducenda potest hoc facere, ita tamen ut
 ‘satisfactionem iudicatum solvi pro litis praestet aestimatione.
 ‘nemo enim secundum veterem regulam, ut iam dictum est,
 ‘alienae rei sine satisfactione defensor idoneus intellegitur. Quae 6
 ‘omnia apertius et perfectissime a cottidiano iudiciorum usu in
 ‘ipsis rerum documentis apparent. Quam formam non solum 7
 ‘in hac regia urbe, sed et in omnibus nostris provinciis, etsi
 ‘propter imperitiam aliter forte celebrabantur, optinere censemus,
 ‘cum necesse est omnes provincias caput omniumstrarum
 ‘civitatum, id est hanc regiam urbem, eiusque observantiam
 ‘sequi¹.’

XII²DE PERPETUIS ET TEMPORALIBUS ACTIONIBUS ET QVAE
AD HEREDES VEL IN HEREDES TRANSEUNT.

³‘Hoc loco admonendi sumus eas quidem actiones, quae
 ‘ex lege senatusve consulto ‘sive ex sacris constitutionibus’
 ‘proficiscuntur, perpetuo solere¹ ‘antiquitus competere, donec
 ‘sacrae constitutiones tam in rem quam personalibus actionibus
 ‘certos fines dederunt’: ‘eas vero, quae ex propria ‘praetoris’
 iurisdictione pendent, plerumque intra annum¹ ‘vivere (nam
 et ipsius praetoris intra annum erat imperium)’. ‘aliquando
 tamen et in perpetuum extenduntur’, ‘id est usque ad finem
 constitutionibus introductum’: ‘quales sunt hae, quas bonorum
 ‘possessori ceterisque qui heredis loco sunt accommodat. furti
 ‘quoque manifesti actio, quamvis ex ipsius praetoris iurisdictione
 ‘proficiscatur, tamen perpetuo datur’: ‘absurdum enim esse
 existimavit anno eam terminari’. ⁴‘Non omnes autem actiones, 1
 ‘quae in aliquem aut ipso iure competunt aut a praetore dantur,
 ‘et in heredem aequae competunt aut dari solent. est enim
 ‘certissima iuris regula ex maleficiis poenales actiones in heredem⁵
 ‘non competere, veluti furti, vi bonorum raptorum, iniuriarum,
 ‘damni iniuriae. sed heredibus huiusmodi actiones competunt
 ‘nec denegantur, excepta iniuriarum actione et si qua alia
 ‘similis inveniatur. aliquando tamen etiam ex contractu actio
 ‘contra heredem non competit,’ ‘cum testator dolose versatus

¹ consequi *B* ² *Cf. Gai. 4, 110..114* ³ *Gai. 4, 110. 111*
⁴ *Gai. 4, 112. 113* ⁵ heredem] *Gai. 0, heredem rei libri*

‘sit et ad heredem eius nihil ex eo dolo pervenerit. poenales autem actiones, quas supra diximus, si ab ipsis principalibus personis fuerint contestatae, et heredibus dantur et contra heredes transeunt.’¹ Superest ut ‘admoneamus’, quod si ante rem iudicatam is cum quo actum est satisficiat actori, officio iudicis convenit eum absolvere, ‘licet’ iudicii accipiendi tempore in ea causa fuisset, ut damnari debeat: et hoc est, quod ‘ante’ vulgo dicebatur omnia iudicia absolutoria esse.

XIII²

DE EXCEPTIONIBUS.

³ Sequitur, ut de exceptionibus dispiciamus. comparatae sunt autem exceptiones defendendorum eorum gratia, cum quibus agitur: saepe enim accidit, ut, ‘licet ipsa persecutio’⁴ qua actor experitur iusta sit, tamen iniqua sit adversus eum
 1 ‘cum quo agitur’. Verbi gratia si metu coactus aut dolo inductus aut errore lapsus stipulanti Titio promisisti, quod non debueras promittere, palam est iure civili te obligatum esse et actio, qua intenditur dare te oportere, efficax est: sed iniquum est te condemnari ideoque datur tibi exceptio metus causa aut doli mali aut in factum composita ad impugnandam actionem.
 2 Idem iuris est, ⁵ ‘si quis quasi credendi causa pecuniam stipulatus fuerit neque numeravit. nam eam pecuniam a te petere posse eum certum est: dare enim te oportet, cum ex stipulatu’⁶ tenearis: sed quia iniquum est eo nomine te condemnari, placet exceptione ‘pecuniae non numeratae’ te defendi ‘debere,’⁷ ‘cuius tempora nos, secundum quod iam superioribus
 3 libris scriptum est’, constitutione nostra⁸ coartavimus.’ Praeterea debitor si pactus fuerit cum creditore, ne a se peteretur, nihilo minus obligatus manet, quia pacto convento obligationes non omnimodo dissolvuntur: qua de causa efficax est adversus eum actio, qua actor intendit ‘si paret eum dare oportere’. sed quia iniquum est contra pactionem eum damnari, defenditur
 4 per exceptionem pacti conventi. Aequè si debitor deferente creditore iuraverit nihil se dare oportere, adhuc obligatus permanet, sed quia iniquum est de periurio quaeri, defenditur per exceptionem iurisiurandi. in his quoque actionibus, quibus in rem agitur, aequè necessariae sunt exceptiones: veluti si peti-

¹ § 2 ex *Gai*o 4, 114² Cf. *Gai*. 4, 115 .. 125 *Dig.* 44, 1 *Cod.* 8, 35³ *Gai*. 4, 115. 116⁴ persecutio] *PE*, actio *B*⁵ *Gai*. 4, 116^a⁶ sic*WGai.*, stipulatione *BFE*⁷ §, 21⁸ *Cod.* 4, 30, 14

tore deferente possessor iuraverit eam rem suam esse et nihilo minus eandem rem petitor vindicet: licet enim verum sit quod intendit, id est rem eius esse, iniquum est tamen possessorem condemnari. ¹Item si iudicio tecum actum fuerit sive in rem 5 sive in personam, nihilo minus obligatio durat et ideo ipso iure postea de eadem re adversus te agi potest: sed debes per exceptionem rei iudicatae adiuvari. ²Haec exempli causa rettu- 6 ³lisce sufficiet. alioquin quam ex multis variisque causis ex- ⁴ceptiones necessariae sint, ex latioribus digestorum seu pan- ⁵dectarum libris intellegi potest. ⁶Quarum quaedam ⁷ex legibus ⁸vel ex his, quae legis vicem optinent, vel ex ipsius praetoris ⁹iurisdictione substantiam capiunt. ¹⁰Appellantur autem excep- 8 (7) ¹¹tiones aliae perpetuae et peremptoriae, aliae temporales et dila- ¹²toriae. Perpetuae et peremptoriae sunt, quae semper agentibus 9 (8) ¹³obstant et semper rem de qua agitur peremunt: qualis est ¹⁴exceptio doli mali et quod metus causa factum est et pacti ¹⁵conventi, cum ita convenerit, ne omnino pecunia peteretur. ¹⁶Temporales atque dilatoriae sunt, quae ad tempus nocent et 10 (9) ¹⁷temporis dilationem tribuunt: qualis est pacti conventi, cum ¹⁸convenerit, ne intra certum tempus ageretur, veluti intra quin- ¹⁹quennium. nam finito eo tempore non impeditur actor rem ²⁰exsequi. ergo hi, quibus intra tempus agere volentibus obicitur ²¹exceptio aut pacti conventi aut alia similis, differre debent ²²actionem et post tempus agere: ideo enim et dilatoriae istae ²³exceptiones appellantur. alioquin, si intra tempus egerint ob- ²⁴iectaque sit exceptio, neque eo iudicio quicquam consequerentur ²⁵propter exceptionem nec post tempus ²⁶olim agere poterant, cum temere rem in iudicium deducebant et consumebant, qua ²⁷ratione rem amittebant. ²⁸hodie autem non ita stricte haec pro- ²⁹cedere volumus, sed eum, qui ante tempus pactionis vel ob- ³⁰ligationis litem inferre ausus est, Zenonianae constitutioni ³¹subiacere censemus, quam sacratissimus legislator de his qui ³²tempore plus petierunt protulit, ut et indutias, quas, si ³³ipse ³⁴actor sponte indulserit vel natura actionis continet, contempserat, ³⁵in duplum habeant hi, qui talem iniuriam passi sunt, et post ³⁶eas finitas non aliter litem suscipiant, nisi omnes expensas ³⁷litis antea acceperint, ut actores tali poena perterriti tempora ³⁸litium doceantur observare. ³⁹Praeterea etiam ex persona dila- 11 (10) ⁴⁰toriae sunt exceptiones: quales sunt procuratoriae, veluti si per

¹ § 5 ex Gaio 4, 106
om. libri, suppl. Mommsen

² Gai. 4, 118

³ Cod. 3, 10, 1

⁴ si

militem aut mulierem agere quis velit: ¹nam militibus nec pro patre vel matre vel uxore nec ex sacro rescripto procuratorio nomine experiri conceditur: suis vero negotiis superesse sine offensa disciplinae possunt. 'eas vero exceptiones, quae olim procuratoribus propter infamiam vel dantis vel ipsius procuratoris opponebantur, cum in iudiciis frequentari nullo per-speximus modo, conquiescere sancimus, ne, dum de his alter-catur, ipsius negotii disceptatio proteletur.'

XIV

DE REPLICATIONIBUS.

- ²Interdum evenit, ut exceptio, quae prima facie iusta videatur, inique noceat. quod cum accidit, alia allegatione opus est adiuvandi actoris gratia, quae replicatio vocatur, quia per eam replicatur atque resolvitur vis³ exceptionis. veluti cum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est ut petere creditori liceat: si agat creditor et excipiat debitor, ut ita demum condemnetur, si non convenerit, ne eam pecuniam creditor petat, nocet ei exceptio, convenit enim ita: namque nihilo minus hoc verum manet, 'licet' postea in contrarium pacti sunt. sed quia iniquum est creditorem excludi, replicatio ei dabitur ex posteriore pacto convento. ²Rursus interdum evenit, ut replicatio, quae prima facie iusta sit, inique noceat. quod cum accidit, alia allegatione opus est adiuvandi rei gratia, quae duplicatio vocatur. ²Et si rursus ea prima facie iusta videatur, sed propter aliquam causam inique actori noceat, rursus allegatione alia opus est, qua actori adiuvetur, quae dicitur triplicatio. ²Quarum omnium exceptionum usum interdum ulterius quam diximus varietas negotiorum introducit: 'quas omnes apertius ex latiore digestorum volumine facile est cognoscere.'
- 4 Exceptiones autem, quibus debitor defenditur, plerumque accommodari solent etiam fideiussoribus eius: et recte, quia, quod ab his petitur, id ab ipso debitore peti videtur, quia mandati iudicio redditurus est eis, quod hi pro eo solverint. qua ratione et si de non petenda pecunia pactus quis cum reo fuerit, placuit proinde succurrendum esse per exceptionem pacti conventi illis quoque qui pro eo obligati essent, ac si et cum ipsis pactus esset, ne ab eis ea pecunia peteretur. sane quaedam

¹ cf. *Cod.* 2, 12, 7 ² *Gai.* 4, 126... 129 ³ vis] *Gai.* Θ, ius *PE*, incertus *B*

exceptiones non solent his accommodari. ecce enim debitor si bonis suis cesserit et cum eo creditor experiatur, defenditur per exceptionem 'nisi¹ bonis cesserit': sed haec exceptio fideiussoribus non datur, scilicet ideo quia, qui alios pro debitore obligat, hoc maxime prospicit, ut, cum facultatibus lapsus fuerit debitor, possit ab his quos pro eo obligavit suum consequi.

XV²

DE INTERDICTIS.

Sequitur, ut dispiciamus de interdictis seu actionibus, quae pro his exercentur. erant³ autem interdicta formae atque conceptiones verborum, quibus praetor aut iubebat aliquid fieri aut fieri prohibebat. ³quod tum maxime faciebat, cum de possessione aut quasi possessione inter aliquos contendebatur.⁴

Summa autem divisio interdictorum haec est, quod aut prohibitoria sunt aut restitutoria aut exhibitoria. prohibitoria sunt, quibus vetat aliquid fieri, veluti vim sine vitio possidenti, vel mortuum inferenti, quo ei ius erit inferendi, vel in loco sacro aedificari, vel in flumine publico ripae eius aliquid fieri, quo peius navigetur. restitutoria sunt, quibus restitui aliquid iubet, veluti cum ⁴bonorum possessori possessionem eorum, quae quis pro herede aut pro possessore possidet ex ea hereditate, aut cum iubet ei, qui vi possessione fundi deiectus sit, restitui possessionem. exhibitoria sunt, per quae iubet exhiberi, veluti eum, cuius de libertate agitur, aut libertum, cui patronus operas indicere velit, aut parenti liberos⁵, qui in potestate eius sunt. sunt tamen qui putant proprie interdicta ea vocari, quae prohibitoria sunt, quia interdicere est denunciare et prohibere: restitutoria autem et exhibitoria proprie decreta vocari: sed tamen optinuit omnia interdicta appellari, quia inter duos dicuntur. ⁶Sequens divisio interdictorum haec⁷ est, quod quaedam adipiscendae possessionis causa comparata sunt⁸, quaedam retinendae⁹, quaedam recipiendae. ⁶Adipiscendae possessionis causa interdictum accommodatur bonorum possessori, quod appellatur⁷ quorum bonorum, eiusque vis et potestas haec est, ut, quod ex his bonis quisque, quorum possessio alicui data est, pro herede aut pro possessore possideat, id ei, cui bonorum possessio data est, restituere debeat⁸. pro herede autem

¹ nisi] *B*, si *PE*, si *μη* *Θ* ² Cf. *Gai.* 4, 138. . 170 *Dig.* 43, 1 *Cod.* 8, 1 ³ *Gai.* 4, 139 ⁴ cum *om. edd. cum* *Θ* ⁵ sic *E*, eius *ins. BP*
⁶ *Gai.* 4, 143. 144. 147

- possidere videtur, qui putat se heredem esse: pro possessore is possidet, qui ¹ 'nullo iure' rem hereditariam vel etiam totam hereditatem sciens ad se non pertinere possidet. ideo autem adipiscendae possessionis vocatur interdictum, quia ei tantum utile est, qui nunc primum conatur adipisci rei possessionem: itaque si quis adeptus possessionem amiserit eam, hoc interdictum ei inutile est. interdictum quoque, quod appellatur Salvianum, adipiscendae possessionis causa comparatum est eoque utitur dominus fundi de rebus coloni, quas is pro mercedibus
- 4 fundi pignori futuras pepigisset. ¹ Retinendae possessionis causa comparata sunt interdicta uti possidetis et utrobi, cum ab utraque parte de proprietate alicuius rei controversia sit et ante quaeritur, uter ex litigatoribus possidere et uter petere debeat. ¹ namque nisi ante exploratum fuerit, utrius eorum possessio sit, non potest petitoria ² actio institui, quia et civilis et naturalis ratio facit, ut alius possideat, alius a possidente petat. et quia longe commodius est possidere potius quam petere, ideo plerumque et fere semper ingens existit contentio de ipsa possessione. commodum autem possidendi in eo est, quod, etiamsi eius res non sit qui possidet, si modo actor non potuerit suam esse probare, remanet suo loco possessio: propter quam causam ³, cum obscura sint utriusque iura, contra petitorem iudicari solet.
- 4a Sed interdicto quidem uti possidetis de fundi vel aedium possessione contenditur, utrobi vero interdicto de rerum mobilium possessione. ¹ quorum vis et potestas plurimam inter se differentiam apud veteres habebat: nam ² uti possidetis interdicto is vincebat, qui interdicti tempore possidebat, si modo nec vi nec clam nec precario nactus fuerat ab adversario possessionem, etiamsi alium vi expulerit aut clam abriperit alienam possessionem aut precario rogaverat aliquem, ut sibi possidere liceret: ⁴ utrobi vero interdicto is vincebat, qui maiore parte eius anni nec vi nec clam nec precario ab adversario possidebat. ¹ hodie ¹ tamen aliter observatur: nam utriusque interdicti potestas quantum ad possessionem pertinet exaequata est, ut ille vincat et ¹ in re soli et in re mobili, qui possessionem nec vi nec clam ¹ nec precario ab adversario litis contestationis tempore detinet. ²
- 5 ¹ Possidere autem videtur quisque non solum, si ipse possideat, ¹ sed et si eius nomine aliquis in possessione sit, licet is eius ¹ iuri subiectus non sit, qualis est colonus et inquilinus: per

¹ Gai. 4, 148 ² petitori B, petitoris P, petitoris E ³ propterea quod scr. ⁴ cf. Gai. 4, 150 ⁵ Gai. 4, 153

eos quoque, apud quos deposuerit quis aut quibus commodaverit, ipse possidere videtur: et hoc est, quod dicitur retinere possessionem posse aliquem per quemlibet, qui eius nomine sit in possessione. quin etiam animo quoque retineri possessionem placet, id est ut, quamvis neque ipse sit in possessione neque eius nomine alius, tamen si non relinquendae possessionis animo, sed postea reversurus inde discesserit, retinere possessionem videtur. adipisci vero possessionem per quos aliquis potest, secundo libro exposuimus¹. nec ulla dubitatio est, quin animo solo possessionem adipisci nemo potest.
²Reciperandae possessionis causa solet interdicti, si quis ex possessione fundi vel aedium vi deiectus fuerit: nam ei proponitur interdictum unde vi, per quod is qui deiecit cogitur ei restituere possessionem, licet is ab eo qui vi deiecit vi vel clam vel precario possidebat. sed ex sacris constitutionibus, ut supra diximus³, si quis rem per vim occupaverit, si quidem in bonis eius est, dominio eius privatur, si aliena, post eius restitutionem etiam aestimationem rei dare vim passo compellitur. qui autem aliquem de possessione per vim deiecerit, tenetur lege Iulia de vi privata aut de vi publica: sed de vi⁴ privata, si sine armis vim fecerit, sin autem cum armis eum de possessione expulerit, de vi publica⁵. armorum autem appellatione non solum scuta et gladios et galeas significari intellegimus, sed et fustes et lapides. ⁵Tertia divisio interdictorum haec est, quod aut simplicia sunt aut duplicia. simplicia sunt, veluti in quibus alter actor, alter reus est: qualia sunt omnia restitutoria aut exhibitoria: namque actor est, qui desiderat aut exhiberi aut restitui, reus is, a quo desideratur, ut restituat aut exhibeat. prohibitoriorum autem interdictorum alia simplicia sunt, alia duplicia. simplicia sunt, veluti cum prohibet praetor in loco sacro vel in flumine publico ripae eius aliquid fieri (nam actor est, qui desiderat, ne quid fiat, reus, qui aliquid facere conatur): duplicia sunt veluti uti possidetis interdictum et utrubi. ideo autem duplicia vocantur, quia par utriusque litigatoris in his condicio est nec quisquam praecipue reus vel actor intellegitur, sed unusquisque tam rei quam actoris partem sustinet.

De ordine et veteri exitu interdictorum supervacuum est hodie dicere: nam quotiens extra ordinem ius dicitur, qualia

¹ 2, 9, 4
P^bE, om. *P^a*

² *Gai.* 4, 154
⁵ *Gai.* 4, 155.. 160

³ 4, 2, 1

⁴ de vi] *Θ*, si *B*, vi

‘sunt hodie omnia iudicia, non est necesse reddi interdictum, sed perinde iudicatur sine interdictis, atque si utilis actio ex causa interdicti reddita fuisset.’

XVI¹

DE POENA TEMERE LITIGANTIUM.

Nunc admonendi sumus magnam curam egisse eos, qui iura sustinebant, ne facile homines ad litigandum procederent: ‘quod et nobis studio est’. idque eo maxime fieri potest, quod temeritas tam agentium quam eorum cum quibus ageretur modo pecuniaria poena, modo iurisiurandi religione, modo metu infamiae coercetur. ‘Ecce enim iusiurandum omnibus qui conveniuntur ex nostra constitutione’³ defertur: nam reus non aliter suis allegationibus utitur, nisi prius iuraverit, quod putans se bona instantia uti ad contradicendum pervenit.’⁴ ‘at adversus instantes ex quibusdam causis dupli ‘vel tripli’ actio constituitur, veluti si damni iniuriae aut legatorum ‘locis venerabilibus’ relictorum nomine agitur. statim autem ab initio pluris quam simpli est actio veluti furti manifesti quadrupli, nec manifesti dupli: nam ex his causis et aliis quibusdam, sive quis neget sive fateatur, pluris quam simpli est actio. item actoris quoque calumnia coercetur’: ‘nam etiam actor pro calumnia iurare cogitur ex nostra constitutione. utriusque etiam partis advocati iusiurandum subeunt, quod alia nostra constitutione’⁵ comprehensum est. haec autem omnia pro veteris calumniae actione introducta sunt, quae in desuetudinem abiit, quia in partem decimam litis actorem multabat, quod nusquam factum esse invenimus: sed pro his introductum est et praefatum iusiurandum et ut improbus litigator etiam damnum et impensas litis inferre adversario suo cogatur’.

2 ⁶ ‘Ex quibusdam iudiciis damnati ignominiosi fiunt, veluti furti, vi bonorum raptorum, iniuriarum’, de dolo, ‘item tutelae, mandati, depositi’, directis non contrariis actionibus, item pro socio,’ quae ab utraque parte directa est et ob id quilibet ex sociis eo iudicio damnatus ignominia notatur. ‘sed furti quidem aut vi bonorum raptorum aut iniuriarum’ aut de dolo ‘non solum damnati notantur ignominia, sed etiam pacti, et recte: plurimum enim interest, utrum ex delicto aliquis an ex contractu debitor sit.’

¹ Cf. *Gai.* 4, 171.. 183 ² cf. *Gai.* 4, 171 ³ *Cod.* 2, 58, 2 *pr.* (a. 534?) ⁴ *Gai.* 4, 171. 173. 174 ⁵ *Cod.* 3, 1, 14 § 1 ⁶ *Gai.* 4, 182

Omnium autem actionum instituendarum principium ab ea 3 parte edicti proficiscitur, qua praetor edicit de in ius vocando: utique enim in primis adversarius in ius vocandus est, id est ad eum vocandus est, qui ius dicturus sit. qua parte praetor parentibus et patronis, item liberis parentibusque patronorum et patronarum hunc praestat honorem, ut non aliter liceat liberis libertisque eos in ius vocare, quam si id¹ ab ipso praetore postulaverint et impetraverint: et si quis aliter vocaverit, in eum poenam <solidorum quinquaginta> constituit.

XVII

DE OFFICIO IUDICIS.

Superest, ut de officio iudicis dispiciamus. et quidem in primis illud observare debet iudex, ne aliter iudicet, quam legibus aut constitutionibus aut moribus² proditum est. Et 1 ideo si noxali iudicio addictus est, observare debet, ut, <si <condemnandus videbitur dominus, ita debeat condemnare: <Publium Maevium Lucio Titio decem aureis condemno aut <noxam dedere.> Et si in rem actum sit, sive contra petito rem 2 iudicavit, absolvere debet possessorem, sive contra possessorem, iubere eum debet, ut rem ipsam restituat cum fructibus. <sed <si in praesenti neget se possessor restituere posse et sine <frustratione videbitur tempus restituendi causa petere, indul- <gendum est ei, ut tamen de litis aestimatione caveat cum <fideiussore, si intra tempus quod ei datum est non restituisset.> et si hereditas petita sit, eadem circa fructus interveniunt, quae diximus intervenire in singularum rerum petitione. illorum autem fructuum, quos culpa sua possessor non perceperit, in utraque actione eadem ratio paene fit³, si praedo fuerit. si vero bona fide possessor fuerit, non habetur ratio <consump- torum neque non perceptorum>: post inchoatam autem petiti- onem etiam illorum ratio habetur, qui culpa possessoris per- cepti non sunt vel percepti consumpti sunt. Si ad exhibendum 3 actum fuerit, non sufficit, si exhibeat rem is cum quo actum est, sed opus est, ut etiam causam rei debeat exhibere, id est ut eam causam habeat actor, quam habiturus esset, si, cum primum ad exhibendum egisset, exhibita res fuisset: ideoque si inter moras usucapta sit res a possessore, nihilo minus con- demnatur. praeterea fructuum medii temporis, id est eius,

¹ id] *PE*, om. *B* ² moribus] *PE*, a maioribus *B*, τῇ τῶν σοφῶν νομοθεσίᾳ Θ ³ fit] *B*, habetur *PE*

quod¹ post acceptum ad exhibendum iudicium ante rem iudicatam intercessit, rationem habere debet iudex. quod si neget is, cum quo ad exhibendum actum est, in praesenti exhibere se posse et tempus exhibendi causa petat idque sine frustratione postulare videatur, dari ei debet, ut tamen caveat se restitutum: quod si neque statim iussu iudicis rem exhibeat neque postea exhibiturum se caveat, condemnandus sit in id, quod
 4 actoris intererat ab initio rem exhibitam esse. Si familiae erciscundae iudicio actum sit, singulas res singulis heredibus adiudicare debet et, si in alterius persona praegravare videatur adiudicatio, debet hunc invicem coheredi certa pecunia, sicut iam dictum est², condemnare. eo quoque nomine coheredi quisque suo condemnandus est, quod solus fructus hereditarii fundi percepit aut rem hereditariam corruptit aut consumpsit. quae quidem similiter inter plures quoque quam duos coheredes
 5 subsequuntur. Eadem interveniunt et si communi dividundo de pluribus rebus actum fuerit. quod si de una re, veluti de fundo, si quidem iste fundus commode regionibus divisionem recipiat, partes eius singulis adiudicare debet et, si unius pars praegravare videbitur, is invicem certa pecunia alteri condemnandus est: quod si commode dividi non possit, vel homo forte aut mulus erit de quo actum sit, uni totus adiudicandus est et
 6 is³ alteri certa pecunia condemnandus. Si finium regundorum actum fuerit, dispicere debet iudex, an necessaria sit adiudicatio. quae sane uno casu necessaria est, si evidentioribus finibus distingui agros commodius sit, quam olim fuissent distincti: nam tunc necesse est ex alterius agro partem aliquam alterius agri domino adiudicari. quo casu conveniens est, ut is alteri certa pecunia debeat condemnari. eo quoque⁴ nomine dammandus est quisque hoc iudicio, quod forte circa fines malitiose aliquid commisit, verbi gratia quia lapides finales furatus est aut arbores finales cecidit. contumaciae quoque nomine quisque eo iudicio condemnatur, veluti si quis iubente iudice metiri
 7 agros passus non fuerit. Quod autem istis iudiciis alicui ad iudicatum sit, id statim eius fit cui adiudicatum est.

¹ quod] *P*, qui *BE*: καὶ τοὺς καρπὸν δὲ τοῦ μέσου χρόνον, τοῦτο-
 ται τοὺς μετὰ προκαταρξίν μέχρι καταδίκης Θ, quod viz recedit a nostra
 lectione ² 4, 6, 20 ³ is] *B*, is invicem *PE* ⁴ quoque] *PE*, que *B*

XVIII¹

DE PUBLICIS IUDICIIS.

Publica iudicia neque per actiones ordinantur nec omnino quicquam simile habent ceteris iudiciis, de quibus locuti sumus, magnaue diversitas est eorum et in instituendis et in exercendis. Publica autem dicta sunt, quod cuivis ex populo exsecutio eorum plerumque datur. Publicorum iudiciorum quaedam capitalia sunt, quaedam non capitalia. capitalia dicimus, quae ultimo supplicio addiunt vel aquae et ignis interdictione vel deportatione vel metallo: cetera si qua infamiam irrogant cum damno² pecuniario, haec publica quidem sunt, non tamen capitalia.

Publica autem iudicia sunt haec. lex Iulia maiestatis, quae³ in eos, qui contra imperatorem vel rem publicam aliquid moliti sunt, suum vigorem extendit. cuius poena animae amissionem sustinet et memoria rei et post mortem damnatur. Item lex Iulia de adulteriis coercendis, quae non solum temeratores alienarum nuptiarum gladio punit, sed etiam eos, qui cum masculis infandam libidinem exercere audent. sed eadem lege Iulia etiam stupri flagitium punitur, cum quis sine vi vel virginem vel viduam honeste viventem stupraverit. poenam autem eadem lex irrogat peccatoribus, si honesti sunt, publicationem partis dimidiaae bonorum, si humiles, corporis coercionem cum relegatione. Item lex Cornelia de sicariis, quae⁵ homicidas ultore ferro persequitur vel eos, qui hominis occidendi causa cum telo ambulant. telum autem, ut Gaius noster in³ interpretatione legis duodecim tabularum⁴ scriptum reliquit, vulgo quidem id appellatur, quod ab arcu mittitur: sed et omne significatur, quod manu cuiusdam mittitur: sequitur ergo, ut et lapis et lignum et ferrum hoc nomine contineatur. dictumque ab eo, quod in loginquum mittitur, a Graeca voce figuratum, ἀπὸ τοῦ τηλοῦ: et hanc significationem invenire possumus et in Graeco nomine: nam quod nos telum appellamus, illi βέλος appellant ἀπὸ τοῦ βάλλεσθαι. admonet nos Xenophon⁵. nam ita scripsit: καὶ τὰ βέλη ὁμοῦ ἐφέρετο, λόγχα, τοξεύματα, σφενδόνας, πλείστοι δὲ καὶ λίθοι⁶. sicarii autem

¹ Cf. Dig. 48, 1 ² infamiam (-mia A^u) i. cum damno] A^u P^u E^u Θ, vel inf. i. c. d. B, vel dampnum vel infamiam i. cum damno A¹, vel dampnum vel infamia i. A¹⁹ ³ in] A om. rel. ⁴ Dig. 50, 16, 233 § 2 ⁵ Anab. 5, 2, 14 ⁶ id est: et tela simul mittebantur, hastae, sagittae, fundae, permulti et lapides

- 'appellantur a sica, quod significat ferreum cultrum. eadem
 'lege et venefici capite damnantur, qui artibus odiosis, tam¹
 'venenis vel susurris magicis homines occiderunt vel mala
 6 'medicamenta publice vendiderunt. Alia deinde lex asperrimum
 'crimen nova poena persequitur, quae Pompeia de parricidiis
 'vocatur. qua cavetur, ut, ²si quis parentis aut filii aut omnino
 'adfectionis eius, quae nuncupatione parricidii continetur, fata
 'properaverit, sive clam sive palam id ausus fuerit, nec non is,
 'cuius dolo malo id factum est, vel conscius criminis existit,
 'licet extraneus sit, poena parricidii punietur et neque gladio
 'neque ignibus neque ulla alia sollemni poena subicietur, sed
 'insutus culleo cum cane et gallo gallinaceo et vipera et simia
 'et inter eius ferales angustias comprehensus, secundum quod
 'regionis qualitas tulerit, vel in vicinum mare vel in amnem
 'proiciatur, ut omni elementorum usu vivus carere incipiat et³
 'ei caelum superstiti, terra mortuo auferatur. si quis autem
 'alias cognatione vel adfinitate coniunctas personas necaverit,
 7 'poenam legis Corneliae de sicariis sustinebit⁴. Item lex Cor-
 'nelia de falsis, quae etiam testamentaria vocatur, poenam irro-
 'gat ei, qui testamentum vel aliud instrumentum falsum scrip-
 'serit signaverit recitaverit subiecerit quive signum adulterinum
 'fecerit sculpsit expresserit sciens dolo malo. eiusque legis
 'poena in servos ultimum supplicium est⁵, quod et in lege de
 8 'sicariis et veneficis servatur, in liberos vero deportatio. Item
 'lex Iulia de vi publica seu privata adversus eos exoritur, qui
 'vim vel armatam vel sine armis commiserint. sed si quidem
 'armata vis arguatur, deportatio ei ex lege Iulia de vi publica
 'irrogatur: si vero sine armis, in tertiam partem bonorum
 'publicatio imponitur. sin autem per vim raptus virginis vel
 'viduae vel sanctimonialis vel aliae fuerit perpetratus, tunc et
 'peccatores et ei, qui opem flagitio dederunt, capite puniuntur
 'secundum nostrae constitutionis⁶ definitionem, ex qua haec
 9 'apertius possibile est scire. Lex Iulia peculatus eos punit, qui
 'pecuniam vel rem publicam vel sacram vel religiosam furati
 'fuerint. ⁷sed si quidem ipsi iudices tempore administrationis
 'publicas pecunias subtraxerunt, capitali animadversione puniun-
 'tur, et non solum hi, sed etiam qui ministerium eis ad hoc
 'adhibuerunt vel qui subtracta ab his scientes susceperunt: alii

¹ tam] *AE*, *om. B*, tam .. magicis *om. R* ² si quis .. auferatur
ex Cod. 9, 17, 1 ³ et] *RA*, ut *B Cod.* ⁴ sic *P*, subsistit *RB*, sub-
 stituetur *A* ⁵ est] *E*, et *R*, *om. AB* ⁶ *Cod.* 9, 13, 1 ⁷ sed ... sus-
 ceperunt] *conf. Cod.* 9, 28, 1

¶vero, qui in hanc legem inciderint, poenae deportationis subiugentur¹. Est inter publica iudicia lex Fabia de plagiaris, 10
¶quae interdum capitis poenam ex sacris constitutionibus irrogat, interdum levio-rem. Sunt praeterea publica iudicia lex 11
¶Iulia ambitus et lex Iulia repetundarum et lex Iulia de annona
¶et lex Iulia de residuis, quae de certis capitulis loquuntur et
¶animae quidem amissionem non irrogant, aliis autem poenis
¶eos subiciunt, qui praecepta earum neglexerint.

¶Sed de publicis iudiis haec exposuimus, ut vobis possibile 12
¶sit summo digito et quasi per indicem ea tetigisse. alioquin
¶diligentior eorum scientia vobis ex latioribus digestorum sive
¶pandectarum libris deo propitio adventura est.

¹ sic B, subiguntur A, subiunguntur B

INDEX TITULORUM

- De actionibus IV, 6
- De ademptione legatorum II, 21
- De l. adgnatorum successione III, 2
- De l. adgnatorum tutela I, 15
- De adoptionibus I, 11
- De adquisitione per adrogationem III, 10
- De adsignatione libertorum III, 8
- De l. Aquilia IV, 3
- De Atiliano tutore vel eo qui ex lege Iulia et Titia dabatur I, 20
- De auctoritate tutorum I, 21
- De honorum possessionibus III, 9
- De capitis deminutione I, 16
- De SC. Claudiano III, 12
- De codicillis II, 25
- De grad. cognationis III, 6
- De succ. cognatorum III 5
- De consensu obligatione III, 22
- De curatoribus I, 23
- De obl. q. ex delicto nascuntur IV, 1
- De divisione stipulationum III, 18
- De donationibus II, 7
- De duobus reis stipulandi et promittendi III, 16
- De emptione et venditione III, 23
- De eo cui libertatis causa bona addicuntur III, 11
- De exceptionibus IV, 13
- De excusationibus tutorum vel curatorum I, 25
- De exheredatione liberorum II, 13
- De l. Falcidia II, 22
- De fideicommissariis hereditatibus II, 23
- De fideiussores III, 20
- De fiduciaria tutela I, 19
- De l. Fufia Caninia sublata I, 7
- De gradibus cognationis III, 6
- De u. et habitatione II, 5
- De heredibus instituendis II, 14.
- De hereditatibus quae ab intestato deferuntur III, 1
- De heredem qualitate et differentia II, 19
- De his, per quos agere possumus IV, 10
- De his qui sui vel alieni iuris sunt I, 8
- De ingenuis I, 4
- De iniuriis IV, 4
- De inofficioso testamento II, 18
- De interdictis IV, 15
- De inutilibus stipulationibus III, 19
- De iure naturali gentium et civili I, 2
- De iure personarum I, 3
- De iustitia et iure I, 1
- De legatis II, 20
- De lege Aquilia IV, 3
- De lege Falcidia II, 22
- De lege Fufia Caninia sublata I, 7
- De legitima adgnatorum successione III, 2
- De legitima adgnatorum tutela I, 15
- De legitima parentum tutela I, 18
- De legitima patronorum tutela I, 17
- De libertinis I, 5
- De litterarum obligatione III, 21
- De locatione et conductione III, 24
- De mandato III, 26
- De militari testamento II, 11
- De noxalibus actionibus IV, 8
- De nuptiis I, 10
- De obligationibus III, 13
- De obligationibus quae ex delicto nascuntur IV, 1
- De obligationibus quae quasi ex delicto nascuntur IV, 5
- De obligationibus quasi ex contractu III, 27

- De officio iudicis IV, 17
 De SC. Orfitiano III, 4
 De patria potestate I, 9
 Si quadr. pauperiem fecisse dicitur IV, 9
 De perpetuis et temporalibus actionibus et quae ad heredes vel in heredes transeunt IV, 12
 Per quas personas nobis acquiritur II, 9
 Per quas personas nobis obligatio acquiritur III, 28
 De poena temere litigantium IV, 16
 De publicis iudiciis IV, 18
 De pupillari substitutione II, 16
 Qui dari tut. testam. possunt I, 14
 Qui quibus ex causis manumittere non possunt I, 6
 Quibus alienare licet vel non II, 8
 Quibus modis ius potestatis solvitur I, 12
 Quibus modis oblig. tollitur III, 29
 Quibus modis re contrahitur obligatio III, 14
 Quibus modis testamenta infirmantur II, 17
 Quibus modis tutela finitur I, 22
 Quibus non est permissum testamenta facere II, 12
 Quod cum eo, qui in aliena potestate est, negotium gestum esse dicitur IV, 7
 De rebus incorporalibus II, 2
 De replicationibus IV, 14
 De rerum divisione II, 1
 De satisfactionibus IV, 11
 De satisfactione tutorum vel curatorum I, 24
 De senatus consulto Claud. III, 12
 De senatus consulto Orfitiano III, 4
 De senatus consulto Tertulliano III, 3
 (De servili cognatione III, 6, 10)
 De servitutibus II, 3
 De servorum stipulatione III, 17
 De singulis rebus per fideicommissum relictis II, 24
 Si quadrupes pauperiem fecisse dicitur IV, 9
 De societate III, 25
 De stipulatione servorum III, 17
 De p. substitutione II, 16
 De v. substitutione II, 15
 De successione cognatorum III, 5
 De successione libertorum III, 7
 De successione sublati, quae fiebant per bonorum venditionem et ex SC. Claudiano III, 12
 De suspectis tutoribus et curatoribus I, 26
 De SC. Tertulliano III, 3
 De testamentis ordinandis II, 10
 Q. m. testamenta infirmantur II, 17
 De tutelis I, 13
 De verborum obligatione III, 15
 De e. et venditione III, 23
 Vi bonorum raptorum IV, 2
 De usucapionibus et longi temporis possessionibus II, 6
 De usu et habitatione II, 5
 De usu fructu II, 4
 De vulgari substitutione II, 15



